

II

A



H

BEZZE (1.) in CANTICUS
Homiliae XXI, *thk. sm.*
"In thi the fashion of
Lov condemned
thos ane."—Lowndes

Complete
32.

4/—

XIV

LIST 343157

Boza

8053 86

Bra

M 14 853

I N
CANTICVM
CANTICORVM SO-
LOMONIS HOMILIÆ
TH. BEZÆ.

In quibus præcipuæ de vero Christo & vera
Ecclesia controuersia nostris temporibus
agitata ex Dei verbo exponuntur.

Ex gallicis à N. latina facta.

SAPIENTER AGAS



EXCVDEBAT
Johannes le Preux.
M. D. LXXXVII.

МѢСЯЦА

Digitized by the Internet Archive
in 2011 with funding from
Duke University Libraries

160A 22000 VC72

Index

E X C V D E B A T

Johnston de Penn.

T. R.
B574

FIDIS DEI SERVIS, ET

TVM IN VRBE, TVM IN TERRITORIO Geneuensi, sancti Euangelij Ministris, fratribus ac collegis obseruandis, THEODORVS BEZA gratiam & pacem à Deo Patre, & Domino nostro Iesu Christo.



Ortantibus vobis, obseruandi Fratres, ut (quod adhuc nemo ex illis beatae memoriae & excellenti doctrina praestantissimis fratribus tentauit, in quorum labores successimus) Canticum illud Solomonis in Ecclesia interpretarer: etsi mihi non deerant iustissima illius oneris recusandi causa: obtemperavi tamen, eius insigni misericordia fretus, quo auctore in Ecclesia loqui non tantum audemus, verum etiam tenemur. Nec enim aut vos, aut me latebat eius carminis, utpote penitus allegorici, obscuritas: tanta quidem illa ut ab omni aeo apud Iudeos solis iam adultis & ad haec percipienda idoneis hominibus legi consueuerit. Est enim certe allegoriarum interpretatio valde incerta, & in qua facile ineptire, atque adeo (non absque rei tam sacrae humanis commentis polluenta periculo) hallucinari possit quisquis animum valde religiosum, & in sacrorum lectione exercitatum, ad earum interpretationem, (an diuinationem potius dixerim?) non attulerit. Est enim illarum veluti latissime

EPISTOLA.

patens campus in quo excurrere facile cuius liceat, nisi quis sese intra diuini verbi metas sollicitè ac penè pauidè contineat. Cōstat præterea nō defuisse iampridem, quos illi blandi & amatorij inter eos qui in hoc Cantico introducuntur coniuges habitui mutui sermones, eò usque offenderint (& quidem immeritò) ut alij quidem hunc libellum ut prophanum & ab insano Salomone scriptum censuerint expungēdum: alij verò paulò equiores, ut illum damnare non sint ausi, tamen publicè exponi utiliter non posse existimarint. Harum igitur difficultatum vel minima, facile me ab amplectendo vestro cōsilio deterruisset, nisi plus apud me pōderis habuisset, tum illius hortationis vestre auctoritas, tum etiam multò magis ea quam dixi de Opt. Max. Dei benignitate fiducia: accedente præsertim maximorum tum Græcorum, tum Latinorum Theologorum iudicio, qui tantum ab eo abfuerunt, ut an hic liber esset in canone scriptura retinendus dubitarent, ut etiam passim illum commendare, imò inter monachos quoque interpretari, laboriosissimis denique commentariis illustrare non sint veriti. Ad me quidem quod attinet quamuis perexiguum sit quicquid ad huius Cantici interpretationem cōtuli, prout diuinorum in eo comprehensorum mysteriorum maiestas requirit: gaudeo tamen quod hīc quoque sūm vobis obsequutus. Magnam enim inde consolationem ex istarum rerum meditatione percepi. Et meum hunc laborem, coniecturam inde facio, neque inutilem neque iniucundum auditorum cœtui fuisse, quòd à me non pauci con-

tende-

EPISTOLA.

tenderunt, ut, contra meum morem, quæ fueram publicè concionatus, domi, quoad eius fieri posset, recognita perscriberem: quo labore tum erudiri, tum etiam confirmari non paucos posse considerēt, in ijs præsertim cōtrouersis quæ nunc præcipuè de veri & falsi Christi discrimine, & de vera Ecclesia ab adulterina discernenda notis, agitur. Hūc enim spectasse me fateor in hac ferè tota huius Cantici explicatione. Et, nisi vehementer fallor, fuit hic Solomoni præcipuus in hoc libro propositus finis, in quo graphice prorsus nobis, tum huius Sponsi (id est veri Christi) proprias, ac ut ita loquar, formales qualitates depingit, tum huius Sponse, (veræ videlicet Ecclesiæ) natuum & expressum veluti vultum oculis penè nostris subiicit. Sed ecquis tandem magni Solomonis istius Sapientiæ sicuti meretur animo complecti queat? & ut à quopiam istud præstari posse demus, quisnam vim illam eloquentiæ inimitabilis representare se satis posse existimauerit, qualis & quanta fuit, in isto tam arduorū mysteriorū longè diuinissimo interprete? Sunt tamen ista certè scripta nō ut sepulta delitecant, vel adorentur non intellecta, sed ut in Ecclesia Christiana explicentur, intelligantur, ad usum denique suum applicentur. Quod si tempus unquam ullum fuit in quo foret istarum rerum explicatio necessaria, hoc illud ipsum est in quo nunc versamur, eo planè hominum genere, si unquam aliàs refertum, quorum in veritate sophisticis præstigiis adulteranda, incredibilem audaciam, & impudentissimam impro-

EPISTOLA.

bitatem animaduertimus. Confido igitur futurum
 ut nullos veritatis amantes, aut vestri consilij, aut
 mei obsequij pœniteat : qua in re si passa non est
 ingenij & iudicij mei imbecillitas ut vestra &
 auditorum expectationi satisfacerem, spero ta-
 men fore ut & rectæ conscientie & alicuius dili-
 gentiæ testimonium à vobis non inuitis obtineam;
 minimè certè recusans, ut in ceteris etiam omni-
 bus, sic etiam in hoc meo qualicunque scripto
 quod hic vobis offero, vestri iudicij censuram su-
 bire: reliqua fortasse recogniturus, si d'fficillima
 & negotiosissima hac tempora patiantur, & v-
 tilem Ecclesiis hanc nostram operam futuram
 censueritis. Quod superest, venerandi fratres &
 collega, Deum Opt. Max. quanta fieri potest a-
 nimi contentione precor, ut vos omnes suis illis
 donis ad sacrosanctum istud obeundum munus
 necessariis magis ac magis cumulet, & quidem
 in primis ut nos, sicut adhuc pro bonitate singu-
 lari sua fecit, in eiusdem veritatis in hac Eccle-
 sia Geneuēsi nobis cōmissæ sensu & professione cō-
 iunctissimos foueat. Mei denique curriculi quic-
 quid superest velim etiā atque etiā ut vestris pre-
 cib⁹ Domino cōmendetis, ut inoffenso cursu in por-
 tum appellere, & feliciter prouehi tandem ali-
 quando mihi quoque concedatur. Geneue, 20.
 Augusti, Anno ultimæ Dei patientiæ, 1586.

Vester in opere Domini
 syncerus frater & collega
 Theodorus Beza.

ARGVMENTVM PSALMI

ET PSALMVS IPSE 45. QVI EST
libri huius Solomonis Câtici Can-
ticorum tanquam summa.

Totus hic Psalmus merè est allegoricus & eiusdem
prorsus argumêti atque Canticum Canticorum:
neque iis assentiri pessum qui *ἰμιδαλάμιον* esse pu-
tât, id est, nuptiale carmen Solomonis & filiæ Pharao-
nis. Præterquàm enim quòd inscriptio Hebraica id nō
prætermisura fuerat, video matrimonium illud diser-
tè, & meritò quidem, damnari à Spiritu sancto, 1. Reg.
11. vt perabsurdum mihi videatur id existimare fuisse
tantæ rei typum. Describitur autem in eo diuinissimè
spiritualis illa copulatio Christi & Ecclesiæ, allegoria
à matrimoniis communibus sumpta, quam sæpe po-
stea illustrarūt Prophete, & Paulus ipse Rom. 7. 2. Cor.
11. & Eph. 5. Sed obseruandum est sicut in coniugiis hu-
manis primùm sponsalia contrahuntur, deinde nuptiæ
celebrantur: sic Christum Sponsum Ecclesiæ confide-
rari in duplici quodammodo statu, nempe infirmita-
tis, quam possumus cum sponsalibus cōparare, & glo-
riæ, quam à resurrectione adeptus est, verus nunc &
gloriosus Ecclesiæ, etiam aliquatenus in terris adhuc
hærentis, Maritus: in hoc autē Psalmo proponi vt glo-
riosum & qui nuptias ipsas nobiscum inierit. Christus
igitur est Rex ille Ecclesiæ Maritus, quo certè nihil est
pulchrius, vt qui omni labe careat. Quæ sit autem eius
suadela vis, nō tantùm in alliciendis, sed etiam in mu-
tandis hominum animis, apparet ex Euangelij prædi-
catione ac virtute inenarrabili. Idem quatenus Homo
accepit spiritum non ad mensurā, sed quàm abundan-
tissimè, adedò vt in omnes Sanctos redundet. Additur ei
gladius quem non ostendet velut *εἰς ὄλον* sed quem
etiam distringat, illum nimirum penetrantem ad diui-
sionem animæ & spiritus. Itémque sagittis est munitus
quibus

A R G V M E N T V M.

quibus hostes omnes suos transfigit, unde summa laus ei & præstantia tum in seruandis suis, tum in frangendis superbis, optimo iure debetur. Itaque inducitur postea quasi tribus equis inuectus, Veritate videlicet, Mansuetudine, & Iustitia, quæ à Verbo tanquam Auri-ga regantur: cui diuinissimæ allegoriæ explicandæ pro rei gravitate ac dignitate, integro volumine opus esset. Verum ex antithesi potest hoc summatum intelligi: si quis videlicet consideret quibus contra consueuerint non equis sed truculentissimis bestiis inuehi Reges ac Principes spiritui contrario obsequentes, videlicet ambitione, fastu, ferocia, crudelitate, luxu, & horrèda subiectorum oppressione: & valde obseruandum est, quod adiecit, nempe utcumque mundus hoc iustissimum simul & moderatissimum Imperium detrectet, Regem tamen iustum prosperè omnia gerere. Et quò magis illi obstititur, eò magis potentiam suam ostendere, tum in illa suorum tam iusta tamque secunda defensione, tum in hostibus suis diuina virtute intus lethaliter vulneratis: quum eos videlicet in reprobum sensum tradit, ut sint suæ ipsorum perniciiei organa. Hæc autem omnia etsi quotidie accidunt, Rege isto omnes suos electos tutante ne quis ex iis pereat, & hostes suorum prout libuit vlciscente: tamen insigniter apparuit in ipso istarum nuptiarum re ipsa celebratarum initio: quod hinc innui videtur, quum de ingrata Synagoga horribiles pœnas sumpsit, quæ etiam hodie perseverant, seruatis tamen electorum reliquiis, peculiari quadam erga genus Abraham, tam rebelle, misericordia. Hac autem parva victoria Rex iste in suo solio collocatur quod æternum esse dicitur, ut significetur ex hoc mundo non esse: non modò quoniam, ut inquit Solomò, Iustitia stabilis thronum Regis, sed quia Rex ille simul verus & æternus Deus, & verus est Davidis filius secundum carnem, cui etiam quatenus Homo est, omnis in cœlo & in terra potestas data est supra omne Nomen collocato, sicut citatur iste versiculus sextus Heb. 1.8. ut neque plures sint Reges (quum vnica vxor plures non possit habere maritos) neque rursum ipse

A R G V M E N T V M .

sic Deus esse intelligatur, vt non sit Homo (quoniam alioqui non esset cōueniens huius Ecclesię quę ex hominibus constat Maritus) neque sic Homo, vt non sit Deus. verus & æternus, quoniam alioqui satis potētem Maritum Ecclesia non haberet. Subiicitur postea istius Regni, Ecclesię videlicet, sanctissima gubernatio. Nā sola Ecclesia regitur vera iustissimę moderationis in singulis publicis ac priuatis vocationibus norma, quū ibi demum regnet Spiritus Dei, iudicium piorum informans, & eorum affectus gubernans. Huius autem dicti ratio quę adiicitur maximi est ponderis, quod videlicet Rex iste, tum quod ad ipsam personam, tum quod ad diuina dona attinet, sit vnctus prę conforti-
bus suis, id est, ex reliquorum Regum numero eximē-
dus. Nam pręstantissimi quique Reges, & ipse quoque David multis magnisque vitiis laborarunt, in hoc autem Rege nihil prorsus desiderari potest. Quę denique de ipsius pretiosissimo vestitu dicuntur, pertinent partim ad illam Patris ipsius vocem, *ὁ ὡς ἐνδοκμοσ*, qua significatur nostri Immanuelis tum personali integritate tum obedientiæ vique ad mortem crucis fragrantissimo odore Patrem nobis fuisse reconciliatum: partim verò ad illud Apostoli dictum 2. Cor. 2. 14. Christi bona fragrantia sumus, vt qui sit nobis factus Sapientia, Iustitia, Sanctificatio & Redemptio. 1. Cor. 1. 30. idque ex tabernaculis eburneis, cælesti videlicet sede ex qua nos respicit, & hæc omnia, immò etiā seipsum, in nos quodammodo instillat.

Hanc Mariti Regis descriptionem sequitur Ecclesię Coniugis ipsius, & Regiarum nuptiarum absolutissima descriptio, in qua adiunguntur Israelitis sanctis (qui Reginę personam sustinent) alię, filiæ & ipsę Regum, eius comites, quę omnes vni Marito addictę sustinēt quidem Vnicę Catholicę Ecclesię Personam: sed tamen ab illa tāquam Principe vxore distinguuntur: quoniam videlicet sanctorum Iudæorum, Prophetarum & Apostolorum ac cæterorum naturalium ramorum priores sunt partes, à quibus etiam in illum Regis thalamum sumus perducti, cuius auro ac splendore ipsi quoque

A R G V M E N T V M.

quoque refulgemus. Sed illud inprimis obseruandum est quòd hæc omnia ornāmēta istę Reginę non ex suis *κειμήλις* dicuntur desumpsisse, sed à Rege ipso accepisse, vt omnia illius benignitati accepta ferantur, qui nuditatem nostram texerit, ac proinde veram illam demum Catholicam habendam Ecclesiam, quæ sola Christi iustitia gratis imputata incedat cum suis comitibus coronata: quanquam iustitiam illam altera quoque consequatur in nobis inchoata, & filios lucis à filiis tenebrarum distinguens, quod simili allegoria adumbratur ab ipso Christo, Matth. 22.

His expositis quibus vniuersa penè salutis nostrę mysteria continentur, conuertit sermonem Propheta ad ipsam Ecclesiam vel singula potiùs eius membra, adhortans illam vt magis ac magis sese approbare studeat Marito à quo tantoperè diligatur: simulque ostēdit quānam id ratione sit consecutura: nempe si illum diligentèr audiens (est enim fides ex auditu sine qua placere Deo nequimus) & ad illum conuersa, (id est, ipsius voluntatem in legis speculo assiduè intuens) omnes corruptelas tum sibi ingenas, tum à maioribus acceptas, tum longa consuetudine confirmatas, abiciat, vt Vni huic Marito tanquam Capiti ac Domino magis ac magis discat obtemperare. Subiicitur adhortatio prima illa nascentis in Iudæa Ecclesię Christianę incunabula respiciens. Tum enim quā tenuis, e-gens, & calamitosa fuerit Ecclesia secundum carnem, nempe centum viginti capitum duntaxat, & ex pauperculis cōstans, ex historia ipsa cognosci potest. Illam igitur solatur, prædicens fore vt tandem ipsi quoque Tyrij (quo nomine gentes, & quidem comprehensis ipsis quoque magnatibus, intelligit) sese illis adiungant: sed ita vt admoneat omnem illum splendorem de quo egerat, & qui sit omnibus quātumuis pretiosis ornamentis Reginarum omnium infinitè excellentior, internum esse, ac nunc quidem carnis oculis non patēre, sed tamē suo tempore, in Regina & toto ipsius gynæceo tam splendidum appariturum, vt omnium captum superet: tunc videlicet, quum Christo, vt ait

A R G V M E N T V M.

Apostolus, occurremus, & perpetuò cum ipso erimus, palatium eius ingressi. Sed quid, inquires, fiet interea? nempe gignet hæc Regina filios suo Marito, eosque omnes instar maiorum illorum suorum, cuiusmodi veteres illi Patriarchæ fuerunt, eximios, & per orbem terrarum veros Reges, domitis videlicet Satana, peccato & morte, ac se ipsis, regnatorios. Ex quibus efficitur sempiternum hoc coniugium futurum.

Eiusdem Psalini quadragesimiquinti

P A R A P H R A S I S.

I N T E R P R E T A T I O.

AEstuat animus usque adeò ut erumpere sit prorsus necesse quod intus accepit, magnificum videlicet de Rege & quidem ipsi Regi consecratum carmen, idque tanto cum ardore ut nullus calamus videatur loquentis vocem assequitur.

Tu certè pulcerrimus es hominū & inest labellis tuis facundia & suadela incōparabilis. Deus enim te præ cæteris quàm benignissimè donis istis omnibus, & quidem nunquam tibi auferendis, exornauit.

Prodi agedum gladio illo tuo accinctus, Heros fortissime, & decus illud tuum maiestatis plenum conspiciendum præbe.

Prodi, inquam, prosperrimè gesturus omnia, triumphali curru inuectus, Verbo quidè ceu aurga illū regēte, quē Veritas, Mā suctudo, & Iustitia trahāt: O quā magna & quā admirāda viribus istis cōfecturū te video.

1 Bullit cor meum verbum bonum: dixi ego, opera mea ad Regem spectant: lingua mea erit calamus scribæ velocis.

2 Pulcer es præ filiis hominū, diffusa est gratia in labiis tuis: eò quòd benedixit tibi Deus in æternum.

3 Accingere gladio tuo super femur, ò Heros: decore & gloria.

4 Et decore tuo prosperè age: equita super verbum veritatis & mansuetudinis & iustitiæ: docebit te terribilia dextera tua.

Nec enim defuturi sunt, ô Rex qui tibi obsistat. Sed te vicissim armatum sagittis præacutis cōspicio, quibus hostium pectora transfodias, atque ad eò populos totos disicias.

Solium enim tuum, Deus, ipsa etiam perennitate perēnius est; & ut nihil est tuo imperio firminus, ita tibi sceptrum est ipsa rectitudo.

Amas enim iustitiam, & quicquid ei adversatur, odisti. Nam ô Deus Rex ille noster, omnem in te benignitatem effudit Deus verē tuus, ut nemo sit hominum qui comparari tecum possit.

Extrinsecus verò te ex palatiiis eburneis prodeūte sese suavisissimus odor effundit vestium tuarū, quibus nihil fragrantius esse possit: ideoque certatim omnes ad te gratulabundi concurrunt.

Adsunt & filie Regum tuis muneribus ornatae, inter quas adstat tibi ad dexteram assidēs Regina, coronam ex auro obrisogestans.

Audi igitur filia, considera diligenter, cui Marito sis adiuncta, disce ex illo ipso quid ex te requirat, tuæ gentis, ac paternæ domus, cæterorum denique oblita, quum in potestatem & familiam huius Mariti trāseris.

Sic futurum est ut illi magis ac magis gratiosa evadās: cui uni ut Domino tuo subiiciaris

5 Sagittæ tuæ sunt acutæ, populi sub te cadent: in cor inimicorū huius Regis cadēs.

6 Solium tuum, Deus, stabit in seculū: virga sceptrum rectitudinis sceptrū regni tui.

7 Diligis iustitiam & odio habes iniquitatem, quoniam vnxit te, Deus, Deus tuus oleo exhilarationis, præ participibus tuis,

8 Myrrha & aloë, cassia, sunt omnia vestimenta tua, ex palatiis tuis eburneis deproprie vnde tibi gratulentur omnes.

9 Filie Regum adsunt ornatae tuo mūdo: adstat coniux ad dexteram tuam auro coronata.

10 Audi filia, & vide, & inclina aurem tuam, & obliuiscere populi tui, & domus patris tui.

11 Et concupiscet Rex decorem tuum: quoniam hic est Dominus

PSALM. XLV.

oportet.

Erīs autē viciſſim peregrinis etiam populis venerabilis, quorum opulentiſſimi quique te reueriti amicitiam tuā expetent.

Sed intus inprimis & apud maritum ornaſſima ſedebis, tota veſtibus auro intertextis amiſta.

Tali igitur tamque pretioſo habitu exornata Regi ſiſtēris, virginibus ſociis tecum ad Regem pergentibus comitata:

Donec unā omnes maxima cū letitia & applauſu palatium ingrediamini.

Hic filios quos Marito peperis, videbis florentes, nec clariſſimis illis maioribus tuis inferiores, per orbis terrarū provincias regnatuſuros.

Tuum igitur Nomen, ô Rex, perpetuis ætatibus commemorabo, & mecum tibi populi nullis unquam ſæculis deſinras laudes canent.

tuus, & adorabis eū.

12 Filiaſ autem Tyri, ditiffimi quique, cū munere vultum tuū deprecabuntur.

13 Tota glorioſa eſt filia regis intrinſec⁹: & veſtib⁹ auro intertextis indumētum eius.

14 Cum veſtibus acupictis adducetur Regi: virginēs poſt eam ſociæ eius adducentur tibi.

15 Adducētur in lætitiis & exultatione: ingredientur palatium regis.

16 Pro patribus tuis erunt filii tui: conſtitues eos principes in vniuerſa terra.

17 Celebre reddā Nomen tuum in omni generatione & generatione: propterea populi cōfitebūtur tibi in ſeculū & perpetuū.



Idem Psalmus quadragesimus quintus, versibus expresſus.

- 1 **E**N gravidò ebullit ructatum pectore cårmen;
Rex, tibi ſacratae laudes: Tu ſcriba citata
Fac calamus linguæ properantia verba ſequatur.
- 2 Huc ades ô hominum pulcherrime, cuius inundâs
Infedit penitus mellis ſuada labellis,
Quem beat æternis Patris indulgentia donis.
- 3 Prodi agedum ferro accinctus, Fortiſſime Regum,
Ore decus toto oſtentans, quem gloria totum
Cingit, & æterno exornat ſplendore coruſcum.
- 4 Te curru aurato Verum luſtũque ſedentem
Ecce vehunt: trahit alma tuas Clementia bigas:
- 5 Nec te impunè tamen quiſquam deriſerit hoſtis,
Quin te terribilem potius vultũque manũque
Sentiet ima tuis tranſfixus corda ſagittis,
Et populos magna calcabis ſtrage ſuperbos.
- 6 Quinetiam æternum ſolium tibi contigit iſtud,
O Deus, ô recto ſceptrum moderamine tractans,
- 7 Iuris amans ſcelerũque hoſtis. Te ſcilicet unxit
Præ ſociis Deus, ille tuus Deus, omnibus unum.
- 8 Prodi age, téque procul thalamo dum egreſſus eburno
Gratantum voces inter procedis, euntem
Myrrhæ, aloes caſtæ prodant fragrantis odores.
- 9 Ecce tibi Regum natæ ſamulantur ouantes,
Quas inter Coniux longè pulcherrima cunctas,
Ad dextram reſidet gemmis auroque coruſcans.
- 10 At tu audi virgo, vide & audi ſingula: namque
Et patria, & domus eſt tibi dediscenda parentum.
- 11 Tu noſtri nunc Regis amor, quem caſta Maritum
- 12 Ac Dominum venerêre. Tibi ſua munera diues
Ecce Tyrus, diſesque ferunt ad limina quique,
Reginæ vultus auidi ſpectare beatos:
- 13 Nec modò tu ſpecioſa foris. Pars maxima longè
Intus opum decoriſque tui. Hic tot Regibus ipſa
Nata atavis Regina, auro gemmiſque rigentem
- 14 Pallam induta ſedes: hinc vultus Regis ad ipſos,

PSALM. XLV.

- Arte laborato splendens velamine tota,
 Progredieris, Dominam comites quam mille sequuntæ,
 Hinc atque hinc circum effusæ glomerantur euntem.
 Lætitiæ festoque sonant lætè omnia plausu,*
- 15 *Tèque tuasque simul donec sublimia tandem
 Obuius excipiat Rex intra tecta receptas.*
- 16 *Hinc tibi progenies, ô Rex, nascetur auorum
 Quæ genus & mores referat, surgentque nepotes
 Quos mundus Reges deinceps subiectus adoret.*
- 17 *Sic te perpetuis dicam, Rex inclyte, seclis,
 Tèque omnes mecum memorabunt undique gentes.*



* Y 12-3448

THE
LIBRARY
OF THE
MUSEUM
OF
COMPARATIVE ZOOLOGY
AND
ANATOMY
HARVARD UNIVERSITY
CAMBRIDGE, MASS.



IN
CANT. CANTICORVM
SOLOMONIS, HOMELIÆ.

Precatio.

Adiutorium nostrum sit in nomine Domini, qui fecit cœlum & terram. Amen.

Exhortatio.

Fratres, vnusquisque nostrum se Domino sistat, suâque peccata confiteatur: ac me his verbis præeuntem, mente subsequatur.

Confessio.

Domine Deus, Pater æterne & omnipotens, agnoscimus & ingenuè profitemur apud sanctam maiestatem tuam, nos miseros peccatores esse conceptos & natos in iniquitate & prauitate: ad nequitiam procliuēs, ad omne autem bonū opus inutiles: nōsque, vt vitiosi sumus, nullum transgrediendi sancta tua mandata finē facere: quo fit vt exitiū à iusto iudicio tuo nobis accersamus. Attamen, Domine, anxie gemimus quōd te offenderimus, ac nos vitiaque nostra damnamus, cum vera pœnitentia, optātes vt gratia tua nostræ succurrat miseræ. Tua igitur nos misericordia dignare Deus & Pater clemētissime, ac summē misericors, in nomine filij tui Iesu Christi, Domini nostri. Et vitia nostra delēs, omnesq; sordes nostras

2 IN CANT. CANTICORVM.

abluens, in dies dona sancti tui Spiritus nobis adauge: vt corde intimo iniquitatē nostram agnoscētes, magis ac magis nobis displiceamus, atque ita ad veram pœnitentiam stimulemur: hæc autem nos cum omnibus peccatis mortificans, fructus iustitiæ & innocentiae tibi gratos producat: per illum ipsum Iesum Christum, Dominum nostrum.

Superiores Preces sequitur ordinarij Psalmi decantatio, qua peracta subiicit Minister.

Inuocemus Benignissimum illum Deum & Patrem nostrum, precantes vt cum in ipso vno posita sit omnis veræ sapientiæ plenitudo, dignetur nos sancti sui Spiritus lumine, vt diuini ipsius verbi verum sensum percipiamus, ne corruptæ nostræ carnis & intelligentiæ sensu polluatur: sed vt potius eo fideliter nobis explicato, & viuâ fide a nobis comprehenso, doceamur nos ipsos abnegare: & omni nostra fiducia in ipso collocata, ritè ipsum colere & omni honore prosequi discamus: eo videlicet timore & honore, quo veri filij suo Patri, & serui Domino suo obstringuntur, quandoquidem nos pro bonitate & misericordia singulari sua, in numero filiorum & seruorū suorum recenset. Quod ab ipso petemus in nomine Domini nostri Iesu Christi vnici ipsius filij, quemadmodū docuit & præcepit vt ipsum inuocaremus.

Pater noster qui es in cœlis, sanctificetur nomen tuum: adueniat regnum tuum: fiat voluntas tua in terra, sicut in cœlo. Panem nostrum quotidianum da nobis hodie: & remitte nobis debita nostra, sicut nos quoque remittimus debitoribus nostris: & ne nos inducas in tentationem, sed libera nos à malo. Quia tuum est regnum, & potentia, & gloria in secula. Amen.

3

IN CANTICVM CAN-
TICORVM HOMILIA
P R I M A.

*Quod sequitur extat in titulo tertijs libri
Solomonis.*

Canticum Canticorum quod
est Solomonis.



Hic libellus, tum in vetere Isra-
elitica Ecclesia, tum etiam a-
pud Christianos, cōmuni per-
petuōque consensu, non mo-
dò inter eos numeratus est, qui
Sancto Spiritu dictante exscripti sunt, ideō-
que pro norma fidei nostræ habendi: ve-
rumetiam commendatus, vt qui peculiari
quodam diuini afflatus splendore resulgeat,
sitque præ cæteris spirituali intelligentia
concipiendus. Neque tamen in Ecclesia fuit
quibusuis explicatus, sed iis duntaxat pro-
positus, qui iam essent de cœlestibus myste-
rijs edocti, ac iudicio solidiore præditi. Pri-
mum quoniam est genere dicendi prorsus
allegorico, atque aded ænigmatico exaratus,
arcana spiritualia complectens corporeis in-
uolucris & inde petitis similitudinibus ob-
ducta, quas neque facillè quiuisset per se
percipere, neque commodè semper vsui ad-
aptare. Deinde perpetua hic seruatur allego-
ria à terreno coniugio desumpta: quod qui-

*Libri huius
præstantia:
illiusque a-
pud utram-
que ecclesiã
auctoritas.*

*Quod cum
delectu per-
petuo expo-
nendus le-
gendusque
fuerit.*

*Doctrinam
ipsam com-
plecti ardua
& ænigma-
ticam.*

4 IN CANTIC. CANTICORVM

dam (vt sunt res humanæ) nãuis vitiis que plurimis inquinatum esse cõstat, ex quo peccatũ in homines peruasit. Nemo enim est qui plus satis non norit quot sordibus & lasciuiis obnoxij sint homines, quæ totidẽ sunt castorum in coniugio amoris pollutiones, in quibus etsi multa sunt ad quæ Deum pro bonitate singulari sua conuiuere oporteat, tamen verum illud manet quod ait Apostolus Heb. 13. 4, Esse nimirum honoratum inter quosuis coniugium & cubile impollutum. Hinc factum est vt nõnulli, animo expendentes huius seculi impuritates, & non paucas in hoc libello loquendi formulas occurrere, prout illorum temporum simplicitas minimẽ mala ferebat, quibus facilẽ nonnulli possent abuti: re Christiana fore duxerint, si ex Ecclesiæ pulpitis hic libellus exularet, metuentes ne plus inde detrimenti quàm vtilitatis ad plerosque redundet. Alij verò audaciores, confusque temeritatis progressi sunt, vt illũ etiam ex ordine librorum canonicorum tanquam prophanum expungendum censeant, quasi inter impuras voluptates atque adeò in medio luxu à Solomone perscriptum. Ac sunt profectò laudandi priores illi, quatenus illis non placet, vt quiuis inconsideratẽ nullòque delectu ad hoc veluti sacrarium admittatur: ex illo Apostoli dicto. 1. Cor. 3. 2, lacte initidò alendos esse tyrones vt demum firmam & solidam escam ferre possint: quod etiam est studiosè huc vsque à piis huius Ecclesiæ pastoribus

storibus obseruatū. Verū quod ad illos attinet qui hunc librum damnare præsumunt, nihilo magis audiendos illos esse affirmo quā qui præcipiti arrogantia in ipsum Dei spiritum insurgunt, quum de hoc scripto Ecclesia contrarium semper senserit, & sentiendum prodiderit, utpote quod à veteribus doctoribus & Græcis & Latinis, & quidem in ipsis cænobiis, adhuc purioribus, accuratè sit explanatum. Ad hæc accedit illud maximi ponderis argumentum quod in hac ipsa coniugij allegoria manifestè & prolixè versentur alia quoque scripta non ambiguae fidei, & inter sacros ac diuinos libros citra contro- uersiam relata: veluti Psalm. 45. qui totus est huiusce libri tanquam epitome, itidemque Esa. 62. 1. 6. Ierem. 3. Ezech. 16. & 23. Ose. 2. Mar. 25. Ioan. 3. 29. Rom. 1. 2. & 2. ad Corint. 11. Præsertim verò huc spectat quod scribit Paulus Eph. 5. ubi eadē verba adscripta sunt quibus usus fuit Adam in prima coniugij institutione: videlicet quod Ecclesia sit caro Christi & os ex ossibus eius. Deniq; Dei Spiritus Apoc. 12. 21. & 22. verus est quodammodo huius libri interpres, huic castissimæ sponsæ meretricem illam impurissimam opponens ca. 17. descriptam. Nec etiam est cur moremur quorundam argutias, ideo hunc librum ex canone expungendum esse sibi persuadentes, quod nullus ex eo locus in nouo testamento citetur. Etenim præter hæc quæ modò diximus, si quod est huius argumenti pondus,

*De hoc lib.
Ecclesiæ Christi-
anorum
purioris in-
diciū.*

*Eandem ad-
que hic se-
quuntos esse
allegoriam,
alios sacrae
scripturae
autores.*

pari iure damnandi fuerint alij quoque veteris testamenti libri, qui tamen absque vlla controuersia inter Canonicos recensentur.

Itaque media quædam ratio nobis tenenda est, in huiusmodi scriptura explicanda; nempe vt eo demum loco ac modo, quibus

*Nulla pars
de sacra scri-
ptura ecclē-
siam frau-
dandam.*

decet, tractetur in Ecclesia, in qua certè Dominus nihil esse vult penitus abditum & occultum; eorum quidem quæ per Prophetas & Apostolos Ecclesiæ suæ perscripsit, vt in ea perpetuò resonent, prophanarum religionum auctores minimè imitatus, sua mysteria non immeritò occultantes, vt qui nihil magis metuunt, quàm ne diuulgatis ipsorum arcanis, impostoresprehendantur. Nec aliam sanè ob causam hodie videmus, in falsa

*Pontificiorū
erga suos
reges ini-
quitas.*

Ecclesia prohiberi sacrarum scripturarum in vernaculam linguam translatarū lectionem; quas tamen cōstat à Prophetis & Apostolis, & ore & scriptis, communi omnibūque noto sermone promulgatas, vt à quibuscumque intelligerentur: sicut in Christo nō est gentis,

*Scriptura
loca minus
dilucida, lo-
cis clariori-
bus illustra-
ti. Et cur Dei
Spiritus ar-
cana sua, mo-
do aperius,
modo obscu-
rius profe-
rat.*

nec sexus, nec ætatis discrimen, Gal. 3. 28. Faciendum tamen est, non vbique pari genere dicendi vsum fuisse Dei spiritum: sed modò clariùs, nonnunquā etiā aliquāto obscuriùs loquutum. Sed vicissim tenendum est, quod iam dudum admonuit quidam ex veteribus, Vnius loci obscuritatem & breuitatem, perspicuitate & amplitudine alterius temperari: neque obscure interdum loquutum esse dominum aliam ob causam, quàm vt partim

in

in nobis desiderium acuat, perscrutandi quæ nobis non statim patent, partim, ut eò preciosa nobis sint eius sapientiæ mysteria, postquam scientia salutis, summo demum studio, ac diligenti lectione, & accurata locorū scripturæ collatione, sumus adepti. Hoc illud est igitur (fratres) quod nunc molior, & præstiturum me, Dei gratia, vestrisque precibus fretus, in huius libri interpretatione, spero. Quum enim Dei lumen in hac Ecclesia annis ab hinc quinquaginta affulserit, absit ut istorum vos nondum esse capaces suspicer, ac si adhuc pueri ac rudes sensibus essetis, quum potius in eorum numero censeret vos deceat, qui sicut scribit Apostolus Hebr. 5.14. sensus habent ad discretionem boni & mali exercitatos.

Cæterum, ad eorum de quibus dicturi sumus intelligentiam, plurimum refert scire in primis, quamobrem spiritus Dei, hanc coniugij similitudinem præ cæteris seligere, & adeò sollicitè persequi voluerit, quum, uti diximus, multa impuritate, plurimisque maculis scædatum inter homines coniugium, quāvis Domino summo suo iure nobiscum non agente, comperiatur. Enimvero hæc illius deligendæ ratio fuisse videtur, quòd nulum in rebus humanis sit arctius vinculum connubio. In cæteris enim contractibus & pactis omnibus, ex quibus nascitur obligatio, agitur tantum de bonis huius seculi, quæ extra personas sunt: aut si in ipsum corpus ius

*Quamobrẽ
Dei Spiritus
hic, coniugij
metaphoram
elegit, eam
que persecu-
tus sit.*

8 IN CANT. CANTICORVM

acquiritur, vt fit in feruitutibus personarum ibi nulla est reciprocatio: immò quantum ex huiusmodi obligatione vni accedit, tantumdem alteri detrahitur. At in contrahendis nuptiis, præter quàm quòd intercedit specialis quædam ordinatio, indissolubili hominibus nexu, virum & vxorem copulans: accedit etiam illud quòd mutua ac reciproca est personæ alterius erga alteram obligatio, adèd vt alter in alterius corpus ius habeat & quodammodo vnâ personam coniunctione maritali ambo constituent. Præterea effectus matrimonij, nempe humani generis propagatio, quæ est Ecclesiæ seminarium, vtique est quiddam diuinum potius quàm humanum: Deo, per hunc contractum, hominibus tanquam instrumentis quibusdam vtente ad opus sibi conueniens, liberos videlicet ex patribus procreando, ex quibus Ecclesiam suam ædificet. Etsi enim vox illa Dei, Crescite & multiplicamini ad omnia animantia dirigitur, in quibus etiam Homines cēsentur, tamen sicut aliam creandi humanis generis in mare & fœmina rationem sequutus est Deus, quàm in animalibus cæteris, ita statuendum est Deo visum esse humanum genus propagare propria & peculiari quadam ratione, maritali videlicet coniunctione: quam peculiariter instituit, & cui per sui Spiritus inspirationem & inuocationem sui nominis benedixit. Itaque quū Deo visum esset nobis per Solomonē, mysterium illud

Matrimonium, Ecclesiæ seminarium.

illud quod mentium nostrarum imbecillitatem longè latèque superat, videlicet illum fidelium cum Christo Iesu spiritualem arctissimúmque nexum declarare, ex quo confortio gigneretur in animis credentium (quorúm cœtus Ecclesia est) veritatis notitia, qua demum fiat vt rectis sanctisque motibus præditus fidelis vnusquisque cum tota Ecclesia vitam illam veram viuatur: nihil ad hoc nobis depingendum accommodatius & expressius deligere potuit quàm hanc sanctam coniugalem copulam: quò respiciens Petrus, verbum Dei, receptum fide ac fructificans, admodum appositè & significanter incorruptibile semen appellauit: quò etiam tendit secunda illa generatio quæ ex Spiritu est, de qua *Spiritualis generatio.* copiosè loquutus est Dominus noster Iesus Christus cum Nicodemo Ioh. 3. Sed agè plenius rem istam totà declaremus, in qua certè magna ex parte sita est nostræ salutis basis.

Omnes ergo fatentur omne bonum à Deo manare, siue ipsum *E s s E* quod Deus cunctis rebus creatis indidit consideremus: siue diuersas ipsarum rerum qualitates, ac media quibus vnàquæque illarum fouetur, expèdamus. Id quod innuit Apostolus Act. 27. 28. quum ait nos in Deo viuere, & moueri & esse: ac si diceret Deum creatorem seipsum *Dei cum suis* in suas creaturas quodammodo ingerere ac *creaturis generatis con-* insinuare, vt clarius vim ac efficaciam illam *iunctio.* diuinam exerat, qua vnàquamque rem & cōdidit & pro ratione mensuræ ac diuturni-

IO IN CANT. CANTICORVM

tatis ab ipſo conditore conſtitutæ cōſeruat: quāuis ſi propriè loqui volumus, eſſētia diuina neq; extra, neq; intra mūdum eſſe, dici poſſit, ſed cuncta ratione minimè comprehenſibili ſic comprehendere, vt à nullo contineatur: verum enim uero duæ ſunt præterea rationes, quibus Deus homini coniungitur, multū ab illa de qua loquuti ſumus diuerſæ, & quarum effecta, maioris planè ſunt momenti. Vna, qua æternus ille, & vnicus Dei Patris filius, cum humana carne ſeſe in vnā perſonam vniuit, myſterio ipſis etiam Angelis inſcrutabili, quo verbum illud Patris caro factum eſt. Ioh. 14. adeò vt ab eo momento, per Altiffimi virtutem hæc perſona, quæ vo-

*Dei cum ho-
mine in Chri-
ſti perſona
vniō pecu-
liaris.*

cata eſt Ieſus Chriſtus Matth. 1. 16, verus Deus, verūſque ſimul homo extiterit, citra vllam proriſus harum duarum naturarum ſeparationem, aut cōfuſionem, aut tranſmutationem, quod eſt magnum illud pietatis myſterium, de quo Apoſt. 1. Timot. 3. Ex hac autem connexionē pendet altera, qua ſit vt

*Chriſti cum
Eccleſia ar-
tiſſima co-
ſpulatione.*

omnis anima fidelis, ac conſequenter tota Eccleſia, quæ inde compacta eſt, ipſius ſponſa & vxor dicatur, ſpirituali ratione Ieſu Chriſto tam arctè adhærens, vt fiat caro ex carne ipſius, & os ex oſſibus eius. Non quod aut corpus Ieſu Chriſti reipſa corpora noſtra ingrediatur, aut anima Chriſti noſtras animas permeet: quod ſanè nō patitur, nec corporis, neq; animæ Chriſti, naturæ & ſubſtantiæ veritas, ſicut talis coniunctio huic myſte-
rio,

rio, quod omnino spirituale est, atque ad vitam spiritualement planè contendit, nullo pacto quadrat. Sed quemadmodum anima corpori humano, cui ab ipsa natura consociatur, vim ac vitam impertit omnibus illius membris, quæ quidem iuxta naturalem structuram illi coherent: sic etiam Christus, sponsus ille spiritualis, suæ Ecclesiæ, vi sui sancti Spiritus, & humanæ suæ naturæ interuentu, quæ nobis est congener, adeò arctè ac fortiter, fide qua illum apprehēdimus media, nobis adhæret, vt nobis meliorem illam vitam inspiret, tum in intelligentia nostra videlicet, tum in voluntate vim suam exergens, instaurandæ illi Dei imagini, à peccato oblitteratæ, vt tandem plenè participes fiamus gloriosæ illius immortalitatis, vltimò die illo, in quem perfecta & actualis cōsummatio sancti huius ac spiritualis matrimonij differtur. Hinc illę familiares Apostolo voces, quas ab ipsomet Christo didicit, videlicet nos in Christo esse, Rom. 8. 1. Christū in nobis esse, nōsque in ipso, Galat. 2. 20. In sanctis suis habitare, Io. 4. 23. quo etiam sensu, Christus sese cum vite, nos verò cum ipsi insitis palmitibus fructuosis confert, Ioh. 15. 1. Quinetiam corpus ipsius, idcirco vocatur cibus noster, illiusque sanguis, noster potus, Io. 6. Sic enim cibi & potus vsu, hæc vita corporea fouetur & conseruatur, ita ex Iesu Christo, sese nobis eo quo diximus modo insinuante, & vt ita dicam, recepto, comeso, atque adeò

Christi Spiritus, ecclesiæ anima.

12 IN CANT. CANTICORVM

velut visceribus interioris hominis, per fidē concocto, vitam illam veram & æternam haurimus. Itaque ad huius libri auditionem cauendum est ne carni sensus illos affera-
mus, sed è contrario mens à terrenis illis ac pollutis cogitationibus remota afferēda est, qua, exemplo Solomonis, maritum hunc, & has nuptias, & quæcunque de illis dicuntur sanctē in animo concipiamus: memores tum eius quod scribit Apostol. 1. Cor. 6, Eos nempe qui Christo adhærent, vnum cum ipso spiritum fieri: tum eorum quæ Dominus ipse denuntiat Ioh. 3. Spiritum nimirum eum esse qui sit ex Spiritu genitus.

*Ab omni
terrena co-
gitatione re-
motum hu-
ius libri le-
ctorem esse
conuino ex-
pedis.*

*Quæ hoc in
dialogo in-
ducantur
personæ: &
totius libri
argumentū.*

*Sponsa fide-
lium cætum
referens.*

Cæterum vt planiùs etiam percipiamus huius cantici contextum, sciendum est illum dialogismum constare sermocinationibus plurium interrogantium, ac inter se mira quadam arte responsantium. Sponsa quippe interdum ad alias puellas sermonem dirigit: mox sponsus suis comitatus gregalibus ac amicis inducitur, more planè sponsalibus ac nuptiis nostratibus, quæ quidem rite ac decenter peraguntur, consentaneo. Sponsa cætum credentium refert (qui Ecclesia est) vnicæ personæ instar, prout vniuerso credētium gregi cor vnicum, & anima vnica tribuitur Act. 4. 32. Ex hoc tamen cætu quoniam Solomon vnā quandam omnium nomine loquentem producit, & facilè est animaduertere distinctionem ab ipso seruari inter hanc quæ veluti regina ac domina loquitur & Hie-
rosoly-

rosolymitanas cæteras, quod etiam obser-
uatum est Psal. 45. Per alias illas puellas intel-
ligere nobis licet, tum eos qui nomine tenus
potius quàm re in Ecclesia versantur, tum il-
los qui ex Ecclesia quidem sunt, sed adhuc
tenelli & inexercitati, tanquam infantuli
matrem suam sectantur, quam instar reginæ
virginum ac pedissequarum agmen comita-
tur. Porro Sponsus est ipse Dominus noster
Iesus Christus, cuius amicos in primis inter-
pretamur in hac sponsalium celebritate, bea-
tos spiritus quorum opera semper ille usus
est, utiturq; ad suæ Ecclesiæ structuram: quod
Psal. 34, & Heb. i. passim denique in tota sacra
scriptura indicatur, mirificis cum ipsorum
ministerij effectis. His autem præcipuè ad-
iungendi sunt illi templi architecti, nempe
Prophetæ, & Apostoli Ephe. 2. & Apoc. 21. de-
nique pastores & doctores qui sedulò ope-
ram nauant ornandæ diuinæ huic sponsæ, ut
inquit Apost. 2. Corint. 11. & coagmentando
sanctorum corpori Eph. 4. Præterea notan-
dum est, quemadmodum in cōtrahendis ter-
renis nuptiis, tribus veluti gradibus proce-
ditur: primum per stipulationem qua pro-
priè sese despōsant vir & mulier, vnde spon-
saliorum, sponsi & sponsæ appellationes du-
ctæ. Deinde solenni celebratione nuptiarum
quo die iam nuptē dicuntur: ac tandem con-
summatione, qua peracta, mariti demum &
vxoris nuncupationes usurpantur. Ita in hoc
matrimonio spirituali, Dei Filius primum

*Sponsæ om-
nium asse-
claris non eos-
dem esse af-
fectus.*

*Sponsus ipse
Christus est.*

*Sponsi ami-
ci sponsam
deducentes
& exornan-
tes, qui?*

*Christi ad
Ecclesiam
appulsus ap-
posita simi-
litudine des-
cripsi.*

14 IN CANT. CANTICORVM

Ecclesiam suam veluti desponsauit, illa promissione Adamo facta de mulieris semine, serpentis caput contrituro: quam denuò Abrahamo, Isaaço, & Iacobo confirmauit. Dehinc vltèriùs progressus, instituit sacerdotiũ, ac sacrificia Leuitica, aliàsque vmbas Evangelicarum promissionũ, quarum res ac substantia, in Christo erat, Col. 2. quo tempore, nuptias quidem dici posse videtur quòdammodo celebrasse cum sua sponsa, sed absens, ac veluti per legatos. Hinc illud est quòd hæc Sponsa huius dialogisimi initio, à Solomone inducitur, mirè incensa desidio & expectatione, suum illum sponsum præsentem ac proximum intuendi. Is verò postquam multis modis, certissimisque sui erga illam amoris argumentis, eam confirmauit atque consolatus est, tandem sese coràm sistit, in illius conspectum, sic nimirum prædicente Solomone, diuino afflatus Spiritu, Filij Dei sequuturam tandem in carne manifestationem, & realem in medià sua Ecclesia conuersionem, sed tamen haud diuturnam: complemento huius sanctissimi ac diuinissimi coniugij, in vltimũ illum diem dilato, quum celebrabitur in cœlis, erit que Deus omnia in omnibus. 1. Cor. 15. & reipsa apparebit, quid sit Ecclesia: quæ ipsum qualis est intuebitur 1. Ioh. 2. & 3. Ad hunc igitur præsentaneum sponsi aduentum duplicem, diem illum, inquam, & hunc secundum: sponsa mirò affectu animum intendit, quod Mat. 13. & 1. Pet. 1,

*Perparua
Sponsæ in-
sentio.*

explicatur de veterum Prophetarum desiderijs, expressius verò & clariùs Pauli exemplo declaratur, cupientis dissolui & iam esse cum Christo, Philip. i. Cuius exēplo, sollicitè cuncti fideles quotidie precantur vt Dei regnum adueniat, idq; cum gemitibus inenarrabilibus, Rom. 8. Interim verò euenturas Ecclesiæ afflictiones, & persecutiones à suismet alumnis excitandas; nequaquam præterit Solomon: quinimò & gentium vocationem attingit, adhibitis saluberrimis & solidissimis solatijs, & nouis ac sæpius iteratis promissionibus: ijsque certissimis collatis, denique plurimis maximisq; spiritualibus beneficijs, id est, totidem illius secundi sui cum summa gloria aduētus pignoribus, illius desiderium solatur.

Hæc est igitur summa, hoc, inquam, argumentum huius Cantici: quod *Canticum* *Canticorum* *Canticum* appellat, quoniam inter cetera, quæ *ob excellen-* in sanctis scripturis leguntur, plurimùm excellat (tantum abest vt sit à nobis repudiandum) vel quòd ex pluribus, ac diuersarū personarum interloquijs constet. Denique ne *Solomon cā-* quis sit huius cantici scriptor ambigeretur, *sici huius* Solomonis nomen illi adscriptum est: Solo- *scriptor* *haud ambi-* *guus.* *guus.* monis, inquam, non delirantis, sed illud ex verè diuina sapientia deponentis, cuius abundantia tunc redundabat. Ipsius autem sequuto lapsu turpissimo, admonemur Deū esse nobis precandum vt cum fructu, sacrum

hoc Canticum legamus, & superato hac in re ipſo Solomone, illud conſeruare in cordibus noſtris diligenti cura valeamus, quæ illi miſero exciderunt: niſi malimus coniectare ſcriptum hoc canticum à Solomone iam ſene, & ſpiritu reſipiſcentiæ donato, vt & Eccleſiaſten: licet de ipſius ſeria reſipiſcentia taceat ſcriptura, & ipſius idolomaniam conſtet multis etiam poſt eum ſeculis vguiſſe.

Sed agè, hoc omiſſo, de quo nobis non liquet, librorum Solomonis ſeriẽ potius conſideremus. Dico igitur Prouerbiorum libro Solomonem homines docere vitę huius terrenę ducendę certiffimam rationem, idque documentis aded familiatibus, vt præceptoris in ſcola diſcipulos ſuos priuatim inſtituentis vices quàm optimè præſtiterit. In Eccleſiaſte verò nos tanquam ex humili planitie in altiffimum mōtem prouehit, vnde velut ex ſublimi ſpecula, anfractus illos varios, & multiplicia diuerticula proſpectātes, quibus omne mortaliũ genus oberrans ſeipſum ſeducit, præeunte nobis inter hæc diuortia Solomone, & rectum iter demonſtrāte, quo fit nobis incedendum, ne ad huius ſæculi vanitates delabamur: ſed huius potius vitę curriculum ſic conficiamus, vt hoc velut itinere ad ſcælicitatem æternũ duraturã perueniamus. Idẽ denique Solomon in hoc demum Cantico ita inſtitutos & prouectos, tandem velut ſupra nubes ipſas ſecum abripit ad cœleſtium rerum contemplationem,

*Trium So-
lomonis li-
brorum ad
ſuorum in-
ſtitutionẽ
ordinata diſ-
poſitio.*

SOLOMONIS. homiliaj. 17

ac si iam nunc cœli ciues essent, aut saltem ad ipsas iam cœlorum fores pulsarent, eò intro-mitti gestientes. Hæc autem omnia sunt, vt iam pridem à quodam ex veteribus obseruatum est, ad Templi Dominici ab ipso Sôlomone constructi, tripartitâ distinctio-nem allegoricè, admodum eleganter & scitè accommodata. Erat enim ibi in primis area siue atrium, in quod populus conueniebat, cui parti respondet liber Prouerbiorum: In-de verò demum in locum Sanctum solis sa-cerdotibus patentem, ac tandem in Sanctū sanctorū siue sanctuariū ibatur, soli Pontifici Maximo peruiū. Sic igitur libro Prouerbio-rum velut ab atrio communis hominū vitæ, videtur Ecclesia per Ecclesiasten ad Sācti lo-ci aditū introduci, vbi ab hoc Cantico Can-ticorum excepta, hinc tandem ad ingressum in ipsum aditum sensim progreditur, vesti-gia sui Sponsi, æternique summi sacerdotis Iesu Christi premens, in hoc sacra-rium prio-ris ingressi Heb. 9, vt illuc quoque nobis ac-cessus pateret, ibique domicilium suæ sponse pararet. Ioh. 14. ibidem suo tēpore recipien-dæ, sicut ipse Deum Patrem est deprecatus Ioh. 17.

*Structuræ
templi vete-
ris allegori-
ca distinctio*

Iam superesset vt ad cōtextum ipsum ve-niamus, quod tamē in præsētia nō aggre-diemur. Agedum verò ista quæ dicta sunt in vsum nostrum accommodemus, illum pre-cati qti pro immensa sua benignitate, nobis hoc ingens beneficium præstat, vt in ipsius

*Exhortatio
ad utilitatē
ex hac expo-
sitione capi-
endam.*

18 IN CANT. CANTICORVM

Ecclesia procul ab immunditiis, & à tot ac tantis idololatriis ac superstitionibus immunetur, ut nobis largiatur sancti sui Spiritus virtutem, qua tum audire, tum rectè comprehendere possimus sanctam illius doctrinam, nobis tam abundanter domi ipsius id est in Ecclesia præbitam: qua freti in dies magis ac magis in illius timore proficiamus, animo complectentes eius immensæ misericordiæ abyssum, qua, pro eo quod merebamur quàm longissimè proiici, dignatus est nostras sordes eluere, ut nos sibi tanquam virginem castam ac pudicam consecraret. Absit igitur ut tantam illius erga nos beneficentiam aspernati, sanctum ipsius purificationis Spiritum contristemus. Contra verò potius faxit ille ut opus suum in nobis quàm potentissimè, ex fide in fidem progredientibus, perficiatur, interim dum vigilantes & intentis sursum animis secundum eius aduētum expectamus: quo demum tempore gloria illa sempiterna & inenarrabili, quam ipse nos hodie sperare iubet, plenè perfruemur. Amen.

Hanc sequenti doctrinam, precemur illum, ut nostri misereatur, Hac formula.

Deus omnipotēs, Pater cœlestis, agnoscimus & ingenuè profitemur, quod & verum est, indignos esse nos qui in cœlum oculos attollamus, ut coram te nos sistamus: nec tantum debere nobis arrogare ut exaudiatum à te iri preces nostras speremus, si eorū quæ tibi offerimus rationem habeas. A propriis enim accusa-

SOLOMONIS. homilia j. 19

cusamur conscientis, nostraque peccata aduersum nos testimonium ferunt: te verò iustum esse iudicem nouimus, qui peccatores & nequam homines non iustifices, sed in eos animaduertas qui tua mandata violaerint. Hinc fit, Domine, vt dum totius vitæ nostræ statum reputamus, nostri nosmet pudeat, nec aliud quam animum despondere possimus, perinde acti iam in abyssum mortis demergeremur. Verumtamen, Domine, quum pro tua immensa misericordia dignatus sis nobis imperare vt te inuocemus, idque vel ex intimis inferis; & quo magis viribus destitui nos videmus, tanto magis ad tuam summam bonitatem confugiamus: quum præterea pollicitus sis nobis te precibus nostris fore exorabilem, in nomine Domini nostri Iesu Christi, (quem nobis aduocatum & intercessorem contituiisti) eiusque merito; non autem spectatē, quid meriti simus: ecce, omni humanæ fiduciæ renuntiantes tuæque sola bonitate freti, in conspectum tuum prodire tuumque sanctum nomen ad obtinendam misericordiam inuocare non dubitamus.

Primum Domine, præter infinita beneficia, quæ assidue in reliquos quoque homines quotquot terra sustinet confers, peculiariter etiam nobis tot gratiæ dona impertiuisti vt ea recensere nequeamus, imò verò nementē quidem satis complecti possimus. Hoc verò singulare, quòd ad notitiam sancti tui Euangelij vocare nos dignatus sis. miserabile quo nos Diabolus premebat seruitutis iugum excutens, & ab execranda idololatria vanisque superstitionibus quibus immergi eramus, liberatos ad lumen veritatis tuæ adduxeris. Nihilominus tamen (quæ nostra est ingratitude) obliuisci bonorum quæ manus tua nobis largita est, a recta via declinauimus, & te relicto carnis nostræ concupiscentias sequuti sumus. Quinetiam sanctum tuum verbum debita reuerentia atque obedientia fraudauimus, nec tuum nomen quibus decebat præconiis prosequuti sumus. Et quamuis assidue fidelibus verbi tui admonitionibus aures nostræ personnerint, eas tamen negleximus. Peccauimus itaque Domine, & te offendimus.

mus: ideoque pudore suffundimur, nos grauium scelerum apud tuum iudicium reos esse agnoscences: adeo ut si dignas nobis pœnas infligere velis, aliud quàm mortem & damnationem expectare nequeamus. Nam si nos excusare velimus, at nostræ ipsorum conscientia nos accusant, nostræque nequitia tuis oculis ad nos condemnandos patet. Ac profectò reipsa, Domine, ex castigationibus quas iam nobis immisisti, te iustissimis de causis aduersus nos excanduisse cognoscimus. Quàm enim æquus sis iudex, tuos non immerentes affligis. Tuis igitur verberibus cæli tuam aduersus nos ipsos iram prouocasse agnoscimus. Sed & nunc manum tuam ad nos puniendos extentam videmus. Gladii enim quibus ad exigendam ultionem uti soles, stricti nunc sunt: & ea quæ peccatoribus sceleratissimæque hominibus minitari conueuisti, parata esse cernimus.

Quamuis autem multo etiam grauioribus quam antea de nobis pœnas sumeres, atque adeo plagas centuplo plures infligeres, adeoque horrendæ illæ clades, quibus olim peccata populi tui Israëliti castigasti, nobis ingruerent, nos illis dignos esse, ac sceleribus nostris promeruisse confitemur. Sed enim, Domine, tu Pater es noster, nos aliud nihil quàm terra & lutum: tu Creator es noster, nos tuarum manuû opera: tu nobis Pastor es, nos tibi ouile sumus: tu noster es Redemptor, nos populus abs te redemptus: noster es Deus, nos hæreditas tua. Ideo ne ita nascaris nobis ut in furore tuo nos castiges: ne recorderis nequitia nostræ ad eam puniendam, sed pro tua clemetia nos leniter castiga. Accensa quidem est aduersus nos ira tua, propter peccata quæ commisimus: sed nomen tuum inuocari super nos, tuamque non tuleram gestare nemineris. Conterua potius opus quod gratia tua in nobis inchoasti, ut te nostrum esse Deum & seruatorem totus orbis agnoscat. Hoc certè nosti, mortuos qui apud inferos sunt, & quos perdideris ac fuditus profligaueris, te nequaquam esse laudaturos, sed tristes & omni consolatione destitutas animas, corda contrita, conscientias sensu culpæ suæ oppressas, tuæque gratiæ fauorem sistentes, gloria
&

& honore te affecturas. Tuus Israeliticus populus flagitiis tuam sæpe iram prouocauit, tūque eum, iusto tuo iudicio, affixisti: verū quoties ad te conuersus est, semper illi ad tuam clementiam aditus patuit: & quantumuis grauiæ essent eius scelera, tamen propter fœdus quod cum seruis tuis, Abrahamo, Isaac, & Iacobo, iniectas, flagella tua & clades quæ illis imminebant auertisti: adeo ut nunquam preces eorum repulsæ apud te passæ sint. Atqui nos præstantiore fœdere dignatus es, quo apud te niti possumus: eo nimirum quod pepigisti in Iesu Christi Seruatoris nostri dextera, quodque sanguine eius scribi, & eiusdem morte obsignari uoluisti. Quapropter, Domine, nobis ipsis renuntiantes, omnique alia spe valere iussa, ad faustum hoc fœdus confugimus, quo Dominus noster Iesus Christus corpus suum tibi in sacrificium offerens, nos tibi reconciliauit. Intuere igitur Domine in Christi tui faciem, non in nostram, ut eius intercessione ira tua placeat, faciesque tua super nos ad gaudium & salutem refulgeat: ac nos posthac tuo Spiritu sancto regendos & gubernandos suscipias, qui nos in meliorem vitam regeneret, per quam *Nomen tuum sanctificetur, ueniat regnum tuum: fiat uoluntas tua, quemadmodum in cælo, sic etiam in terra. Panem nostrum quotidianum da nobis hodie: & remitte nobis peccata nostra. etenim ipsi remittimus omnibus qui debent nobis. Et ne nos inducas in tentationem, sed libera nos à malo. Quia tuum est regnum, & potentia, & gloria in secula. Amen.*

Quamuis autem indigni simus qui pro nobismet ipsis oꝑeremur, & te in rebus aduersis inuocemus, quum tamen mandaueris ut alij pro aliis precaremur, nos pro omnibus fratribus, eiusdem corporis mēbris, quos nunc tuis flagellis castigas, preces tibi fundimus, & ut iram tuam ab illis auertas obsecramus: nominatim uero pro N. & N. Memineris Domine, eos quoque filios tuos esse, sicut & nos: atque ideò, quamuis te offenderint, ne tamen bonitatis tuæ & misericordiæ erga eos cursum interrumpas, quam perpetuam erga tuos omnes fideles fore promissisti. Tuas igitur omnes Ec-

clesias oculo tuæ clementiæ intueri digneris, omnesq; populos, quos nunc, aut peste, aut bello, aut alio flagelli genere cædis, & singulos homines qui verbera tua sentiunt: qui videlicet carcere cōstricti sunt, morboue aut pauperie affligantur: cōsolationemque omnibus, prout illis opus ea esse cognosceis, afferens, & castigationes tuas ad vitæ emendationem illis vtilis reddēs, patientia eos instruere, seueritatique tuæ moderari, ac tandem eos liberando, plenam illis materiam exultandi in tua bonitate, sanctumque tuum nomen benedicendi præbere digneris. Præcipue verò in eos qui pro tua veritate decertant oculos conuertere velis & publicè & priuatim, vt inuicta eos constantia robores, tuteris eos, & vbique opituleris, omnes hostiū illorū tuorumque technas & machinas irritas reddens, furorē eorum refranans, omnes eorum conatus ignominie dampnans. Neque Christianismum omnino deploratum esse permittas, ne memoriā nominis tui in terris penitus aboleri sinas: ne eos super quos nomen tuum inuocari permisisti, luctuoso interitu obrui patiaris: ne Turcæ, Ethnici, Barbari, Papistæ alique infideles nomini tuo cum blasphemis insultent.

Tibi igitur preces fundimus, Pater cœlestis, pro omnibus Principibus & magistratibus quorum ministerio ad nos gubernandos vteris. Potissimum verò pro huius vrbis præfectis: vt Spiritum tuum, qui solus bonus est & verè principalis, impertiri illis atque in dies augere digneris: adeo vt Iesum Christum, Filium tuum, Dominum nostrum, dominatorem dominatorum regemque regum esse certò persuasum habētes, quemadmodum tu illum omni potestate in cœlo & in terra donauisti, ita & ipsi in suo principatu cultum illius & regni eius amplificationem sibi ante omnia proponant, suos subditos (qui sunt manuum tuarum opificia, & pascuorum tuorum oues) pro tuo arbitrio gubernantes: vt & hic, & in alia quauis orbis terrarum parte, pace stabili fruētes, te cum omni sancti-
monia & puritate colamus: metūque hostium nostrorum liberati, materiam celebrandæ tuæ laudis toto
vitæ

vita nostræ tempore habeamus.

Deinde Precibus nostris tibi commendamus, Pater verax & Seruator, omnes quotquot fidelibus tuis pastores constituisti, quorum etiam tutelæ animas commisisti: quos denique sacrosancti tui Euangelii dispensatores esse voluisti: vt eos sancto tuo Spiritu regas, quò probi fidelesque gloriæ tuæ ministri comperiantur: huc studium omne conferentes, conatúsque suos dirigentes, vt omnes miseræ oues, quæ adhuc sunt errabundæ, recolligantur, & ad Iesum Christum Dominum nostrum, præcipuum pastorem, & episcoporum principem, reducantur: vt in dies maius iustitiæ & sanctimoniam incrementum in eo accipiât. Interea autem omnes tuas Ecclesias è faucibus rapacium luporum eripere & ab omnibus mercenariis liberare digneris, qui gloriæ tantum aut lucri cupiditate ducuntur, de tui nominis illustratione tuique gregis salute nihil planè solliciti.

Insuper tibi preces nostras offerimus, Deus clementissime & Pater summè misericors, pro omnibus in vniuersum hominibus: vt quemadmodum totius humani generis agnosci vis Seruator, per redèptionem à Iesu Christo Filio tuo præstitam, ita ii qui adhuc à illius notitia sunt alieni, tenebrisque immerfi & ab erroribus ac ignorantia tenentur captiui, affulgente illis sancto tuo Spiritu, tuoque Euangelio auribus illorum insonante, ad rectam salutis reducantur viam: quæ in eo sita est vt agnoscamus te solum verum Deum, & quem misisti Iesum Christum. Rogamus & vt illi quos iam gratiæ tuæ fauore dignatus es, quorumque mentibus per cognitionem verbi tui illuxisti, quotidie in melius proficiant, spiritualibus tuis benedictionibus ditati: vt simul omnes vno & corde & ore te adoremus, Christumque tuum, Dominum nostrum, regem & legislatorem, honore debito prosequamur, ac iusto obsequio colamus.

b.iiij.

24 IN CANT. CANTICORVM

Precemur etiam illum vt fidem in nobis adaugere velit, cuius & corde & ore confessionem edemus, dicentes.

Credo in Deum Patrem omnipotentem, Creatorem cali & terra. Et in Iesum Christum eius Filium Dominum nostrum. Conceptum de Spiritu sancto, natum ex Maria virgine. Supplicio affectum à Pontio Pilato, cruci suffixum, mortuum, & sepultum. Qui descēdit ad inferos. Tertio post die resurrexit ex mortuis. Ascendit ad cœlos, sedet à dextris Dei Patris omnipotentis, inde venturus vt iudicet viuos & mortuos.

Credo in Spiritum sanctum. Sāctam Ecclesiam vniuersalem. Communionē sanctorum. Remissionem peccatorum. Carnis resurrectionem. Vitam eternam, Amen.

Sequitur ordinarij Psalmi decantatio, quæ absoluta, Minister populo discessuro Benedictionem hanc precatur, ex Num. 16. desumptam.

Benedicat vobis Dominus, vósque seruet incolumes. Dominus vos splendore vultus sui illustret, vobisque sit propitijs. Conuertat Dominus faciem suā ad vos, & omnia prospera vobis largiatur. Amen.

IN

IN CANTICVM CAN-
TICORVM HOMILIA
SECVNDA.

Auxilium nostrum sit à Domino, &c.

Quod sequitur extat in Cap. I. vers. 2.

2 Osculetur me osculis oris sui.

SVperiore cōcione diximus, breuibus ad *Certus huius operis scopus* quem scopum dirigenda sint quæcunque in hoc cantico continentur, & quænam hinc sit nobis doctrina, velut ex limpidissimo fonte hauriēda, nēpe quod ita nos degere in hoc mūdo oporteat, vt mūdani neutiquam cēseamur: quin potius mente & cogitatione in cælos vsque abrepti Phil. 3. 20. sic vtamur iis quæ hīc in sensus nostros incidūt, vt cuncta ad Dei gloriam, atque ad eò ad hāc felicissimam coniunctionem, ad quam enitimur, referamus: ad perfectam, inquam, fruitionem Domini nostri Iesu Christi, quam is nobis à Patre postulauit & obtinuit. Ioh. 17. 24, & cuius nunc spiritum arrabonem habemus, 2. Corinth. 5. 5. Donec Deus sit omnia in omnibus filiis suis. 1. Cor. 15. 28. Hoc igitur illud est, quod hīc nobis sub persona Ecclesiæ, quæ ex cunctis veris fidelibus cogitur, propositū est. Licet enim in terris quodammodo reptent, iam nunc tamen cælos affectu & votis occupāt, haud secus ac Sponsa nuptiarum diem sollicitè expetens: qua quidem cu-

ra maximè nos angere quotidie æquum est : à Deo petentes ut nomen illius sanctificetur, & regnum ipsius adueniat. Etenim ne ipsam quidem salutem nostram nobis pro votorum nostrorum ultimo fine proponere nos decet, verum ad ipsius Dei gloriam usque respiciendum nobis est, ad quam admonet Apostolus ut cuncta nostra tanquam ad ultimum electionis nostre terminum dirigamus, Eph. 1.6, & 1. Cor. 10. 31. Interea verò non praterit Solomō ærumnas quibus Ecclesia obnoxia est, exercendaque sunt singula ipsius membra, quoad suo desiderio potiantur : sed ita ut iis alienandis, Sponsus è cœlis ad consummationem usque seculi manus ei porrigat, suamque Sponsam miris modis soletur, suo tempore, in suos amplexus illam euocaturus Matt. 28. 20, & Ioh. 14. 18, iam nunc in nobis gemitus illos ciens inenarrabiles, nunquam à Deo neglectos, Rom. 8. 16.

Cæterum in hoc exordio, quatuor sunt præcipue & sigillatim nobis obseruanda. Vnum, quamnam persona hic loquatur : diximus enim superiore concione, plures personas in hoc cantico induci. Deinde, ad quem isti sermones dirigantur. Tertiò, considerandum est quid à postulante petatur. Postremum, quomodo, quoue sensu istud postuletur. Ut duo igitur priora ex istis simul absol-uamus, Sponsa est, quæ hinc Sponsum suum compellat. Nam quod veluti de absente quopiam loquens. *Deosculetur me*, inquit, nō au-tem,

*Animam fi-
delem ad Dei
gloriam præ-
cipue colli-
mare: extre-
mum videli-
cet electionis
nostre ter-
minum.*

tem, *Deoſcylare me*, ita fert idioma Hebrææ linguæ, qua ſcripſit Solomon. Nec propterea exiſtimandū eſt, ad aliū, quā ad Spōſum, eūnque præſentem, orationem hanc dirigi.

Quod autem illa prior Sponſum compellat, id quidem videri poſſet omnino à virgineo pudore alienum, nullóque pacto illibatæ caſtitati conueniens, quandoquidem in nuptiis ea qua decet honeſtate cōtrahendis, omnium gētium moribus receptum eſt, vt puella prius à proco ipſam ambiente interpelletur. Attamen nihil eſt in hoc ſermone præpoſiterè dictum aut factum : immò in hoc ſpiritali contractu, verè iuxta Sponſaliorum optimas leges, ſeſe gerit quælibet anima fidelis. Quanuis enim hic Sponſa præoccupare videatur Sponſum, illius nimirum amore accēſa, haud ſecus ac Cerva illa cupidiffimè refrigerium aquarum expetit, Pſalm. 42. abſit tamen vt deſiderium, quod fecit vt in hunc ſermonem erumperet, ab ipſa prior exortum cēſcamus. Etenim Sponſus haud dubiè is eſt, qui prior eam interiùs alloquutus, iſtos in ipſius mente motus excitauit, & hac eam impulit, vt tanto ardore Sponſum quæreretur, ac ſectaretur : quod innuit Propheta, Pſal. 116, Credidi, inquiens, id eſt, fidē in Deum habui, ideo loquutus ſum : ſicut Rom. 10. 10, ſcriptum eſt, Corde nos credere ad iuſtitiam, ac demum ore confiteri ad ſalutem. Et certè, ex Ezechielis cap. 16. Vbi huius coniugij primordia exponuntur, ſatis con-

28 IN CANTIC. CANTICORVM

stat, causam sponso non præbuisse priorem, Sponsam, vt quæ illic sub imagine repræsentetur miseræ puellæ, recens ex vtero matris eductæ, sanguine penitus adhuc conspurcatæ, & in sordibus iacentis: quod apertè Paulus, nullóque velamine explicat, misera nos vocās cadauera: & quidem in peccatis mortua, Eph. 2. 1. Quare fateantur oportet, etiam iustissimi quique, Deum immenso nos amore suo anteuertisse, ideóque abluisse, Apoc. 1. 5. Ioh. 4. 10, electos nimirum, non in nobis, seu quòd esset nostræ alicuius dignitatis præsciis: prout nec vlla vi nostra, facti creatiue fuimus, Psal. 95. sed in illo suo dilecto, neque eò quòd iam sancti essemus, sed vt sancti fieremus, Eph. 1. 4.

Tanti beneficij in mortales collati exempla.

Exempla requiritis? Abrahamus Dominum quidem sequutus est, sed ex idololatria eductus diuinitus, in qua cum cæteris immersus erat, Ios. 24. 2. Isaac filius quidem est Abrahami sed ex vi promissionis, quam pater Abrahamus fide fuerat amplexus, ideóque præter leges naturæ cõmunes genitus, Gen. 18. 13. Rom. 4. 2. Dei enim fuit liberos Abrahamo suscitare, & ex iis Ecclesiam constituere: Abrahami verò, neutiquā, vt Deo familiam daret, ex qua Ecclesiam colligeret. Iacobus benedictionis hæres fuit, eò quod, Deus illum vltro, repudiato Esauo, dilexerit, Gen. 25. 23, & Malach. 1. 2. Moses populum in libertatem asseruit, sed ad hoc exequendum opus penè inuitus extrusus, Exod. 3. 11. Populus introdu-

troductus est in terram Cānaan, sed renitēs,
 & vi pertractus. Loquuti sunt Prophetæ, sed
 Spiritu Dei superueniente. Apostoli Iesum
 Christum sequuti sunt, sed tūc vocati, quum
 rebus suis, suæ videlicet piscaturæ, penitus
 essent intenti. Paulus singulari Dei benefi-
 cio, quum blasphemus, & Ecclesiæ Dei de-
 structor esset, factus est vas electum. I. Timo.
 1. Deniq; ne tam procū ista petamus, ecquis
 nostrū, qui ex omnibus ferè Europę regio-
 nibus in hanc Ecclesiam conuenimus, in sei-
 psū inquirens, ausit iactare, quod prior
 Deum agnouerit, vel etiam compellarit: ac
 nō potius ingenuè fateatur, quod Dominus
 Esa. 65. 1. loquens, Feci vt inuenirer, inquit, ab
 iis qui me minimè quærebant? Ecquis enim
 illi prior dedit? Rom. 11. 35. quū ne minimam
 quidem de Deo cogitationem, animos no-
 stros subire, tanquam ex nobis, sit certo cer-
 tius. 2. Cor. 3. 5. Itaque vt ad rē regrediamur,
 hīc quidem prior apertè loquitur Sponsa, sed
 quia illam haud dubiè prius Dominus inter-
 nè vellicarat: rectè propterea precante Da-
 uide, Domine labia mea aperies, & os meum
 annuntiabit laudem tuam. Tracta est deni-
 que à Patre, Io. 6. 44. vt obturetur os vnicui-
 que, & tribuatur gloria Deo, qui vnus est
 gratis, & principium & medium, & consum-
 matio nostræ salutis. Quomodo enim suspi-
 rata Sponsa ad Sponsū, nisi se ab illo diligi
 firmissimè crederet? fide, inquam, quæ nō ex
 nobis, sed à Deo est, Eph. 2. 8. quia nobis datur

vt credamus, Phil. 1.29.

*Amor reci-
procus Spon-
sa in Spon-
sum sicut ab
eo nascitur
quod Spon-
sus Sponsam
diligit, sic ab
eo nunquam
separari po-
test.*

Sed hic præterea meminimus oportet
eius quod de suo in Deum amore reciproco
sponsa nobis testatur: Illam videlicet dile-
ctionem Dei erga nos, aliam in nobis dile-
ctionem parere, qua Deum redamamus, &
fratres quoque mutuò se diligunt. 10.3.10.&
4.20. qua duo vsque adeò sunt inter se cõne-
xa vt dissingi nulla ratione possint. Hinc e-
nim manifestum est nos esse filios Dei, quòd
eum diligamus: & hanc rursus dilectionem
testatur altera illa qua nos inter nos ama-
mus, sicut accuratissimè nos monet Christus
illa diuinissima concione, quam postremam
habuit ad discipulos suos, quam ad mortem
properaret: quod etiam subinde à dilectissi-
mo illo discipulo prima ipsius Epistola catho-
lica inculcatur. Sic quoque Dominus Luc. 7.
47. de illa muliere antea peccatrice loquens,
dilexit, inquit, multum: ex quo colligit multa
illi peccata fuisse condonata. Quid nos igitur
magis optare & curare decet, tot tan-
tisque beneficijs per Dei misericordiam cu-
mularos, quàm vt his monitis obsequuti, &
verè ad Deum cõuersi, tum illum diligendo,
tum nos mutua charitate complectendo, ve-
rè nos esse ex eorum numero testificemur,
quos ipse tantopere & tam seriò dilexit.

*Quid per of-
culum Spõsi
intelligat
Sponsa.*

Sed in primis dispicere operæpretium est
quidnam sponsa petat, quod tertio loco ani-
maduertendū docuimus. Ditissimus quidem
ac liberalissimus est is ad quem illa suspirat,

cun-

cunctæque tum præsentis tum futuræ vitæ benedictiones sitæ sunt in ipsius vnius potestate. Sed illa nihil præter osculū, osculum inquā, oris Spōsi non temerè efflagitat. Neq; causā est, cur tantam hāc familiaritatem miremur, nec enim hæc Sponsa, quæ Dei Ecclesia est, Spiritum timoris ex legis damnatione accepit, Rom. 8. 15. sed sanctā illam fiduciam quæ nos ad thronum vsque gratiæ impellit, Hebr. 4. 16, non quidem aliqua nostra dignitate fretos, sed pia confidentia in eo reposita qui pax nostra est, Eph. 2. 15. id attestante Spiritu ipsius in cordibus nostris, vt qui clamet Abba, id est Pater, adeò vt etiam palàm fiat quod inquit Matth. 11. 12. regnum Dei à violentis rapi: Deo ipso veluti sponte nobis cedente & in hac manifesta lucta sese vinci à suo Israele sinēte, sicut in Iacobi historia scribitur Gen. 32.

*Pia fidelis
animæ con-
fidentia ex
Spiritu di-
lectionis.*

Quod ad osculum autem attinet, alludit ad mores passim omnique tēpore vsitatos, quibus homines decentibus quibusdam ritibus mutuam beneuolentiam demonstrant: variè tamen, ac pro cuiuslibet gentis more & arbitrio. Sic in his regionibus consuetum esse videmus caput aperire, corpus inclinare, & procidere in pectus honoris atque amicitiae ergo, talique gestu sese quodammodo alios aliis summittere: dextras etiam, alter alteri dare solemus, eo testantes paratos esse nos, facultates nostras, atque adeò cor ipsum amicis tradere: sed inter cætera, cuiusmodi ne-

*Petus mos
sese mutuò
osculandi
quid desi-
gnaris.*

scio quid singulare obtinet exosculatiō. Quā enim vita in respiratione sita sit, & ore Spiritus meet ac remeet, os ori adinouere, est veluti signum, nos libenter animam pene ipsam in amicum, si fieri posset, insinuatueros. Qui mos ab omni æuo obtinuit, præsertim apud Oriētales populos, & quidem in primis iam olim, inter populum Dei, atque adeò in Ecclesia Christiana vetere, tū Orientis, tū Occidētis, vt apparet ex Rom. 16. 16, & 1. Pet. 5. 14. & aliis Apostolicarum Epistolarum locis.

*Sanctorum
rituum ine-
ptæ imita-
tiones inter
Pontificios.*

Sed & nunc quoque mos iste, quod ad externā ceremoniam à monachis obseruatur: & huius ritus imago quædam est, id quod in Papisticis missis canoris, pacem vocāt: quam deosculandam singulis præbēt, submota interim sacræ cœnæ communione, ad quam, huiusmodi osculis, sese fideles olim, tanquam veræ concordiae & charitatis symbolo, comparabant. Verum huic consuetudini vsuuenit, quod multis aliis antiquis, & suo tempore minimè inutilibus institutis: nempe vt tot corruptelis scædata sint, atque conspurcata oscula: vt vix ac ne vix quidem mos ille, purè & sanctè possit, in Ecclesiasticis cōuentibus in vsum reuocari. At augustissima purissimæque sunt hæc oscula, quæ ab hac Spōsa flagitantur, immò iis quoque infinitè castiora, quæ vel moderatissimus vllus maritus, vxori quantumlibet venerandæ vnquam libarit. Castiora, inquam, sunt, quàm quæ vllò æuo usurpari inter homines potuerint, merè
nimis

nimirum spiritualia sunt, & illustre ac certissimum, speratæ illius suæ futuræ cum sponso coniunctionis, pignus, qualia Spiritus sanctus monet, ut vicissim Spōso præbeat Sponsa, Psal. 2. 13.

At cur, inquires, disertè oris illius oscula Sponsa postulat, quam nō nisi ore præbeatur? Sciendum est igitur, hoc osculo nobis mysticè significari, in primis ordinariam illā rationem, qua Deus seipsum cū Ecclesia sua copulat, quæ est verbi Diuini prædicatio, cū vi & efficacitate sancti Spiritus coniuncta. Huius autem mysticæ significationis analogia, ex eo constat, quòd os sit illud verbi organum, quod propterea Dei potentia, ad salutem cuius credenti, ab Apostolo Rom. 1. 16. nuncupatur, & incorruptibile semen Ecclesiæ dicitur, 1. Pet. 1. 25. quamuis tota illa efficacia, propriè Spiritui Dei competat, Io. 3. 8.

Sed præterea, quum accuratius istud considerantibus, constet sponsam istā nunquam fuisse verbo destitutam, (nusquam enim absque verbo extiterit vnquam Ecclesia) manifestum est, aliquid hīc amplius Spōsam à suo Sponso requirere: ac si diceret, hætenus, mi Sponse, literis & internuntiis à te salutata & deosculata sum, sed iam te ipsum cupio & reposito, alioqui nequaquam mihi satisfactum puto. Itaque ab ipso quidem mundi exordio, Dominus Seruatorque noster, sibi suam Ecclesiam despondit: cum Adamo & Eva paciscens, ex quibus illā sibi seculis omnibus col-

Cur Oscula postulat Sponsa, disertè oris vocabulum exprimat, ratio prima, initium fæderis respiciens.

Ratio altera sub Abrahamo usque ad Legem.

34 IN CANT. CANTICO V M

legit. Idem quoque hæc sponsalia cum Abrahamo, Isaaco, & Iacobo, tanquam cum credentiam patribus renouauit. Sed hæc nihil tamen fuerunt aliud, quàm huius matrimonij futuri stipulatio.

*Ratio tertia
sub lege.*

Et quanuis postea Spôsus sese huic Sponsæ quodammodo stiterit, & spectadum præbuerit, in Legis ceremoniis, quibus, aliquāto propinquior illi factus, expressioribus pactis Ecclesiam sibi desponsauit, vt significat Apost. Hebr. II: Id tamen omne, quasi inter longè diffitos, nec perfectè gestum fuit, Heb. II. 13. adhibitis videlicet figuris & umbris, quarum corpus & veritas est Christus, Coloss. 2. 17.

*Ratio quarta,
sub Christi
exhibitione
in carne.*

Itaque sufficiebat quidem istud fide apprehensum, ad patrum salutem, adeò vt beatorum sedes ea de causa, sit dicta Abrahami sinus, Luc. 16. 22. vt qui Christi diem viderit, & sit gauisus, Ioh. 8. 56: sed eorum desiderium minimè sic est expletum, spe nimirum illorū ad ea respiciente, quæ suo demum tempore peragenda, & perficienda tunc norāt, quum ipsemet hæres ad vineam suam erat accessurus, Matt. 2. 28. Itaq; meritò Dominus noster Iesus Christi, Luc. 10. 24. Multi reges (inquit) & Prophetæ, cupiuerunt videre quæ videtis, nec viderunt, & audire quæ auditis, nec audierunt: cui Petrus suffragatur, I. Pet. 1. 11. Hoc est igitur quod intelligit requiritque Sponsa: ac si diceret, Domine, mi Seruator & Spôse, abundè mihi abste venerunt nuntij, satis super-

superque salutationum accepi, & testimoniorum tui futuri ad celebrandas nostras nuptias aduentus. Sed quando tandem illud felicissimum tempus aderit, quo meipsam tibi reipsa coniuges, & os illud sanctissimum, purissimè & sanctissimè suauandum præbebis? Nam certè nunc demum dici potest, ac debet Dei filius nos deosculatus esse, immò plusquam deosculatus, quum adeò sese proximè nostræ naturæ adiunxit, ut homo quem assumpsit, non modò imago Dei creatoris sui sit, ac dicatur, sicut prior ille Adamus, verum etiam Deus verus, idemque verus homo existat, in vnica persona: & quidem ea vni-tione, quæ nunquam sit æternum dissoluen-da: qua ratione, os illius ori nostro, perpetuo osculo, eoque sanctissimo, agglutinatum per-manet.

Sed ne hæc quidem sufficiunt ad istius os-
culi tantopere à Sponsa expetiti præstati-
am cognoscendam, & animo perfectè concipiendam. Licet enim Dei Filius, qui Sponsus
dicitur, assumpserit naturam toti generi hu-
mano communem, minimè tamen idcirco
cunctos homines illum deosculatum esse,
existimandum est: sed suam illam duntaxat
Sponsam, id est Ecclesiam. Quamobrem sic-
uti neque vir quilibet, cum quacunque mu-
liere, neque mulier quæuis, cum quolibet vi-
ro in vnâ carnem coalescit, quoniam ut vir
quispiam vnicus, & quæpiam mulier, vna ca-
ro fiant, vltra eam coniunctionem qua na-

*Sponsus quæ-
uis omnium
hominum si-
milis quod
ad ipsam na-
turâ huma-
nâ attrinet:
tamen solam
suam Spon-
sam est de-
osculatus.*

turaliter homo homini congener est: & quaterque sexus in eadem specie conueniunt, alia peculiaris corporum duorum copulatio requiritur: ita ad hunc de quo hic agitur spiritualē nexum, alia quoque per fidem vtrunque datam & acceptā vnitiō requiritur, quā Iesus Christus Ecclesiæ suæ vir fiat, & illa vicissim os ex ossibus eius, & caro ex carne illius euadat, Ephes. 5. 30.

Stipulationem huius coniugii fieri in hac vita, matrimonium in futura vita perfici.

Spiritualementem autem hanc stipulationē, scriptura docet duplici gradu perfici. Primò namque sponsus hic, in terris Ecclesiæ suæ seipsū tradit, illa verò ipsum fidē recipit, cuius pacti instrumentum est Euangelium, sigillis duobus, Baptismo videlicet & Sancta Cœna Domini, communitum. In hoc tamen non subsistimus, sed hac vnitionis, per fidem ac spem, specie freti, tanquam alterius pignore, ad illam cōtendimus: ad illam videlicet realem, & certissimē actu ipso sequuturam vnitionem, vltimo illo die, quum id quod spe non inani sumus, perfectē ac re ipsa toti existemus: tum inquam, quum ipsum Sponsum prout est intuebimur, 1. Io. 3. 2. eritque ipse Deus omnia in omnibus, 1. Cor. 15. 28. quum deniq; nō ex parte, seu per enigmata, Sponsum illum cernemus, 1. Thess. 4. 17. vnum cum ipso facti, sicut ipse à patre postulauit, Iohan. 17. 21.

Perpetuis osculis erigi & foueri, ad

Sed & illud obseruandum est, Sponsam non de vno solo osculo agere, sed oscula postulare: ita demonstrantem, sese non simpliciter

citer appetere Sponsi aduentum in terras, *consumma-*
 in carne, quem tamen sciebat coram ac præ- *tionem* *vs-*
 sentem sibi sisti oportere. Verum oscula of- *que, id est æ-*
 culis superaddi desiderantem, consciam uti- *ternæ gloriæ*
 que brevis illius, & veluti fugacis commo- *communica-*
 rationis in terris, & locum verè consumma- *tionem, po-*
 tioni huius sanctissimi coniugij destinatum, *stulat Spon-*
sa.

non in terra, sed in cœlis situm esse, vbi rex
 suę Sponsę coronam imponet, & suam illam
 gloriam cum illa communicabit, prout à Pa-
 tre postulauit, Io. 17. nempe ut eò introduca-
 mur, vbi futurus tum erat, & ut vbi nunc est,
 ibi nos quoque cum ipso simus. Nouerat, in-
 quam, hæc Sponsa, illum descensurum in ter-
 ras, non ut ibi confisteret, sed ut ipsam sur-
 sum post se traheret, Io. 12. 32. & anteuertens
 ipsi pararet aditum, ac nuptialem thalamum
 institueret, Io. 14. 2. Itaque singulari osculo
 minimè contenta, ad extremum illum diem
 aspirat, nullis illecebris huius terrenæ vitæ
 detenta, Col. 3. 1. quod à Deo continuis votis,
 omnibúsque momentis exigere, singuli mo-
 nemur, nimirum ut illius regnum adueniat:
 quē diem nomine nostræ liberationis pro-
 pterea designamus: & quo appropinquante,
 capita nostra erigere iubemur, Luc. 21. 28.
 Cuius etiam desiderio exclamat Apostolus,
 Rom. 7. 24. Miser ego homo quis me eripiet,
 ex corpore huius mortis? & alibi, Cupio
 hinc demigrare, & esse cum Christo, Phil. 1.
 28. sciens nimirum ac profitens, se nondum
 metam attigisse, sed adhuc currere, & ad pal-

mam ferri, Philip. 3. 13.

Trinis gradibus, ad perfectam cum Christo Sponso copulationē perueniri, multiplici, atque adeo dispari intermixta de osculatione.

Idem autem alibi tres gradus sibi statuere consuevit, quibus ad summam vsque desiderij sui metam, vltimo demum illo die, conscendat, in quo reposita sibi iustitiæ corona potiatur, 2. Timot. 4. 8. Primus igitur horum graduum hic est, & primū hoc osculum quod nos hic Sponsus dignatur, quum nos sibi in hac vita per sanctum Spiritum adiungit, Io. 14. 21. Ad alterum autem gradum progredimur ex hac vita demigrantes, ad alterum excipiendum osculum, tantisper dum vltimus ille dies illucescat. Quāuis enim ex hac mortali vita discedentes beatorum Spiritus ad Sponsum aggregentur, illos osculo beatiore & pressiore suauitatem, testibus ipsius Christi verbis ad Latronem, Luc. 23. 43. & Stephani precibus, Act. 7. 59. quia tamen altera nostri portio, (corpus videlicet) iacet adhuc in puluere & ignominia mortis, inde fit vt oscula illa plena & integra ad vltimum vsque diem differantur, quū obuiam ibimus Sponso, & ipse nos vicissim hac tam fausta salutatione excipiens, Adeste, inquiet, benedicti Patris mei ad possidendum regnum vobis à iactis mundi fundamentis præparatū, quum, inquam, aduenienti Sponso occurrent prudentes illæ virgines, Matth. 25. 6.

Hic etiam in terris continuis osculis donorum gratiæ, illisque

Præterea etiam si duntaxat illius status ratio habeatur, quo suam in terris Sponsam Dei Filius osculari dignatur: non immeritò tamen illam dixerimus à suo Sponso, non vnicum

nicum osculum sed plura flagitare, nempe vt ^{gradatim au-} fide, spe, charitate quotidie augescens, cun- ^{gescentibus,} etorum donorum quæ ad salutem conferunt ^{Ecclesiam} ^{ad se Chri-} ^{stum allicere} ^{ac tandem} ^{perducere.} multiplici serie, perpetuòque tenore cumuletur. Est enim Christiani hominis vita curriculum instar, in quo magis magisque progrediendo, sensim eò peruenimus, vbi proposita nobis est corona: sicut Apostol. pluribus in locis admonet, declarans etiam oportere vt Christus in nobis adolescat, nòsque in illo Philip. 3. 12. Eph. 4. 13.

Cæterùm etsi Sponsa non postulat vt sibi ^{Mutua esse} ^{hæc oscula.} Spòsum osculari liceat, sed oscula sibi à Sponso dari postulet: tamen quum vtrunque vno eodémque actu transigatur neque aliter fieri possit: sic admonemur oportere nos officij nostri memores vicissim Sponsum deosculari, quod fieri tamen nò potest, quin ille prior ad nos accedens deosculandum os suum præbeat: impura siquidem, vel etiam simulata forent oscula quæ proprius aliquis humanus affectus suggereret, cuiusmodi sunt omnes superstitiones, & cultus omnis humanitus excogitatus Esa. 29. 13. Col. 2. 29. Omnes denique virtutes etiam morales vulgò vocatæ, & à non regeneratis profectæ. Ro. 14. 23. Quinimò Spòsæ quoque ipsius oscula sic cum osculis ab ipso Sponso priore præbitis cohærent, vt tamen magna imparitate inter se differant. Etenim quæ à Sponsa inferuntur nullius per se sunt pretij si ex se æstimentur, tantumque quia Sponso grata sunt non ab ipso.

rum pretio seu valore, sed à mera ipsius gratia proficiscitur.

*Quomodo
affectam ef-
se deceat
Sponsam ad
oscula Spon-
si excipienda*

Præterea (vt ad quartū thematis nostri caput accedamus) quā ad Sponsi osculationem ventum est, vt ei clientelaris illa fides præstetur, à potentissimis etiam quibusuis præstanda, Psal. 2. 13. cauere nos magnopere decet, ne temerè & superbè statim ad os ipsius procuramus, quin potius demittere nos oportet, & ad pedes illius aduolui, exemplū sequutos mulieris illius peccatricis, quæ pedes illius lachrymis suis lauit, capillis deterfit, & pretiosis vnguentis vnxit, Luc. 7. 38. prius ab illo videlicet internis resipiscentiæ & donis fidei perfusa. Osculum igitur Domino præbituris nobis ordiendū est ab impuritatis nostræ agnitione minimè ficta, illius miseri publicani exemplo: qui pudore suffusus procul stabat: neq; propius accedere audebat, Luc. 18. 13. Cor igitur illud deiectum & contritum præferentes, (quod tantum abest vt à Domino spernatur, vt illi potius suauissimi sit odoris sacrificiū, Psal. 51. 19. & ad pedes eius prostrati, tum demum vnà cum hac Spōsa, ex sacratissimo eius ore, constanti fiducia, oscula petamus, mox ex illius ore nos suauiante, vocem illam inenarrabilis gaudij plenam audituri, Condonata sunt tibi peccata tua: tandē etiam ad huius sancti coniugij veram consummationem admittendi. Sed agè, tandem ad quartum nostræ distinctionis articulum accedamus. Dicimus ergo nos hīc quoque

com-

commonefieri, expendendum esse diligenter qua ratione, & quo modo hæc oscula sint nobis à Sponso postulanda, affectu nimirum inconcussa fide repleto, & flagranti zelo aestuante, eius nimirum fructus indice, quem Spiritus ille Dei ex pœnitētia de qua loquuti sumus elicit. Sic autem appello piam illam confidentiam, & penitus pacatam conscientiam, quæ per Dei gratiam viua fide apprehensam, nos à Deo diligi sibi certo persuadet, id attestante nobis adoptionis Spiritu, Ro.8.16. à quo docti sumus quæ de nobis Deus ab æterno decreuit. I. Cor. 2.16. Est autem hoc donum eiusmodi vt eius nobis donati nunquam Dominum pœniteat. Rom. 11. 29. adeò vt nulla vi ab ipsius charitate & dilectione vllò tēpore disiungi possimus: Ro, 8 35. Hinc ergo gignitur in nobis desiderium illud ingens quo impulsī ac roborati, posthabitis omnibus, summa vi, Apostoli exemplo, stadium hoc percurrere nullis retinaculis detenti contendimus, donec ad vltimam metam perueniamus, vbi Sponso occurrentes dicamus cum Dauide, Psal. 16 5. Domine, tu es fors mea, & portio hæreditaria mea, non autem hic mundus cui sum crucifixus Gal. 4.14. & rursus, Satiabor quum gloria tua apparuerit, Psal. 16 15.

Quænam igitur est ista Spōsa quam Spon-
sus deosculatur, & quæ vicissim illum tam ar-
denter suauatur? hoc profectò neutiquam
iis conuenit qui retrocedētes seipsos & ter-

*Antithesis
eorum qui
dignè ad hæc
oscula acce-
dunt &c*

eorum qui rena quærunt. Nam certè cœlum in terris si-
ab iis sua tum non est: neque quisquam hoc Sponso
prophanita- frui potest nisi qui seriò illum quærit, semet
te arcetur. ipsum in primis abnegans, testâte vera Spō-
 sa, quum ait Osculetur me, sese omnem suam
 fœlicitatem in illo vno habere repositam,
 quinimò sese sui ipsius oblitam illum vnum
 perquirere donec inueniat. Neque illis igitur
 hoc beneficium tribuitur quibus venter
 est Deus, quibus nihil dulcius est quàm sei-
 ipsos spumantes dissuauiri: nec etiam auaris
 qui auri argentique oscula insanè concupis-
 cunt: quum tamen Deo & Mammonæ simul
 seruire nemo possit. Iob. 31. 24. Matt. 6. 24. In
 summa quicumque fieri cupit eius coniun-
 ctionis particeps quæ his osculis adumbra-
 tur, & in qua vinea sita est nostra omnis fir-
 ma ac perpetua beatitudo, is necesse habet
 agglutinari Domino, ac vnus idémque Spi-
 ritus esse cum Christo, 1. Cor. 16. 17. Rom. 8. 1.
 oportet, inquam, vt principem huius mundi
 abneget, vt seipsum ceteraque omnia, siue
 sublimia, siue infima, siue media, quibus ab
 hoc proposito abduci potest, semel penitus
 eiuret.

*applicatio
 obiurgato-
 ria supra-
 dictorum, ad
 præsentis se-
 culi mores.*

Hæc verò quum ita se habeant, & vide-
 am puræ huius vitæ vix tenuia quædam ve-
 stigia inter nos apparere, vigentibus adhuc
 apud nos tot tantisque corruptelis ac flagi-
 tiis, licet assiduis monitis corripiamur, atque
 ad eò clarissima nostris oculis obuersionibus
 diuinæ testimonia: nescio profectò quid
 aliud

aliud nobis expectandum dicam vel cogitem, quàm quæ de diuortio apud Ezech. 23. scripta sunt, nisi fortassis interuenerit clementissimi Domini immensa indulgentia: quum tamen illam ipsam grauissimam pœnam mereamur quam Christus incolis Chozazin & Bethsaidæ & Capernauntis interminatus est, Matt. II. 21. Nec est cur prætexamus idololatriam à nobis abiectâ vt Sponsum oscularemur; quum perniciosissima omnium idololatria quæ inuisibilis est, etiam nunc in cordibus nostris regnet, & parum sit abdicasse Sathanam ac superstitiones, nisi Christus induatur. Enimuerò (quod non sine maximo dolore dicam, & dicam tamen) maxima pars nostrum in eorum classẽ reicienda est, de quibus Dominus apud Esa. 29. 13. Populus hic, inquit, labiis me honorat, cor autem illorum longè abest à me: horum autem oscula annò iis simillima dixero quibus Ioab Abnerum, & Dominum Iudas deosculati sunt? prorsus certè ab iis aliena quæ Spõsa nostra expetit simul & præbet, cuiusmodi affectu Dauid, Psal. 42. 1. Anima mea, inquit, Deum viuum desiderat, vt Cerua sitibunda torrentes aquarum. At cõtra Sponsus vt suis nos osculis dignetur, primùm requirit, vt à manifestè prauis cogitationibus, & palàm vanis sermonibus, aut operibus iniustis alieni simus, quibus Spiritus Dei qui nos docet vnà cum Spõsa suspirare, haud dubiè contristatur, ac tandem extruditur, vnde fit vt

ultima conditio deterior euadat priore Mat.
12.45. Cuius calamitatis eheu fatis superque
exemplorum passim ob oculos habemus.

*Dona Dei se-
pe astutia
Sathanae fi-
unt homini-
bus incantis
exitii instru-
menta.*

Deinde hoc præterea flagitat, vt perpetuò
hûc quoq; incumbamus, & toti in eo simus,
vt mutua hæc oscula perpetuo tenore conti-
nueantur, tum maxime quum Deus eo fauore
nos prosequitur, vt operetur in nobis. Ea
siquidem est vetulissimi aduersarij astutia, vt
dona etiam Dei in nos collocata in suum cõ-
modum sæpissimè conuertat, & iis quoque
velut instrumētis (quod est pene incredibile)
in nostram perniciem vtatur. Quotusquisq;
enim est qui ex præclaro aliquo seu dicto seu
facto, cuius exequendi gratiā Deus illi sit lar-
gitus, non statim sibi gloriolam quampiam
arroget? qui si quid recti dixit aut fecit, sta-
tim illud non vitiet à seipso fascinatus, nisi
ipse sibi tēpestiuè & diligenter, etiam atque
etiam ab ambitionis & arrogantiaē peste ca-
ueat? Exempla requiritis? Abraham & Sara
ingenti cupiditate tenebantur promissæ po-
steritatis, nec erant vera viuæque fide desti-
tuti. Quinam enim absque fide futurū istud
sperassent? Ecce præstò adest insidiator Sa-
than, & sic illos callidè aggreditur iniecta in
fidem illorum præcipiti impatientia, vt pro-
pemodum maxima sua culpa, tanta expecta-
tione exciderint. Persuasit quippe Sara ma-
rito, vt cum Agara ancilla concumbens, pro-
lem ex illa suscipere satagaret: vnde natus est
Ismael, ille Isaaci filij promissionis, & vnici
illius

illius in sancto fœdere hæredis insectator. Sic etiam Rebecca quum iis credidisset quæ de duobus suis filiis ipsi prædicta fuerant, adhuc illos in vtero gestanti, Gen. 25. 23. tamen Sathanae proculdubio suggestione, quum animaduerneret Esauum mox à Iacobo benedictum iri, impatientia sua penè rem totam euerterat, nisi Deus suo Spiritu insigniq; clementia, Iacobum quamuis incautum in hoc negotio gubernasset. Nec alij sanè causæ quàm isti supplâtationi, qua cōmotus Esauus tam atrociam in fratrē comparauit, acceptę ferendæ sunt ærumnæ, quæ Iacobum postea exercuerunt: licet demū Deus ex illis tenebris clarissimā lucē eduxerit. Habemus etiam huius rei luculentum in Martha Mariæ sorore quāuis non tam tristè exemplum: quæ nescia satis prudenter regere optimum illud desiderium commodè ac comiter apud se Dominum excipiendi, potiozem partem neglexit, à qua penè decidit, Luc. 10. 42.

Agedum igitur fratres, oremus omnes as-
 fiduè, & quàm ardentissimè Deum illum no-
 strum, vt nos omni tempore nō modò qua-
 libuscunq; donis suis, sed ea potissimū gra-
 tia dignetur, quæ rectum cæterorum ipsius
 beneficiorū vsum nos doceat, quod etiā hīc
 peroptare videmus Sponsam, non osculū sed
 oscula numero multitudinis postulantē, oscu-
 la inquam oris ipsius: significans omnino, ad
 hoc vt idonei euadamus ad obtinendā hāc tã
 expetendā cōiunctionē, requiri vt Dominus

*Exhortatio
 ad preces &
 osculorum
 Sponsæ, pre-
 vocationis
 ratione, me-
 disationem.*

gratiam gratiæ superaddat: quæ quidē omnia beneficia ex ore illius proculdubio in nos emanāt, & ab eodem ipsius Spiritu ad rectum ordinē & finem diriguntur: quod etiam placet ad vos fratres propius accommodare. Ecce video vos, venerādi magistratus, sedulam operam iuri dicundo & dirimendis ciuium controuersis nauare, quæ uestra est sancta vocatio, in qua obeunda cura, faxit Dominus vt quā integerrimē ac studiosissimē vos geratis. Verum si fortē tanto studio ciuiles disceptationes absoluēdi tenemini, vt hæc vacua subsellia cernamus, quibus insidere vos maximē deceret Dei verbum audituros, id est vestri quoq; istius negotij normam: istud quid aliud fuerit quā boni pretextu, id quod primarium est negligere? Sit etiam concionator quispiam domi priuatis sacris studiis semper intentus, vt abūdet pabulo quod suo gregi suppeditet: fuerit certē hæc cura maxima laude digna, vtpote non vtilis modò, sed etiam necessaria. Sed quid si dum perauidē circa libros domi satagit, Sathan vnā quampiam ex ipsius ouibus, foris absente Pastore abripiat? id profectò nequaquam fuerit ritē officio Pastoris fungi, cui non id solum curæ esse debet, vt multa legat, Timo. 1. 13. sed etiam, vt tum super vniuersum gregem, tum etiam super singulas oues excubias agat, Apostoli exemplo, Act. 20. 20. Detur etiam bonus quispiam paterfamilias industrius œconomus, & strenuē laborans, vt fami

familiam alat: detur (quod sanè rarissimum est) honestus mercator, bene sibi conscius, & qui mercaturam non tam sibi quàm vtilitati publicæ exerceat. Hæc quoque laudanda atque adeò sancta sunt studia. Sed si qui iis curis detenti domi hærent, vel suis officinis affixi tenentur quo tempore vox Dei in templis resonat, vnde petenda illis fuit recta gubernandæ familiæ, & exercendæ mercaturæ ratio, istud profectò fuerit officij sui præstandi specie, verum officium negligere. In summa igitur, sollicitudine quàm maxima simul & quàm ardentissima, concupiscenda sunt oscula oris Domini, & toto corde ad beatissimam illam Christi nobiscum cōiunctionem est anhelandum: quod necessa-

rium ad salutem desiderium, his
precibus petemus vt Deus in
nobis accendere magis
ac magis dignetur.

Omnipotens
Deus, &c.

* *
*

IN CANTICVM CAN-
TICORVM HOMILIA
TERTIA.

Auxilium nostrum sit à Domino, &c.

Quod sequitur extat in Cap. 1. vers. 2.

2 Amores enim tui vinum bonitate superant.

AVdiuimus Sponsam palàm cōtestatam nihil sibi optatius, quàm oscula ex ore Sponsi excipere, eoque solo voto sese, ceteris vniuersim posthabitis teneri. Nunc autem ne videatur insano quodam affectu rapi: sed planè prudenti consilio, tum quæ sunt expetenda, tum quæ declinanda perpendere, ad-

Omne gaudium Sponsæ ex eo esse, quod Sponsus Nam prior amarit dit flagrantissimi huius desiderij causam, eamque firmam ac solidam: Amores nempe siue dilectiones Sponsi sui. Quæ quidem verba quum vtrinque flexibilia sint, at que tam de Sponsi erga Sponsam dilectione, quàm huius in ipsum beneuolo affectu intelligi possint, nobis in primis statuendum est hic agi de amore quo Sponsus suam prosequitur Spōsam. Nimiùm enim illa sibi sumeret, amores suos iactando: qui mos est à sanctis prorsus alienus. Hic igitur est sensus, Spōsam non temerè, neque absque grauißima causa, hoc vnum concupiscere, vt à Sponso suo lesu Christo diligatur, eoque vnico perfruatur, cuius sancto desiderio, capta sit ipsa sui ipsius oblita.

oblita. Et meritò quidem : quum ea demum sit vera felicitas si à Deo diligamur : vnde ex aduerso efficitur, eum demum verè sapere qui in illum solum affectus omnes intendat. Sed huius sanctissimi amoris exordium ab illo est, qui prior nos dilexit, 1.Ioh.4.10, alioqui neque ipsius notitia nobis vnquam salutari futura, neque nobis vnquam de ipso diligenter cogitaturis.

At enim immensitatem huius abyssi quam nunc ingredimur, dilectionis Dei videlicet erga Ecclesiam, quis tandem scrutando metitur? Deus vtrique noster immensus est, cuius nullum opus, quantumuis exiguum, animo complecti valemus : quòd nulla sit inter infinitū, & id quod terminis clauditur proportio. Quod si quis est eius cognoscendæ immensitatis modus, in eo certè positus est, vt eius amplitudinem nullis terminis definirivltro nouerimus & profiteamur. Nec enim Deus hominem in eum finem condidit, vt sese in eo assequendo quod comprehendere nequit, frustrà fatiget : sed eius bonitatem, sapientiam, potētiam, in rerum omnium creatione, dispositione, gubernatione denique, summam agnoscat & adoret. Itaque mētem illi indidit ea facultate præditam, qua vtrunque extremas tantę maiestatis oras attingat, prout illi huius orbis structuram contemplandam, & eius partes summas & imas spectandas præbet : in quibus tanquam limpidissimis speculis, sensuum organis percepti-

Creationis opus primum testimonium esse dilectionis Dei erga genus humanum.

bilibus, ipsam creatoris aternitatem, omnipotentiam, & conditoris præsertim in ipsum humanum genus singularem beneuolentiam intueatur. Quantum enim illud beneficium est, quòd hominem omnibus inferioribus regendis rebus præfecit, cui quodammodo volucrentur sydera, spirarent venti, tota denique huius mundi machina quodammodo subserviret, sicut passim in Psalmis admone-mur, & ab Apostolo 1. Cor. 1. 21. Rom. 1. 20.

*Redemptio-
nis opus ma-
ius atque
admirabi-
lius argumē-
tum esse di-
lectionis Dei:
verum illud
proprie ad
Spōsam per-
tinere.*

Verumenimvero posteaquam homo mē-
tis suæ oculos ita ipse sibi effodit, vt iam in-
tueri in opere creationis tantum sui creato-
ris beneficium, nec velit nec possit: ecce præ-
stò adest Spōsus, longè certiori ac dilucidio-
ri testimonio suam illam declarans beneuo-
lentiam, opere videlicet redemptionis, longè
alteri creationis operi anteponendo, siue
modum ac rationem operis perficiendi, siue
opus ipsum per se spectemus. Quod enim
Deus hominem initio creauit tam excellen-
tem, vt esset ipsius conditoris quædam ima-
go, immensè profectò fuit bonitatis. Verum
quid hoc rei est, præ illa prodiga charitate,
qua impulsus est vt hoc alterum opus aggre-
deretur, id est, non alterum quempiam ho-
minem illo priore puriorem & perfectiorem
aliunde desumptum conderet, sed ex illa
ipsa per se corrupta, per Spiritum tamen san-
ctum sanctificata massa, hominem Deum,
coæterno Filio suo carni nostræ personali-
ter vnito, proferret: carni, inquam, nostræ,
omnibus

SOLOMONIS. homilia iij. 51

omnibus infirmitatibus excepto peccato, ad tempus obnoxia: cui denique omnia peccata nostra debitis pœnis luenda imputaret. In quorum istud, quæso, gratiam? nostram certè, qui eramus iurati ipsius hostes, ex quibus tamen suam Sponsam charissimam elicit, vt ad hoc tātum & omnium abditissimum mysterium quasi obstupesci, Eph. 3. 18, & 5. 32. vnà cum Apostolo clamemus. O profundas diuitias tum sapientiæ, tum cognitionis Dei! Rom. 11. 33.

Sed aliud præterea huius tantæ dilectionis testimonium sese in hoc nostræ redemptionis opere exerit. Quoniam enim eo consilio Dei Filius in terras sese non demisit, vt in terris coniugium cum sua Ecclesia consummaret, sed potius vt illam è terris in cœlos eueheret, nempe ad sacrarium illud quod prior ipse terras deferens ingressus est, Hebr. 9. 24. nobis aditum patefacturus in æternum domicilium, Io. 14. 2, & 2. Cor. 5. 1. vt interim dum à nobis corpore suo procul abest, viuæ Filij Dei imago animis nostris perpetuò obuerfetur, Galat. 3. 1. Imaginem sui nobis ad viuum expressam, in doctrina per Apostolos perscripta reliquit, in qua quicquid fidelem nosse & credere oportet, tum de illius persona, tum de Dei Patris, quod ad salutem nostram attinet, immutabili consilio, continetur Act. 20. 27. non minus profecto verè & dilucidè, quinetiā certiùs & efficacius, quàm si duntaxat carneis nostris oculis spectādum

Dilectionum Dei testimonia in Scripturis haberi.

d. ij.

se sisteret, aut his auribus vocem illius percipere; manibúsque eum palpare nobis adhuc liceret. Hoc enim posterius permultis contigisse constat, qui tamen illum ad salutem neque cognouerunt, neque sicuti decebat apprehenderunt. Quid amplius? Ecce rursus dilectionem dilectione cumulatá. Quoniam enim frustra cæcis proponeretur pulcherrimū etiam quidpiam, idcirco Dei Filius, cum illo suo verbo & ab ipso met prædicato, & à suis Apostolis scripto, tantam sancti sui Spiritus copiam Ecclesiæ impertit, quanta ad rectum salutis iter dignoscendum, eique insistentum requiritur, sicut pollicitus fuerat ministerio Prophetarū ac præsertim Ioelis, ut à Petro citatur & exponitur, Act. 2. Nempe ut ab eo Spiritu in omnem veritatem introducamur, Ioh. 16. 13. acceptis ab eodem oculis ad videndum, & auribus ad audiendum: qui denique in cordibus sanctorum regnet ad extremum usq; diem illum, quo sanctum hoc coniugium plenè consummabitur, Mat. 18. 2.

Cur vino præstantiores hic dicantur Dei dilectiones, & quare vocem dilectionum numero plurali proferat Sponsa. Mirum non est igitur hanc Sponsam arraturi pleni coniugij fretam, cui soli datum est tantam suauitatem decerpere, tãto ipsius potiundi Sponsi desiderio flagrare, ut nihil aliud expetat aut requirat, quàm illius sui Sponsi oscula, præ quibus nihil ipsi dulce videatur. Hic enim obseruandum est *vini* vocabulo nō solum significari liquorem illum, cuius proprius effectus est cordis exhilaratio

vt ait Propheta, Psal. 104. 15. sed quascunque delicias, atque adeò res omnes creatas vnde quidpiam delectamenti sumi potest, idque nulla penitus earum excepta. Hęc etiam causa est cur Sponsa *dilectiones* commemoret multitudinis numero: non quòd in Dei essentia plures sint numero dilectiones, quum in eo omnia sint vnum, & ipsemet Deus vnus, sed nostri demum respectu, quoniã in hac terrena vita Deus innumeras, tum qualitate diuersas, tum quãtitate impares dotes in nos effundit: præsertim autem propter inexhaustum illum thesaurum æternæ felicitatis, quo Ecclesiam suam, quum erit omnia in omnibus. 1. Cor. 15. 28. cumulabit: & iis decorabit donis quæ oculus non vidit nec auris audiuit, neque in mentem cuiquam vnquam venerunt, Esa 64. 4, & 1. Cor. 2. 9.

Denique ex hac Sponsa discendum nobis est, quo pacto sit à nobis rectè ac vtiliter im-
 mensa illa dilectio Sponsi excipienda atque
 perpendenda, vt quemadmodum ille nos di-
 lexit nullo suo commodo, ita nos illum vi-
 cissim idcirco redamemus, quòd is sit solus
 amari dignus: qui locus omnino flagitat vt
 aliquantò copiosius de vero amore iustique
 odio differamus, quòd hi duo affectus cæte-
 ris omnibus sint legis ac normæ vice. Rogatus igitur Dominus noster Iesus Christus
 Matth. 22. quodnam esset maximum & sanctissimum mandatum, primam citauit legis
 tabulam, sic paucis comprehensam, Diliges
 d. iij.

*Mutuum dilectionem
 Sponsa erga
 Sponsum legis esse sum-
 mam, & quã
 variè mor-
 tales amore
 & odio abu-
 rantur.*

Dominum Deum tuum ex toto corde tuo, & ex tota anima tua, & ex tota cogitatione tua. Et certè mutuus omnis amor, siue rectus siue prauus, eò nos rapit, vt qui verè amat, nihil cupidius & ardentius expetat, quàm ei quem diligit gratificari. Hinc illud est quod anima fidelis, (quæ Sponsæ nomine recta hoc loco inducitur, vt nos doceat quanto ac quàm vehemente affectu tota ad Deum suum anhellet) statim ab ipso exordio, testatur & prædicat hoc vnum à se expeti, vt Iesu Christo suo Sponso penitus adhærescat, & quasi in illum ipsum transeat, cui ex animo obsequatur, & omnem gloriam & honorem tribuat. Nam certè verus & legitimus scopus ad quem non modò quicquid agimus, verum etiam quicquid cogitamus & volumus meritò refertur, hic vnus est, vt verè cum Apostolo dicamus Christum in nobis viuere & nos in illo Gal, 2.20. Amoris nâque affectio vt omnium ardentissima est, ita sunt illius effectus vehementissimi, quod testatur his verbis Dominus, Vbi est thesaurus ibi est cor tuum, Luc, 12.34. Sed hîc præcipuè laborandum est vt id deum ametur quod amari dignum est, & ita quidem ametur vt amari meretur. Nam ad hos scopulos plerunque offendunt homines, quòd ament quæ odisse oportuit, & contra oderint quæ amari conueniebat: immo tunc etiam quum expetunt meritò expetenda, aut refugienda refugiunt, vix, inquam, contingit vt eo quo decet modo quidpiam ament

ament aut oderint: sed vel amplius vel minus
quàm equum sit vnum expectant, alterum re-
fugiant, idque non eo quem oportuit fine &
scopo.

Vt igitur tanto malo mederi possimus, *Deum solum*
Sponsa nos exemplo suo docet, *proprie &*
proprie amandum esse, & ita quidem, vt hu- *præcipue a-*
ius amoris nostri nullam vel minimam par- *mandum es-*
ticulam ab ipso auersam in aliam rem vllam,
siue sursum positam, siue mediam, siue infi-
mam, transferamus: quod ipsa quoque ratio
quantumuis deprauata docet. Nam omnino
duo sunt, quæ ad sui amorem homines pelli-
ciunt, Pulchritudo videlicet & Bonitas, nun-
quam seiungendæ, nisi falli vltro volumus,
teste ipso quoq; perunlgato prouerbio, Pul-
chritudinē à bonitate separatam nullius esse
pretij, imo vanissimū esse illicium quo ad res
turpes abripimur. Atqui fatēdum est omni-
no solū Deum verè bonum pulchrūq; esse
atque adeò ipsammet bonitatem atque pul-
chritudinem, modis omnibus absolutissimā:
quādoquidem quicquid inest pulchri vel bo-
ni in vlla re creata, tanquam riuulus quidam
est, ex ea quæ planè perfectā ac essentialis est
in Deo creatore, tum pulchritudine tum bo-
nitate, deductus.

Quoniam autē Deus ne ab intellectu qui- *Verum amo-*
dem nostro, sicuti diximus, comprehendipō- *rem esse rei*
test, nedum vt videri, audiri, odorari, gustu *certe &*
vel tactu percipi queat, fortasse videri posset, *præagnita:*
hinc effici frustra nos de eo cognoscendo at- *& qua ra-*
d. iij. *tione homo*

*ante ipsius
lapsus Dei
amaris, no-
ueris que.*

que demum amando laborare. Constat enim
amori notitiam necessariò præire. Quod si
ita est, nullus illum certè vnquam ex animo
coluerit: vana fuerit ac prorsus inanis spes
& fides nostra: omnis denique religio eua-
nuerit. Quibus incommodis vt occurramus
sunt ista rursus à nobis diligentius peruesti-
gāda. Discimus igitur ex sacris literis quam-
uis Deus res omnes gloriæ suæ causa condi-
derit, Prouerb. 16. 4: nempe vt laudi ac ho-
nori Dei cedant (quod quidem fieri nequit
nisi sese quodammodo in illis agnoscendum
præbeat) minimè tamen à Deo sic omnes es-
se conditas, vt eius notitiæ sint capaces: sed ea
facultate Angelos duntaxat & homines do-
nasse. Ac de Angelis quidem non hic est di-
cendi locus. Sed quod ad homines attinet,
quum Moses imaginis ac similitudinis Dei
vocibus vtitur, de hominis creatione disse-
rens, hoc liquido innuit, Deum quum ani-
mam primi hominis conderet, illius naturæ
simul clarissimam quandam lucem atque ad-
mirabilem sapientiam indidisse, quibus freta
conditorem illum sui cognosceret, præstanti
quodam intelligentiæ gradu: pariterque vo-
luntatem illius donasse præstanti quadam
integritate, qua nihil prorsus expeteret ipsius
voluntati repugnans, & quod non esset verè
bonum & rectum. Hoc enim Apostolus ex-
ponit vocibus veritatis in intellectu, & ius-
titiz in voluntate, declarans Eph. 3. 9. quæ
fuerit illa imago ac similitudo Dei ad cuius
exem-

SOLOMONIS. homilia iij. 57

exemplum Adamus fuit initiò conditus : id-
que ut ab homine agnosceretur & glorifica-
retur. Præterea indidit Deus omnibus aliis
rebus creatis, infinitas quasdā notas, tum suæ
immensæ sapientiæ & liberalitatis, tum aliarū
virium, quæ sunt in ipso omnibus numeris
absolutissimæ: ac demū his vniuersis regēdis,
vicarium quodammodo dominium homini,
utpote in illius vsum cōditis attribuit: ut co-
piosè in multis Scripturæ locis, ac in primis
Ps. 8. & 19. explicatur : eo videlicet consilio, ut
harū rerū intuitu foueretur, ac cōfirmaretur
in homine, tum illa ipsa Dei notitia, tum vo-
luntatis humanæ integritas : tot ipsi propo-
sitis speculis, admirabilis illius perfectio-
nis, quam in Deo creatore agnoscere par
est, quot res creatas in hoc orbe cerneret : &
tot argumentis expressam Dei erga se boni-
tatem probatam spectaret quam multa sunt
ipsius vñibus condita, & eius administrationi
subiecta. Ab hominibus igitur agenda sunt
Deo gratiæ non de beneficiis dūtaxat in ipsū
collatis sed etiam de cunctis illis donis, qui-
bus res alias hominum causa conditas exor-
nauit: quæ veluti totidē sunt gloriæ Dei pre-
cones, Ps. 19. Neq; dubitandum est quin si res
illæ intelligētia & organis oris ac vocis præ-
ditæ essent, his clamoribus homines fuerint
compellaturæ : Homines, quorum causa
conditæ sumus, gratulamini Domino, no-
stro nomine, ipsiusque gloriam magnificate.
At ille cōtrā ex quo lapsus est homo, miserrī-
mæ seruitutis iugo factæ obnoxia, Gen. 3. 17.

aduersus hominem ingemiscūt, & ad Deum vindicem prouocant, Rom. 8. 22. Res igitur illæ conditæ, quum sint & pulchræ & bonæ pro vniuscuiusque modulo, vt idem Moses apertè testatur in creationis historia; Pulchritudo verò & Bonitas propria sint amoris obiecta: natura denique sit ita comparatum, vt nemo iis moderandis quibus offendatur operam libenter impendat: consequens est, hominem, ante lapsum, instinctu ipsius naturæ, cunctis rebus creatis fuisse delectatum, easque omnes amore quodam singulari prosequutum: & ita quidem vt in ipsarum elegantia specie ac bonitate, tot bonorum auctoris Dei præstantiam contemplaretur: ac proinde non tam res illas conditas quàm earum conditorem in illis diligeret.

An boni & mali notitiã habere possuerint Adam & Eva antequam peccarent.

Cæterum quum amor & odium ex diametro inter se opponantur, omnino necesse fuisse videtur, vt quum homo Honestum & Bonum amaret ante lapsum, vicissim Turpe & Malum odio prosequeretur. Id verò quàm fieri potuit, quum ante hominis lapsum nihil in mundo non pulchrum & bonum existeret, cuiusmodi videlicet res omnes Deus condiderat Gen. 1. 31. Fatendum est igitur quum in mundo nihil turpe, nihil malum extaret, hominem priusquam laberetur, nihil odisse, immò conditorem suum in rebus omnibus dilexisse. Sed quum esset ea intelligentiæ luce præditus, vnde intelligeret qua in re suum amaret conditorem: illi certè non defuit

fuit contrarij, siquod sese forte offerret, dignoscendi facultas. Et ita profectò maximo nostro malo mox euenit, Satana illo perduto (qui in veritate non perstans Ioh. 8. 44. turpissimus & pessimus euaserat) sese illi offerente, & satis apertè quisnam esset & quanto odio dignus declarate, quum Deum Opt. Max. inuidiæ & falsitatis accusaret. Hoc illud est igitur Adami & Euæ facinus, quod excusari nullo modo potest, vt qui abutentes ea qua præditi erant huius impostoris de-regendi ratione, aures illi præbuerint: quo facinore tum sibi tum posteris suis omnibus miseram illam corruptionem accersuerunt, Rom. 7. 14. Inde fit igitur vt omnes tum cæcitatem tum improbitatē in amore & odio prodamus.

Etenim si quo modo sese quisque gerat in hoc mūdo consideremus, quid aliud comperiemus, quā vnos quidem errore deceptos, bonum à malo, turpe ab honesto non discernere? alios verò contra conscientiam quod odisse oportuit vltro amplecti, quod diligendum fuit odisse? Exempla requiritis? si de diligendo & colendo Deo quæritur, en tibi supersticiosos & idololatrias, vsque ad cō fascinatos, vt non modò neque agnoscere neque amplecti veritatem possint aut velint, sed etiam aures & oculos auertant, ne loquentem audire, & in oculos incurrentem intueri cogantur: quinetiam illam omni sæuitiæ genere persequuntur. Ecce altera ex

*Nullam a-
mandi rectā
regulam sibi
constituere
homines ne-
que velle ne-
que posse,
priusquam
regenerentur.*

parte impios & omnis religionis irrisores, quibus hodie conspurcatus est omnis terrarum orbis, eius impietatis vindicē Deum inclamans. Quod si expēdamus quales sese homines hominibus præbeant, & quibus studiis dies ac noctes vacare cuiusvis ætatis & ordinis homines cōsueverint, alios inuenimus honorum affluentia crepantes, quibus vel leuissimæ delitiæ sunt ipsa æterna vita chariores: alios miserè seipsos assiduus laboribus tota vita fatigantes, nō vt Deo seruiant, sed ne fame pereant, animam & verbum illud saluificum præteritio peritatos aspernari: alios qui quod habent non possideant, sed suis facultatibus & corpus & animam addicant: alios porcorum instar sese in mediis sordibus volutantes: alios auiditate quadam inexplibili honoribus & dignitatibus inhiantes: alios denique vanissima quæque pertinacissimè captantes, vt ex huius eiusdem sapientissimi Solomonis concionibus non ita pridem intelleximus. Hinc illud miserrimum euenire plerisque consuevit, vt in amore & odio decepti, prius ex hac vita excedant, quàm à quo & quorsum in ea fuerint collocati, didicerint.

Modum amandi à solo Deo Spiritu Sponsam doceri, licet reni sentem. & immorigerā.

Et hæc quidem est huius tanti mali origo, & hic progressus. Cedò verò quodnam tanto malo remedium adhibebimus? Nempe ad illum ipsum est nobis confugiendum à quo sicut initio conditi, sic refingi nunc possumus, eadem illa nimirum virtute, quæ verus est

est cum Patre & filio Deus, nostræ mentis oculos illustrante Eph. 1. 18. & Act. 26. 18. creante in nobis cor nouum Psal. 51. 12. ciente in nobis velle & facere, Philip. 2. 13. à capite ad calcem vsque nos renouâte, 2. Cor. 5. 17. & vt paucis omnia comprehendam, tales nos statuente qualis hæc Sponsa nobis hic spectanda proponitur, & qualem illam nobis Ezechiel tum in eo in quo reperta fuit, tum in altero ad quem euecta est statu cap. 16. graphice prorsus depingit. Opus certè Deo optimo iure assertum ab Apostolo 1. Cor. 9. 1. Deo, inquam, soli, quod ad veram eius effectiõnem attinet 1. Cor. 3. 7. & summè difficile, ac laboriosum vsque ad eò, vt nobis pertinacissimè obstitentibus, vix nec nisi maxima cum difficultate, ac veluti machinis omnibus adhibitis Spiritus sanctus superior in nobis euadat. Dicere me verò quod res est nõ aliunde melius intelligere possum, quàm si dispiciamus qualem illam in Deum & proximum perfectam charitatem esse oporteat, duabus illis diuinæ legis tabulis expressam, & vtcunque à prophano quodam scriptore paucis declaratam, quum de mutua hominũ inter se amicitia differens, Vera, inquit, amicitia est idem velle, idem nolle. Nam hæc est certè certissima vitæ rectè instituendæ norma si ad Dei voluntatem qualis est nobis ipsius verbo patefacta, dilectionem & odium exigamus: & hoc semel positum retineamus, hoc ius esse Sponsi capitis in Spon-

sam, vt eius voluntatem arbitrio suo regat,
prout & ipsa quotidie illum compellat in-
quiens, *fiat voluntas tua.*

*Arduū cer-
tamē à Spōso
pro ipsius Spō
sa susceptū.*

Vt autem quā sit nobis ista diuinæ vo-
luntatis regula necessāria plenissimè omnes
intelligent, aedum hunc ipsum Sponsū, id
est Iesum Christum nobis pro exemplo pro-
ponamus: qui in hunc mundum idcirco in-
gressus vt hāc Sponsam, sicut ipsa postulauit,
suis ipsius osculis dignaretur, in ipso ad-
uersus illum, à quo hāc ipsius Sponsa vi reti-
nebatur, suscepto certamine, in has etiam vo-
ces erupit, *fiat id quod tu vis, non quod ego volo.*
Eminuero quid istud rei est? Num enim quē-
piam inter Dei Patris & Iesu Christi volun-
tatem fuerit repugnantia? Absit. Nam alioqui
neque Deus, neque probus & integer homo,
nedum seruator Christus extitisset. Quate-
nus igitur Pater, Filius, & Spiritus sanctus
personis quidem sunt distincti, essentia verò
vnicus & idē Deus, ea ipsa fuit Filij quæ Pa-
tris & Spiritus voluntas. Quatenus autem
homo est, vt alteram naturam, sic alteram
habet numero voluntatem, minimè tamen
diuinæ voluntati aduersantem. Cuius igitur
hec verba sunt? Iesus Christi certè, Dei & ho-
minis simul, sed hominis propriè & distinctè
in hoc agone decertantis, & seipsum quo-
dammodo, quatenus est Deus & peccati iu-
dex & ultor, superaturi: vt vnus & idem in
hoc certamine oppugnet & oppugnetur,
vtrique tamen victor appareat. Sed ecquid
illi

illi voces istas expressit? nulla certè repugnā-
tia humanæ aduersus diuinam in vna & ea-
dem Christi persona voluntatis: sed diuer-
sitas duntaxat, non aliunde exorta quàm ex
vehementissima horrendæ illius maledictio-
nis Dei apprehensione, aduersus omnia éle-
ctorū omniū, Christo quamuis omni peccato
immuni, imposita peccata: tali tamen appre-
hensione, quæ sese voluntati diuinæ penitus
subiiceret, ac proinde nullo prorsus esset vitij
labe contaminata. Quod si hoc sermone v-
sus est Sponsus ille, in quo nihil ad summam
perfectiōem desiderari potest, quid nobis
faciendum censebimus, in quibus vixdum
est ista moderatio inchoata?

Idcirco dixi innouationem istam, qua da-
tur Sponsæ vt idē amet & oderit quod Spō-
sus, non esse vnus horæ, vel mensis, vel anni
opus, sed tam diuturnum certamen, quàm
longa est nostra hæc vita, inter Hominis re-
nouati spiritum, & carnem hominis adhuc
antiquum retinentis. Quod igitur hoc loco
testatur Sponsa, sese videlicet tota mente ad
hunc suum Sponsum ferri, in quo felicitatem
omnem suam reponat, verè quidem testatur:
(nec enim mendacij sed synceritatis & veri-
tatis schola est Ecclesia) sed id de illa accipiē-
dum est in qua peccatum etsi non dominatur
Rom. 6.14. tamen adhuc quantum potest re-
sistit gratiæ Spiritus. Eius autem rei vnus ex
huius Sponsæ vel præcipuis membris Apo-
stolus est testis, omni exceptione maior, cla-

*Diuturnam
esse Spiritus
& Carnis
colluctatio-
nem.*

mans se facere malum quod nolit, nec bonum facere quod velit, ac tãdem etiam vociferãs, O me miserum, quis me ex hoc mortali corpore liberabit? Rom. 7. 24. Est igitur omnino per Dei gratiam hæc Sponsa, id est fidelium cœtus, & quod ad intellectum attinet quo bonum à malo rectè discernat, & in affectibus instaurata, quibus bonum quidè amat & prosequitur, malum verò odit & detestatur. Sed tamè in hac cognitione promoueat oportet ex fide in fidem Col. 1. 10 & 1. Pet. 3. 18. & in illius etiam praxi & vsu proficiat necesse est, eò vsque vt non tantum rectè diligat & oderit, sed etiam quantum diligere & odisse oportet: in quo tenendo modo maximæ quoque difficultates occurrunt.

Et sese inuicem, cesarãsque creaturas amare debeant homines.

Quis iste tamen sit modus facile est intelligere. Quum enim Deus toto corde sit diligendus, nulla huius amoris particula fuerit inde decerpenda. Itaque proximi dilectio quam illi secundum Deum & propter Deum præcipientem debemus, non est noua quædã alterius amoris species, cuius causa noster hic animus velut in duas partes secetur: sed est quasi riuus quidam ex ea dilectione qua Deum ipsum prosequimur, deductus. Deus enim ardès tum gloriæ suæ, tum huius Sponsæ zelotypia, riualem pati nullum potest. Quod autem in diligendo proximo seruandum esse dixi, valet cæteris etiam in rebus ad vsum nostrum conditis, ad quas sollicitè cauendum

uendum est ne amorem nostrum traduca-
mus; auaros secuti, suis opibus vt Idolis addi-
ctos Eph. 5. 5. vel alios luxui deditos quo-
rum Deus venter est? quotquot denique affe-
ctibus suis abrepti mentem & corpus vllis
crearis rebus mancipant, quibus potius cum
gratiarum actione vtendum fuit 1. Timor. 4.
4. adhibito etiam modo ne vel in qualitate
aut in quantitate, vel in scopo aberremus, ad
quem illarum vsus est referendus, qui est i-
pſius Dei conditoris gloria 1. Cor. 10. 31. sicut
passim in sacris literis admonemur. Et hæc
quidem est huius sponsæ dilectio totum ani-
mum eò referentis vbi situs est eius thesau-
rus, pro recepta sancti Spiritus mensura.

Quantum autem ad odium attinet dile-
ctioni ex aduerso oppositum, satis liquet tam
odisse nos Malum oportere quàm Bonum
diligere, verum quum Malum nō sit res que-
dam condita & subsistens, sed deprauatio
quædam & vitium quod rebus bonis initio
conditis superuenit, accuratè est adhi-
benda & obseruanda inter rem ipsam & e-
ius prauitatem distinctio, quantum quidè id
fieri potest ac debet. Hanc autē exceptionem
addo vnus rei conditæ causa, tantopere de-
prauatæ, & æternæ Dei execrationi tam ob-
noxia (quoniam omnis & in sese & in homi-
ne mali ac proinde peccati & mortis est ori-
go) vt omni ac perpetuo sit omnium odio di-
gnissima, Diabolum dico & ipsius Angelos.
Hic enim ille est, fratres, hic ille est, inquam,

*Perpetuas
cum Sathana
exercendas
esse inimici-
tias.*

huius nostri Sponsi perpetuus hostis, utpote cuius caput attritum Gene. 3. 15. huius Sponse pedibus quotidie subiicit Rom. 16. 20. hic ille est nobis ut Leo famelicus insidians 1. Pet. 5. 8. & vetus ille Draco rufus ecclesiam insana rabie persequens Apoc. 12. 4. Agedum igitur, istum, fratres, odio prosequamur irreconciliabili: hunc illa christiana panoplia totis viribus oppugnemus Eph. 6. 14. & 1. Thessal. 5. 8. hunc denique perpetuo execrabilem detestemur.

*Quæ ratio o-
dij impravos.*

Cæteris autem in rebus observanda est accurata distinctio: quoniam enim inter res omnes conditas solus Homo totus intus & foris est illius draconis veneno contaminatus, seorsim ac distinctè considerandus est, & ea in re peculiaris certà quædam est tenenda ratio. Nam certum quidem est uniuersum hominum genus esse penitus deprauatum ac proinde singulos homines ab ipso conceptu Psal. 51. 7. fieri indignationi Dei obnoxios Eph. 2. 3. Sed & illud fatendum, requirere amicitia legem, ut communes fiat hostes & amici, ac proinde quos amat Deus amemus, quos odit oderimus. Sed quoniam Deo summe misericordie visum non est, sicuti Satanam & eius Angelos, sic etiam singulos homines exitio perpetuo damnare, immò verò Sponsam id est Ecclesiam ex illa corrupta massa elicere, nobis autem conpertum non est, nisi ex incertis quibusdam & fallacibus cōiecturis ecquos odio suo perpetuo destinavit, & bene sit

ne sit nobis potius de quibusuis sperandum:
 idcirco relictis penes Deum arcanis ipsius iu-
 dicijs, communes quidem cum illo amicos
 & hostes habere nos oportet Ps. 139. 21. sed
 indefinitè, id est hac obseruata lege, vt hunc
 vel illum pro reprobo & æternę maledictio-
 ni addicto minimè habeamus. Contra verò,
 quum simus ipsimet in nobis reipsa experti,
 in illius esse potestate positū vt hostes ipsius
 natos Eph. 2. 3. sibi amicos reddat Rom. 5. 8. &
 Eph. 2. 11. odisse nos malum & vitium ipsum
 & eius fructus omnes oportet, tum in nobis-
 ipsis in primis, tum in alijs, & quidem odio
 prorsus irreconciliabili: at ipsos homines mi-
 nimè, quos potius studere oportet eiusdem
 beneficij Christi participes facere, tum con-
 tinuis adhibitis precibus vt ipsius regnum
 adueniat, tunc certè plenum futurum quum
 expletus fuerit electorum numerus 1. Cor. 15.
 24. tum omnibus sinceræ charitatis officijs,
 etiam erga extraneos, vt quodammodo co-
 gantur ad conuiuium intrare Luc. 13. 14. vt &
 erga domesticos quidem sed foras ciectos, vt
 eos miseræ suæ sortis pudeat 2. Thess. 3. 14. er-
 ga illos ipsos denique à quibus crudelissimè
 vexamur Matth. 5. 14. quum ex prima Petri
 concione liqueat Act. 2. 37. non frustrà preca-
 tum fuisse Dominum pro ijs à quibus cruci-
 figebatur Luc. 23. 34. & ex Pauli conuersione
 minimè vanas fuisse Stephani preces pro ijs
 fusas à quibus lapidabatur. Act. 8. 60. Nec ali-
 ter accipiendæ sunt preces Davidis plurimis
 e. ij.

68 IN CANT. CANTICORVM

Pſalmorum locis aduerſus inimicos ſuos cõ-
ceptæ, exceptis tamen propheticis, quales e-
tiam nonnullæ apud Apoſtolum extant Gal.
5.12. & 2. Timoth. 4.14. quas valde cauendū eſt
ne temerè in exemplū trahamus, ſedulo ſuos
diſcipulos, exemplo Helię abutentes, ea de re
admonente Domino Luc 9. 35. Sic etiam in-
telligendum eſt quod de vitando diſſolutorū
hominum conſortio præcipitur 1. Cor. 5.9. &
15.33. quum Ieſus Chriſtus ipſe cum publica-
nis & peccatoribus cibum etiam ſumpſerit,
cuius rei rationem reddit Matth. 9.13.

*Quam ini-
que noſtri
cauſa odio
proſequamur
Creaturas.*

Ad res verò cæteras ad uſum noſtrum cõ-
ditas quod attinet, minimè ſunt à nobis in
ſeſe, vel propter ſe odio habendæ, quum res
ſint bonæ diuinitus creatæ: qua in re tum à
ſanaticis nonnullis peccatur quorum memi-
nit Apoſtolus. 1. Timot. 4.3. tū ab ijs qui lega-
lem ciborum diſtinctionem in uſum reuoca-
re ſtudebant Col. 2.21. quorum hodie ſunt nō
diſſimiles nonnullis de quibus agitur Matth.
23.24. quibus religio fuerit floſculum odora-
ri: quum tamen hæc Sponſa vinum minimè
damnet, ſed Sponſi ſui dilectiones illi vt infi-
nitè præſtantioreſ anteponat. Multò minus
igitur ſunt res illæ nobis in ſeſe diligendæ,
nec illis addicere mentes noſtras decet, vt eſt
à nobis paulo ante explicatum. Immodò quæ-
cunque nos ab eo quod Deo & proximo de-
bemus, auocant, ſedulò fugere nos oportet,
ne parentibus quidē, vel vxore, vel liberis ex-
ceptis, quod odij vocabulo intelligitur, quū
omnia

omnia sine exceptione Dei gloriæ & vocatio-
ni nostræ postponere iubemur Deut. 33. 9. &
Luc. 14. 26. Denique hæc illa est Sponsa mun-
do crucifixa, & cui crucifixus est mūdus Gal.
6. 14. mundo sic vtēs vt eo nō abutatur. I. Cor.
7. 31. & sic intra mundum collocata, vt tamen
non sit ex mundo Io. 17. 11. & 16.

Hæc est igitur, Fratres, huius Sponsi nostri
erga nos suā Sponsam charitas, vnde nostra *Epilogus re-
æ rationis*
salus oritur. Hæc est vicissim dilectio qua dili- *amoris &
odij.*
gere ipsum debemus, qua in re positum est
electionis & salutis nostræ testimonium 1.
Ioh. 4. 10. Denique hæc est veri amoris & odij
norma in quibus sita est vitæ Christianæ sum-
ma. Hanc viam tribuat nobis Dominus vt &
bene nouerimus, & constanter teneamus:

quod, vt & cætera omnia nobis ad sa-
lutem necessaria. his verbis ab
ipso postulabimus.

Omnipotens
Deus &c.

e. iij.

IN CANTICVM CAN-
TICORVM HOMILIA
QVARTA.

Auxilium nostrum sit à Domino, &c.

Quod sequitur extat in Cap. 1. vers. 3.

3 Ob odorem vnguentorum tuorum optimorum, nomen tuum est vnguentum effusum, idcirco te puellæ diligunt.

Sicut vnguentum si fragrantia odorantis desiderium excitat: ita eius præstantia consideratio qua Sponsus hic excellit, accendit in Sponsa penitus illum cognoscendi ardorem,

Quæcunque in hoc cantico continetur, eò summariim referenda sunt, vt inde discamus, animam omnem piam ac fidelem, quæ & ipsam vniuersam Ecclesiam, ita in mundo versari, vt interim toto corde feratur in cælos, & hoc vnum cogitet ac concupiscat, vt tota quàm arctissimè illi adhæreat, Iesu Christo videlicet, in quo situs est omnis ipsius thesaurus. Quare suum hoc ingens desiderium Sponsa tam clarè prius testata, nunc addit eò sese non temere adductam, vt cuncta quibus homines hîc detinentur, præ illo quem vnicè amat, aspernetur, quoniam, inquit, nihil illo fragrantius reperiri potest, cuius suauissimis odoribus, tum ipsa, tum illius comites captæ sunt.

Quale fuerit sacramentale sustinens Iesum Christum de-

Est autem nobis in primis obseruandum, Sponsam, in ista similitudine, præcipuè rationem habuisse vnguentorum quæ sub lege fuerunt diuinitus instituta. Etsi enim aroma-

tum

tū vsus inter gētes orientales ferè omni tem-^{signans, ad}
 pore frequētissimus fuit, vt ex historiis, tum^{quem Spon-}
 sacris, tum prophanis patet: tamen Spōsa hoc^{sa intensa}
 in loco nihil vulgare cogitat, sed ad sacrum
 illud oleum mentem erigit, ex terrenis odora-
 ris ita constitutum, vt tamen minimè ex ho-
 minum institutione, sed Dei ipsius præscri-
 pto speciatim componeretur. Exod. 30. 23. ad-
 dita quoque seria prohibitione ne illius vsus
 vni sacrosancto Dei cultui consecratus, ad
 alias res vllas transferretur Exod. 30. 32. Erat
 igitur hoc vnguentum, Sacramētum ab alijs
 odoriferis mixtionibus distinctum, haud se-
 cus quàm aqua Baptismi à communi disci-
 minatur, & panis ac vinum, quibus in sacra
 Domini Cœna, à pane atque vino commu-
 nibus, quod ad vsum videlicet, discernuntur:
 rebus illis alioqui in pristina sua materia &
 natura permanentibus. Hoc igitur Sacramē-
 tum (vt & cetera) signo significante, & re quę
 significabatur sacramentali ratione coniu-
 ctis, constabat, id est eo significationis gene-
 re, quæ rem significatam mentibus non tan-
 tū repræsentaret verū etiam certo con-
 firmaret id ipsum verè ac re ipsa præberi & tra-
 di animæ fideli, quod eo signo externis sensi-
 bus patebat. Inde fit, vt in Sacramentis, sæ-
 pius rei significatæ, tum nomen tum effectū
 signo attribuat, veluti quum externus Ba-
 ptismus peccatorum nostrorum ablutio dici-
 tur Act. 22. 16. quod propriè competit inter-
 næ ablutioni, quæ fit à Spiritu Dei 1. Pet. 3. 21.

& Matt. 3. II. Sic quoque in Cœna Domini, pa-
ni & vino tribuitur ab ipſo Chriſto, corporis
pro nobis traditi, & ſanguinis pro nobis ef-
fuſi appellatio. Pari ratione idem ipſe Ieſus
Chriſtus, quem Solomonis ætate ſacri illi o-
doreſ designabant, & qui ſimul eſt, vt mox
exponemus, vngens & vnctus præ conforti-
bus ſuis, Pl. 45. vnguentorum nomine hoc in
loco designatur, idque numero multitudi-
nis: cuius rei cauſam mox explicabimus. Sic
igitur ſtatuendum eſt, Sponſum hunc Eccle-
ſiæ & cuiuſvis animæ fidelis, illum eundem
eſſe nec alium quẽquam de cuius vnguento-
rum redolentia ſermo habetur, vt qui Apo-
ſtolo teſte Col. 2. 17. ſit quaruncunque
vmbrarum legis, corpus & ſubſtantia,
cuius excellens præſtantia & infinitas
numero multitudinis per hæc vnguenta ſi-
gnificabatur.

*Hoc ſuffimẽ-
tũ vni Spon-
ſæ bene o-
lere, & in
Chriſto confi-
derandiũ ſe-
cundũ v-
tramque na-
turam, non
eadem tamẽ
ratione.*

Cæterũ quũ Ieſus Chriſtus verus Deus
& verus homo ſit, planẽ conſtat illum, habi-
ta Deitatis ratione, vnicum eſſe fontem, ac
veram omnium bonorum & omnis excel-
lentia, quantamcunque animo concipere
poſſumus, ſcaturiginem, cuius odore perfulẽ
ſunt initio res omnes creatæ, quatenus in
illis quædam bonitatis ac pulchritudinis ſuæ
notas inſculpiſit. Sed hĩc agitur de pigmento
quodam peculiariter Sponſæ ſuę, cæteris ho-
minibus in illa ſua impuritate & ſœditate ia-
centibus, impertito. Odores igitur iſtos
Chriſti in ipſius perſona, Dei & hominis, id
eſt, ſi-

est, simul ac coniunctim considerabimus, ne naturas ipsas cum Nestorianis separemus: sic tamen vt illos ex Filij Deitate assumente, in ipsam assumptam humanitatem emanare nouerimus, per quam huic Sponsæ adhæret, vt eam faciat horum donorum, ac demum etiam gloriæ & vitæ illius æternæ participē. Itaque Apostolus hac de re differens, nō simpliciter ait Iesum Christum mediatorem esse inter Deum & homines: sed cū nominatim hominem appellat, non quasi suo quodam modo non sit etiam secundū diuinam naturam inter Patrem & nos mediator, testante rectē quodā ex veteribus, neque Deitatē Christi absque humanitate, neque humanitatem absque Deitate mediatricem esse: sed quod interuentu humanitatis, qua nobiscū coniungitur, hoc mediationis beneficium ad nos pertineat, vt ad Deum vsque conscendere & vitam æternam inde consequi valeamus. I. Timot. 2. 5. & Heb. 2. 14. Hoc ipsum igitur Ioannes spiritum vocat, Christo absque mensura datum Ioh. 3. 34. quod illa columba quæ in Baptismo ipsius apparuit, repræsentabat, Hoc, inquam, illud est, quod nunc à Sponsa vnguentorum vocabulo designatur, qua loquendi formula Iesaias quoque vsus est vt quodammodo videri possit huius loci interpres, Ies. 61. 1.

Ceterū in omni Sacramento requiritur certa quædam inter signa & res significatas analogia siue conuenientia: quam ob causam

*Prima Sacramentalis
suffimenti
conformatio
cum Christo.*

Dominus, sub nouo fædere, ablutionem spirituales peccatorum ac macularum nostrarum designare volens, aquæ signum in baptismo adhibuit: & vt nobis ostenderet vnde sit nobis æterna vita haurienda, panis & vini signa vsurpauit: quamobrem necesse est vt similis quoque cōgruentia in hoc Sacramēto inueniatur. Est igitur in primis obseruandum, sicut huius conficiendi pigmenti, non homo quispiam sed Deus ipse auctor fuit, ita grātas istas in Christi humanitate cōsistere, quatenus illam æternus ille Dei Filius ex solibus Dauidicæ, virginis videlicet Marię substantia, atque adeo ex ipsius Adami generis propagatione, in vnitatē personæ assumpsit. In quo, inquam, Adamo, natura hæc humana imaginem illam Dei perdiderat, & à peccato subacta fuerat Rom. 7. 14. Natus est tamen ex illa Christus secundum carnem, absque vlla peccati labe, vtpote ex Spiritu sancto in Virginis vtero conceptus, & inenarrabilibus donis sanctissimis ornatus, vt esset ornatissimum ac omnibus modis sacrū perpetuūque ipsius animæ domicilium: animæ, inquit, sanctissimæ, & supra cæterarum rerum crearum modum integerrimæ, omnibūque numeris absolutissimæ: denique vt in ea humanitate persona filij Dei vnici, coessentialis ac coæterni, tanquam in augustissimo, & simul sibi personaliter vnito templo, perpetuo existeret, ex ipso temporis momento quo concepta est in vtero Virginis ac proinde

Iesus

Iesus Christus verè Deus & homo fit, & quidem iustorum iustissimus, sanctorumque sanctissimus.

Deinde & illud animaduertendum est, si- *Secunda Col-
latia.*
cut mistura diuini istius legalis vnguenti ex
naturis per se terrenis constabat, sic harum
gratiarum siue horum donorum nomine,
quorum humana in Christo natura sedes ac
veluti vas quoddam existit, & quæ hoc in lo-
co à Sponsa celebrantur, minimè intelligi
quæ sunt in ipsa Iesus Christi Deitate essen-
tialia: qua in re seipsos fallunt Euty chiani,
sed qualitates in Christi humana natura à
natura diuina creatas: vnde nos qui membra
ipsius sumus, eas alioqui recipere nulla com-
municatione siue participatione possemus.
Eph. 2. 21. Sunt autem, ista, fateor, ardua my-
steria, & humanam omnem sapientiam ex-
uperant Eph. 5. 32. & 1. Timot. 3. 16. sed quum
iam pridem in hac Ecclesia res istas diuinas
audierimus, excusare tarditatem nostram ne-
quimus, nisi sensus planè formatos & ad hæc
intelligenda exercitados habeamus, Heb. 5.
14. Quum itaque Deum Sapientem, Iustum,
Bonum esse asserimus, sic nos quidem pro
intellectus nostri captu loquimur: sed ad ip-
sius Dei naturam accommodatiùs erimus
loquuti, si Deum esse ipsammet Sapientiam
iustitiam, ac bonitatem dixerimus, ita nimi-
rum vt sit illud ipsum, quod verè est, non
à quotalis esse dicatur, quod rebus creatis
conuenit; Sic enim Dei naturam graphicè ex-

primeremus. Vnguenta verò siue pigmenta vocamus hoc loco effecta ex illa Deitatis præstãtia in caput excelcissimi ac æterni nostri Pontificis effusa, vt in Psal. 133 adũbratur.

Tertia collatio.

Tertiò, vt rectè congruentiam illam signorum cum rebus significatis intelligamus, maximè nos expendere decet, quamobrem dotes illæ quibus à Filij Deitate imbuta est Christi humanitas nomine vnguentorum appellantur. Dico igitur primum id fieri, quòd vt vnguentis odoriferis foetor ex qualibet re corrupta ac putrida expellitur, ita summa illa atque perfectissima vis quæ humanitati mediatoris nostri, & iis omnibus quæ nostri causa gessit indita est, omnem corruptionis nostræ graueolentiam, ac quicquid sordium inde manare potest, apud Deũ abolet, vsque ad eò vt nos ipsi accepti gratissimique siamus in illo quem vnice diligit, & in quo vno acquiescit Matt. 3. 17. & Eph. 1. 6. Adhæc, vt suffimenta odorata sursum feruntur, licet proximè adstantium sensus afficiant: ita Iesus Christi dona, & vis illius Spiritus viuifica in nos defluens, vt vera nos suauitate mirabiliter recreet: quemadmodum illa ex alto prodeunt sic supera repetunt, & nos sursum subuehunt. Idcirco Christus, homo cœlestis, illa duplici nimirum ratione, ab Apostolo vocatur. 1. Cor. 15. 48. & docemur patrem precantes addere, *qui est in cœlis*, quòd videlicet tanquam spei quibusdam alis, sursum erigimur, ac si cum illo iam in illis cœlestibus

cœlestibus locis, consideremus: ad quæ properat hæc Sponsa, & nos omnes illa duce cōtendimus Col. 2. 6. Et hæc quidem tria illa sunt hoc loco in primis obseruanda. Nempe signum illud legale, sacris pigmentis sensui corporis perceptibilibus constans. Deinde, res ipsæ vnguentis istis designatæ, vires videlicet illæ ac virtutes perfectissimæ, quibus Iesus Christus plane instructus est. Ac tandem significatarum rerum cum ipsis signis congruentia siue proportio.

Solus igitur Iesus Christus est vas illud, *Sacrum hoc quo sanctissimi & præstantissimi odores isti continentur: At enim hæc omnia vana essent, & quod ad Sponsam attinet, inutilia, si ad solius vasis vtilitatem intra ipsum concluderentur.* *Suffimentum in primis apud Deum spargi oportuisse, ut eius suauitate deliniret, ipsum propitiū haberemus.* Ideo minimè dixit illa, *Ob optimos tuos odores, sed, ob odorem vnguentorum tuorum optimorum:* Neque ait, *Nomen tuum est tantumquam vnguentum:* sed, *nomen tuum vnguentum effusum.* Agedum igitur odorem istius vnguentis suauissimum, & eos in quos effusus dicitur, propius perpendamus. Pater profectò Domini nostri Iesu Christi primus est ac præcipuus, ad quem horum vnguentorum vapor ascēdit, tam ipsi gratus ac suavis, ut eo fuerit in æternum iis recōciliatus, quorum causa sese gratissimus ille obtulit suavis fragrantiae victimam, ut inquit Apost. Eph. 5. 2. Quod enim Moses sacrificiis legalibus hoc passim tribuit, eatenus illis competit, quatenus erat tantæ huius gratiæ figuræ: non quod in san-

78 IN CANTIC. CANTICORVM

guine taurorum aut hircorum vis illa propitiatoria, siue in totū, siue aliquatenus in-
esset, Heb. 10. 4. Hinc illud Iohannis Baptiste,
Ecce agnus ille qui tollit peccata mūdi, Ioh.
1. 36. & illud Petri, Peccata nostra sustulit su-
per lignum. 1. Pet. 2. 24. & illud Pauli, Quem-
admodum per vnus hominis inobediētiam
peccatores cōstituti sunt multi, ita per obe-
dientiam huius, iusti constituti sunt multi,
Rom. 5. 19. Obedientia quidem ad mortem
vsque, mortem inquam, crucis. Phil. 2. 7.

*Eundem sus-
citum pari-
ter in mem-
bra Ecclesiæ,
quam hæc
Sponsa re-
presens,
diffundi ne-
cesse fuisse,
ut illis odo-
ribus sapien-
tia, obediē-
tia & puri-
tatis Sponsi,
perfunderē-
tur, gratui-
ta imputa-
tionis benefi-
cio.*

Porro secundū Deum Patrem ad quem
ascendit hic suffitus effusa est hæc fragrantia,
effunditurq; quotidie in vnumquodq; Spon-
sæ Christi membrum, quemadmodum olim
omnia sacra sub lege sanguine aspergeban-
tur, Heb. 13. 18. quem ritum Petrus ad Christi
sanguinem refert. 1. Pet. 1. 2. quam ob causam
Angeli huius Sponsi natiuitatē, & huius vn-
guenti redolētiam mox actu ac re ipsa spar-
gendam annuntiantes, ad quam hæc Sponsa
iam inde ab ipsius Solomonis seculo anhelat-
bat, non modò dixerunt natum esse eo die
saluatorem, sed vobis (inquebant) natus est
hodie saluator. Idēque cœlestes Spiritus e-
pinicia lætissima præclaro illo hymno cele-
brantes, non modò cecinerunt gloriam tri-
buendam esse Deo in excelsis, sed etiam pa-
cem atque beneuolētiam hominibus in ter-
ris exhibitam renūtiarunt. Hic igitur demum
est suauissimus ille odor, auream illam & in-
cōprehensibilem pacē conscientis afferens,
quam

quam dare mundus non potest, Iohan. 14. 27.
 Rom. 5. 1. & Philip. 4. 7. idque merito : quan-
 do quidem Iesus Christus vnus nobis factus
 est à Deo Patre Sapientia, Iustitia, Sanctifica-
 tio atque Redemptio, 1. Cor. 1. 30. vt qui non
 modò sustulerit quicquid faciebat vt Deo
 fœderemur, verumetiam earum sordium lo-
 co, nos, vt quodam suffitu, perfudit, iis om-
 nibus quæ Deo Patri grata esse possunt. Pri-
 mum enim sincera ac perfecta Sapientia il-
 lius, in quo reconditi sunt omnes Sapientiæ
 atque Intelligentiæ thesauri, Colos. 2. 3. nobis
 per fidem communicata, ignorantia ac cæci-
 tas quibus mens nostra obruitur, contextæ
 quasi euanescent. Præterea peccatis nostris
 omnibus expiatis, per illius satisfactionem
 qui Iustus pro iniustis mortuus est, 1. Pet. 3. 18.
 ac demum plena & integra omnium Dei man-
 datorum præstatione in eo inuenta, qui sese
 legi subiecit, Gal. 4. 4. vt nostra causa iustitiæ
 omnem adimpleret, Matth. 3. 15: his, inquam,
 peractis omnibus, & nobis instrumēto fidei
 imputatis, non tantum immunes euadimus
 ab omni iniustitiæ nostræ fœtore, verumetiā
 odore fragrantissimo obedientiæ fratris no-
 stri imbuti, cōparemus, vt non tantum mor-
 ti eximamur, verumetiam quod præstantius
 est, æterna vita potiamur. Denique imputata
 nobis in eiusdem Spōsī persona perfecta na-
 turæ nostræ instauratione, quā fieri nequeat
 quin is qui nobis ipsum donat, omnia itidem
 nobis cum ipso largiatur, Rom. 8. 32: inde fit,

vt tot tantarumque sordium loco, quas nullo modo ferre posset Dei pura ac perfectissima sanctitas, mundi, puri, elegantes apud ipsum in huius Sponsi persona, atque ad cœlestibus odoribus imbuti, compareamus, tales in ipso habiti, Eph. 1. 4. & 16.

Esse & aliud sacri huius sufficiens effectum, nempe sanctificationem nostri. Opera vero sanctificationum, non ali qua sui dignitate, sed quod hoc suffitu perfusa sint, Deo bene olere. Nunquid verò amplius? Sanè aliquid etiam amplius: nempe vis illa Spiritus Dei, qua initio creati sumus ad imaginem & similitudinem Dei, & quæ rursus eandem in nobis tam misere deprauatam naturam, multò etiam plenius & efficacius in Iesu Christo fratre nostro sanctificauit: qua de causa dicitur vñctiq nostram, 1. Iohan. 2. 27. Vis igitur illa, in eorum corda qui per hanc Sponsiam designantur, & huic Sponso adherent, sese insinuans, huius sanctitatis effecta in illis gignit, veterem illam nostram spurcitiam sensim abolens, & nouam ac planè diuersam indolem in nobis efficiens, Pet. 1. 23. vt quæ Dei sunt velimus & faciamus, prout in nobis sese vis illa exerit: Phil. 2. 13. vt peculiaria plurima dona prætermittam, quæ Spiritus ille, sanctis, prout & qua mensura libuit impertitur. 1. Cor. 12. 11. ex huius Sponsi veluti penu deprompta, Ioh. 16. 26. sicuti sacræ literæ locis pene innumerabilibus proposito nobis nouæ generationis beneficio, testantur. Hinc est quod Christianorum opera, propter Christum Dominum nostrum in nobis operantem, quoniam hoc suauissimum vnguentum redolent, Rom. 8. 14. Deo grata acceptaque sunt Rom. 12. 1. Inter

ter hæc autem opera excellit Diuini nominis inuocatio, de qua differens Propheta, & ad vnguentum istud mysticum alludens, Psa. 141.2. *Valeat, inquit, precatio mea pro suscitante te, & manuum mearum eleuatio pro vespertino sacrificio:* cuius etiam fit mētio Apoc. 8. 4. Inuocationem proximè sequuntur opera, quibus charitatem erga proximum testamur: ad maiestatem vtique ipsius Dei pertingentia, Act. 10. 4. & Phil. 4. 18. qua etiā ratione Sponsi nomen Sponsa cum effuso vnguento cōfert. Nam idcirco tum Sponsus iste, Christus id est vnctus vocatur, tum nos ab eo Christiani denominamur, id est ipsius saluari vnguine per regenerationem delibuti: vt & Iesus nūcupatur, quòd nos ab omnibus peccatorum fordibus asserat, Matth. 1. 21. Sed interim cauendum est in primis, nequid dignitatis operibus nostris attribuamus, quasi vel vllum satisfactionis locum vel præmium vllum iustitiæ mereantur. Hoc enim non aliud fuerit quàm sanctum hoc vnguentum fœditate longè maxime inquinare. Sufficiant igitur nobis aromata & verè digna merita vnus Iesu Christi in quo plenissimè consummur, Col. 2. 10, quibus Deus ex mera sua gratia ac misericordia sancti sui Spiritus in nobis opera recipiat, & licet minimè commerita mercede remuneretur.

Quid igitur factu opus est? nempe vt exemplum Sponsæ sequuti, nihil præter vnū Christum nobis bene oleat: Cætera verò,

*Exhortatio
ad vitādum
omnem fa-
torem huius*

*purissimo
suffici op-
positum.*

quatenus quidem à nobis inquinantur, & conspurcantur, tanquam finum & stercora ducamus: quatenus illis quoque per nos est aliqua maculae species inusta. Quum enim Moses ait Dominum propter hominis peccatum terrae maledixisse, cui prius in illius gratiam benedixerat, Gen. 3.17. satis aperte docet nihil in hoc mundo existere, cui notam aliquam maledictionis non impresserit: quod ipsa quoque experientia demonstrat, & quod Paulus respicit, Rom. 8.20. Sed hoc in primis ex eo conspicuum est, quod homines, & seipsos, & ceteras res omnes, ad usum sui conditas, contaminare non desinant: ut qui quandiu sunt in hac vita superstites, illis sicuti par est, id est ea qua decet veneratione, & bona conscientia duce, ad Dei conditoris gloriam uti, nec velint nec possint. De rebus alioqui licitis & imperatis loquor, & quorum usus esset legitimus, nisi illis abuteremur. Huiusmodi sunt, exempli gratia, labor ad hanc vitam comparatus, esca, potus, vestitus amor parentum & patriae, & cetera huiusmodi, in quibus semper aut excessus, aut defectus, aut turpissimum illud vitium inuenitur, quod nimirum ad Dei gloriam studia nostra minimè referamus. Quae quum ita se habeant, quid tandem de iis statuemus, quae ex professio contra Dei voluntatem patrantur, & quibus orbis terrarum intus & foris scatet? Faxis igitur Deus Opt. Maxime, ut satis tandem ferriò tantam hanc spurcitiam agnitam deteste-

stemur, & è contrario, suauissimum & pre-
 riosissimū hunc odorem nobis ab hac Spon-
 sa propositum sectemur, ex eburneis illis do-
 mibus manantem, quorum fit mentio Psal.
 45.9. & cuius fragrantia Sponsa sese delibu-
 tā prædicat. Discite, igitur, Auari, quā Deo
 pudeat & sit abominabilis ista vestra spurci-
 ties, & pro eo quòd fugacibus istis diuitiis
 acquiescitis, 1. Timo. 6. 17. erectis sursum ani-
 mis, ibi thesauros vobis parate, vbi puræ pe-
 rennēsque vigent opes, Luc. 12. 33. Discite,
 Ambitiosi, quanta sit honorū & dignitatum
 vanitas, quarum splendore fascinati. Et
 vos Helluones, quibus nil præter vinum sa-
 pit & qui solum culinæ nidorem sectamini,
 quarum rerum finis & terminus est fœda an-
 nihilatio, 1. Cor. 6. 13. Discite tandem aquam
 illam viuam inquirere, quæ sola refrigerium
 in vitam æternam tribuit, Ioh. 4. 14. Verum
 illum panem vitæ, Ioh. 6. 27. vinum illud de-
 nique, cor hominis vera solidāque lætitia
 exhilarās. Zachar. 10. 7. Scottatores denique,
 infames animæ, & bipedes porci, quousque
 tandem in isto fœdissimo turpissimarum vo-
 luptatum cœno volutabimini? At nos, dile-
 ctissimi Fratres, si qua nos cura verę vitæ tā-
 git, & illius veræ lætitie quæ describitur Ps.
 23. & 138. & 36. 9. & vanissimis acturpibus
 illis deliciis, Psal. 17. 14. & alibi passim connu-
 meratis, ex diametro repugnat: attendamus,
 amabò, iis quæ ex altero Solomonis libro,
 Ecclesiaste videlicet, didicisse nos oportet.

*Quomodo
cunctos fide-
les esse vir-
gines oport-
eat, & quā-
sus iam olim
error in Ec-
clesiam hac
in re irre-
pserit.*

Attendamu, inquam, estis huius Sponsæ
verbis *Idcirco te puella diligunt.* Age igitur
cuncti tum viri, tum mulieres, tum iuvenes,
tum senes, harū virginum cœtui, cuius etiam
Apoc. 14. 4. fit mentio, sedulò nos adiunga-
mus, vel potius omnes, istius loquētis & nos
inuitantis Sponsæ personam puram & im-
maculatam sustineamus, quādoquidem hoc
elogio Ecclesiam totam Apostolus exornat
2. Cor. 11. 2. Nec enim agitur hoc in loco de
corporis virginitate, in qua sanè per se con-
siderata Dei regnum non magis situm est
quàm in cibo vel potu, 1. Cor. 7. 36. & Rom.
14. 17. sicuti neq; ex coniugio vlla cuique ma-
ior accedit sanctimonia in eo posita, vt siue
coniugati siue cœlibes simus, purā & castam
vitā exigamus. Nihil igitur hæc Sponsæ ver-
ba faciunt ad virginitatem corporis coniu-
gio oppositam, sed de pudicitia & castitate
spirituali intelligenda sunt, omnibus impu-
ris affectibus & actionibus carnis seu veteris
hominis, vt Scriptura loquitur, repugnātib⁹,
quæ omnia nisi abnegemus, & patiamur à
Dei Spiritu sensim in nobis aboleri, sed è cō-
trario in his peccati sordibus permāserimus,
nihil nobis est commune cum Christo Iesu,
& regno Dei, 1. Corin. 6. 9. Rom. 8. 9. Aberra-
runt igitur à scopo qui cœlibatum ed vsque
extulerunt, vt quandam omnium Christia-
narum virtutum epitomen esse censuerint,
quorū hyperbolis Satan, et si contra illorum
institutū, tamen adeo efficaciter abusus est, vt
praua

praua religione mortalibus iniecta, votisque temerariis exortis, ipso frustra reclamante Apostolo, 1. Cor. 7. 35. Ecclesiam tandem in Sodomam atque Gomorram transformarit, tum per impurum illum clerum Romanum, etiamnum hodie & à multis seculis, tum per cloacas illas impurissimas monachorum & monacharum, quorum detestanda scditas in cælum ipsum vsque perfertur. Hæc autem nihil ad illam corporis virginitatem de qua hic agitur pertinere vel ex eo constat, quod huiusmodi cœlebs vita, fuit Solomonis ætate vsque adeò incognita, vt si quis filiam innuptam retinuisset, probum familiæ suæ conciliasse videretur. Deinde si de virginibus huiusmodi locum hunc intelligamus, excludendi fuerint vtique ex hoc cœtu præstantissimi quique & præcipuum in illo locum obtinētes, Abrahamus nempe, Isaacus, Iacobus, Iosephus, denique patrum primores, & quotquot magni nominis homines in Ecclesia ante Domini aduentum extiterunt: immò & ipse Petrus inde fuerit abigendus, quem tamen nonnulli Ecclesiæ caput fuisse contendunt, Matt. 8. 14. ceterique itidem Apostoli & fratres Domini, 1. Corin. 9. 5. atque adeò Paulus ipse si plerisque creditur veteribus clavis interpretibus, Philip. 2. 20. Sed ad rem. Sponsa paucis istis verbis tria nos docet magnopere obseruanda. Vnum, si Christi consortes esse volumus, oportere nos Virgines esse, id est peccatum in nobis aboleri, ne

nobis dominetur, immò quemadmodum Deus noster sanctus est, ita nobis quoque toto affectu sanctitati studendum esse, mortificanda membra nostra terrestria: Christum denique imitandum, ut sicut ille incessit ita & nos incedamus, Col. 3. 5. Eph. 5. 1. & 1. Ioh. 2. 6. Alterum, animadvertere nos sollicitè oportere quo medio ab impuritate nostra ad puritatem illam transeamus, illo videlicet suffitu siue vnguento quo totus madens Sponsus suam Sponsam perfundit, dans nobis ut credamus, Phil. 1. 29. & Eph. 2. 8. & ut velimus atque perficiamus pro ipsius gratuita benevolentia. Phil. 2. 13. Tertium, attendendum esse nobis quoniam sit istius vnguenti in corda nostra effusi præcipuus effectus: amor ille videlicet quo Deum vicissim prosequimur, amoris huius mundi ex diametro repugnans, & virginearum lampadum illarum flamma, quarum fit mentio, Matth. 25. id quod etiam maximè inculcatur ab ipso Iesu Christo vltima illa concione quam moriturus habuit apud discipulos suos, & qualis est a Ioanne tota prima ipsius canonica epistola descriptus.

Summa eorum quæ hoc tercio versiculo comprehenduntur.

Itaque ut paucis omnem à me habitum sermonem concludam, habemus in hoc tercio istius Cantici diuinissimi versiculo descriptam, totius verè doctrinæ Christianæ summam: ex quo tum veram illam Ecclesiam ab adulterina discernere possimus: quarum illa tota ab huius Sponsi gratuita benignitate pedit, hæc verò vel in totum, vel ex parte sibi salutem

tem suam tribuit: tum etiam tesseram certissimam ac perpetuam discere queamus verè Christianorum: in quibus vt censeamur, non satis est vnguento Euangelij perfundi, sed præterea requiritur vt intus imbuamur sanguine Sponsi & Spiritus sanctificationis virtute, 1.Pet.1.2. veram fidem bonorum operum testimoniis confirmemus, vt in nobis adimpleatur quod scriptum est Psa.133.id est, vt illo pretioso vnguento, quo vnctum est caput illud nostrum Iesus Christus ad nos vsque prolapso, eum diligamus sicuti nos ille prior dilexit, Eph.5.25. tandem illo vltimo die reipsa & plenissimè æterna ipsius gloria in cœlestibus replendi, Cui in vnitæte

cum Patre ac Spiritu sit laus &
gloria sempiterna.

Amen.

f.iiij.

IN CANTICVM CAN-
TICORVM HOMILIA
QVINTA.

Auxilium nostrum sit à Domino, &c.

Quod sequitur extat in Cap. I. vers. 4.

4 Trahe me, curremus post te.
Quum Rex nos introduxerit in con-
clauia sua, exultabimus & lætabimur
inte. commemorabimus tuas dile-
ctiones magis quàm vinum.

*Vocabuli
trahēdi quā-
sum pondus
& quanta
sit hominis
qualis quidē
nascitur na-
tura aduer-
sus Deum &
ipsum veri-
tatem repu-
gnantia.*

HActenus audiimus ardentissimum
Sponsæ desiderium, animo defixē in il-
lius sui Sponsi præstantiam: cuius æternam
& beatam coniunctionem vehementissimè
concupiscit. His autem nullo modo videtur
conuenire, quod nunc adiicit, efflagitans vt
ab ipso trahatur. Eos enim qui sponte pro-
perant qualis est hæc Sponsa, quam veriùs
volare non incedere diceres, quid opus est
trahere? quorsum equo in cursum effuso cal-
car addere? Hoc enim nō nisi tardis & igna-
uis conuenit, ac multò etiam magis resisten-
tibus & calcitrosis: quod huic certè Sponsæ
tribui nisi maxima cum iniuria non potest.
Quamobrem diligenter expendenda est hu-
ius verbi *Trahere* interpretatio, vt inde non
mediocrem vtilitatem percipiamus. Primum
itaque fatendum nobis est, si quando verè
bona

bona, id est ad Dei gloriam tendens sicuti par est animos nostros subeat cogitatio, istud nequaquam ex nobis, quales nati sumus, oriri. Nihil enim in hac hominis natura reperiri potest præter superbissimam ac pernicacissimam rebellionem, donec Dei Spiritus tenebras in primis ex mentibus nostris abigat, quæ neque possunt neque volunt ex sese quæ Dei sunt cogitare, 2. Cor. 3.5. ac deum peruersitatem voluntatis nostræ corrigat, ipsi Deo, & omni verè bono inimicæ Rom. 5.10. & 8.7. Apostolo præterea testante Eph. 21. non solum nos esse saucios sed omnino in offensis & peccatis mortuos: & quodam huius Cantici vetere interprete, rectè scribente, duo esse in nobis diuinitus purganda, intellectum vt moueat, voluntatem vt velit.

Duo sunt igitur nobis hic cauenda præcipitia. Vnum, eorum qui ignorantes primi hominis lapsus grauitatem, quo, ne iis quidē exceptis qui adhuc in vteris matrum latent, omnis illius soboles comprehenditur, existimarunt hominem intellectuali vi ac naturali iudicio præditum, non in aliū vsum egere lege Dei scripta, quàm vt plenius ac melius voluntatem conditoris sui cognoscat: haud secus ac puero boni ingenij bono præceptore opus est, & vt pura charta quæ quicquid inscribitur vitro recipit. Alterū verò eorum est qui nos tanquam claudos pedibúsque infirmos esse somniant, quibus duntaxat aliquo

Duplex error perniciosissimus illi doctrinae oppositus.

fulcimento ad rectè incedendum sit opus. Et hæc est hodie illorum sophistarum quibuscū contendimus sententia, cōcedentium quidē, nos gratia Dei egere, quæ nos, propter infirmitatem illam naturalem ex corruptione hæreditaria in genus humanum propagatā, & anteuertat & comitetur: sed ita vt gratiam illam contendant esse veluti scipionis instar, vnde ipsi postmodum merita quæ imaginātur eliciant. Horum igitur primi, supernaturalem Dei gratiam funditus tollunt, quæ tamen est nostræ salutis basis præcipua, quapropter meritò iampridem explosi sunt ac damnati. At posterioris erroris fautores, liberum, quod vocant, naturæ arbitrium cum Dei gratia copulantes, alia quidem via, in eādem tamen erroris grauissimi voraginem præcipientes ruunt. Tam enim in Deum peccat istorum quàm illorum dogma, quoniam è contrario fatendum est ac palàm testandum, sola & prorsus vnica Dei gratia & misericordia nos inire salutis iter, non quæ debilem nostram iuuat naturam, sed quæ ipsius peruersam qualitatem immutet, vt ex tenebris ad claram lucem pergamus, Act. 26. 18. & Eph 5. 8. & quæ nos ex morte ad vitam traducat Eph. 2. 1: quam gratiam qui eo vsque non agnoscit, neque adhuc nouit quid sit Euangelium, neque hæc verba Domini intelligit ex Ioh. 6. 44. Nemo venit ad me nisi Pater traxerit eum. Atqui, istud est (inquiunt illi) ex hominibus stipites facere, aut illos in saxa trans-

transformare, intelligentiæ nimirum & voluntatis vfu ſpoliatos: quam fanè conſuſionem falſò ac ineptè ex doctrina noſtra extorquent. Nouimus enim per Dei gratiam primum hominis lapſum, neque mente neque voluntate illùm priuaſſe, quibus facultatibus adhuc à beſtiis diſtinguitur: tantùm abeſt vt hominem ligneum aut ſaxeum ſtatuiamus, licet ſcriptura paſſim cor hominis nondum regenerati lapideum vocitet oppoſitum carneo, id eſt quod Dei gratia maceratum ſit ac emollitū. At quod ad ſaluificam veri Dei notitiam attinet, id eſt ad doctrinam Euangelicam, quæ eſt Dei potentia ad ſalutē omni credenti Rom. i. 16. affirmamus illam nobis neque in totum, neque vlla vel minima ex parte, à carne & ſanguine, id eſt naturali intelligentia qua præditi naſcimur, pateſcere vel oblatam admitti: ſed neceſſario oportere vt illam nobis Filius reuelet Ioh. i. 15. Matt. 16. 17. minime id quidem quaſi nobis videndi facultate præditis, duntaxat ſit opus, aſpectabile obiectum oculis ſubiicere: Verùm quod neceſſe ſit vt Deus ipſe nobis oculos tribuat, id eſt ſecūdum Apoſtoli phraſim Eph. i. 18. illuminet oculos mentis noſtræ antea cōfoſſos ac cæcos penitus, ad cernendā ſalutis notitiam. Idem quoque de voluntate plane peruerſa ac Dei voluntati repugnante, ſentiendum eſſe affirmamus. Intellectum igitur nobis reliquum eſſe fatemur quidem, ſed tenebris ignorantix obrutum & nullatenus

illius veræ scientiæ capacem: imò Dei veritatis hostem Rom. 8. 7. Voluntate itidem præditi sumus sed malitia ac vanitate penitus auersa. Ideo Dominus de prima ista gratia differens, vocabulo regenerationis vtitur Ioh. 3. 3. quod primam originem status ac cōditionis vitæ spiritualis designat: quantum quidem ad duarum istarum facultatum nouas à gratia creatas qualitates, non autem quod ad ipsas facultates attinet. In summa quod Apostolus ait hominem ante primam hanc gratiam mancipatum esse peccato, eiq; penitus obnoxium Rom. 7. 14. & animale hominē, id est sua ipsius anima duntaxat uiuentem, qualem ordine naturæ accipimus, minimè idoneum esse ad intelligenda quæ sunt spiritus Dei, istud, inquam, de toto homine in illa sua natura permanente, intelligendum esse, planè & absque vlla exceptione asserimus.

Trahi non oportet esse quādiu in hac vita degimus.

Tractus tamen huiusmodi nequit huic Sponsæ conuenire, vt ex ipsius præcedente perspicuo & minime fucato sermone liquet, satis testante ipsam iam antea pertractam, atque adeò hac gratia supra nubes abreptam fuisse, cuius rei certissimum argumentum est vehementissimus ille vltèriùs progrediendi affectus. Quare ijs quæ diximus hoc etiam addere par est: vt prior illa & nostrā intelligentiam ac voluntatem immutans gratia, nobis est prorsus necessaria: ita non minus nos egerè altero, imò & tertio, ac consequenter perpetuo

petuo Dei fauore, vt ad extremum vsque halitum omnibus horis cunctisque momentis vociferetur anima fidelis *Trabe me, Trabe me, inquā, Domine*: vsque adeò refractarij sunt etiam qui obsequentiissimi videntur, & ignaui torpent celerrimi quique. Has autem omnes gratias ex eodem fonte prodire necessario statuendum est, videlicet ex illa merè gratuita Dei nostri liberalitate, qua mouetur ad perficiendum opus suum in nobis, non autem vt vlla merita nostra quasi debitor nostris operibus factus, remuneret: sed quod pari liberalitate tam in præstando quàm in promittendo vtatur. Quamobrem distinctio illa operum, in ea quæ fidem præcedunt & à sophistis præparatoria dicuntur, & illa quæ fidem sequuntur, vnde merita condigni fabricantur, est proculdubio exquisitum Sathanæ artificium, quo vix aliud magis idoneum potuit ad perdendos homines excogitare facile sibi ad persuadendū pronos, se meritis aliquibus Deum sibi obstrinxisse. Atqui prorsus alia, immò repugnans est Apostoli oratio Rom. 7. 25. qui reliquias corruptionis in sese adhuc vigentes sentiens quantumuis regenerato, quum in hos clamores erupisset. Miser ego homo quis me liberabit ab isto corpore mortis! suos postea labores minime iactat, sed gratias agit Deo per Iesum Christum Dominum nostrum, testaturque alibi, etiam si certus esset brauij strenuo cuique ac fideli athletæ promissi 2. Timot. 4. 7. minime idem

velle reperiri sua iustitia ornatus quæ ex lege est: sed illa quæ est ex fide in Christum. Itaque Leonis primi hoc nomine ex priscis episcopis Romanis, verissima est hæc sententia, qua omnia venalium veniarum seu Indulgentiarum figmenta, à prauis ac degeneribus illius successoribus excogitata, his verbis penitus euertit: Iusti, inquit, nequaquam coronas donarunt, sed acceperunt: & ex fidelium constantia prodierunt exempla tolerantiae, non autem dona iustitiæ. Non igitur sufficit donum illud Dei quo desiderium ipsius cognoscendi & colendi in nobis creat: nisi etiã inceptis faueat, & vires nobis addat quibus id pro nostro modulo possimus, alioqui mox in fumum abituro omni nostro conatu: adeo vt posterior conditio nostra deterior prior sit futura: cuius rei, Eheu, quàm multis abundamus etiam recentibus exemplis, quibus satis superque cõformantur quæ scripta sunt Matt. 12. 45. & 2. Pet. 2. 20. Itaque quum Sponsa inquit *Trabe me*, perinde est ac si diceret, Eheu mi Sponse, adeone parui facis meos clamores, vt nihilo magis te mihi propinquum fieri experiar? Hoc igitur est desiderium illud ingens quo ardebant Patres 1. Pet. 1. 11. & cuius meminit Christus Matt. 13. 17. Ergo, inquit Sponsa, oportet vt ipse propius ad te accedam: verum licet totis illis viribus quas tu ipse mihi suggeris istuc contendam: videor mihi tibijs carere, tam sunt tardæ & torpidæ. Euolarem equidem ad te libens,

bens, sed debiles alas ægrè traho, Attrahe me igitur, obsecro. Nisi enim (vt ait quidam) ad me accesseris, non attrahar: nisi me attraheris, ex hoc cœno nunquam extrahar. Et his certè precibus quotidie nobis est opus: licet verè iactare nos possimus Sp̃sum nobis proximiorum factum, quàm Solomonis tempore, & ante oculos nostros depictum Gal. 3. 1. cuius Spiritu trahimur, per quem ad Patrem peruenitur, vt vera sit cuiusdam ex Patribus hæc sententia, Nos per Christū ad Christum peruenire.

Deinde & illud obseruandum est, has preces conuenire non tantum singulis Ecclesiæ membris, prout & spiritu sunt infirmi, & voluntate debiles: sed singulis etiam Ecclesijs totis, atque adeò Ecclesiæ catholicæ id est vniuersaliter consideratę: perpetuis & hæreticorum sanam doctrinam oppugnantium rixis vexatę, & offendiculis variis, tanquam maculis deformatę, vt omnes historiæ veteres ostendunt. Istud verò seriò expendere oportuit tam eos qui, vt olim Cathari, & nostris temporibus Anabaptistę, perfectionem somniant in vnoquoque Ecclesię membro: quàm eos qui apud se imaginantur ideam quandā Ecclesiæ Catholicę, carentem hoc seculo ruga & macula: quod spectrum postea, nulla ratione & nullo scripturarum testimonio freti, in Romana sede collocant. Nec tamen hæ residuæ maculę obstant quominus vera Ecclesia sit velut armarium veritatis Dei, cuius

Hominis prauitatem tum in vniuerso corpore Ecclesiæ, tum in singulis quibusque illius membris perspicere.

fundamentum semper firmum & immotum permanet.

*Quibus qua-
si funibus
Deus ad se
Sponsam tra-
hat.*

Sed cum his vocibus *Trabe me* simul est ar-
ripiendus funis quo nos ille sursum ad se per-
trahit. Quid enim aliud fuerit quàm Deum
ludificari, si petentes ab illo vt nos in altum
attollat media nobis ad hoc oblata contem-
namus? Funem autem vocamus in hoc argu-
mento, sacram & sinceram Euangelij prædi-
cationem. Est enim Euangelium Spiritus Dei
ordinarium organum, quo mentes nostras
aperit vt attenti & intelligentes fiamus Act.
16. 14. quo nobis aures ad audiendum perfo-
rat Psal. 40. 7. quo tribuit nobis oculos ad vi-
dendum Psal. 119. 18. quo denique nos rãdem
in omnem veritatem introducit Ioh. 16. 13. &
ad extremum vsque corroborat: & hæc est o-
mnium Christianorum perpetua meditatio.
Frustrà igitur diuini verbi contemptores vo-
ciferati sunt *Trabe nos*, quod perinde fuerit
ac si dicerent, fac Domine vt absque anima
viuamus, & absque luce videamus.

*Vnum ab al-
tero vicissim
trahi oportet-
re, ut uno eo-
demque cur-
su ad eandẽ
metam con-
tendamus.*

Sed hîc fortassis quæsierit aliquis cur Spon-
sa *Trabe me* numero singulari potius quàm
Trabe nos pronunciarit, quum mox de suis e-
qualibus loquens dicat, *Curremus post te*. Sciẽ-
dum igitur est Sponsam hîc nõ vnica[m] dun-
taxat personam, sed fidelium vniuersum cœ-
tum vera fide præditorum repræsentare, cœ-
tum inquam iam adultorum, alios subinde
Sponso secum aggregantium, quos hoc loco
sibi tanquam comites adiungit. Istos igitur,
licet

licet de se speciatim loquuta Sponsa, minimè
tamen neglexit, quasi eorum oblita: sed eos
vt adhuc tyrones siue neophytos, exemplo
suo docet quid eos facere deceat. Et hoc illud
est quod eos facere zelus gloriæ Dei & cha-
ritas iubent, qui sunt in Ecclesia prouectio-
res, nempe aliis minimè rudioribus esse gra-
tiæ Dei instrumenta, vt simul alij alios ma-
nu deducētes, ascendamus omnes ad sacram
illam Dei ædem quò contendimus Ies. 2.3.
quod quidem est præcipuè pastorum munus.
Addit igitur Sponsa gregalibus suis sese ad-
iungens *Curremus post te*, id est cursu te se-
quemur: quibus verbis indicat quo fine effla-
gitarit vt à Sponso traheretur: nempe vt non
solum animosiùs incedat, sed etiam currat.
Hic ergo carpitur ignauia ac desidia maximæ
partis eorum qui tamen videri volunt expé-
ditiores: in eo culpādi, quòd, prout sunt igna-
ui, dona non excolunt sibi diuinitus conces-
sa, ex fide ad fidem progredientes, ac subinde
gradum promouentes vt admonemur Psal.
84. 8. nec vnquam currendo defatigati Heb.
12. 12. quòd nos, exemplo suo impellens Apo-
stolus, hortatur vt eorum quæ à tergo sunt
obliti, & ad ea quæ sunt à fronte respicientes,
scopum versus ad palmam supernæ vocatio-
nis Dei in Christo Iesu contendamus Phil. 3.
14. Idē etiam propterea vitam hominis Chri-
stiani alibi stadium esse inquit, in quo multi
quidem currunt: vnus autē apprehendit præ-
mium: is scilicet qui non temere currit sed

ita opportunè vt præmiū præcipiat, 1. Cor. 9.24. Quod si reprehendendi sunt qui minus gnauiter currunt, multò minus excusandi fuerint qui pedetentim & testudineo gradu ambulant. Quid verò de illis censendum qui non modò non procurrunt sed etiam retrocedunt? Quid de illis qui non solum pedem referunt, sed etiam terga vertètes, suis instar lutum repetunt, & canum more ad vomitum redeunt? 2. Pet. 2.22.

Huius doctrinæ usus, aduersus ignauos, refractarios, & diuerricula quævenas.

Quid autem ad hæc dixerō. Fratres? id sanè quod res est. Quanuis Dominus, mira quadam ac continua suorum beneficiorum serie, & tolerantia singulari, non desinat nos inuitare, allicere, vrgere, nos inquam qui hic præsentēs astamus ad eò sonora voce aduocare, vt ab vltimis vsque orbis terrarū oris sit exaudita: non ausim tamen affirmare apud nos quēquam reperiri qui ad cursū seriò sese accingat. Sed, Eheu, tardorum, ignauorum, furdorum, claudorum, frigescētiū, imò etiam retrocedentiū plus satis. Testis est mihi Deus quanto cum dolore ista commemorē, quæ nunc videmus cum ijs quæ paulò ante vidimus conferens, quum inter nos sese prodebat is zelus & cōcursus ad audiendum Dei verbum, vt illis nulla Pastorū quantumuis magna diligentia satisfaceret: non absque vbere fructu tum in reipubl. cę administratione, tum in priuata disciplina: quum, inquam, vbique priuatorum ades ac singulorum familiæ Psalmis & Canticis ad Dei laudem

personabant, quum vicinus à vicino doceba-
tur, scelera minimè dissimulabantur, peregri-
ni blasphemias, cæteraque praua, velut ad vr-
bis portas, deponebant Genueam ingredien-
tes. Denique si scilicet illud tempus cum hoc
nostro conferatur, currere cunctos ad Deum
non ambulare dixisses: & Deus vicissim miri-
ficè nobis opitulabatur, potentissimorum
hostium rabiem, quanuis tunc feruentibus
in pios odiis, & passim sæuientibus flam-
mis, coercens. Nunc verò quales sumus, &
quantum ab illis mutati? aded quidem alij, vt
vix nomen retineamus eius pietatis cuius so-
lida apud nos substantia vigeat. Nobis itaq;
nobis competit illa aduersus Galatas Apосто-
lica increpatio, vt qui exorfi Spiritu, in carne
desinamus Gal. 3.3. Quærit suum vnusquisq;
Auaritia ac dissidentia corda nostra expugna-
runt, nullis legibus frænari potest luxus, ne
nunc quidem, quum ad cinerem & saccum di-
uinitus vocemur. Ludi, scortationes, adulte-
ria quoque in nonnullis nullum iam reme-
dium admittunt. Denique non modò non
progredimur sed etiam retrocedimus, ita sese
gerentibus quamplurimis, ac si quis, ad cur-
rendum sese comparans, quo sit expeditior,
pluribus sese pellitis stragulis oneret, quum
potius oportuerit cuncta ad interiorem vsq;
lineam vestem abijcere, siquid illorum nos
remoraretur. Sic curis huius mundi omnes
inuoluuntur, tantum abest vt ea meditemur
quæ nos à mundo auertant ne cum ipso pe-

reamus: Deferbuit ardor ille quem potius magis ac magis exardescere oportuit. Quid multis moror? Ea inter nos apperet sagina quæ nos per angustam portam ingredi nullo modo deinceps patiatur. Res certè miserrima, & summè deploranda, cuius vos in nomine Domini cum lachrymis admonéo, dum adhuc ille clamat, Venite ad me: & illius si non prorsus patent at certè adhuc hiant fores. Alioqui, Fratres, maximo nostro malo sentiemus re ipsa Dominum fuisse vitæ nostræ inspectore, & quis tam cæcus est qui non illum animaduertat sese aduersum nos instruere? Tunc igitur clamantibus nobis quid aliud responsurum illum arbitramini, quàm quod vocatis ad conuiuium responsum est Matth. 7. 23? & stolidis illis virginibus Matth. 25. 10? In summa igitur ut ad nostrum contextum reuertar, sancti tanquam in mundo peregrinantes, profitentur hoc in loco, sese ad ciuitatem illam properare cuius conditor & artifex est Dominus Heb. 11. 10. totis illis viribus fretos quas eis idè ille suppeditat, à quo sursum trahuntur.

Non satis est currere, sed cursu præeuntem Sponsum sequi oportet: & quoniam in hac decursione vitandæ anfractuossæ sunt euagationes.

Sed hæc voculæ *Post te* nequaquam sunt leuiter prætereundæ. Nam ut aliquo peruenias, currere minimè sufficit, sed primùm omnium recta via currendum est. Deinde in illa pergendum: & ita quidem ut neque ad dexteram neque ad sinistram deflectas. Denique ad ipsum verum scopum quod propositum est contendendum, alioqui quò longius

gius curritur, eò magis aberratur. Hęc autem omnia in vno Iesu Christo assequimur. Nam ab ipsius Spiritu oritur tum currendi desiderium, tum efficax ipsa rectè currendi facultas Phil. 2. 13. & ille ipse est via: immò & ipse omnis recti cursus scopus Ioh. 14. 6. Itaque si rectum iter nosse & errores omnes vitare, metam ipsam denique opportunè attingere volumus, necesse semper est vt ipse quidem præcurrat nos autem præeuntem sequamur. Quamobrem quotquot sibi ad vitam æternam diuortia perquirunt, id est Deum colunt prout ipsis in mentem venit, aut aliorum quorumcunque hominum inuenta tanquā ducem sequuntur, quantumuis & à multis seculis & à quamplurimis hominibus tutæ sint istæ semitæ, & sese somnient nonnulli istos tam diuersos calles tandem ad ipsam viam regiam concurrere, tandem sese frustra diu multumque laborasse experiuntur, nihil aliud assequuti quàm quod prædicitur Esa. 29. 13. & Col. 2. 8. Eiusmodi sunt hodiè qui sibi persuadent operum merita cum gratis imputata Christi iustitia consentire: frustra contrariū tam sonore vociferante Apostolo, tota ad Romanos & Galatas præsertim epistola. Itidem qui sanctorum defunctorum inuocationes cum officio mediatoris vnici Iesu Christi congruere autumant: qui essentialis ipsius corporis, in altaris, quod vocant, sacramento præsentiam conciliari cum ipsius Christi corporis veritate, & eiusdem in cœ-

g. liij.

los ascensione, & secundo quem expectamus aduentu, posse, adhibito omnipotentia diuinæ fucō, imaginantur: qui denique vlla cōtradictoria simul esse posse vera statuunt. Itaque tribus istis voculis *Curremus post te*, prauæ quæcunque religiones destruuntur: quarum Apostolus, eodem illo loco, nempe Col. 2. 18, tria notat genera. Vnum, earum quæ ex speculationibus quibusdam inanis sapientiæ fucō illitis deducuntur: veluti sanctorum mortuorum intercessionēs, quæ, aulici moris prætextu, fulciuntur, nempe quòd ad reges & principes absque fautore & auctore quopiam vix cuiquam pateat aditus. Adhæc (inquiunt) si sancti illi dum in his terris vitam agebant, gratia ac fauore apud Deū valuerunt, multò magis valebunt cū Deo in cœlos recepti. Mater verò cum filio in summa semper est gratia. Hinc & illud purgatorij foci fundamentum, quòd vel hic vel in futuro seculo peccata supersint expianda. Itē (aiunt alij) quum optimus quisque reipublicæ status ad vnitatem maximè spectet, consequitur in Ecclesiæ vniuersalis administratione, vnum aliquod caput necessariò constitui oportere. Talia sunt denique omnia huius farinae commenta, eorum qui religionem sibi suo arbitrio constituunt, iudicio nimirum humano, quod plane abnorme est, ea quæ extruere cupiunt metiti. Secundum genus vitiosæ religionis est crassæ illius superstitionis fetus, cuius falsissimæ absurditates omnibus patent, iis exceptis qui studio

clarissimam lucem auersantur, aut planè cæci sunt. Hinc omnibus seculis innumeri extiterunt ritus, quibus homines in animum induxerunt peccata sua posse deleri, atque adeo ipsummet Deum reliquatorem effici: cuiusmodi sunt in Pseudoecclesia Romana nostri temporis, aqua illa lustralis, cera consecrata, globuli precatorii, peregrinationes religionis ergo, certa ratio vestitus, ingeminata signacula crucis, ritus denique histrionici innumerales: nullo sensu, nullaque ratione, nè humana quidem, in Ecclesiam inuecti. Tertia falsæ religionis species ab iis orta est Apostolorum tempore, qui ceremonias iudaicas cum Iesu Christi Euangelio miscebant: in quarum locum successerunt hodie fatuæ traditiones infinitæ, quibus non modo obruta iacent Dei mandata, premunturque miserrima seruitute Christiani, verum etiam ipsius Christi euangelica gratia prorsus extinguitur: aded nihil sani purius istiusmodi erroribus superest, siue doctrinam siue Sacramenta consideres. Hoc autem omne est in genere deos alienos frustra sectari, licet plausibilibus titulis, ista defendi consueuerint: prætextu videlicet cultus diuini, auctoritatis ecclesiæ, antiquitatis, atque bonæ intentionis. Figmentis autem humanis omnibus semel explosis, solus hoc loco nobis Sponsus ille proponitur, in illa sancta & vnica doctrina sese intuendum, agnoscendum, sequendum præbens: quem Prophetæ primum, prout tem-

porum opportunitates ac dispensationes tulerunt, ac deinceps Apostoli ab ipso met mis-
si & edocti, tum voce prædicarunt, tum scrip-
tis, Spiritu Sancto dictante prodiderunt : ita
vt illorum monumētis quicquam addere vel
detrahere, ne Angelis quidem licuerit Gal. 1.
8. 2. Ioh. 10. quod ei fundamento superstructa
sit ecclesia, Eph. 2. 20. & Apoc. 21. 14. Hoc idem
passim & innumeris locis testatur scriptura,
alioqui manca & infirma ad euertendas fal-
sas doctrinas futura: quod quidem sine blas-
phemia proferri nequit. En igitur quale no-
bis percurrendum est stadium, & quod con-
stitutum est præmium metam attingentibus.
Cæterum non solum hic agitur de retinendis
huius doctrinæ placitis quæ Christiana fides
vocantur, & toti Ecclesiæ audienda & cre-
denda proponuntur : sed in primis de mo-
rum & ipsius vitæ norma, ad quam singu-
lorum cogitationes, deliberationes atque
actiones sunt dirigendæ : sollicitè, nimirum
quotidie petito sancto Spiritu, quem vnum
ducem nos dirigentem sequamur, illum
neutiquam anteuertentes, & nusquam ex o-
culis amittentes eius mandata, vt dilucidè &
copiosissimè doceamur toto præsertim Psal. 1.
& 119. Ecce itaque lapsus est olim Petrus
statim ab ipsius egregia fidei confessione, au-
sus suo magistro quasi prudentior præire,
quo nomine tam graniter fuit reprehensus,
vt etiam Satanas probrosè sit à præceptore
appellatus quod illa quæ Dei sunt non intel-
ligeret

ligeret, sed tantum humana: addito demum ab ipso Iesu hoc mandato, si quis (inquit) vult venire post me, abneget semetipsum ac tollat crucē suam ac me sequatur. Vt igitur paucis absoluiam, si volumus Christiani esse, præire Christo non oportet, sed præeuntem sequi.

Addit Sponsa, *Quum Rex nos introduxerit in conclauiam suam, tum exultabimus & latabimur.*

Quibus verbis sese verā esse Ecclesiam prodit, tantopere iam nunc de iis exultans quæ nondum quidem nisi quadamtenus norat, 1. Cor. 13. 22: sed certa fiducia expectat: beatitudinem illam videlicet cuius arrabonem Spiritum tam arctē retinet, 1. Cor. 1. 22. ut iam in cœlestibus locis sedere sibi videatur, Eph. 2. 6. Prophetæ exemplo, Psal. 84. exclamantis, Quam amanda sunt tabernacula tua æternè Deus exercituum: quæ tam auidē quoque expetit, Psal. 42 de iis vmbriis incredibiliter etiā exultans, Psal. 122. quarum corpus est ipse Iesus Christus, Col. 2. 17. Conclauiam igitur eius qui Rex hoc loco dicitur, & verè, ac seriò, ex Dei Patris decreto, quod ab hominibus irritum fieri nequit, Rex est Psal. 2. 6. prima siue primo sese loco offerentia, sunt reuelationes mysteriorum Dei, quæ ad salutem nostram in Iesu Christo adipiscendam spectant, Prophetica doctrina veluti vestibulū siue atrium quoddam cœlestis basilicę, in quod introducti sunt sancti, qui, ante Iesu Christi manifestationem in carne, promissiones venturi

*Quenam iā
olim fuerint,
& nunc sint,
& deinceps
sunt futura
conclauiam, in
quæ admissi
oblectemur.*

Christi eminus viderunt, ac procul adhuc remotas salutarunt, Heb. 11. 13 : diem illum Domini, veluti velo interposito, prospicientes, de quo gauisus Abraham dicitur ab ipso Iesu Ioh. 8. 56. Est autem in horum numero etiam hæc Sponsa, minimè dissimulans sese melius ac perfectius aliquid sperare : magnum illud nimirum pietatis mysterium, quo Sponsus in carne præsens exhibendus erat, idemque à Spiritu iustus pronuntiandus, conspiciendus ab Angelis, gentibus annuntiandus, cui fides in mundo adhibenda erat, tãdem etiam in gloriam cœlestem recipiendus, 1. Timor. 3. 16. Tum enim introducta fuit hæc Sponsa in interiora conclauia, vbi propius & dilucidius ipsum spectare licuit, annuntiantem Patris cœlestis impletam voluntatem, Ioh. 15. 15 : atque adeò illū reipsa intueri in quo ratæ sunt cunctæ Dei salutiferæ promissiones, 2. Cor. 1. 21. Quapropter Iesaias Euāgelium vocat Dei brachium. Esa. 53. 1. & Paulus potentiam Dei ad salutem cuius credenti, Rom. 10. 16 : vnde meritò Simeon Seruatorem nostrum inter vlnas gestans, summo gaudio sese affici testatus est, Luc. 2. 29. vt optimo iure pronūtiarit Christus, cum Apostolis suis lôgè melius actum esse, quàm cum veteribus piis ac Prophetis ipsis, Matth. 13. 17. Nos tamen fatendum est adhuc tanquam nube circumfundi, neq; apertè prorsus sed aliquatenus duntaxat illum intueri, 1. Cor. 13. 12. Nondum enim reipsa illud apparuit quod futuri sumus,

sed

sed in vltimum aduentum Sponsi differtur,
 1.Ioh. 3. 2. Accessimus igitur ad interius vsque
 conclaue, sed eaternus vt quasi ex limine dun-
 taxat gloriam Dei conspiciere nobis tāquam
 ex speculo liceat, 2. Corin. 5. 16. expectantibus
 videlicet donec ad intima ipsa penetralia in-
 troducamur, quò profectus est Sponsus no-
 bis locum præparaturus, Ioh. 14. 3. vbi plenè
 tandem ipsam intuebimur qualis est, 1. Ioh. 3.
 2. in suo vero regno, vnà cū ipso in æternum
 permanentes, 1. Thessal. 4. 17. Satiandi tunc
 demum ipsius gloria, Psalm. 17. 15. & eorum
 cōpotes facti, quæ oculus minimè vidit ne-
 que auris audiuit, quæque in cor hominis
 nunquam venerunt, 1. Cor. 2. 9. Hæc itaque
 sunt conclauiæ illa, hic ille verè sanctus san-
 ctorum, non terrenus ille & vmbatilis, sed
 cœlestis, quò omnis anima fidelis aspirat, tā-
 quam ad certam perennēque requiem, ac
 ineffabilis gaudij domicilium, nimirum in
 Domino ipso tunc quietura vt hic innuit
 Sponsa, quatenus is vnus est, non modo to-
 tius istius gloriæ benignissimus largitor, sed
 etiam vnicus terminus ac finis, vltra quem
 progredi ne velint quidem fideles, vt qui sa-
 lutem suam non alia de causa expetant, nisi
 vt gloriam ac honorē Dei celebrēt: nequa-
 quaquam anxij quēnam sit deinceps illorum
 fors futura, modo cantare ipsis cum summa
 lætitia liceat excellentissimum istud cantici-
 cum Deo. Non nobis Domine sed nomini
 tuo da gloriam, propter veritatem ac beni-

gnitatem tuam, Psal. 115.

*Cuncta abs-
que exceptio
ne dilectioni
Sponsi post-
ponenda.*

Non temerè est igitur, quòd beatissimus hic cœtus (quod tamen nemo intelligit nisi ex Spiritu rursus natus, & sensibus præditus ad discernendum bonum à malo exercitatus, Ioh. 3. 6. Heb. 5. 14.) pollicetur fore, vt cæteris deliciis omnibus dilectiones illas sui Sponsi anteponat: vtens rursus numero multitudinis, copiam atque exuberantiam bonorum sic exprimēs, quæ Deus suis largitur, sic quoque supra de cōclauibus eodem numero loquuta: quo sensu Sponsus ipse testatus est in domo Patris sui multas esse mansiones excipiendis electis paratas, Ioh. 14. 2. Cæterū *vin*i nomine, dubium nō est quin accipere oporteat, non solum ea quæ in hac vita sustinenda, vltra naturę necessitatem redundant, quæ de re loquens Apostolus, monet vt contenti simus victu & vestitu quandoquidem neque in mundum quicquam intulimus, neque inde aliquid efferre possumus, 1. Timot. 6. 7: verum etiā alia omnia, siue summa, siue media, siue infima, quæ procul abiicienda sint, ne nobis quidem ipsis exceptis, & quibus dicere nos oporteat, Non noui vos, Deut. 33. 9. si modoverè Christiani haberi & esse volumus: nempe si quid inde oriatur impedimenti, vel aliquid moræ ad ea quæ Deo debemus præstanda, nobis afferatur. Istud enim est quod his loquendi formulis Dominus innuit, Si quis venit ad me & non odit patrem suum & matrem, &c. Luc. 14. 26. Si manus tua vel pes

tuus

tuus facit vt tu offendas, excinde ea, & si oculus tuus facit vt tu offendas erue eū, Matt. 18. 8. & 9. adeò quidem vt ne vita quidem cum animæ detrimento retinenda sit homini Christiano, Matt. 16. 25. Sunt enim hæc minimè prout voces sonant accipienda, vt prophani nonnulli Christianæ religionis hostes ridiculè scripserunt, ac si iis mandaretur sui ipsius interfectio: neque vt hypocritæ vel infani monachi sunt interpretari intelligenda, quasi summæ cuiusdam perfectionis sit opus, patriam, parētes, proximum denique, violatis & Diuinæ legis & ipsius humanitatis legibus, vltro deferere, vt in heremo ac solitudine, neque tibi neque aliis utilis viuas, vanis contemplationibus indulgens, vel teipsum supersticiosissimis simul & specie religionis contemptus sui ipsius, superbissimis quæ vocant exercitiis teipsum enecans. Nihil enim est superstitioso, qui se aliquid esse putat arrogantius. Verum ita hæc sunt interpretanda, vt nos docet prima Diuinæ legis tabula, à qua depēdet altera. Ibi enim mādatur vt Deū toto corde diligamus, à quo certè tamdiu longissime absumus, quandiu nostri vel particulam mundo, in quo & ipsi censemur, decidimus. Hoc enim est mundo perperam abuti, sicut rerum huius mundi legitimè tunc demum vtemur, quum cuncta ipsius commoda, ad cōditoris gloriam referemus, nihil ex iis aliud quàm simplicem & moderatum vsum, cum gratiarum actione coniunctum,

captantes. Et hoc quidem illud est in quo versatur alter ille Solomonis liber sanctissimus & eruditissimus, Ecclesiastes in scriptus: in quo nos vir ille sapientissimus per sinuosissimum & implicatissimum huius vitæ labyrinthum circumducens, tum verum & vnicum rerum omnium vsum quem sequamur, tum varias oberrationes fugiendas demonstrat, quod etiam monet Apostolus 1. Cor. 7. 31. & 1. Timot. 5. 17. Sed & Psalmista Psal. 49. hæceadē quā vberrius persequitur. Quod ergo Sponsa dicit hoc loco, se potiore loco habituram Sponsi dilectiones quā omnes huius vitæ delicias, neutiquam sic accipiendū est, ac si sese & suas comites significaret his utrisque daturas operam, sed potiore sibi futurum sponsi amorem: nam contrā sic declarat sibi & suis comitibus ne in mentem quidem venturas vllas huius vitæ commoditates in diligendo sponso penitus intentis. Eodem modo, quod Psalmo 52. 5. dicitur, Diligis malitiam supra benignitatem & Ioh. 3. 19. Mundus dilexit tenebras magis quā lucem, sic intelligendum est, ut significetur homines nihil præter malum & tenebras diligere, non autem quod benignitatem ac lucem minus ament quā malum ac tenebras.

Cum hic nominatim vini fiat mentio: quāque deest ad hanc scribitur.

Cæterum non est quod quisquam miretur vini potius quā alterius rei appellationem hic usurpari, damnando generaliter rerum huic tuendæ vitæ destinatarum abusu. Etenim

nim

SOLOMONIS. homilia v. in

nam si qua re maximo cum suo malo seculis omnibus abusi sunt homines, illa ipsa est vinum: quod ipse primus Noachus, vir alioqui iustissimus, tristissimo exemplo suo nos docuit. Tam enim est vulgare istud vitium ut pro vno vel altero auaro, libidinoso, homicida, aut alio quopiam impuræ vitæ homine: quin etiam pro guloso vno, mille facile reperiās ebriosos, aut alioqui immoderatè sese vino aut aliis potionum generibus, siue à natura sint, siue arte comparentur, ingurgitantes: immò quibus abuti ludus sit, ac iocus ebrietas: tam inueterata ista, in re tam turpi, peccandi consuetudine, ut quàm largissimè bibere ac etiam inebriari, pro magna gloria iamdudum à plerisque habeatur, ut testatus est ante tam multa secula Iesa. 5. 11. & 22, à cuius ætate quàm in peius proruerit, & quàm hac perdita intemperantia pessum iuerit maxima pars mortalium, plus satis constat: ut re ipsa confirmata sit hæc Apostoli sententia Eph. 5. 18. in vino potissimum sitam esse lasciuiam, atque etiam aptissimè scriptum sit à quodam ex veteribus scriptoribus, cui tamen ne nomine quidem notus erat Christus, Ebrietatem esse prouinciæ omnium vitiorum metropolim, Tantum igitur hoc malum detestari nos docēs Apostolus, monet ut potius sancto spiritu magis ac magis quodammodo inebriemur, & clamantem Dominum Esa. 55 laudiamus, Adeste quicunque sititis cōparate absque pretio lac & vinum. Siue autē

huic sanctæ doctrinæ parcamus, siue illi repugnemus, quoquo modo sese res hæc habeat, ratum erit & inuiolabile Dei decretum istud, Ebrij hæreditatem regni Dei non possidebunt 1. Cor. 6. 10. Huius autem animaduersionis tanquam præludia sunt, horrenda Dei iudicia in quæ quotidie, ob huiusmodi intemperantiam, corpora ebriosorum incidere cernimus: adedò vt verissimo prouerbio vulgus iactet, Multò plures scyphis quàm gladiis interire.

*Summa Do-
ctrinæ huius
quartriversi-
culi.*

Sed age hunc tandem sermonem finiamus. Sanctissima igitur hæc regina cum suis comitibus, agnoscens omne bonum à Deo nos ad se trahente proficisci, denuntiat sese cum suis, vbi sibi concessum fuerit admitti in interiora regis conelauia, externorum omnium velut oblitæ, nunquam retro ad hoc vel illud respecturas: sed toto pectore totaq; mente Regem illum vnicum quo tum potentur, amplexaturas, & in id vnum intentas fore, quod vltimo demum illo die plene consequentur. Quod interim in his ipsis terrenis domiciliis feliciter ordiri & constanter persequi nos oportet, exemplum vxoris Lothi minime imitatos, sed potius cum Dauide Psal. 16. & Apostolo Gal. 2. 20. & 6. 4. profitentes Deum vnum esse portionem ac sortem nostram, atque adedò nos in nobis ipsis non viuere, sed Christum in nobis, quibus mundus utiq; crucifixus est, vt & nos mundo vicissim cum Christo simus crucifixi, cui sit laus & gloria sempiterna. Amen.

IN CANTICVM CAN-
TICORVM HOMILIA

S E X T A.

Auxilium nostrum sit à Domino, &c.

Quod sequitur extat in Cap. 1. vers. 4. 5.

4 Recti diligunt te.

5 Nigra sum, sed formosa, filia Ierusalem sunt tabernacula Kedar & sicut tentoria Solomonis.

Desiderium quo Sponsa exæstuat superioribus sermonibus intelleximus, ipsam nempe in ea sola cogitatione totam esse, ut verè ac re ipsa sibi liceat sponso suo adherescere, in quo sita sit omnis sua beatitas: flagitans propterea ut vel ad ipsam suauandam accedere sibi concedatur, vel ut ille ipsam ad se pertahat. Huius autem sanctissimi desiderij exempla nobis in primis suppeditant illi priusci patres, qui ab ipsius ecclesiæ primordiis, liberatoris aduentum cupidissimè exoptarunt, sicut ipsemet Sponsus testatur Matt. 13. 7. & Petrus priori suæ catholicæ 1. 11. nec non Dauid plurimis in Psalmis. cantans ac exultans, acsi iam tunc supremum hunc Regem oculis intueretur Psal. 96. & 97. aliisque psalmis sequentibus: quo pertinet etiam quod Dominus inquit, Abrahamum exultasse quum vidisset diem Domini Ioh. 8. 56. Sed Patres procul illas promissiones sub lege adumbratas

*Repetitio
summæ præcedentium homiliarum: & cur Sponsa à priore sermone digrediens, oculos in comites coniciat.*

conspexerunt Heb. 11. 13, quæ desiderium ipsorum potius augerent quàm explerent, vt mirum nō sit pias illas animas adhuc aliquid amplius optasse, vt ex cantico Simeonis apparet. Sed & nos ipsi priore ipsius Christi in carne aduentu minimè satiati, reditum illius impensè expetere non desinamus, quotidie petentes vt regnum ipsius adueniat, ac etiam optantes emigrare & esse apud illum Rom. 7. 24. Philip. 1. 23. siue trahi relictis huius corporis exuviis, donec in statū incorruptibilē transformetur. 2. Cor. 5. 5 Hoc autem finito sermone sponsa quo sese veluti supra ipsas nubes alis fidei ac spei subuecta extulerat, alio nunc se conuertit, quasi suas comites, atque adeò sese & alios ipsam spectantes circumspeisset. Neque id Solomoni temerè excidit vt ex ipsius orationis serie constabit. vix enim fieri potest quin huiusmodi cogitationes præstantissimorum etiam quorumcumque hominum animis subeant, quibus tempestiuè occurrere necesse est, ne illis infultibus, quod nimium multis accidit, prosternamur. Sibi igitur pollicita Sponsa fore vt si à Sponso traheretur, ipsa vicissim illi cū maximo & magnificētissimo gregalium comitatu occurreret: deinceps ad suas comites oculos deflectens, & ipsas cum earum turba conferens, quas filias Ierusalem appellat, & de quibus paulò post conqueritur, subsistit quidem initio quasi pudore suffusa, sed mox suarum ornatum potius quàm numerum attendens

attendens animosè in hæc verba prorumpit,
Rectitudinis amantes te diligunt, ac si diceret,
 Ad te accedimus exiguò quidem infrequen-
 tique comitatu, sed per bello & eximio. Nihil
 enim apud te sisto quod non sit rectum at-
 que integrum tuique amantissimum. Præ-
 stat autem pura sincerâque paucitas, futili ac
 improbæ multitudini.

Et est istud profectò solatium omnibus se-
 culis Ecclesiæ necessarium, quod his verbis
 indicat Dominus Luc. 12. 32. Noli timere pu-
 sille greges, vos enim 12 estis quibus patri ve-
 stro placuit dare regnum. Falluntur igitur illi
 omnium maximè, humano etiam iudicio,
 qui veram Ecclesiam, (cui nos aggregari o-
 portet si salui esse cupimus) à falsa (necessario
 vitanda ne pereamus) ex multitudine discer-
 nunt. Primum enim etiam quum agitur de
 huius seculi rebus, cogitur vnusquisque fate-
 ri longe maiorem semper fuisse stultorum
 quàm sapientum numerum. Quid igitur
 de supernaturali sapientia ac probitate sta-
 tuendum arbitrabimur? hîc verò, nisi ipsius
 Domini verbis assentiri simpliciter malimus
 de porta spatiosa differentis qua plurimi
 transeunt, & de angusta porta quam inue-
 nire paucissimis contingit Matt. 7. 13: saltem
 perpetuæ experientiæ, stultorum etiam ipso-
 rum magistræ, credamus. Quinam enim erat,
 obsecro, filiorum Dei numerus quum, dilu-
 vio superueniente, salvis tamen octo homi-
 nibus vniversus mundus interiit? deinde

*Ecclesiæ ex-
 xiguis est
 grex.*

quænam fuit familiæ Abrahami species si vel cum foliis Cananæorum populis conferatur? Quid est Israeliticus ipse populus, recensitis etiã hypocritis & falsis Israelitis, ad cæteras mundi nationes à Dei fœdere alienas? Eph. 2. 12. Quod si præsertim tēpus illud considerare mus quo Sponsus ipse in terrã, suos inuifurus & collecturus aduenit, quinam illum repudiarent? certè vniuersus, vno & altero vix exceptis, architectorum templo Dei præfectorum numerus. A quibus toties inclamatum est, tolle, tolle, crucifige? à multitudine. At cōtra, quantulus erat ille centū viginti capitū numerus vnde exordiū habuit Ecclesia Christiana Hierosolymitana, ceterarum mater? Act. 1. 13. Denique si eorum qui hodie nobis aduersantur, & tantopere paucitati nostræ insultant, numerus ineatur, quid esse videbuntur præ tam multis gentibus quæ per orbem sparsæ Christum seruatorem non agnoscunt? Tantum igitur abest vt multitudo sit certa veræ Ecclesiæ nota, vt è contrario maiorem numerum nobis suspectum esse oporteat.

Neque magnus neque exiguus omnis numerus est Ecclesia: sed recte incedentis cæ-

Minimè tamen hinc sequitur nobis probandum esse quemuis paruum numerum. Sed hoc & in magno & in paruo numero requiritur, vt talis sit cætus qualis hic appellatur, recti nimirum studiosus assertor. Estque nobis istud diligentissimè perpendendum, non tantum vt veram Ecclesiam à falsa in genere dignoscere possimus, verum etiam

vt vera

vt vera ipsius membra ab aliis discernere queamus. Vera igitur illa est Ecclesia in qua pura rectaque Dei veritas nobis ad salutem tradita, purè verèque docetur:& ij demum sunt ex Ecclesia qui animo istam veritatem amplexi, factis etiam illam cōfirmant. Porro vera illa rectitudo quid aliud est quàm Dei nostri voluntas, perfectè & certissima fide in scripturis Propheticis& Apostolicis prodita: in lege videlicet, quod attinet ad illa quibus reipla præstandis operam dare nos oportet pro gratiæ vnicuique collatæ modulo: & in Euangelio, quoad illa quæ nobis ad salutem credenda sunt. Neque igitur Ecclesia Christi est vllus siue frequens siue rarus cœtus qui hanc rectitudinem non tenet: neque in veræ Ecclesiæ membris numerandus est quisquis aliter sese gerit aut aliter credit.

Sed & illud est diligenter notandum, hanc rectitudinem ac simul dilectionem Dei res esse fortissimo nexu inter se deuinctas, nec vlllo modo separatas: vnde efficitur nullam doctrinam esse rectum illud cuius hîc fit mētio, quæ vel tantillum à dilectione Dei nos abducatur (vt sunt cunctæ adulterinæ religiones in hoc præcipuè inter se conuenientes, quòd hominum mentem in totum vel aliquatenus in sui ipsius amorem reflectunt, aut ad alias res creatas ablegant) & vicissim neque rectum & Christianum vllum esse qui se verè Deum amare & reuereri suis moribus non testetur, etiamsi omnia verè religio-

*Rectitudinē
& Dei dilectionem, res
esse prorsus
inseparabi-
les.*

nis arcana teneat : quum proximi dilectio sit amoris index quo Deum diligimus , & quicumque Deum à se diligi profitetur & proximum non diligit, sit mendacij reus, Ioh, 13. 35. & 1. Ioh. 4. 10.

Triapuellarum genera Sponsam istam comitantur: unum verè suarum, alterum perduellum, Tertium earum quæ neutrorum vergunt.

Sequuntur mox Sponsæ verba ad filias Hierusalem, hic verò maxime nobis utendum est distinctione, quæ probas rectasque illius Sponsæ comites, ab ijs de quibus paulo post ipsa sub nomine filiorum matris suæ cõqueritur, separemus. Quare quum huius Sponsæ nomine veram Dei Ecclesiam intelligamus, virgines autem ipsius comites interpretemur fideles in ipsa indies genitos, & Domino educatos, ac demum filiorum matris ipsius appellatione, hostes intestinos Ecclesiæ accipiamus, auctoritate sua ad ipsius perniciem abutentes: consentaneum est ut filias Hierusalem dici existimemus vulgarem illam plebeculam, quæ etsi in Ecclesia censetur, attamen de religione non admodum anxia, utcunque res se habeant utitur foro, quod aiunt: & , ut apparuit in Iesu Christi damnatione apud Pilatum, sese plerunque ipsis Ecclesiæ hostibus adiungit.

Cur filie Hierusalem istæ vocentur: & qua ratione ad veram ipsarum matrem aggregari possint.

Hanc turbam igitur nomine filiarum Hierusalem Sponsa compellans, ea potissimum de causa quod Hierusalem civitas Dei vocabatur, primum illis ostendit quàm ingenti beneficio sint à Deo affectæ, si modò bene illo utantur: Deinde illarum ignaviam insectatur, ac si diceret. Quis sit ut vos quos video cir-

cunstantes, neque tamen sese mecum adiungentes, cœtum hunc meum dedignemini? Nec enim estis aut Palestinæ aut Idumææ, sed huius ciuitatis Dei ciues. Hęc meæ scilicet fusca solis ardore facies, vobis candore nitentibus, ac venustis non arridet. Neque verò me fuscam esse inficior: sed à me tamen nō abest elegantia & amabilis venustas quam vos minimè respicitis. Et si enim hac exteriori specie tam sum nigra vt videri possim in tugurijs ac mapalibus Ætiopum & Arabum educata: tamen si quis me penitus introspiciat, cōperiet me speciosa & splendida forma, nullis cādidis illis Solomonis potentissimi ac dirissimi illius regis tētorijs cedere. Istis autem addit postea, fuscum hunc colorem sibi natiuum non esse: sed idem sibi euenisse quod miseræ puellæ, paterna domo, vbi potius illam habitare & commodè degere oportuit, à nefariis fratribus procul expulsæ, & solis ardoribus cæterisque cœli iniurijs expositæ.

Hęc autem Sponsæ verba, vti cætera huius Cātici plane allegorica sunt: quæ vt gemino sensu intelliguntur, hoc in primis animaduertēdum est, nigro quidem colore ferè apud omnes gentes tristitia & minimè grata significari consueuisse, sicut è contrario albo colore grata & iucunda designantur. Sed hac nigredine quam hic agnoscit Sponsa, minimè certè designatur deformitas illa fœda & abominanda, in qua Sponsus illam initio deprehendit, vt scribitur Ezech. 16. Sponsus enim

*Quo sensu
Sponsa nigrā
sese agnoscat
& qualis sit
color & ha-
bitus, huius-
modi nigredi-
ni, & squa-
lori opposi-
tus.*

illam ab his sordibus iam repurgarat puris illis ac limpidis aquis quas commemorat Iesaias cap. 51. id est suo ipsius Sponsi Spiritu: cuius purgationis habita ratione Ecclesia qualis in suo Sponso censetur, caret enim ruga & macula Eph. 1. 4. & Col. 1. 22. intrinsecus verò & in sese eò usque purgata est, ut peccatum quidem ipsi non dominetur, sed tamen non nisi sensim in ipsa aboleatur, donec ultimus ille dies adueniat, in quo demum abolita omni corruptione & corpori glorioso Sponsi sui cōformata Phil. 3. 21. erit prorsus in sese quoque ab omni ruga & macula immunis. Nullo igitur pacto naturalem illam nigredinem hoc loco attingit Sponsa: sed miserandum illum statum respicit in quem sæpe redigitur Ecclesia, idque dupliciter. Primum quidem quod ad illam pulchritudinem attinet quam velut in dotem accepit: deinde, quatenus plurimis & varij generis afflictionibus in hac vita ab ipso Sponso modò exploratur, & exercetur, modò etiam castigatur: quod utrunque pleniorē explanationem requirit. Propriā igitur & dotalem huius Sponsæ pulchritudinem qua Sponsus illam cunctis, non prorsus cæcis, insigni splendore conspicuam & admirabilem reddit, appello primum lucem illam veritatis, & suæ illius benevolentiae qua Spōsam illam dotauit, qui decor totus est intrinsecus qualis describitur Psal. 45. 13. & in homine interiore & spirituali situs 1. Timot. 2. 9. Secundò pulchritudinem Ecclesiæ voco pulcherrimum

cherrimum illud sancti ministerij & exterioris cultus diuini decus, quod olim certè spectatores omnes in admirationem illius rapiebat, magnificentiã illam & opulentiam spectantes, primùm quidem tabernaculi, deinde templi Solomonis: siue structuram ipsam, siue quicquid ibi ex Dei mandato peragebatur consideremus. Et tamen hæc omnia sicut docemur Colo. 2. 17. & tota ad Hebr. Epistola, nihil aliud erant quàm figuræ & vmbra tum Christi ipsius, tum præstantiæ ministerij Euangelici, quod quãtò simplicius est ac minus terrenum, tantò apud veris oculis præditos splendidius est ac pretiosius. Tantum enim abfuit vt exterioris illius Leuitici cultus apparatus licet excellens, per se & nisi ad suum illum scopum referretur, speciosum quiddam esset apud Deum: vt contrà, sicut testati sunt prophetæ, Deus illum vt rem fœdam & detestandam abominaretur. En igitur duplex sponsæ decus quo instructa & ornata sese formosissimam certè prodit: vt è contrario si quando est illo spoliata, tam deformis apparet, vt non nisi à perspicacissimis dignosci possit.

Sed hic animaduertendum est huius duplicis ornatus altero, interiore illo videlicet, Sponsam nunquam spoliari, vt qui sit illi instar Sponsalitij annuli, perpetuò gestandi, quo amisso, pro Sponsa amplius haberi non possit. Reliquum autem aspectabilis ornatus, & exteriores conspicuæ notæ, quo-

Hæc Sponsa nunquā interiori sua pulchritudine priuatur externis autem ornamentis spoliatur ad tempus, quorundem id Sponsa placeat.

ries Sponso visum est, Sponsæ detrahuntur, siue quòd numerus tanti decoris contemptor, eius aspectu sit indignus, siue quòd expediat vt ad tempus Spōsa corripiatur donec rursus cum Sponso in gratiam redeat, vt illi promittitur Ies. 54. 6. & 7. tum quidem lūgens & illo suo conspicuo splendore carens, minimè tamen ipsis oculis Sponsi deformis, quibus illam perpetuo intuetur & obseruat.

*Exempla
afflicti &
miseri sta-
tus Sponsæ,
in veteri
Ecclesia.*

Hæc vt exemplis conformentur, expendenda sunt tempora exitij in Ægipto, Iudicū, plerorumque, regni Saulis, siue decem tribuum apostasię, itidem status regni Iuda sub plerisque regibus, & tempus captiuitatis Babylonice, in qua ne vestigium quidem vllum extitit neque ciuilis neque ecclesiasticæ gubernationis, miserrimæ deniquæ Iudæorum gentis calamitas sub Ægipti, & Syriæ, regum, ac deinceps Romanorum iugo ad extrenam vsque tēpli, vrbs & gentis ipsius excidium. Conferatur, inquam, eorum temporum Ecclesiæ facies cum illo magnifico Ecclesiæ splendore sub Mose & Aarone, Dauide, Solomone (quandiu quidem sapuit) Aza, Iosaphato, Ezechia, Iosia, Nehemia aliisque similibus principibus dum tales habuit rectores. Falluntur ergo & alios fallunt qui de Ecclesia statuunt ex illa exteriori specie, quasi perpetua ac essentiali ipsius nota: quum è contrariò Ecclesia sæpiissimè illo toto aspectabili ornatu nudetur: nec tamen propter

rea designat ab iis agnosci, quorum oculis conspicua est germana illa & velut essentialis eius pulchritudo.

Quod ad Christianorum autem & Apostolicam Ecclesiam attinet hoc in primis notandum est: decuisse veterem Ecclesiam fulgido illo ceremoniarum mundo extrinsecus quasi sequenturi coniugij arra & tessera exornari, quod huius contractus promissiones essent obscuris adhuc verbis per pronubos conceptæ, tantisper dum præsens ipse Sponsus adueniet. Illo igitur sicuti pollicitus fuerat adueniente & sese conspicuum præbente, sicuti penitus est Spirituale istud connubium, & ad spirituales vitam fertur, ita externis illis omnibus finem imposuit: longè aliter familiæ suæ ministeriis ac functionibus, totoque suo cultu constitutis: simplici nimirum & huic planè Spirituali coniunctioni consentaneo. Itaque Sponsus iste, vni sibi seruata summi & æterni sacerdotij auctoritate, & regia ipsa dignitate retenta, pro iis omnibus in Leuitica illa administratione institutis, in primis templum spirituale sibi in vniuersa terrarum orbis area, (Ecclesiam videlicet Christianam) extruxit, architectis vsus Apostolis Prophetis & Euangelistis: cuius demum ædificij positis optima fide immotis fundamentis, & eccellente superstructa superficie, pastores simul instituit ac doctores, qui ad consummationem vsque seculorum, sancti verbi Diuini prædicatione sin-

Exempla eiusdem Sponsæ erumnarum in Christiana Ecclesia.

cera: & pura sacramentorum administratio-
 ne, factum rectum istud templum præstaret:
 quibus tum Seniores adiunxit, morum cæ-
 terarumque rerum quæ ad disciplinam eccle-
 siasticam pertinent, Pastoribus adiunctos
 disceptatores: tum etiam Diaconos, quibus
 eleemosynarum & sacri ærarij cura commit-
 teretur. Bina verò duntaxat instituit sacra-
 menta perpetua & Christianis omnibus cõ-
 munia, eaque quàm fieri potuit simplicissi-
 ma: siue ipsorum materiem, siue ritum ac for-
 mam consideres: eo nempe consilio ne his
 terrenis velut affixi hæreremus, quasi salutis
 & sanctitatis quidpiam sit in illis propriè & per
 se collocatum. Tunc demum itaque maximè
 & specialissimè floruisse constat Christi Ec-
 clesiam quum hæc simplicitas viguit diligẽ-
 ter & sollicitè obseruata, temporibus vide-
 licet ipsorum Apostolorum, quibus verè for-
 ris & intus splendida & natio illo suo de-
 core refulgens emicuit, qualis Esa. 54. & 60.
 describitur. Sed, Eheu, nimium verè dici po-
 test, splendorem istum tanquam fulgur fuisse,
 quod ab Oriente ad Occidentem excur-
 res mox sensim cæpit euanescere: ut à Domi-
 no prædictum fuerat, Matt. 24. 27. Etenim iam
 tum quum Apostoli adhuc superstites essent,
 qui ex circumcisione erant, non potuerunt
 à ceremoniis Iudaicis auelli: olim quidem,
 id est ante Christi in terras aduentum, obser-
 uandis, post illum autem mundo exhibitum
 abolitis. Alij verò, falso pietatis prætextu iam

tum sua commenta planè vana ac superstitionia vèditarunt. Alij quasi Deo ipso sapientiores essent, in eum quidem certè iniurij: huius spiritualis diuinitus instituti cultus purum & gēneum nitorem humanę sapientię fūco inficere non dubitarint: frustra talibus commentis toties tótque modis repugnante Apostolo, à quo sunt etiam omnium illarum corruptelarum genera in catalogum redacta, & perspicuè distincta, Col 2. 16. & sequentibus. Hinc profectò manarunt pleræque omnes ceremonię ex Iudaismo in Christianismum trad. ctæ, cuiusmodi sunt aqua lustralis, sacerdotaies vestes, luminaria quę vocant, Templorum ornamenta multo auro argentoque interlita, gemmisque distincta, instrumenta omnis generis infinitis sumptibus comparata, & cæteræ id genus vanissimæ nugæ, & cum puppis ab ipsis prophanis poëtis collatæ, quibus inuectis viluit etiam purus ille administrandorum sacramentorum ritus. Itaque Baptismo superaddita sunt, aquę consecratio planè magica, chrismatis confectio, in qua ipsum quoque instar numinis salutatur, sal, sputum, cereus, linea vestis & huiusmodi pene infinitæ sordes. Ipsum autem sacræ Cœnæ sacramentū primum transubstantiationis horrendo figmento transformatum, tandem excogitata oblationis realis idolomania, in expiatorium sacrificium degenerauit. Quid amplius? huius humanę audacissimæ stultitię, falso sapientię nomine

seſe venditantis , tanta iam inde à plurimis ſeculis fuit auctoritas, vt illi licuerit Eccleſiaſticas functiones diuinitus definitas ad Ro-
mani imperij exemplar deformare : Eccleſiis in diœceſes ac metropoles , illius exemplo, diſtributis, vt Iohannis prædictio de imagi-
nis beſtię reipſa cōfirmaretur. Inde deprom-
ptæ ſunt Episcopales & Archiepiscopales di-
gnitates , & in locum Aristocraticæ Episco-
porum id eſt Paſtorum gubernationis ſuffe-
cta , vnde tandem factum vt ſeſe extulerint
duo illi Papæ ſiue Episcopi œcumenici, quo-
rum alteri nempe Mahumedes vngues præ-
cidit : Alter verò occidētem horribili tyran-
nide premit, ambo ſedētes ſuper ſeptem col-
les, præſertim is qui Occidēte ſubacto , Re-
ges ac nationes etiānum hodie inebriat, fra-
tribus illis ſuis, nouo nimirū ſatellitij genere
quos Cardinales vocant, fretus. Superſtitio-
num cumulos omitto quorum vel ipſammet
Sathanam pudere credibile eſt. Et tamē ſi hu-
ius Antichriſti palponibus creditur, hic ille
eſt decor , hæc elegantia atque pulchritudo
Chriſtianæ Eccleſiæ , ſi modò impudentiſſi-
mę ceruſſatę meretrici , ab adulteris ſuis om-
ni fucorū genere adornatæ, fas eſt caſtiſſimæ
ac modetiſſimæ Chriſti Sponſæ nomen v-
ſurpare, quæ neque in ſeſe neque circum ſeſe
quicquā poſſidere vel geſtare ſuſtinet, quod
ex caſtiſſimi Sponſi ſui liberalibus manibus
non acceperit , iis vnis ornamentis conten-
ta quæ Apoſtoli, fideles illi Dei artifices,
ipſi

ipsi concinnarunt & adaptarunt. Quocirca quanto magis ornatu Apostolico contenta incedit, tanto formosior apparet Ecclesia, quicquid istius fucatae & adulterae Ecclesiae amatores allatrent. Quod si vetus afflictæ Ecclesia quæ hîc loquens inducitur, non immerito cõquestæ fuit sese ab iis deformatam ac scædatam, qui vero illo exteriori eius ornatu, donis videlicet sui Sponsi spoliata, prophanis cultibus ipsam onerabant, ut passim referunt Prophetæ: Eheu quanto iustior rem de illis expostulandi causam habet Ecclesia Christiana, qui dū ipsam formosiores reddere stultè se posse somniant, quàm ipse Sponsus illam instruxerit, tantopere illam deformatum? Et hæc certè sunt eius quærelæ apud suum Sponsum iam pridem effusæ, quas hæc ætate nostra cœpit exaudire, excitationis verè piis Principibus ac Christianis magistratibus nonnullis, qui fucæ, quo scædata tam diu fuit, deterso, ipsam in pristinū decorem restituere contendunt: In quo sanctissimo conatu faxit Deus ut magis ac magis feliciter pergant, donec videre nobis liceat impletum quod Apoc. 21. Spiritus sanctus prædixit.

Nunc restat ut dicamus de secundo nigredinis illius genere quæ ex afflictionibus ac miseriis præsentem vitam comitantibus oritur. Hæc altera igitur nigrities, pro Dei providentiâ multis variisque de causis Ecclesiae oboritur. Sic enim à Domino interdum castigatur, aut potius excitatur quàm somno-

Hæc Sponsæ interdū eorumque deformatur, ut vix ab hominibus dignoscatur.

lenta torpet. Nonnunquam etiam illam sic infuscari ac inquinari patitur, ut ipsa melius sese norit, aut ut ex eius patientia ac constantia quâ ipsemet illi tribuit, gloriam suam amplificet. At siue eam corrigat, siue exerceat, siue exploret, istud omne bene felicitérque illi cedere certissimum est. ut Psalmo 44. confirmatur, & Rom. 8. 28. Porro vexationes illæ quæ Crucis appellatione significantur in scripturis, nempe perpeffiones quibus propter nomen Sponsi ac iustitię causa afficitur Ecclesia, siue ille ab hostib⁹ domesticis ac rectis, siue ab exteris apertisq; persecutoribus infligatur, sunt ornatiſſimū, exquisitiſſimū & planè gêmeum illud ornamentum quo solet Ecclesia Dei à Sponſo decorari: fide nimirum superaddita, ut Apostolus testatur Phil. 1. 29. aded quidem ut illud sit de quo Sponsa non quidem ut meritis aliquibus suis, sed ut de gratuita sui Sponsi benignitatis testimoniis gloriatur Rom. 5. 3. Matt. 5. 12. & Gal. 6. 14. & alibi passim. Nec certè (ut ex omnium temporum Ecclesiæ historis liquet). florentior vnquam illustriorque visa est Ecclesia, quam sub ipsius crucis pressura, ut sic confirmetur quod ait Apostolus 2. Cor. 12. 9. Potentiam Dei nimirum per infirmitatem nostram adimpleri.

*Hæc Sponsa
semper est
Deo & omni
bus acutè cer
nentibus for
mosa.*

Euenit igitur subinde Ecclesiæ ut veluti caligine obducta, quod ad ipsius notas his oculis conspiciendas attinet, maxime hominum parti ad tempus ignota lateat ac si nusquam

quam esset, siue quod attinet ad apparentem eius pulchritudinem quæ posita est in prædicatione verbi & sacramentorum administratione: siue spectetur excellēs illa functionum sacrarum dispositio, violētia persecutionum, vt diximus, ad aliquod tēporis spatium perturbata, vel etiam penitus interclusa: siue domi intra ipsa Ecclesiæ viscera sæuiētibz siue foris insurgētibus, & ita in vnum eodem tempore sese exerentibus vtriusque (de quo diximus) generis nigredinis istius causis. Talis fuit veteris Ecclesiæ domi & foris status, tum sub Mose tam malè à suis habito in illa Ægyptiaca seruitute, tum sub Iudicibus plerisque, ac præsertim ciuilibz belli contra Beniamitas suscepti tempore, quum nullus esset legitimus magistratus in Israël, ac quisque quod sibi videbatur rectum faceret, Iud. 21. 25. necnon summum sacerdotium tenente Eli, quum sermo Dei rarus erat, 1. Sam. 3. 1. item sub finem regni Saulis, ac deinceps ipso mortuo ad alteram vsq; Dauidis vnctionem. His inquam temporibus quàm & densis tenebris obductæ fuerunt illæ visibiles Ecclesiæ notæ? quales etiam erant sub Iesabela: immò penitus deletæ in regno Israël: adeò vt Elias in eam opinionem deueniret se solum relictum esse qui Deum verū coleret, 1. Reg. 10. 10. Quod ad Iudæ verò regnum attinet ea sæpe ibi fuit Ecclesiæ conditio vt à Iuda Israel iustificaretur, quod illi obiecit Ezechiel. 16. Qualis autem erat Dei cultus sub Achazo,

2.Chronic.28. & sub Manasse, 2.Reg.21.& 2.Chron.33. Denique in captiuitate illa Baby-
lonica 70. annorum, ac demum grassante
Antiocho vsque ad expiationem templi? An
vel nomen populi Dei tunc audiebatur?
Quod si propius ad Christianam videlicet
Ecclesiam respicias, quænam fuit illa desola-
tio in vniuerso pene terrarum orbe, Arrianis
passim ac nõ vno seculo vigētibus & trium-
phantibus? sed præcipuè expendenda sunt
tempora Mauritium & Phocam Imperatores
consequuta, tam in Oriente vbi Mahumetes
illiúsque successores Ecclesiam hanc miseram
adeò deformarūt, vt vix illius vestigium ple-
risque locis appareat, quàm in Occidente vbi
perditissimus ille in templo Dei sedet, adim-
plens quod Dominus de illo prædixit, Luc.
18.8. & post illum Apost. 2.Timoth.3.1. & 2.
Thessal.2.3. & adhuc apertiùs Apoc.12.14. Sed
illud interea summopere obseruandum est:
quemadmodum Sol Lunæ obiectu defectum
patiens aut opacitate nubium aliqua impe-
ditus quo minus terras clarè & apertè illu-
stret, penes se tamen natiuam ac genuinam
lucem retinet, adeò vt qui acutissimè vident,
nitidum illius splendorem etiam per ipsa
nebularum obstacula perspiciant, ita hæc
Sponsa licet indignè vexata, videatur sua na-
tiua pulchritudine & sincera venustate pe-
nititus excidisse, adeò vt Arabis aut Ætiopiæ
alicuius speciem præ se ferēs vix à quoquam
agnosci queat: attamen sub illo squalore
per-

perpetuum seruat suæ pulchritudinis nitorem : immò vt album nigro oppositū clariùs splēdet, ita afflictiones illo nigrore designatæ, efficiunt vt formosior & venustior tum apud ipsum Sponsū, vt ex sequentibus versiculis huius capituli patebit, tum apud eos omnes appareat, qui acutioribus oculis illā, qualis in sese per illam aduentitiā nigredinem emicat, intuentur, vt Paulus 2. Cor. II. 31. & Gal. 6. 14. & 17. ostendit. Hęc itaque causa est cur Sponsa sese nigrām quidem esse agnoscat, sed simul formosam prædicet, nigrā videlicet qualia sunt Arabum tesqua & mapalia : albam verò ac fulgidam instar tentoriorum Solomonis tempore. Neque verò temerè hic exprimitur Solomonis nomen Kedarenis oppositi. Totus enim huius Spōsæ splendor ac nitor à vero illo Solomone procedit, qui verus est Rex pacis, & à quo tū est ipsa quicquid est, tum illius ornatus omnis dependet, sicuti Luna à Sole lucem mutuatur, quod etiam attingit, Psal. 45. 9. Istis igitur Kedarenis, id est, vt fert nominis interpretatio, tenebricosis, opponitur Rex ille lucis, quibus cū hoc Rege neq; cum hac Regina nihil est omnino negotij : apud quos etiam conqueritur Dauid se plus satis commemoratum, Psal. 120 5.

Cæterum ex istis quæ nunc à me sunt explicata, & ex huius nostri seculi ærurnis, facile est perspicere, ac penè palpare, (nisi omnino cæci ac stupidi sumus) quàm experi-

Hanc doctrinam esse hanc præsertim ac acutè summe necessariam.

diat, immò quàm sit penitus necessarium, vt ad discernendas Ecclesiæ purioris notas, extra quam nulla est salus, simus quam instructissimi, vtpote quæ partim nunc adhuc sint non paucis locis prorsus obsoletæ, partim iâ pridem ita falsatæ vt internosci nisi ab oculatissimis, illa vnica veritatis norma adhibita, nequeant: adhibita videlicet luce verbi Domini, à Prophetis & Apostolis perscripti, cuius summam habemus Apostolico symbolo comprehensam. Hic autem in primis attendant & sibi caueât isti qui temporarij seruiunt, incertis animis fluctuantes, quos hodie politicos appellant, & quos præcipuè notat hoc loco Sponsa: caueant, inquam, isti sibi, & pro eo quod huius Sponsæ vili in hac vita conditione offenduntur, nisi vltro perire malint, suæ conscientiæ consulant: sui ipsorum denique commiseratione tangantur, & illud assiduè animo versantes quod in eiusmodi homines modò in hanc, modò in illam partē vacillantes pronūciat Helias, 1. Reg. 18. sese potius huic Sponsæ adiungant, vt simul omnes nostro Sponso, ad vitam æternam in ipso & per ipsum obtinendam, occurramus Amen.

IN

IN CANTICVM CAN-
TICORVM HOMILIA
SEPTIMA.

Auxilium nostrum sit à Domino, &c.

Quod sequitur extat in Cap. I. vers. 6.

9 Ne me sepectate quòd fusca sim,
eò quòd Sol me intuitus est. Filij ma-
tris meæ in me excandescences sta-
tuerunt me custodem vinearum: vi-
neam verò meam mihi (*attributam*)
non custodiui.

AVdiimus quibus verbis Sponsa Hiero-
solymitanas illas compellarit, sic illos *Superioris
homiliæ summa.*
appellans qui ante & post tempora Solomo-
nis, Israelitæ nomine tenus erant: utpote
qui de vera cognoscenda & exercenda reli-
gione, inter tot dissidia cum vicinis gentibus
exorta, nihil aut parum admodum labora-
bant, aut etiam neglecto pusillo & calamito-
so filiorum Dei grege, (sicut prophetarum
scripta docent & ut ipsi Christo vsuenerit
Matt. II. 6. Mar. 6. 7.) primoribus sese & suam
conscientiam addicebant: quibus illa signi-
ficauit, sese nihilominus suum illum verum
decorem retinuisse, quem illos potius ambire
& amplecti oportuerat. Istis verò nunc illa
grauissimam cohortationem adiungit, cuius
tres constituendæ sunt partes. Primum eni-

indicat ex illo sui vultus nigrore non esse suam pulchritudinem æstimandam. Deinde se non tam esse nigram quàm plerique existimarent. Tertiò nigrorem istum sibi natiuum non esse: ac proindè perpetuò minime duraturum. Postremò declarat quorum culpa nigrorem istum contraxerit.

*Ecclesia non
desinit esse
Ecclesia, etiã
si nævis ali-
quibus labo-
ret vel in do-
ctrina vel in
moribus.*

*Quomodo
hic sese gere-
re unū quēq;
oporteat, ut
sue conscien-
tiæ consulet.*

Quod ad primam igitur partem attinet, in qua monentur isti, non esse huius Sponsæ speciem ex illo extrinseco nigrore æstimandā: quàm sit hæc admonitio necessaria, ex eo constat, quòd vix quicquā est in rerū natura quod non fastidiamus, si neglecto, quod illis ipsis rebus inest bono & pulchro, vitia & defectus attendamus: Sunt igitur ut rectè & utiliter de re quacunque iudicemus, singula in vtranque partem consideranda & expendenda: quod si vlla alia in re, in hac sanè de qua differimus, sedulò nobis est præstandū. Huius rei triste quoddam exemplum præbuerunt Cathari vocati, nec non Donatistæ, & hac nostra ætate nonnulli Anabaptistæ, absolutam quandam pulchritudinem Ecclesiæ in hoc mundo imaginantes, quam suis peculiaribus cætibus attribuunt, & idcirco sese à cæteris segregantes, in eo quidem miserè dupliciter decepti: Primùm quòd in solis Ecclesiæ nævis hærent, quasi Ecclesia propterea esse desinat: Deinde quòd in aliorum oculis festucam vel tenuissimam animaduer- tant, in suis verò crassissimam trabem non deprehendant. Est igitur in primis adni-
maduer-

maduertenda vitiorum distinctio, quibus
 Ecclesia deformatur. Nam alia quidem ad
 mores spectant, quibus quantumuis deprava-
 uatis, siue in grege, siue in ipsis pastoribus,
 non oportet eò usque offendi, vt propterea
 nullam ibi Ecclesiam esse iudicemus vbi hæc
 vitia cernuntur: dummodo nihilominus ibi
 doctrina veritatis audiatur. Sic enim nos ad-
 monet Dominus, qui de Scribis & Phariseis
 differens, quatenus in cathedra Moſis seden-
 tes, ea quæ Moſes tradiderat docebant, Fa-
 cite, inquit, ea quæ dicunt, at non quæ ipsi
 faciunt Matth. 23. 2. Nihilominus tamen qui
 meritò vitiis istis offenduntur, iubentur ab
 huiusmodi hominum priuata consuetudine
 abstinere, sicuti monentur ab Apostolo. 1.
 Cor. 5. 11. Prophetæ exemplo Psal. 17. 4. &
 Psal. 1. ac etiam Lothi 2. Pet. 2. 8. vel ad purio-
 res quoque cœtus sese cōferre, si qui fuerint,
 vbi minus sit ipsis à contagione periculi. Sed
 quid si in ipsa doctrina sit vitium: ibi quoque
 adhibenda est moderatio. Sunt enim multæ
 in huiusmodi defectu circumstantiæ, quas
 perpẽdere magnopere conuenit, priusquàm
 Ecclesiam eo malo laborantem, quasi Eccle-
 siæ nomine indignam damnemus: siue mul-
 titudine abundet, siue sit infrequens ac pu-
 silla. Sic enim esse faciendum docet nos exē-
 plo suo Apostolus ad Corinthiorum Eccle-
 siam scribens, in quam non modò irrepse-
 rant mores corruptissimi, sed etiam Ecclesia-
 stica disciplina negligebatur, docendi ratio

vaniloquio & eloquentiæ ostentatione prophanabatur: atque adeò, quod erat maxime deplorandum, de capite resurrectionis mortuorum seriò vel etiam contentiosè in utrâque partem disceptabatur: cuius tamen capitæ tantum est momentum, vt eo sublato frustranea sit euangelij prædicatio 1. Cor. 15. 17. Nihilo secius tamen ab Apostolo, ista Corinthiorum Ecclesia, vera sanctâque Dei Ecclesia vocata est & habita. Inter Galatas autem res adhuc in deterius erant prolapsæ, inter quos plerique à falsis apostolis decepti, à præcipuo Ecclesiæ Christianæ fundamento, nempe à gratuita iustificatione, quam vnus Christi sola satisfactione adipiscimur, defecerant. Et tamen hos etiam Ecclesiæ nomine cohonestat Apostolus. Causa verò cur non illos statim damnet, quod ad Corinthios quidem attinet, ea fuit, quòd illi neque peruiaces neque deploratos adhuc sese præstiterant, & vt inter ipsos essent nonnulli, qui resurrectionis caput aut ignorarent aut perperam interpretarentur, corpus tamen ipsum Ecclesiæ veritatem retinebat. Galatæ similiter nequaquam in doctrinæ Apostolicæ veritatem insurrexerant, sed plerique ab eaduntaxat deflexerant, leuitate nimirum aliqua & humano duntaxat lapsu. Præterea ex iis quæ Apostolus ad Timotheum scribit & ex 2. Pet. & Iudæ epistolis, videre licet iam tunc fallaces doctores Ecclesias inuasisse, perditosque discipulos vbique sibi ascuiisse: neque propterea

propterea tamen illos cætus Ecclesias appellare dedignatur Apostolus: quemadmodum videlicet quispiam vlcere vel verrucula deformatus, nihilofecus homo est, & fortassis etiam homo egregius. At si de corpore penitus putrido, vel de cadauere queritur, aliter statuendum est: cuius generis erant synagoge omnes iudaicæ, prædicationi Apostolicæ insanabili periuicacia obistentes, à quibus Apostolus propterea Ecclesiam Ephesinam segregauit, vt & Romanam Act. 19. 8. & 28. 28. prout etiam eius rei normam tradidit Philip. 3. 2. nec aliter profectò hac ætate fuit vel est iudicandum aut statuendum de quibuscunque cætibus, siue magnis siue paruis, qui palam & ex professo firmis principiis & fundamentis Christianæ religionis resistunt: qualis est hodie inter cæteras, illa meretrix Romana septem montibus insidens, & directè Christi regnum, cuius nomine abutitur, oppugnās, ideoque nobis meritissimè execranda ex Apostoli doctrina Gal. 1. 8. Vt autem vnde digressa est redeat oratio, summopere cauendum ne quum hac de re agitur, ita simus præcipites & morosi, vt ex vno aut altero næuo hanc illamue Ecclesiam respuamus: sed ita demum de illis statuamus oportet, vt à ratione quam Deus præscripsit minimè deflectentes, excusemus quæ tolerabilia sunt, & opportunum remedium iis adhibeamus quæ curatione indigent & remedium patiuntur: cauentes interim ne cum oscitantibus, vt di-

citur, oscitemus, aut ex carbonaria nigrorem contrahamus: sed in eo laborantes vt alter alterum ædificet, quemadmodum Apostoli & Prophetæ nos vbique, tum scriptis tum etiam exemplis docuerunt.

*Crux nõ de-
formas Ec-
clesiam, im-
mò est una
ex Ecclesiæ
notis.*

Sed hoc loco Sponsa de alio nigroris genere loquitur, nempe de externa Ecclesiarũ ruina & dissipatione, persecutionum vi & impetu oppressarum, propter quas plerique discrimen inter terrestrium regnorum splẽdorem ac genuinum illum fulgorem regni spiritualis ac minimè mundani nescientes, & facillè sub lustri aliquo nitore extrinseco decepti, aut ab ingressu in Ecclesiam prorsus abstinere, aut ingressi ad vomitum retrocedunt 2. Pet. 2.22. At illi certè vel non didicerunt, vel oblitì sunt non esse in illa ingrata speciè crucis insistendum, sed penitus esse pulchritudinem veram ac natiuam Ecclesiæ in mediis ipsius æumnis obseruandam. Idcirco Dominus postquam admonuit Luc. 17. 20. regnum suum nulla huiusmodi præeunte obseruatione aduenturum, addit beatos esse qui ad ipsius conspectum non offenduntur, quem interea Iesà. virum dolorum appellat, & qui Psal. 22. 7. cum vilissimo vermiculo confertur: Cui tamen est necesse vt Ecclesia (si vera est Ecclesia) cõformis fiat Rom. 8.29. Tantum igitur abest vt crucem obstare oporteat quominus Ecclesiam veram dignoscamus, vt è contrario vera sit eius nota: qua solis verè fidelibus datur vt pro Christi nomine

nomine affligantur: (Nam alioqui martyres non facit pœna sed causa) clamante Apostolo sese de hac vna re in domino gloriari Gal. 6.14. Matth. 5.10. Phil. 1.10. & alibi passim. Et huc etiam refertur altera huius admonitionis Sponsæ pars, postquam se fuscā esse agnouisset, deinde hierosolymitanas istas compellantis, ac si diceret. Collata quidē vobiscū nitidis & succulētis, ita sordescit mea facies, vt nulla alia magis deformis videatur: sed si satis acutē cerneretis, statim animaduertetis me, licet ardoribus solis infuscatam, neūtiqum tamē esse Arabem aut Aethiopissam. Præterquam enim quod diximus de felici afflictionum Ecclesiæ exitu, permagnū est discrimen inter miserrimum eorum statū, quos Deus vel iratus vlciscitur, vel in illo natiuo nigrore deserit: & piorum sub cruce pro iustitia & gloria Dei exultationes. Deinde ne in calamitoso quidem suo statu considerata Ecclesia tam misera est quā esse in speciem videtur. Deus enim, vt Apostolus inquit, omnino fidelis est, neque patitur suos vltra ipsorum vires tentari. 1. Cor. 10. 13. Itaque verē quidē premimur sed non opprimimur: egemus sed non destituimur: persecutionem patimur, sed non deserimur: deiicimur, at non perimus. 2. Cor. 4. 8. Denique si de rerum natura ex vltimis illarum effectis iudicandū est, color hic fuscus nobis iter est ad verum illū ac nitidū candorem. Nullius enim sunt momenti huius mundi perpeffiones collatæ ad

pondus æternæ gloriæ quæ nobis proposita est, 2. Cor. 4. 17. ad quā itinere crucis peruenitur, qua iustitiæ causa ac propter Christū afficimur, Mat. 5. 11. Et hæc illa est consolatio, Hierosolymæ terrenæ ciuibus, de quibus hic agitur opponēda, qui nos tanquā miserrimis miseris oppressos despiçiūt, ignorātes quæ & quantæ nostræ sint opes: sicut olim, ita nunc quoq; tenebris Ægyptū occupātibus, & sola luce terram Gosen illustrante. Age igitur statuant illi de nostro colore, siue atro siue fusco, quicquid ipsis libuerit: nobis autem illud satisfaciat quòd aliter de nobis Spiritus sanctus pronuntiet, ad quem prouocamus, certissimi fore vt causa non cadamus.

*Præcipue
desolationes
Ecclesiarum
ortæ sunt à
malis guber-
natoribus.*

Tertiū huius expostulationis caput in quo declarat Spōsa fuscā se natā nō esse, sed filiorū matris suæ culpa factā, à quibus expulsa est ac sub dio degere coacta apud exterorū vineas, quū in sua ipsius vinea versari potius debuisset, excellentē quoq; doctrinā continet. Eā verò vt intelligamus, notandū est in primis natiuo eo nitore cui Spōsa aduersionē aduentitiā opponit, minimè significari statū in quo ipsi quoq; filij Dei nascuntur, filij iræ videlicet, vt cæteri omnes, Eph. 2. 3. ac perinde foedissimi atq; spurcissimi: qua de causa Ecclesia quæ sanctorū est cœtus, quod ad naturalē illā generationē attinet, cōparatur cum immūda & sordida puella ex utero matris prodeunte, Ezech. 16. 6. Sed eius nitoris (per hūc nigrorē postea deformati origo perēda est ex

illa

illa Spōsæ gratuita vocatione, siue spiritali regeneratione, Ioh. 3. 6. Ezech. 16. 4. cui suffragatur id quod de Abrahamo dicitur Iosue 24. 2. Huic igitur splendori, siue fœlici statui, qui cōiugij appellatione in hoc Cātico significatur, & cuius Spōnsalia luculēto apparatu trāsacta sunt in mōte Sinai, quū ibi erigetur tabernaculū, adhibitis sacris illius ritibus, quorum corpus ac veritas est Iesus Christus Domin⁹ noster, Col. 2. 17, Heb. 9: huic, inquā, splēdori qui lucidior etiā sub Dauidis ac Solomonis regno emicuit, opponitur fuscus ille, & nigrās Spōnsæ color, qui dupliciter potest intelligi. Nā aut ista referre possumus, ad horrēdas illas turbas & cōfusiones, quæ populū Dei à morte Iosue ad etatem vsque Dauidis nō semel exagitarunt, vt ex Iudicum historia liquet: aut ad eas desolationes accommodare, quibus tum regnum Iuda sub plerisq; Regibus, ex stirpe Dauidica, tū Israëliticū, oppressa sunt, quoad misera Ecclesia ad barbaras gētes fuit deportata: quinetiam iis calamitatibus adaptare quæ reditū Ecclesiæ ex Babylone sequuta sūt, imperātibus Græcis ac postea Romanis, vsq; ad Iesu Christi aduentū, & eiusdē in cœlos discessū: quæ quidē omnes miseriæ videntur hoc loco à Solomone prophetico Spiritu prenūciatę. Sed obiectabit fortasse quispiā exp̄sē hic agi de eiectione quā passa sit Spōsa, nō ab exteris, sed à domesticis ac propinquis, quos propterea matris suę filios appellat. Ego verò ad hoc respōdeo,

insigniores clades, quibus affecta est Iudæo-
 rum Ecclesia, nequaquam illas esse vel à vi-
 cinis aut intra ipsam Cananitidem relictis
 gentibus, vel à remotioribus, putà Assyriis,
 Chaldæis, Ægyptiis, & cæteris populis in sa-
 cra historia connumeratis illatas: sed eas po-
 tius quæ ipsorum Sacerdotum & Regum
 culpa acciderunt, ut ex Iudicum historia pa-
 ret, præsertim ex cap. 2. 10. & 4. 1. & 6. 1. & 8.
 27. & 10. 6. idque præcipuè grassante civili
 bello. ca. 12. atque adeò sub ipso Samstone, cu-
 ius vitæ series clarè demonstrat quam negli-
 genter Sacerdotes ac Leuitæ muneribus suis
 defungerentur, Nec minus hoc idem testan-
 tur impiorum regum acta, tum in decem tri-
 buum regno, in quo legitimus Dei cultus
 usque adeò desuit, ut ipsis profligatis Leuitis,
 Prophetarum reliquiæ in deserta & spelun-
 cas profugere sint coacti, in quibus delites-
 centes, boni cuiusdam viri singulari pietate,
 pane & aqua sunt sustentati, 1. Reg. 18. 3. tum
 etiam in regno Iuda, in quo nullos atrocio-
 res aduersarios sunt experti fideles serui Dei
 quàm ipsos Reges & Sacerdotes, præsertim
 sub Achazo, 2. Reg. 16. 12. & Manassè 2. Reg. 21.
 9. Præterea illud quoque obseruandum est,
 quoties per exterarum gentium Dominus popu-
 lum suum iustis pœnis affecit, istud ferè sem-
 per factum propter scelera quæ domi, tum à
 Sacerdotibus, tum à cæteris gubernatori-
 bus patrabantur: adeò ut inæstissima hæc
 Sponsa totius calamitatis ac deformationis
 ipsius,

ipsius, culpam in filios matris suæ deriuat, à quibus extra vineam suam sit extrusa, & ardoribus solis exposita: id est omnibus omnium iniuriis obiecta, quas pati posset misera oberrans ac vaga puella, ad ipsos vsque hostes foras abacta.

Cæterum notandum est non hoc duntaxat loco hæreditatem attributâ Ecclesiæ Iudaicæ, nempe terram Chanaam, assimilari vineæ diligentissimè plantatæ & excultæ, sepibusque & fossa accuratè munitæ, vbere denique fructuum copia beatæ: sed etiam Psal. 80. per Asaphum ætate Dauidis & ipsius Solomonis & postea ab Ies. 5. 1. & Ierem. 2. 20. & Ezech. toto 17. quod demum expositum est à Domino Matth. 21. 23. Neque temerè Spiritus sanctus hac similitudine vsus est: utpote aptissima, quòd nullum agri genus reperitur æquè fructuosum & quod diligentorem cultorem requirat. Quoniam autem ut vnus est Deus, vna fides, vna Ecclesia, sic tunc quoque vna duntaxat erat regio Deo sacra, vnus populus ascitus in fœdus, vnicus locus verè religiosus, extrinseco & ordinario cultui Dei dicatus Hierosolymis: ideo Sponsa de vna tantum vinea loquitur numero singulari, cui extraneæ vineæ, numero multitudinis, opponuntur, quarum videlicet maximus est numerus.

Cur Sponsa hæc faciat vñ nea mentio- nem.

Aptè igitur conqueritur quòd per filios matris suæ ipsi non liceat vineam suam possidere, vbi ali commodissimè, & natiuū suum

Quo sensu Ecclesia vocet eos ma-

*tris sua filios
à quibus af-
fligitur.*

decorem fouere potuisset. Quod si quis roget cur nō potius istos de quibus expostulat, patris quàm matris suæ filios, aut etiam fratres appellet: Respondeo idcirco id factum vt matri & vterinis fratribus suis parceret: modestia optimè cōueniēte huic Ecclesiæ veræ, cuius personam hæc Sponsa sustinet: sic tamen vt reticere noluerit matris suæ culpam, id est eiu sdem quidem Ecclesiæ, sed cōsideratæ tanquam in persona matris, quæ hanc Sponsam de illa vt matre sua consequentem genuerit, prætermittere: vt pote quæ initio quidem bene & honestè se gesserit, hac verò Deo genita ex se filia, ad deos alienos sit euagata & turpiter cum iis scortata, quod est illi passim & à Mose prædictū, & à sequētibz Prophetis exprobratum. Agnoscit igitur hæc nostra Sponsa, istos quos hic incusat, nempe malos rectores & vinitores, secum ex eadem matre, sed illegitima copula procreatos, vt copiosè ab Ezechiele differitur cap. 16. à me toties citato & cap. 23. sub nominibus duarū sororum quibus duo regna Israelis allegoricè significantur: vt & ab aliis passim Prophetis: quæ adulteria ab ipso Mosis tempore caperunt & sub Iudicibus viguerunt. Hoc igitur perinde est, ac si illos spurios apertè nominaret, vt Psal. 144. II. verbis tamen mitioribus, & sermone modestiore usurpato, exemplo Dauidis Psal. 69. 9.

*Unde oria-
tur fratrum
spuriū ira*

Diligenter verò attendendum est illud etiam quod addit: hos fratres in ipsam excan-
duisse

duisse: cuius iniuriæ causa exponitur Ioh. 3. 20. nempe quoniam qui malè agit odit lucem, à qua produntur mala ipsius opera Ioh. 15. 19. & quod inter Ecclesiam & mundum tam male conuenit, vt qui vnum amat alterum oderit Iacob. 4. 4. Sic igitur sese gerit mundus in ipsam quoque Ecclesiam irrepēs, inmeritò exosam. Et illum quidem vicissim, odit Ecclesia, sed diuerso prorsus genere, vt pote quæ non homines ipsos oderit, sed eorum vitia qui se perditos volunt, & quorum contrà saluti studet, bonum pro malo rependens. Denique & illud obseruandum est, spurios istos in sororem insurgentes, cò vsque interdum, quories videlicet Deo sic visum est, progredi, vt illam ad tempus extra suam vineam exulare cogant, tantisper illam occupantes dum in integrum Diuinitus restituantur, Psal. 86. & Matth. 26.

Est autè hæc obseruatio nostris istis temporibus, si vnquam aliàs, pernecessaria, iis admonendis quibus tam nouum & incredibile videtur quod docemus, & quod euidentissimè demonstramus: nempe præsentem Ecclesiæ Christianæ subuersionem, ex malis huius vineæ cultoribus prodiisse: quorum & ignauia, & scelere, vinea Domini vsque ad eò inculta euasit, vt ante annos 70. vix illius vestigium vllum appareret. Hoc igitur illis tam nouum & alienum ab omni ratione videtur, vt hodie plerique ad hunc scopulum impingentes, ferre nequeant miseram ita defor-

aduersus sororem innocentem: cò usque interdum progrediens, vt ipsam ad tempus ex possessione sua hæreditatis deiciant.

Applicatio huius doctrinæ ad Ecclesiæ statum qualis fuit à multis iam seculis, & nunc etiam plerisque locis dicitur.

matam Sponsam recognosci, & antiquum illum suum nitorem paulatim recipere suę vineę restitutam, quę nunc non est vnica regiuncula vel ciuitas, sed orbis vniuersus: à quo hunc Sponsum agnosci & coli oportuit. Ex hac enim amplissima dititione depulsam illam à duobus Antichristis, Mahumete videlicet in Oriente, & Romano Pseudepiscopo, in Occidente affirmamus, & ex Dei verbo ostendimus: quorum ille funditus templum Dei subuertit: iste verò in ipso Dei templo sedet, vt prædixit Apostolus, 2. Thess. 2. 4. Idem quoque quoties olim Ecclesię Iudaicę accidit: adeò quidem, vt meritò affirmare liceat inter illius gubernatores vix duodecim recenseri posse, qui nō magis illam destruere quàm extruere studuerint, vt sacrę omnes historię testantur, tandem etiam reipsa impletis in ipsum Dominū præsentem, iis quę de ipso prædicta leguntur, Psalm. 22. Ies. 28. 6. Matth. 23. 33. ipsa quoque Hierosolymorum vrbe Prophetarum interfectrice appellata. Agedum igitur Prophetia quępiam vel promissio Evangelica proferatur, vnde liqueat Romę irrogatum fuisse priuilegium, ex quo vniuersalis Ecclesię metropolis censenda sit: vt olim fuit Imperij Romani caput: & præterea hoc illi tributum, vt errare nunquam potuerit. Atqui tantum abest vt talis illa sit, vt contrā veluti digito demonstretur sedes ibi futura defectionis, tū ab Apostolo, Thess. 2. 3. tum à Iohanne Theologo in Apocalypsi,

nec

necnon à plerisque veteribus, tum Græcis, tum Latinis: licet mysterium hoc quod iam ipsis viuentibus struebatur ignorarent. Neque hoc duntaxat accidit sedi, quæ est bestię, id est Imperij Romani imago cui successit: sed in reliquis etiam Ecclesiis quacunque patet terrarum orbis, vt perfacile sit demonstrare prædictionis Pauli, Act. 20. 30. euētum, vix vllam videlicet hæresim in Ecclesia ab Apostolorum temporibus exortam, quæ vel non sit à falsis Episcopis Pastoribus aut Monachis exorta, vel ab iisdem promota & adornata. Nec alij sunt qui nostra ætate opus Domini impediunt ac disturbent, ægerrimè nimirum ferentes vineam Domini, quam adeò flagitiosè neglexerunt, &, quantum in ipsis fuit, perdiderunt: sedula fidelium Pastorum ope suo Sponso restitui. Sed hoc tamen suo tempore proculdubio vineæ Dominus, gemitibus ac lachrymis suæ Sponsæ inœrentissimæ exauditis, præstabit, quod facere iam nonnullis locis pro bonitate & clementia sua incepit, & ab ipso sic precantes postulabimus. Deus omnipotens, &c.

k.ij.

IN CANTICVM CAN-
TICORVM HOMILIA

OCTAVA.

Auxilium nostrum sit à Domino, &c.

Quod sequitur extat in Cap. I. vers. 7.

7 Indica mihi (*tu*) quem diligit anima mea vbinam pascas: & vbi cubare facias (*pecus*) in meridie.

*Vnde sumē-
da sūt Eccle-
siæ emenda-
tio, & quàm
infelici suc-
cessu hoc o-
pus aggre-
ssisint cum
veteres sum
nostra ætatis
homines quā-
plurimi.*

Ecclesiæ status qualis præcedente versu descriptus est, ad ea intelligenda nobis gradum facit, quæ nunc istis subiungit Sponsa, ad Sponsum sermonem dirigens, & quorum hæc est summa. Sese licet à spuris ac degeneribus suis indignissimè expulsam & vexatam, confidere tamen quòd, quantumvis decolor, nihilominus ab illo Sponso sibi vicissim charissimo diligatur: ac proinde suppliciter illum inclamare, ut ex ipso intelligat vbinam ipse versetur, ut non modò in pristinum honorem restituatur, verum etiam illi proximior quàm vnquam antea facta, magis magisque formosa & ipsi grata euadat. Hoc igitur in summa nobis hic proponitur explicandum, unde luculentam & pernecessariam doctrinam eramus, hoc præsertim seculo, in quo de hac ipsa quæstione, id est de vera Ecclesiæ institutione, tam miserè à suis pastoribus habitæ disceptatur. Cæterum nulla hic est vocula quæ

quæ suo pondere careat, ac proinde quæ non sit diligenter expendenda. Itaque attendere nos decet in primis, ad quem verba faciat Sponsa, & quanta vehementia loquatur istis verbis utēs, *Tu quem diligit anima mea*, Suum fanè Sponsum alloquitur, nempe Dominum nostrum Iesum Christum, idque minimè simulate, sed ex intinis animi medullis suum erga illum feruidum amorem exponens, ut ab eo responsum eliciat. Primùm igitur hinc discamus quoties de restituenda in pristinū suum splendorem Ecclesia quæritur, non esse consulendum hominum cerebrum animale. 1. Cor. 2. 14. sed os illius vnus Sponsi per prophetas Esa. 8. 20. & Apostolos loquuti Rom. 10. 8. Huic enim vni fas & ius est suam charissimam Sponsam arbitrio suo vestire & ornare: quam vnā rationem nisi penitus & nusquam aberrantes sequamur, futurum est necessariò, ut quo magis illam sataget quispiam decorare, eò magis eam deformet, & modò in hanc modò in illam speciem transmutet, ut Ecclesiæ Christianæ iampridem euenisse videmus, & nobis magnoperè metuendum est ne rursus hac ipsa ætate nostra eueniat. Vnde enim irrepsit in Ecclesiā Christianam hæc transformatio nisi ex eo quòd qui primis pastoribus Ecclesiarum ab Apostolis institutarum successerūt, pro eo quòd ipsos oportuit in illo simplici & nativo huius Sponsæ vestitu, qualem ipsi concinnarāt, disposuerant, aptarent, veri à Iesu Christo

designati Apostoli, acquiescere, nouum cultum prout ipsis libuit excogitarunt, adhibitis ritibus, alius quidē à iudaismo manifestè mutatis, alijs verò ex ipso paganismo petitis, alijs denique certorum arbitrio excogitatis. Nam postea, prout vel autoritate certæ pollebāt Ecclesiæ, vel opinione sanctitatis celebres erāt Episcopi, huiusmodi ceremonie sunt eò facilius in alias ignobiliore Ecclesias inuectæ, cōvsq; vt tādē Catholicæ, id est vniuersales euaserint. Nihil autē hīc à me afferitur, quod nō possit grauissimis ac euidentissimis testimonijs prebari, si tēporis spatiū pateretur. Quinam istud verò? inquires. Certè religionis prætextu, nempe vt Christianus cultus eò fieret commendatior. Et quò res tandem deuenit? Eò videlicet, vt hac ratione vafer ille noster hostis, eorum etiam ipsorū opera vsus qui nihil minus cogitabant, tandem id quod optabat obtinuerit, id est pura & casta Domini Sponsa paulatim expulsa, scortum omni meretricio cultu speciosum in templo Dei collocarit. Idem quoque accidit Israeliticæ Ecclesiæ quum Pontifices & alij ab iis discedentes quæ diuinitus accepta tradiderat ac studiosissimè obseruaret Moses, Heb. 3. 6. addito mandato vt cuncta iuxta exemplar quod in monte fuerat illi monstratum, exequeretur. Exod. 25. 40. addita etiam prohibitionē arctissima, ne quicquā iis quæ Deus expressè verbo suo constituerat, adderet aut detraheret Det. 4. 2. ausi sunt vnà mi-

scere

scere vanissimas traditiones & commenta,
 non modò inanissima, vt loquitur Esaias 29.
 13. sed etiam abominanda tandem, & præcep-
 tis diuinis ex diamerto opposita. Matt. 15. 6.
 Sic ergo, postquam semel à verbo Dei sensim
 aberratum est, fœnum & palea superstructa
 sunt, retento nihilominus fundamento sicut
 prospexit & prædixit Apostolus. 1. Cor. 3. 12.
 Inde verò tandem nec ita multò post, eò vf-
 que deuentum est vt ipsi Deo leges præscri-
 bere non dubitarint stulti mortales, spretis
 salutaribus Apostoli monitis 2. ad Timoth. 3.
 1. & ad Colos. 2. 18. Nunc igitur quum de in-
 stauranda Ecclesia disceptetur, exorto die
 Domini, quo fœnum illud & palea consu-
 mantur, flammeo illo ancipiti que verbi gla-
 dio Apoc. 1. 16. & armis spiritus omnis pote-
 stas sese aduersus Christum erigens abolea-
 tur 2. Cor. 10. 4. meminerimus ad solam Dei
 sapientiam nobis apertè significatam atque
 accuratissimè scriptis mandatam, esse recur-
 rendum, & sic in illius præscripto permanē-
 dum, vt nihil nostri admisceamus, ne in eof-
 dem illos errores incidamus, quibus emen-
 dandis studemus. Vtinam verò diligentius
 istud animaduertissent, & essent sequuti cō-
 plures, qui non vno loco, præpostera quadā
 moderationis specie, retinuerunt quæ radi-
 citus erant initio extirpanda, cuiusmodi sunt
 Idola in Templis olim religioso affectu posi-
 ta & culta, cruces, pallia, casulæ, cantus infra-
 cti, lineæ vestes, pilei cornuti, aliæque notæ

sacrificulorum Baaliticorum peculiares: quæ omnia à nonnullis in numero rerum semper indifferentium recensentur, nulla habita ratione contrariæ censuræ Domini, quum de Phariseorum lotionibus loquitur Marc. 7. 2. quamvis alioqui manuum ablutio verè per se res esset, non solum indifferens, verum etiã sub prætextu munditiei laudanda. Rursus autem non desunt alij qui sacris functionibus domus Domini, à Dei spiritu institutis, minimè contenti, & plerosque reges Iuda alioqui non pessimos imitati Ecclesiam sic emendantes, vt interea excelsis locis parcerent, laruatæ quidem illi Ecclesiæ, caput præeiderunt, Papam videlicet & Cardinales, sed reliquum imaginis bestię id est meretriciæ illius hierarchiæ retinuerunt: adeò, vt nisi Deus prouiderit, periculum sit ne vitatis cineribus in prunas incidât, ac pro vnico, plures Papas, vel etiã aliquid magis pudendū tolerare cogantur. Hoc autē pro sua misericordia vtinam potius auertat dominus: ac potius ita instauretur Ecclesia sicut hoc loco nos docet Sponsa, & ex Sponsi quoque responso intelligemus.

Emendationē Ecclesiæ (quæ gratuitum Dei beneficiū est) puram mēte expetendā & persequēdā esse: & quo Solius igitur Dei est tradere formam, siue condendi, siue instaurandi ædificij, quod propterea domus Dei dicitur, 1. Cor. 3. 9. Sed hoc addimus præterea, ipsius vnus esse munus, postquam Ecclesiam suam exornarit, nobis oculos tribuere, quibus ipsam qualis est didicēmus, vt ei aggregemur. Futurum enim
est

est alioqui vt Euangelium, quod est ornamentorum Sponsæ præstantissimum, & quod maximè honestatur, & à mundo cuius apparentia decipimur segregatur, 1. Cor. 7. 31. nobis proculdubio vel offendiculo sit, vel ludibrio, 1. Cor. 1. 23. Omnino igitur necesse est, vt nobis Deus, & oculos ad videndum, Psal. 146. 8. Ies. 35. 5. & aures cordibus nostris ad audiendum largiatur, Act. 15. 14. Psal. 40. 8. In summa doceri nos ab illo necesse est, Ies. 54. 13. eius, inquam, vi qui nos ad veritatem omnem introducit, Ioh. 16. 13. id quod efflagitat Sponsa in hac rerum confusione, quam hodie quoque spectamus, etenim si lucem istam ne tum quidem quum ob oculos posita loqueretur, mortales intueri non sustinuerunt, 1. Cor. 4. 4. quid miramur illam rursùm apparentem, postquam eam Dominus tot sæculis sic merentibus hominibus obruit, à paucissimis agnoscì? Deus igitur is demum est quem his verbis compellare nos oportet, *Indica mihi vbinam pascas gregem tuum.* Neque satis est istud petere, nisi syncerum & feruens desiderium eius rei cognoscendæ, & Dei gloriæ amplificandæ afferamus. Hoc enim istud est quod declarat istis verbis Sponsa. *O tu quem diligit anima mea,* id est, mi Sponsæ ac Seruator, in quem omnes affectus meos effudi, &c. Quocirca minimè mirum est quòd opus Dei videamus hodie, non modò non progredi, sed etiam retro relabi: & nò paucis locis quibus Sol ille veritatis clarè cœperat lucere,

*consilio Spö-
sa faciat sui
in Sponsum
amoris men-
tionem.*

tenebras duplicatas cernamus. Docet enim experientia nimium multos esse, qui meretricem quidem istam monilibus suis spoliarunt, at non sanè eo consilio, ut Moysen in Vitulo aureo, Exod. 32. 20. aut Ezechiam in Serpente æneo, 2. Reg. 18. 4. imitaretur: (quod etiam nequaquam semper faciendum esse fatemur) neque ut quæ impiis superstitionibus seruierant, ad rectos & pios usus deinceps traducerent, sed (auferim hoc dicere? certe audebo) ut sacrilegiis, ditati, Christum relinquerent, aut nudum, eorum militum exemplo à quibus fuit crucifixus, aut pessimè certè vestitum, ut iam experimur: cuius rei admoneri maximè oportet, tum eius sceleris conscios, ut de hoc emendando cogitèr, tum alios qui sanctius in eo sese gesserunt, ut eo nomine Deo gratias agant, & nihil vnquam tale aggrediantur. Hoc enim non est Deum, sed Dei bona supra Deum & extra Deum amare, quum è contrario testetur Sponsa sese Deum toto corde, & quantum potest quicquam diligere, diligere.

*Quo consilio
Sponsa faciat
suae in
Sponsum dilectionis
mentionem.*

Quod autem illa de dilectione sua erga Deum commemorat, nequaquam ita interpretandum est, ac si merita sua commendàs, Deum tãquam sibi vllis meritis obstrictum debitorè interpellaret. Quum enim is amor quo Deum nostrum prosequimur, sit donum ab eius liberalitate profectum, qui prior nos dilexit, 1. Ioh. 4. 10. tunc quoque quum ipsum oderamus, Rom. 5. 10: efficitur eo ipso nomi-

ne nos esse illi obstrictos, non autem ipsum nobis quòd ipsum amemus: Deinde quum ex eo quòd illum amamus nihil illi prorsus accedat, quàm absurdum, quæso, fuerit, & gratiæ Dei repugnans, meritum vllum huic nostro in illum amori affingere? Hæc tamen non obstant, quominus illi possimus, ac etiam debeamus dona quæ ab ipso accepimus repræsentare, vt ex illis tanquam notis quas nobis vt omnibus suis impressit, agnoscere nos non dedignetur.

Cæterum pergamus & Sponsæ nostræ postulatam expendamus, nempe *vt illi Indiget Sponsus ubinam pascat atque cubare faciat pecus* siue gregem suum meridie, id est calente Solis æstu. Hic est ergo communis vsus scripturæ, vt pastoris quidem nomen Iesu Christo Domino nostro, gregis autem appellatio Ecclesiæ tribuatur: vnde efficitur hoc pabulo quidem verbum Dei, pascuis verò loca in quibus verbum istud syncrè proponitur, intelligi: quæ res nulla indigent probatione, quum huiusmodi loquutionibus pleni sint vtriusque fœderis libri.

Omissa verò pleniori explicatione fundamenti cui superstitur hæc allegoria, in primis nodum hîc nobis sese offerentem soluemus. Etenim si Ecclesia, quæ vnica est, inducitur hic loquens, atque ipsamet grex Domini habetur: quemnam alium gregem hîc ab ipsa requiri existimabimus? Huic igitur quæstioni si quis ita responderit vt dicat vni-

Sponsi cum Pastore:

Sponsæ cum grege collatio.

Quomodo sit accipiendum hoc Sponsæ desiderium gregem sui Sponsi in-quirentis.

cam esse quidem Ecclesiam Dei, sed tamē bimembrem, cuius videlicet pars quidem vna iam in cœlos recepta sit, quæ communiter Ecclesia triumphans appellatur iustorū spiritibus constans Heb. 12. 23. altera verò hîc in terris adhuc versetur quam militantem Ecclesiam vocant, qua etiam distinctione vsus est Paulus itidem hanc Dei familiam in duas partes diuidens Eph. 1. 10. Col. 1. 16. & 20. Siquis, inquam, ad hanc difficultatem ita responderit, dixerit quidem verum sed parum appositè. Nam in cœlis quidem propriè loquendo vera pax nostra sita est, sed ibi rectè nullus est æstus meridianus. Hic autem agi de solanda ac instauranda Ecclesia, quæ sit persecutionibus miserimè vexata, & penè obruta, tum ex huius loci verbis, tum ex superiore versiculo, atque mox sequente Sponsi responsione liquet: vt etiam supra plenissimè exposuimus. Cæterùm licet verè vnica sit duntaxat Ecclesia, hoc tamen nihil impedit quominus, vt est per diuersas mundi partes dispersa, alicubi meliùs, alicubi deterius habeat. Sic hodie videmus in plerisque orbis terrarum regionibus Ecclesiam Dei externo illo eximio ornamento publicæ veri Christianismi professionis destitutam, quod in nonnullis singulari Dei Opt. Max. benignitate floret, perfugium aliquod vexatis & oppressis suis aperientis. Sed omnino videtur adhuc aptiùs & congruentiùs, Sponsa vniuer-

uersaliter considerata, miseris oppressa, atque deformata petere à suo Sponso, ut de modo ac ratione doceatur, quibus solitus sit Ecclesiam suam pascere, inter huius mundi turbas atque tempestates: ac si diceret, sese in maximas quidem angustias coniectam esse, minimè tamen animò frangi, neque propterea in illum aliter quàm prius affici, ut Psalm, 44. 18. & 89. 39. habetur, sed tempore tam procelloso, in quo tàmquam in desertis ac solitudine versetur, recti tramitis vestigia non agnoscere, ideoque à Sponso exposcere, ut illa sibi demonstret, & tutam semitam prænotet, quo possit ad tranquillas sedes penetrare. Ut autem huius loci genuinum sensum eruamus, agendum consideremus qualis fuerit in vniuersum Ecclesiæ Christianæ ante annos circiter 80. status: quo tempore si quis ex iis qui sese pro Christianis immò pro Ecclesiæ Christianæ columnis iactabant, quaesivisset quidnam libri essent Biblia, & Nouum in primis Testamentum: vix millesimus quisque habuisset quod responderet: tantum abest ut de Legis & Euangelij discrimine, & vero Dei cultu quicquam ipsis innotuisset. Neque dubium est quin ij quibus hoc tribuit Dominus, ut de recta via inter vastas illas solitudines sibi & nobis inuestiganda laborarent, idem quod hoc loco Sponsa, in eodem statu positi, assiduis à Deo precibus ex-

postularint, alioqui & ipsis & nobis vnà cum reliquorum turba haud dubiè perituris. Immo etiam hodie quid aliud tot pias animas in variis orbis regionibus languentes & suspirantes, facere existimauerimus, quàm Deū precibus fatigare vt in istis tam sinuosis labyrinthis ab ipso rectum iter edocti, ad illa pascua fecundissima vbi Dominus quàm turissimè ad satietatem vsque suas oues reficit, tandem peruenire possint?

Quantoperè fallatur qui quieta statione Ecclesiae neglecta. procelloso mari huius mundi sese committunt. Hæc sunt igitur proculdubio verorum Dei filiorum assidue preces cum suspiriis inenarrabilibus suæ, iis bonis destitutorum quibus abundamus. At nos contra, tantam hanc Dei benignitatem, Eheu, quàm impiè aspernamur, & flagitiosa vita gratiam & misericordiam nobis in Euangelio præbitam certo nostro malo in horrendum aduersum nos iudicium conuertimus? Quid autem illis fiet qui iam in illam huius requietis regionem ingressi, Sodomam atque Gomorram quærunt, vt olim Lothus Abrahami domo sponte demigravit? Gen. 13. 10. Idque maximo cum suo totiusque suæ familiæ diuinitus tandem maledictæ, & ex Ecclesiæ consortio eictæ, malo, Gen. 14. 12. Deut. 23. 3. At, inquiunt illi, Euangelium vnus, neque prouinciæ, neque vrbs mœnibus includitur. Hoc ego verò illis vltro cōcedo, sed eos admonéo, vt etiam atque etiam attendant Sponsam hîc quærere de eo demum loco, siue iis locis vbicunque siti sint, vbi gregem suum pascat. Neque maioris

ioris est momenti quod iidem rursus excipiunt, fore videlicet, vt quocunque venerint verum Deum colant : &, vt verbum Dei publice audire nequeant , tamen priuatim illud, precibus adhibitis, legant & meditetur. Quibus respondeo Lothum quoque Sodomæ afflixisse animam suam, 2.Pet.2.8. (quod tamen ex istis plerique non faciunt) sed tamen neque ipsum, neque eius filias ibi sapientiores euasisse, Gen.19.8.& 16.31.

Quare meminisse nos in primis decet, huius petitionis Sponsæ summam in hoc versari, vt doceatur quonam recipere se , alioqui cum mundo peritura, debeat, vt æternæ vitæ pabulum nanciscatur. Hoc autem his verbis declaratur , *ubinam pascas* , in quibus illud quoque obseruandum est, minimè dicere *ubi sunt pascua* , sed *ubi tu pascis* : & ita nos moneri, tum hoc pabulum nobis extra nos omnino quærendum esse , nimirum in illo , de quo vnico dictum est , quòd vitam in seipso habeat, Ioh.5.26.& sit panis vitæ, Ioh.6.35. tū cauendum esse , ne hoc pabulum extra ipsius pascua quæramus, ibi demum sita vbi Dei verbum personat. Testis est eius rei Petrus, qui Ioh.6.68. quoniam iuerimus? inquit. verba vitæ æternæ habes: Audiuerat enim à Domino paulò ante, Verba quæ dico vobis, Spiritus & vita sunt. Quamobrem etiā Christus, 1. Ioh.1.1. verbum vitæ dicitur. Hic enim est verus & propriè vnicus ille animarum nostrarum pastor, pascens oues suas : patres ab initio mul-

Nullibi certā quietem reperiri, præterquam in eorum consortio, quos ille pascit, quæ & re, & nomine verus Pastor est.

tis vicibus multisque modis affatus, ac tandem totius voluntatis paternæ præsens factus doctor & explanator Ioh. 15. 16. & is demum qui pastores atque doctores perpetuo sufficit Eph. 4. 11. de quibus loquens in Apostolorum persona, Quemadmodum inquit, pater me misit ego vos mitto Ioh. 20. 21. missis certè Apostolis non ut doctrinæ à magistro iam ante annunciatae vel tantillum adderēt aut detraherent, sed ut intra præscripti mandati terminos sese continentes diuinitus dictata prædicarent, Matt. 28. 20. & Act. 4. 20.

Falsorū pastorū & falsi gregis nota, à quibus summo perē canendum est.

Hinc verò duo emergunt axiomata cognitu pernecessaria. Vnum, minimè ibi esse Ecclesiam Dei ubi homines pascunt, id est suas traditiones & à se excogitata venditant, siue prorsus noua ut Ies. 29. 13. siue quibus, ut modò diximus, doctrinæ iam à prophetis & Apostolis prædicatae quicquam adiicitur, aut detrahitur, quod nomine fermenti Pharisaici Dominus perstringit. Matt. 16. 11. & copiosè differit Apostolus Col. 2. à versu 16. ad finem vsque capitis. Alterum, Ecclesiam minimè cā censendam esse in qua oves non pascuntur, sed cantionibus ac verè histrionicis ritibus, lingua etiam peregrina demulcentur: in qua qui pastorum personam sustinent canes sunt muti, & oves tanquam panem deuorant Ps. 13. 4. nō modò rerum ad illorum munus pertinentium penitus imperiti, sed etiam ipso nomine Christianorum sese indignos præbentes,

bentes, vt pote quibus vix vnquam contigerit Christi religionem ac fidem rite vt decet degustare, nolentes ipsi regnum cœlorũ ingredi, & alios ab illius aditu prohibentes Luc. ii. 52. Denique quibus verè conuenit quod prædictum est Iesà. 28. 9. & sequentibus eius capitis versiculis. An verò talis sit hodie & à multis annis Pseudoclerus Romanus sub Ecclesiæ Catholicæ nomine delitescentis, vel ipsi pueruli iam norunt.

Addit deinceps Sponsa, & *ubi cubare facias* *Philosophi frustra in*
pecus in meridie: quibus verbis significatur *sua Philosophia quietē*
 discrimen inter hoc pabulum & cætera omnia. Nam vt animo complectamur quæcunque homines excogitarunt vt sibi tranquillitatem aliquam animi compararent, meras nugas esse illa omnia, quod ad illum finem consequendum attinet, fuisse comperiemus. Quod enim ad illos omnium primos attinet Philosophos appellatos, concorditer quidem illi & verè asseruerunt nusquam perfectam quietem nisi in summi boni adeptione sitam esse: At quod sit istud summũ bonum quum inter ipsos nunquam conuenire potuerit, quĩnam illius adipiscendi viam demonstrare potuissent? Illorũ igitur alij, porci potius quã homines appellandi, fœlicitatem in corporis voluptate posuerunt: alij non tam manifestè aberrantes, illam in animæ præstantia ac perfectione constituerunt, arbitrati sitam illam esse in sapientia, idest, rerum diuinarum humanarũque notitia: quam quidem homo

suapte ingenio, propriâque intelligentia assequi possit. Alij ipsius animæ subtiliorem dissectionem aggressi, differentes accuratiùs de animæ facultatibus & illarû usu & effectis ad hanc benè & honestè exigendam vitam comparatis, vera & præclara multa pronuntiarunt: verum enimvero quum veram ac præcipuam illam sapientiam ignorarent, neque hominis lapsum & vnicum eius remedium, veras denique virtutes illas quæ non alibi quàm in schola Domini discuntur, ignorarent: & ne vnus quidem adhuc sit visus iis præditus virtutibus quas ipsi describunt, vtiq; spe sua frustrati in suis cõmentis euanuerunt. Sed & vlteriùs progressi nonnulli de animarum quoque immortalitate, & tum de sceleratorum post hanc vitam suppliciis, tum de iustorum spirituum cum Deo coniunctione non nihil veluti per somnium viderint. Sed quorsum illa, quum Deum verum nescirent, & æquè illis esset ignota via qua ad ipsum peruenitur? immò de resurrectionis corporû doctrina ne cogitarunt quidem. Quamobrè illud ipsi accidit quod à Paulo Atheniensibus obiectum est Act. 17. & quod ad Rom. 1. 21. scribitur.

*Falsum esse
querendam
Christianis-
mũ & Chri-
stianum adulte-
rinum.*

Hoc autem numero comprehendimus etiã eos qui Christianismi nomẽ profitentes, tamen ab eo prorsus aberrarunt: alij quidem in his quæ ipsius hominis sunt, vt de Pelagianis constat qui supernaturalem Dei gratiã penitus abolent, vt faciunt etiam nostri tem-
poris

poris semipelagiani, qui ignē & aquam, id est, Dei gratiam, cum libero arbitrio naturali suisque meritis consociari posse somniant. Alij verò in iis quæ ad ipsum Iesum Christum spectant, vel quod ad ipsius personam vel quod ad ipsius summi, vnici ac perfecti mediatoris officium attinet, falsissima sibi & alijs persuadentes, qui omnes, quantumlibet de vera felicitate inuenienda laborantes, nunquã tamē eã istis itineribus assequuntur.

Per verum igitur Iesum Christum ad verũ Christianismum deueniendum est, admonente nos ipso Christo, in eo sitam esse vitam aternam, vt Patrem esse illum solum verum Deum nouerimus, & eum quem misit, nempe ipsummet Iesum Christum Ioh. 17. 3. ideo Matt. 11. 28. & 29. testificantem omnes in ipso inuenturos animabus suis requiem, vt qui solus fatigatos recreet, ideoque Ies. 9. 6. princeps pacis appelletur, illi vni imposito nostræ reconciliationis munere Esa. 53. 5. quæ omnia sunt nobis sigillatim explicanda. Afferro igitur conscientiam nulla ratione bene pacatam reddi posse, nisi penitus ex ea tollantur quæcunque ipsam meritò perturbant: & nisi è contrario iis omnibus prædicta comperiatur, quæ ipsam certò confirmare possint. Quicquid autem eam perturbat vnica vocula Peccati intelligimus, & quod issidium inter Deum & hominem exoritur, Ies. 59. 2. At quidnam est peccatũ? Quicquid, inquit Iohānes, est abnorme, id est vo-

*Quis sit vēr-
rus Christus
quo vnico se-
cura quies a-
nimi nostri
inueniunt.*

luntati Dei nobis in ipsius lege declarata repugnat. 1. Ioh. 3. 4. Istud autem omne in tria commodissimè distribuitur, quorum primū genus est vitium illud nascentibus omnibus ab Adami lapsu innatum, & radix vnde putres & corrupti fructus omnes prodeunt, pollutio nimirum illa & scēdissima totius hominis intus & foris corruptio, propter quā filij iræ ab ipso exortu dicimur Eph. 2. 3. atque adeò cadauera in peccatis mortua Eph. 2. 1. & 5. adeò vt ne cogitare quidem ea quæ Dei sunt possimus 2. Cor. 3. 5. mente ipsi Deo inimica præditi Rom. 8. 7. vt sit in nobis nihil reliqui quod veri & recti speciem habeat, præter illud quod nobis omnem excusationem adimit Rom. 1. 20. Est autem eiusmodi sententiis vniuersa referta scriptura, dilucidè demonstrans totum hominem nulla ipsius parte excepta illi miserrimæ corruptioni subiacere quam originis peccatum vocant: hoc tamen peccati genere minimè (sicuti phanatici quidam nostra etiam ætate docuerunt) ipsius animæ corrupta substantia intelligitur (licet corpus eo peccato dissolutioni, & in cinerem resolutioni factum sit ad tempus obnoxium) sed lux quidem intelligentiæ in tenebras: rectitudo verò volūtatis in peruersitatem planè conuersa: atque in summa extinctio imaginis Dei quæ in prima hominis creatione tantopere nitebat. Secundum autem peccati genus appellamus primos etiam animi vel leuissimè prætereū-

res motus ab illa vitiosa radice prodeuntes: omnia denique cogitata, dicta, facta à Dei voluntate nobis in ipsius lege patefacta villo modo dissidentia, immo etiam non penitus congruentia, cum perfecta quam Deo & proximo debemus charitate. Tertium peccati genus in eo situm est, quòd quum à Deo conditi rationis capaces, non solum teneamur ab omni peccato abstinere, sed etiam nos totos obsequentissimos ipsius voluntati, quæ est omnis iustitiæ certissima regula præstare, & hac quoque ex parte mancos debilesque nos fateri cogamur, hic quoque defectus in nobis inuenitur, quòd ista obediëntia destituimur, quod nisi sit qualis & quanta in lege Dei præscribitur, pro nulla censetur, quod ad iustitiam quidem attinet qua opus est homini apud Dei tribunal vt æternæ felicitatis particeps fiat. Quodlibet autem ex his tribus capitibus proculdubio nos perpetuæ damnationi deuouet, quandoquidem peccati seuerissimus vindex existit Deus, (peccati vero stipendium mors est Rom. 5.23) nullam ne minimam quidem labeculam impune abire sineas 2. Cor. 6. 14: & suæ iustitiæ atque sanctitatis (vt in nostro sponsore apparuit) seuerissimus assertor. Vt autem quærant & inuestigent homines aliquid aduersus illa remedij, nusquam aliud inuenient quàm vnicum Iesum Christum. Hic enim agitur de immenso iræ Dei pondere sustinendo, ita vt ab illo non opprimamur. Ecquis

autem huic oneri perferendo par fuerit, quin sit Deo equalis id est verè Deus? imò (vt ita dicam) seipso valentior? cuius rei typum habemus in Iacobi colluctatione. Et quum ipsi Angeli qui à prima sua bonitate exciderunt Io. 8. 44. tanto oneri sufficere neutiquam potuerint, ideòque irreparabili ruina sint obruti Iudæ 6. 2. & Pet. 2. 5. quæ tandem humana vis, etiam si quis non esset natus in peccatis ac idcirco Deo abominabilis, tantum onus sustinere valeat: quo istius imbecillitatis ratione perpetuus in æternum ignis sceleratis, id est omnibus extra Christum positis, sit paratus: quod videlicet iram Dei exhaurire nunquam possint? Ad quem igitur refugiemus nisi ad illum qui oues suas quiescere & accubare tutò facit sub meridie, ad illum inquam vnum, qui quum filius Dei sit, non est dedignatus homo fieri, vt nobis plenè sit Iustitia, Sanctificatio & Redemptio I. Cor. 1. idcirco conceptus ex Spiritu sancto & natus ex virgine secundum carnem absque vlla peccati macula, vt per illius nativam atque omnibus numeris absolutam puritatem, nobis per fidem cum ipso vnitis ingenita nobis omnis impuritas aboleatur? Qui præterea factus dignus Sacerdos, immaculatus, nulliusque criminis reus, ac itidem sancta integræque victima & oblatio, pro nobis peccata nostra in se recipiens, illa super crucis lignum in corpore suo sustulit I. Pet. 2. 24. corpore denique & anima pœnas omnes, omnibus,

omnibus omnium electorum Dei à con-
dito mundo commissis, & ad finem vsque
seculorum committendis peccatis debitas
exsoluit. Quamobrem testatur Isa. 53.5. mul-
tam correctionis nostræ ipsi fuisse imposi-
tam, & Paulus clamat illum pro nobis ma-
ledictum factum Gal. 3.13. vt benedictio in ip-
so coram Deo fieremus. Restat tertij mali cu-
ratio, illius videlicet defectus obedientiæ, quā
omnino à nobis afferri oportet apud Dei
tribunal, vt non modò mortem effugiamus
eo quod diximus remedio, sed etiam iustitiæ
coronam obtineamus. Hoc autem rursum in
vnico Iesu Christo reperiemus: eius videli-
cet obedientiam, sanctissimorum quoque
hominum inchoatæ & imperfectæ iustitiæ
oppositam Philip. 3. 9. Hic enim vnus is est
qui natura nostra legi obnoxia indutus, vt
nos illius non impletæ reos, pænæ & male-
dictioni persolutione pænæ ab ipso præstita
exemptos, vita quoque dignos in sese effi-
ceret, patri nostra causa factus obediens ex
prioris tabulæ præscripto vsque ad mortem,
mortem autem crucis Gal. 4. 4. Philip. 2. 8. &
quod ad secundam tabulam pertinet, vita
pro suis hostibus deposita Rom. 5. 8. vt videri
possit aliquid etiam amplius quàm lex ipsa
postulet præstitisse: vt qui nos non tantum
vt seipsum sed etiam multò magis quàm se-
ipsum dilexerit, vt & ab omni condemnatio-
ne in ipso liberemur. Rom. 8. 1. &, quod am-
plius est, reperiamur etiam illa ipsius iustitia

Ornati, Philip. 3. 9. cuius vi participes æternæ vitæ, vt perfectè præstita in ipso lege, habemus. Et quo iure hæc omnia? certè per impurationem ex mera ipsius gratia & misericordia, nõ autem ex vlllo nostro merito, vel vlla nostri quātulacunque dignitate quæ huius gratiæ cōmunicationem vel antecedit, vel consequatur: siue causam, cuius impulsu Pater Filium nobis dederit, consideremus, siue spectemus ecquid Iesum Christum commouerit, vt se traderet pro nobis: siue denique habeamus rationem instrumēti, quo Christum cum suis donis apprehensum nobis applicamus: fidei videlicet, quæ & ipsa donum Dei est, Ier. 31. 18. 2. Timot. 2. 21. Ioh. 6. 44. Eph. 2. 8. & omnino verum sit illud Pauli dictum pulcherrimum, & dignum de quo assiduè cogitemus: Quid habes quod non acceperis? 1. Corinth. 4. 7.

Quis sit ardor iste meridiei de quo hic sit mentio.

Non temerè igitur exemplo suo Sponsa nos docet in hoc vnico suo Sponso quærendam esse veram requiem ac pacem, quam mundus dare non potest, Ioh. 14. 23. præsertim dum feruet meridies, id est grassantibus omnis generis calamitatibus & grauissimis ærumnis, Apostolo testante ita nobis tribui, vt cap. ad Rom. 5. in ipsis oppressionibus gloriemur, quibus capiti nostro conformamur: Sunt enim illa nobis certissima quædam argumenta, fore vt victoria quoque potiamur, & cum ipso coniuncti triumphemus. Rom. 8. 17. Quin & idem Apostolus seipsum
pro

pro exemplo proponens, nulla alia de re se gloriari testatur, quàm de oppressiõibus propter Iesum Christum, Galat. 6. 14. quod & ipsum est pretiosum Dei donum, Philip. 1. 29. Ceterum certum quidem est istud ad eas demum oppressiões referri, quas pro tuenda veritatis Dei iustissima causa subimus: quibus ingruentibus, Christus nos admonet, tum maximè adesse tempus gaudendi & exultandi, Matt. 5. 12. Sed quid si Domino iustas de nobis pœnas expetente, meridianis solis ardoribus exponamur? quid tum sperare nos decet? Certè tunc quoque refrigerium & quies nobis in eodem Christo non defuerint, si Paulum loquentem audiamus, 2. Cor. 6. 9. & Epistola ad Hebræos. 12. 6. id est si tunc quoque agnouerimus Deum sese nobis tunc quodammodo vicinum & amicum sistere, quum veluti Pater benignus legitimos suos filios castigaturus aduenit, quod seduli patris beneuolentiam arguit, si sub eius ferula erudiri nos sinamus: cui sit laus & gloria sempiterna. Amen.

IN CANTICVM CAN-
TICORVM HOMILIA

NONA.

Auxilium nostrum sit à Domino, &c.

Quod sequitur extat in Cap. i. vers. 7.

7 Cur enim essem apud greges
sodaliū tuorum quasi delitescens,

*Sponsæ pu-
dorem, ipsi
Sponso curæ
esse.* **S**Ponsam è vinea sua vi expulsam audiui-
mus ardentissimè precantem Pastorem
ac Sponsū illum suū, vt ad ipsum quā
proximè accedere sibi liceat. Huic petitioni
nunc addit quiddā longè maximi momenti:
nempe quod alioqui si repulsam patiat in
periculum maximum incidere ipsam necesse
sit, tanquam videlicet perditam prorsus ac
deploratam, quod haud aliter in ipsius Spōsi
summam infamiam sit redundaturum, quā
si maritus quispiam vxorem perditæ riuā-
lium libidini exponens.

*Duo sensu
dicere fas sit
Christum ha-
bere comites
aut sodales.* Vt autem quanti sit ponderis hæc ratio
planè intelligamus, operę pretium est in pri-
mis, quānam sint isti sodales, & quānam
eorum greges dispicere. Num enim fas
est vllōs Christo sodales adiungere? Minimè
profectò, si proprie loqui volumus: quod
est nobis accuratè explicādum, vt pernicio-
sissimos errores vitemus. Duo sunt igitur no-
bis præcipua in Christo Iesu consideranda,
persona videlicet ipsius & Mediatoris offi-
cium,

cium. Et quidem quantum ad ipsius personam attinet, nulla est profectò inter illum ut Deum, & res vllas conditas proportio siue collationis ratio; & nobis est sine exceptione retinendum istud, Deum nemini vnquam neque integram neq; vlla decisa particula (quàmnam autem in partes secaretur, quod est infinitas ipsa?) vlli alteri cessuram: quo quidem dicto omnis idololatria conuellitur. Quod ad humanitatem autem attinet, distinctè consideratam, verè quidem Filius hominis dicitur, id est verus homo eiusdem atque nos tum anima, tum corpore naturæ & substantiæ, &, quod ad hoc quidē attinet, ab Adamo originem trahens, teste Luca Christi genealogiam describente, Luc. 3.38, Sin autem qualitatem affectionum humanæ naturæ inhærentem respicimus, longè & latè ab iis dissidet, qui per Dei Spiritum denovo geniti non sunt: inter quos & ipsum nulla magis statuenda est cōuenientia quàm inter lucem & tenebras, 2. Cor. 6. 4. Quoad alios autem Spiritu Dei renouatos, maxima quidem est inter illum & istos congruentia & cognatio, quòd nisi eundē habeant moderatorem, Spiritum Dei videlicet, eorum mētes illustrantem, Rom. 8.4. Eph. 1.18. & in ipsis creantem velle & facere, Philip. 2.13. vt ipsum Christum imitentur, Eph. 5. 1. & ambulent, sicut ipse ambulauit, 1. Ioh. 2.6. qua etiam ratione dicuntur quoque Filij Dei, Ioh. 1.13. & lucis appellatio ipsis tribuitur, Eph. 5.6.. Sed

in huiusmodi collatione maxima occurrit imparitas. Primum enim Christus quatenus Deus est, essentialis est origo omnis creati boni, & ipsa bonitas: deinde quatenus homo est, instar est vasis seu pelvis in quē perfectissimæ quæq; gratiæ, ex æterni filij persona, in assumptâ personaliter humanitatē sunt quā abundatissimè profuse, vt ex illius plenitudine vnusquisq; de mensum accipiat, Ioh. 1. 16. & 1. Cor. 12. 12. nō quasi sic illi quicquā decedat, siue quod ita nobiscū diuinās suas dotes partiat, & sibi retenta sua portione, reliquum nobis impertiat. Sed quod ipsius abundantia in nos absque vlla imminutione redūdet. Et de Christi quidem persona hactenus.

Nunc poscit ordo vt de Mediatoris officio dicamus: qua in re nobis est semel obseruandum Filium Dei idcirco in carnem venisse, vt sui ipsius pretio istam sibi Sponsam acquireret, tam esse zelotypum, vt nūquam de suo in illam amore quicquam cuiquā vnquā cedere sustinuerit: immo etiam illam quauis ab ipso recedentem non semel ad se iterum receperit, Ierem. 3. 1. Vt autem istud plenius intelligamus, & Christum neuerimus in iis quæ Sponsæ suæ causa præstitit & præstat vt Mediator, nullum riualem siue collegam admittere, hoc omne ad tria capita referemus ex Epist. ad Heb. nepe ad Regiam dignitatē, Propheticum munus, & Sacerdotij functionē, nisi malimus Prophetiā cōstituerē alterā Sacerdotij partem: in quibus tribus si pro-

Christū nullum pariualem, ea in dilectione qua Sponsam suam profecquitur. Nec quemquam ferre posse in Regia sua maiestate focium.

propriè loqui velimus, nullū habet collegā, sed ministros & seruos, quorum opera & ministerio in nonnullis vtitur, idque certis cōditionibus, qua in re sicuti, Deo fauente, indicabimus, grauissimè à multis peccatur. Is igitur Iesus Christus omnino omnium Rex est, non modò iure creationis quo vnà cum Deo Patre ac sancto Spiritu, summa potestate, res omnes conditas moderatur: verum etiā speciatim eius regni respectu quod non est ex hoc mundo, conscientiam videlicet respiciens: nimirum spirituale & æternū, ita vt penes illum vnum sit potestas animis aliquid in his rebus imperādi vel prohibēdi, Io. 13. itidēmq; dānandi & absoluedi, 1. Cor. 5. 4. vt qui clauēs ad aperiendū & claudēdum gestet, Apoc. 5. 7. Itaque nulli, ac ne Angelis quidē vnquā licuit aut nūc licet, aut deinceps licere potest leges consciētiis imponere, neque Ecclesiæ disciplinam (quod ad eius substantiam attinet) constituere. Causa verò huius rei tum iustissima, tum manifestissima est. Iustissima quidem, quoniam quum hæc administratio ipsum naturæ ordinem, & mundana omnia longè latēque superet, cōsequitur nullum huic ordinandæ gubernationi parem esse posse, præter vnum illum qui verus est Deus, & præterea quatenus verus homo est, ea præditus est tum sapientia tum virtute quæ ipsorum etiam Angelorum captum superat. Manifestissima verò, etiam ex eo quòd si prohibitum est quicquam positum

diuinitus legibus addere vel detrahere. Deu. 4.2. & 12.32. minus certè multò licet nouas leges condere, clamante propterea Domino per Esaïam, Ecquis ista de manibus vestris requisit? Esa. 1. 12. & testante quoque alibi eodem Dei Spiritu, omnia humana mandata in hoc spirituali regno nullius esse ponderis nec momenti, Ies. 29.13. Epist. ad Colos. 2.8. & 22. & 1. ad Cor. 7.23. Sit igitur hoc firmum ac cōstitutum quod ad regnum Christi attinet, neminem illi fuisse vel esse, vel vnquam futurum consortem: sed Christum vnum sibi totum hoc regium imperium Ecclesiæ suæ ad fines vsque seculorum regendę vindicare, vt ex multis passim testimoniis, ac præsertim ex Psal. 2.8. & 110. Ioh. 5.27. ac etiam ex elogio ipsius cruci Iudæis nequicquam renitentibus affixo, & ab imprudentis Pilati manu perscripto apparet.

*Neque in
Prophético
suo munere
collegā aut
sodalem vl-
tum admit-
tere.*

Age verò nunc ad alterum munus Christi Mediatoris nēpe Propheticum accedamus, quo nomine non intelligimus angustiore significatione donum illud futura prædicendi, præsertim de futuro Iesu Christi aduentu, & legis minas aut promissiones suis temporibus applicandi, quales fuerunt quindecim illi Prophetæ quorum scripta extant, & alij multi quorum in Scripturis fit mentio, sed latiore notatione Prophetam hic appellamus generaliter, volūtatis Diuinæ interpretem, in iis in quibus posita est æterna salus. Hoc enim sensu Prophetæ antonomasticè dictus

ctus est Iesus Christus, quem audire sub ex-
 terminationis pœna necesse sit. Deu. 18. 15. in-
 terprete Petro, Act. 3. 22. Quum enim Iesus
 Christus propriè sit Ecclesiæ fundamentum,
 1. Cor. 3. 11. ab ipso Deo positum, Ies. 28. 16. vt
 & in ipso vnico electa est Ecclesia ante mun-
 di constitutionem, Eph. 1. 4. consequens est
 vt is à Patre sit ab eterno solus designatus, per
 quem omne suum de nobis seruandis con-
 silium patefaceret. Idcirco Paulus disertè
 Christum dicit fuisse populi ducem in deser-
 to, 1. Corint. 10. 9. & Iohannes ait illius fuisse
 gloriam quam Elaias vidit, Ioh. 12. 41. Petrus
 quoque hunc ait extitisse, qui in diebus Noe
 Spiritu veniens (per ipsū Noachū videlicet)
 immorigeris eius seculi prædicarit. Is est de-
 nique vnus qui manifestatus est in carne, vt
 voluntatem Patris declararet, ac ita mūdum
 inexcusabilem redderet, Iohan. 15. 22. & 18. 37.
 vsque adeo, vt minister Circumcisionis (Iu-
 dæorum videlicet) à Paulo sit cognominatus.
 Rom. 15. 8.

Sed age nūc de Sacerdotij æterni functio-
 ne disseramus duabus in rebus sita, expiatio-
 ne videlicet peccatorum, & apud Deum Pa-
 trem intercessione. Expiationis igitur voca-
 bulo in primis animaduertendum est intel-
 ligi plenissimam & absolutissimam eorum
 omnium quorum rei fuimus persolutionem,
 qua fiat vt Deo planè & penitus satisfiat. De-
 inde illud quoque tenendum est, nos fuisse
 mortis reos ex Dei decreto, Gen. 2. 17. Ro. 5. 12.

*Sacerdotalis
 Christi mu-
 neris nullas
 omnino alijs
 tributas esse
 partes in
 Sponsæ re-
 demptione.*

Heb. 9. 27, mortis autem nomine non modò significari animæ à corpore diuulsionem quam huius corporis corruptio in sepulchro sequitur, Gen. 3. 19. sed secūdā quoq; mortem designari, quæ est horrenda illa numinis indignatio & maledictio: numinis, inquam, æternis pœnis peccata hominum extra Christum in ipsorum corporibus & animabus vindicantis. Tertiò, considerādum est in hoc argumento neutiquam hîc agi de vnius aut alterius peccatoris: sed de omnium liberatione, neque de vnius aut alterius peccati sordibus ablutis, sed de cunctis sceleribus ac flagitiis quæ vnquam ab electis Dei edita sunt, aut in futurum ad finem vsque mundi admittentur, purgatis & expiatis. Quartò, minimè prætereundum est oportuisse huiusmodi persolutionem ab eo præstari, qui per se quidem nullo modo foret maledictioni Dei obnoxius, sed pro cunctis debitoribus quotquot sunt Spôsor esset, vt loquitur auctor Epist. ad Hebr. 7. 22. Etenim si reus ipsemet in sese vllò pacto, ac proinde peccator extitisset, nihil ab ipso proficisci, nihil ab eo profectū recipi, vtpote pollutū & impurum potuisset. Non igitur Deū placare potuisset, sed ipsius irā potius exasperasset, quod in lege designabant prohibitiones, tū de fermentatis panibus offerendis, Leuit. 2. 11. (vt eum locum explicat Apostolus, 1. Cor. 5. 8) tum etiam de immundis intra domum Dei non admitrendis, Psal. 26. 6. Ad hæc quum præter
illam

illam debitorum persolutionem, ad hoc, ut digni essemus vita æterna ex Dei pacto, Deu. 30. 19. Matt. 19. 17. omnino necesse fuit Sacerdotem istum & conciliatorem, purum esse ac nulla labe inquinatum hominem. Atqui omnes homines in peccatis nascuntur, Psal. 51. 7. ut ex ipsa mortis pœna, peccati nimirum fructu, constat, cui subiacent cuncti, Hebr. 9. 27. ne ipsis quidem puerulis exceptis, qui ætate non peccarint, Ro. 5. 14. Vni igitur Christo ius æternæ vitæ ex Legis pacto debetur. Primum enim in isto solo inter homines reperitur ea perfecta naturæ humanæ puritas quam Lex præsupponit & exigit, perfectum Dei, & proximi amorem præcipiens, ut qui sit creatus & conceptus in Virgine intemerata, vnius Spiritus sancti virtute, Luc. 1. 35. & sine peccato, 2. Cor. 5. 21: non autem, ut cæteri sine exceptione homines qui dicuntur caro nati ex carne, Ioh. 3. 6. Præterea ad hanc perfectissimam ipsius humanæ naturæ integritatem istud accedit, quod solus legem plenissimè præstitit, Deo quidem Patri obsecutus (quod est prius mandatum) ad mortem usque, & quidem mortem crucis, Phil. 2. 8: nos verò non modò, non proximos (quod est alterum mandatum) verùm hostes sibi infestissimos, tanto persecutus amore, ut vitā etiam pro nobis vltro fuderit, & quidē cū maledictione Dei cōiunctam, quod est sane quempiam non ut seipsum, sed etiam vltra seipsum diligere, Iohan. 10. 11. Rom. 5. 8. Iure igitur ex

pacto Legis vitam æternam iis qui ipsam adimpleuerint promittentis, sicut eum execratur, qui vlllo pacto fuerit ipsam transgressus, Galat. 3. 10. Christus solus dicitur vitam æternam fidelibus cūctis promeritus, cuiusmodi Sacerdote nobis omnino fuit opus, vt morte deuitata, vitam adipisceremur, Heb. 7. 26. Itaque in eo non magis quàm in cæteris nullum ipsi collegam adiungi absque insigni blasphemia posse certum est.

Restat vt alterum Sacerdotalis functionis caput dispiciamus, Christi nempe apud Deum Patrem intercessionem pro nobis, quæ & ipsa bimēbris est. Primùm enim considerata nobis est vis illa mortis ipsius interueniens inter Deum & nos, quia nisi præeat nobis ad Patrem accedentibus, vtique ab illo repudiabimur, qui tenebras nullo modo ferre potest, 2. Cor. 6. 14. Secūdò nosse oportet cunctas preces nostras Deo offerendas esse ipsius nomine, Ioh. 16. 26. id est ita vt petamus propter illum exaudiri in quo solo Pater acquiescit, Matth. 3. 27. & qui tanquam primogenitus frater noster sese coram Patre sistit, Heb. 7. 25. minimè id quidem hominum more, ac si genibus flexis, supplicem libellum patri sedenti offerret: sed quòd nos in sese repræsentans, preces nostras sanctificet, & ratas efficiat. Quamobrem etiam Aduocatus noster dictus est. Ioh. 1. 2. & Heb. 7. 25. Magnopere autem nobis hic quoque cauendum est ne intercessionem qua ipse nunc fungitur,

in

in cœlis, quod ad ipsum attinet, deuictis hostibus, nomen adeptus, quod est supra omne nomen, Psalm. 2. 9. & omnem potestatem in cœlis & in terra obtinens, Matth. 28. 18. cum illis precibus confundamus quibus vsum illum fuisse legimus diebus infirmitatis suæ. Tum enim non tantum, vt nobis exemplo suo præiret, verum etiam quia vt hostem sibi & nobis communem prosterneret, neque ipsi vt sponsori nostro imposito grauissimo peccatorum nostrorum ponderi succumberet, illi vtique fuit opus virtute & potentia diuina quibus sustentaretur, quã et si penes se & in sese habebat, quatenus Deus est, Patri coæternus ac coessentialis, ad eum vt sibi tanquam Deus subministraret, quod vt homo à Patre petebat, verum tamen à Patre petere, & Patri acceptum ferre consuevit, ostendens quousque sese vt mediator, acceptæ serui forma, demiserit, non vt suæ veræ Deitatis quicquam detraheret, vt blasphemarunt Arriani. Hinc factum est vt totus horredum in modum consternatus patrem in illo agone sit deprecatus, tum pro se, Ioh. 12. 27. Mart. 16. 39. Heb. 5. 7. tum etiam pro nobis, vt toto Ioh. 17. & aliis locis docetur. At posteaquam captiuam duxit captiuitatem. Eph. 4. 8. seditque ad dexteram Patris, gloriæ ac honoris corona recepta, Hebr. 2. 9. patitur quidem adhuc quodammodo persecutionem in membris suis, Act. 9. 4. & Col. 1. 24. quod scelus improperabit sanè impiis nouissimo die, Mart.

25. 45. immò etiam infirmitatum nostrarum sensu afficitur. Heb. 4. 15. Sed ista cœlesti quadam ratione fieri, absque vlla gloriosissimæ carnis imbecillitate existimandum est, nobis penitus ignota: nec ideo fingenda nobis est intercessio uel deprecatio, qualem huius vitæ modus postulat. Quem modum respiciens ipse Christus testatur se non amplius precaturum patrem, postquam in cœlos receptus fuerit: nempe vt precari ante consummatũ nostræ reconciliationis opus consueuerat. Minimè id tamẽ quasi non semper oporteat efficaciam illius sacrificij interuenire: & Patrem non aliter quam in huius mediatoris nomine inuocari, in quo vno gratæ sunt illi nostræ preces. Horum autem omnium hæc summa est, Christum in Sacerdotij munere sustinendo vltos collegas non magis admittere quàm in Regia maiestate & Prophetico munere obeundo: quã omnẽ cõtrouersiam dirimit Apostolus paucissimis verbis, scribens vnum esse Deum & vnicum mediatorem inter Deum & homines, nẽpe hominem Iesum Christum, 1. Timot. 2. 5.

*Diluantur
quæ variè
obiici possẽt
circa Christi
regnum.*

Hæc itaque est Dei veritas, hoc vnicũ spei nostræ fundamentũ, quod vt etiã clarius intelligatur, nonnullis quæ huic pernecessariæ doctrinæ quodammodo aduersari videntur, respondendũ videtur, vt omnibus rite explicatis, dilucidè internoscere nobis liceat, quĩnam sunt isti sodales à quibus hæc sibi Sponsa metuit, tanquã ipsi exilium molientibus.

Pri-

Primùm igitur obiici posset iis quæ supra differuimus, id quod eadē planè allegoria & in hoc ipso argumēto scriptū est, Ps. 45. 8. videlicet Regē hunc vnctum esse oleo lætitiæ supra consortes suos, qui consortes eodē illic vocabulo lingua Hebræorum quo hîc à Solomone designātur, vt & hoc ipso libro cap. 9. v. 3. Quod igitur ad Psalmum illum attinet, Sodalium nomen illic, nō in vitio, vt hoc loco, sed in laude vsurpatur, clarè ostendente auctore Epistolæ ad Hebræos, quo sensu cōsortes & sodales illo loco ipsi adiungantur, Hebr. 2. 11. & 14. nimirum quatenus humanæ naturæ nostræ assumptione nos sibi fratres effecit, vnctus tamen, inquit Psalmista, supra consortes suos, ne pares suo primogenito reliqui fratres censeantur. Nā fratres quidem sumus omnes, quatenus ex Adamo, sed hic est primogenitus, Rom. 8. 29, & Dominus domus, Gen. 27. 37. hic est natura ipsa vnicus Dei Filius, etiam quatenus humanitas illa in persona Filij vnici atque coætorni subsistit: at nos adoptionis iure censemur in ipso Filij, Iohan. 1. 12. Solus hic in suo gradu constitutus est vniuersalis omnium hæres & Dominus, Heb. 1. 12: sed pro benignitate singulari sua nos in partem huius hæreditatis adsciscit, vt eius gloriæ cohæredes simus, sine vlla tamen ipsius iuris diminutione, Iohan. 17. 22. & Rom. 8. 17. Quod ad alterum autem huius cantici locum attinet, cap. 8. 23. nulli commemorantur illic Christi sodales,

sed de fidelibus agitur, eiusdem fidei & charitatis nexu inter se cohærentes, vt Deo fauente suo loco explanabitur. Præterea posset etiam obiici, quod discipulos Christus amicos suos, Ioh. 15. 15. non seruos appellet. Sed quo sensu Christus hæc dixerit, ipse mox explicat, nempe non quod in officio mediatoris eos sibi adiungeret, sed quod quàm familiarissimè mysteria Euāgelica illis explicaret: interim ius Domini siue magisterij tanquam sibi proprium vèdicans, Ioh. 13. 13. & Heb. 3. 6. Sed hic oritur aliunde maior dubitatio super eo quod diximus Christū in Regia maiestate neminem admittere collegam. Scribitur enim Apoc. 5. 10. nos ab ipso factos esse reges, & 1. Pet. 2. 9. nos esse regale Sacerdotium, siue Sacerdotale regnum: item coronam nobis paratam esse in cœlis, 1. Timot. 4. 8. & adhuc expressiùs, Luc. 22. 29, Ego (inquit ibi Christus) paciscor vobis prout pactus est mihi Pater meus regnum. Verùm absit vt ex his locis intelligamus monarchiam hanc filij vlla ratione diuidi posse. Nam Regiæ dignitatis sanctis cōmunicatæ nomine, nihil aliud intelligitur quàm Spiritus sancti vis, qua afflari & instructi Diabolum, carnē, ac mundum, nos ipsos denique superamus. Deinde sic designatur æternæ gloriæ in æterno regno irradiatio in nos Christi membra deriuanda. Pactio autem illa cum Patre, quam eandem pasciscitur Dominus cum discipulis suis, Luc. 22. 29. inquires eos insidentes duodecim

thronis

thronis iudicatu-
 ros duodecim tribus Israel,
 ad æternæ gloriæ participationem refertur,
 non autem quòd ad ius regendæ suæ aucto-
 ritate Ecclesiæ, 1. Corin. 7. 35. & 1. Pet. 5. 1. nisi
 quatenus fidei serui fuerunt, 1. Cor. 7. 25. men-
 sura quoque Spiritus peculiari donati, Ec-
 clesiæ Christianæ videlicet quodammodo ab
 ipsis fundamentis ministerio suo erigendæ
 constituti, quod etiam Apoc. 21. 14. in visione
 cœlestis ciuitatis designatur. Sed apertius e-
 riam Paulus huius loci genuinū sensum no-
 bis tradit, 1. Corin. 3. 10. docens Apostolos in-
 star manuū fuisse, quibus Dominus vnicum
 suæ Ecclesiæ fundamentum (seipsum videli-
 cet) substernebat: cuius synceræ doctrinæ
 respectu (non autem quòd ius habeant, &
 imperium, quod is solus sibi vindicat, quem
 ipsi Angeli adorant, Heb. 2. 6) scriptum est e-
 tiam de cunctis fidelibus, fore, vt nouissimo
 die iudicium ferant de ipsis Angelis (dæmo-
 nibus videlicet, & eorum asseclis) 1. Cor. 6. 2.
 atque ad dexteram Filij Dei sessuros, Psalm.
 45. 2. & Eph. 2. 6. Cæterum obici possent &
 alia testimonia quæ dissentire aliquatenus
 videntur ab eo quod de iure legū conscien-
 tiæ ferēdarum diximus: veluti quod scriptum
 legimus, legem ipsam per Angelos ordina-
 tam esse, Gal. 3. 19. & per Mosē, Exod. 19. 17.
 & Act. 7. 38. Sed hoc facile potest declarari,
 tum ex contextu Iacob. 4. 12. vbi Iesus Chri-
 stus dicitur vnicus Legislato- rum ex ijs quæ
 prolata sunt de Angelorum potestate, & fun-
 m. iij.

ctione, & ea administrandi ratione, quam Moyses & alij fidi Dei ministri perpetuò sunt sequuti. Dicuntur autem Angeli Spiritus administratores, non domini, Psal. 103. 21. Heb. 1. 14. Moyses verò, sic rogante populo, narratur profectus in montem, vt sequester, & internuntius, non vt legem ipse ferret, sed vt referret, quæ à Domino edicerentur: idque syncera & religiosa fide, nihil prorsus edictis Diuinis addendo vel detrahendo, Exod. 20. 19. Deu. 4. Quamobrem etiam neque de blasphemorum, neque de violantium sabbatum pœnis quidquam decernere inconsulto Domino, ausus est, Levitic. 24. 11. & Num. 15. 34. quanuis de pœna civili & corporibus irroganda quæreretur: tantum abest, vt Mosis vel Aaroni venerit vnquam in mentem, vt cultus Diuini regulas excogitarent & leges cōscientiis dictarent, iussu Mose ad exemplar quod in monte ostensum ipsi fuerat, omnia fabricare, Exo. 25. 40. Quamobrem etiam sub regibus Dauide & Solomone nequaquam humano arbitrio templum fuit constructum cum omni suo instrumento, & dispositæ Sacerdotum ac Levitarum vices, sed iuxta Propheticas reuelationes, 2. Chron. 29. 35.

*An possit
Ecclesia le-
ges conscien-
tiis impone-
re.*

Sed obicere præterea quispiam posset, Regij imperij potissimam partem videri faciendæ gratiæ potestatem: Petro verò ac vndecim aliis apostolis, atque adedò Ecclesiæ pastoribus in Apostolorum persona datas esse clauēs regni cœlorum, ligandi videlicet

ac soluendi facultatem Matth. 16.19. & Ioh. 20.23. At ego istis oppono quod alibi scribitur, nimirum Dei solius esse condonare peccata Marc. 2. 7. vnde satis liquet longè aliud esse leges pro sua potestate condere, iubere, promulgare, quàm leges ipsas iudicâdo exercere. Deinde multum interesse inter ipsum agendi & exequendi ius nulli obnoxium, & delegatum ab altero ministerium certis finibus circumscriptum. Aio igitur regni Spiritualis imperium, penes quod seruandi seu damnandi sita est potestas, & quod ipsis cordibus ac mentibus leges dictat, soli Deo in Iesu Christi vnici Filij ipsius persona competere: quem ab æterno designauit istius imperij caput Heb. 1.2. Eph. 1.22. Col. 2.10. Quod verò ad istarum legum vsum & executionem attinet, prout res quæque postulat, Christus sacrum suum ministerium instituit certis limitibus definitum, nempe vt non nisi ex legum positarum præscripto, iudicia nomine legislatoris exerceantur: irritis alioqui iudiciis quibuscunque futuris. Rem autem ita se habere vel ex eo constat, quòd alioqui fatendum esset Iesum Christum & ipsius discipulos magnam reprehensionem mereri, quòd synedrij interdictum neglexerint Ioh. 9.22. & 16.2. Christus enim cōtrà, Sinite illos (inquit) cæci enim sunt & cæcorum duces. Paulus verò de doctrina quam annuntiaret generaliter loquens, illam Dei consilium appellat, Act. 20.27. quod ne ad reuelationem aliquam

interiorem torqueamus extra scripturas, idē de institutione Cœnæ sermonem habens, Quod vobis, inquit, tradidi, illud à Domino accepi: & de cœlibatu differens testatur se minime laqueos iniicere velle Corinthiis 1. Cor. 7. 35. quibus suffragatur Petrus monens pastores quoscumque vt caueant ne suis gregibus, quos Domini sortem vocat, dominemur. Ideo hæc Apostoli verba 1. Cor. 7. 12. *Reliquis autem dico ego non Dominus*, coniugatis videlicet quorum alter à fide esset alienus; minime sunt ita sumenda, ac si arbitrio suo vel priuata potestate mandatum aliquod Ecclesiis obtrudere cogitaret: sed ita loquutus est Paulus, vt ea distingueret quorum mandata expressè & totidem verbis scripta extabant, ab illis de quibus nihil expressè cautum erat, quæ tamen à scriptis editis minimè dissiderent. Nec enim singula queunt legibus comprehendendi, vt est à nobis, quum illam epistolam interpretaremur, demonstratum. Denique non desunt qui Traditionis vocem quàm longissimè possunt trahentes, vrgeant Ecclesiæ auctoritatem, qua temporibus ipsorum Apostolorum in condendis Ecclesiasticis legibus vsam illam fuisse legimus. Act. 15. 28. & 16. 4. 1. Cor. 11. 2. & 34. Sed & eiusmodi traditionum exempla ex epistolis Pauli proferunt, veluti de velandis mulieribus, de modo annunciandi verbum Domini in publicis conuentibus, de ratione colligendi eleemosynas cæteraque huiusmodi: quæ cuncta si-

gillatim

gillatim totidem concionibus essent explicanda, ut facere quoque suo loco consueuimus. Sed ea in presentia possunt vno verbo expediri. Aliud planè munus est leges conscientis dictare, id est ea quæ sunt credenda & facienda cum imperio, additis promissionibus, præcipere: vel contrà, quæ credere vel facere nefas sit, additis minis prohibere: nec non functiones ac munera distribuere, quibus Dei Filio placet Ecclesiam regi. Hæc, inquam, longè diuersa sunt ab eo munere ac studio, quo tenentur certi homines ad hoc designati ea procurare quæ ad vsum & praxim tum doctrinæ tum disciplinæ à Domino constitutæ spectant, pro locorum temporum ac personarum circumstantiis. Quum enim hæc sint infinitis mutationibus atque adeò repugnantis obnoxia, Dominus promulgato nouo fœdere quod ad omnes populos spectat vsque ad seculorum finem, noluit & (si ita loqui fas est) non potuit de istis singulis mandata vel specialia vel perpetua præscribere: quoniam tota hæc administrationis ratio accidentale & contingens quiddam est, nec propriè vel doctrinæ ipsius, vel Ecclesiasticæ politiæ substantia, sed vtriusque ritè exercendæ modum spectat. Quapropter satis esse Domino visum est si de istis generale quoddam præceptum ederet, nempe ut quæ ipse mandauerat eo ordine, eaque sancta & conueniente ratione qua decet, domus suæ, id est in Ecclesia, exerceantur. 1. Cor. 14.

46. Hi sunt igitur termini in quibus se continere vnūquemque pro suæ functionis ratione oportuit. Hoc autem ita esse cōfirmatur eo ipso, quòd ferè omnes illæ Apostolicę constitutiones supra commemoratæ & ab istis citatæ, paulatim antiquatæ sunt, variatis temporibus, & iplis cessantibus causis propter quæ introductæ fuerant. Nam id sane nequaquam euenisset si in iis sita fuisset aut doctrinæ aut Ecclesiasticæ administrationis substantia, vtraque inuiolabilis & perpetua ad extremum vsque mundi finem. Scribis autem & Phariseis super cathedram Moysis sedentibus, sed in eius doctrina & Leuitico ministerio vt erat diuinitus constitutum non acquiescentibus, (quod si fecissent obtemperandum illorum dictis fuisset Matth. 23. 21.) & idcirco ausis leges nouas condere, & suas traditiones rituum cultui à Deo legislatore constituto adicere: Dominus eorum impia arrogantia commotus, potiùs maluit illis esse offendiculo, quàm eorum audaciam alere Marc. 7. 6: clarè sic ostendens traditiones huiusmodi minimè ex eorum esse numero, quæ sunt indifferètia: sed esse potius propter adiunctam cultus opinionem, meras mandatorum Dei corruptelas Marc. 7. 13. & fermentum illud à quo magnoperè cauendum esse docuit Matth. 16. 12. Est autem à me idcirco de nouo fœdere facta mentio, quoniam quum Ecclesia, sub altero vetere fœdere, intra vnus populi, vnus regionis, vnicui denique

denique sacrarij finibus, & quidem ad certū
tempus esset conclusa, Dominus non tātū
ipsius fidei doctrinæ & eorum rituum, eius
denique regiminis substantiam eo tempore
declarauit quo familiam illam suam guber-
nari volebat, sed etiam eius administrationis
exercendæ tempora, & loca, & quid à singu-
lis fieri velle ordinarat, definiuit, addito in-
terdicto nequid ex illis mutaretur, addere-
tur, detraheretur. Deut. 4.2. Ies. I. 12. & 29. 13.
At sub nouo fœdere cum omnium gentium
hominibus ad consumationem vsque secu-
lorum inito, necessitas ipsa postulauit vt Ec-
clesiis liberum esset constituere quæ specia-
tim & peculiariter ad Doctrinæ & disciplinæ
vsum & executionem spectant, prout, habita
circumstantiarum varietatis ratione, ordo &
singularum Ecclesiarum ædificatio postula-
ret. Et hæc quidem hæctenus de illius supre-
mo imperio dicta sunt: in cuius femore
scriptum est, *Rex inquam & Dominus domino-
rum.* Quæ verò tum ad propheticum, tum ad
sacerdotale ipsius munus spectant in alteram
proximam concionem differimus. Interea e-
tiam atque etiam rogandus est nobis Domi-
nus vt hanc doctrinam animis nostris inscul-
pat, qua freti possimus, istis præsertim miser-
rimis temporibus, veram Ecclesiam, inter
tot larvatas sese vndique ingerentes discer-
nere, eaque deprehensa constanter in vera
salutis doctrina perseverare, donec felix illa
dies appareat in qua cū capite nostro reipsa
coniuncti,

coniuncti, aterni regni gloria cum ipso perfruemur : cuius interea misericordiam his verbis supplices flagitabimus: Deus omnipotens &c.

IN CANTICVM CANTICORVM HOMILIA

DECIMA.

Auxilium nostrum fit à Domino, &c.

Quod sequitur extat in Cap. I. vers. 7.

7 Cur enim essem apud greges sodalium seu consortium tuorum quasi delitescens?

DE Regio Christi imperio abunde superioribus cōcionibus disserui, in quos nullos ipsum admittere collegas à nobis demonstratum est. Nunc idem censendum dico de ipsius prophetica auctoritate ; ipsi quoque propria non modò eius temporis habita ratione quo præsens ipse loquutus est hominibus, verum etiam omnibus à condito mundo seculis. Deum enim (inquit Iohannes I. 18.) nemo vidit vnquam, sed eū nobis filius Dei qui est in sinu patris enarrauit. Iure igitur illi quoque proprium esse ius prophetandi statuo. Nam quod ad ceteros attinet, qui & ipsi prophetæ, Apostoli, Pastores, & Do-

ctores

Etiores dicti sunt, idcirco sic appellatur quoniam ab hoc filio Dei missi sunt, & mittuntur, tanquam eius legati ac præcones: idque non quasi eorum opera necessario indigeat hominum instar, quibus in alicuius muneris obeunda functione, ministris opus est, quoniam ubique præsentem se sistere non possunt: sed quòd eo usque sese Deus ad hominum infirmorum captum ad eos familiarius docendos, certis tamen præscriptis conditionibus adhibitis demittat. Primùm enim ad Moysen usque patriarchis non licuit proferre quidquam nisi quod à Deo accepissent, ut ex Abrahami exemplo liquet Gen. 18:19. & 20. 7.1. Quæ à Patriarchis primis de manu in manum tradita doctrina diu fuit conseruata, ut non tantum ex Melchisedeci historia sed ex eo quoque constat quòd Abrahami ætate, ne inter Cananæos quidem erat prorsus abolita, Gen. 20.3. Deinceps verò postquam Deo visum fuit Abrahami sobolem, quæ in populum immensum excreuerat, certis legibus à reliquis populis segregatam regere, Moysen delegit qui huius Spiritualis regni leges (ut & politicas de quibus hoc loco non agimus) ex ipsius ore exceptas perscriberet, prout ipsi Dominus primum in monte deinde in Tabernaculo extra ordinem apparere dicendum. faciendum scribendum dictabat: quibus dictatis, neque ipsi Moysi, neque alij cuiquam, ne Angelo quidem, addere vel detrudere quicquam licet Deut. 12.32. Hanc præceptionem sequuti sunt

veri omnes Prophetæ, vsque ad Iohannem Baptistam, quorum munus fuit, tum benefacta, tum iudicia Dei declarare, & prout peculiaribus visionibus iubebantur denuntiare. Tandem verò Magnus ille Dei Filius ipsemet sese còspicuum in carne præbens, 1. Ioh. 1.1. vt Dominus in domo Patris, finem vmbri omnibus imposuit, quarum ipse corpus erat, Col. 2.17: & vt autoritate plena præditus, Matth. 7. 29. voluntatem eius omnem saluificam docuit, ore primùm suo Iudæis, Hebr. 1.1. Ioh. 15.15: deinde verò vniuerso terrarum orbi per suos illos Apostolos, siue legatos, quos suæ illius domus fundatores còstituit, tam in ipsa tradenda veritatis doctrina, quàm in eius administrationis ordine & statu itabiliendo, prout à Magistro didicerunt, Matt. 28.20. docente etiam illos in singulis Spiritu sancto: quod ipsi quoque religiosissimè obseruarunt, Act. 20.27. 1. Cor. 11. 23. adeò vt ne Angelis quidem ad ista quicquam adicere fas fuerit, Gal. 1.8. Denique illis successerunt Pastores & Doctores, non qui à fundamentis Ecclesiam extruerent, sed qui posito ab Apostolis fundamento bonas & solidas instructiones, exhortationes, consolationes, reprehensiones, superstruerent, 1. Cor. 3.10. Eph. 4.11. 2. Timoth. 3.6. Secundò, notandum est omnibus operariis, tum ante, tum post aduentum Domini, impositum fuisse onus exterioris duntaxat curandi operis, id est Euangelium auribus audientium

mulgandi, & illa quæ vocamus sacramenta foris, admotis ritibus diuinitus institutis, præbendi. Vim autem illam, intus operantē, vni sibi seruauit integram Dominus: intelligentiam nimirum, & cordis præparationem ad dispositionem totam ad illud semen intus recipiendum, vt sancti Spiritus virtute germinet, crescat, & fructificet 1. Cor. 3. 7: docēte nos propterea scriptura, salutem nostram nulla ex parte esse volentis aut currentis, sed miserentis Dei Rom. 9. 16. creantis in nobis velle & facere ex mera sua gratia Phil. 2. 13. vt supra in vers. quartum abundē exposuimus. Itaque hac duntaxat neque vlla alia ratione fideles verbi Dei Ministri ab Apostolo vocati sunt cooperarij Dei 1. Cor. 3. 9. vt indicat etiam illa communis prophetarum præfatio. Sic ait Dominus: Iesū Christo contra cum summa auctoritate his verbis vtente, Amen Amen dico vobis Matth. 9. 21. vt qui sit Dominus in Domo patris Heb. 3. 6. cuius Spiritu acti prophetæ loquuti sunt 1. Pet. 1. 11. & 2. Pet. 1. 21. Et de Regio quidem Christi imperio hætenus dictum esto.

Nunc de sacerdotio ipsius disseramus
quod positum esse diximus tum in expiatio-
ne peccatorum nostrorum semel peracta, tū
in intercessione quæ etiamnum viget. Horū
autem ne minimam quidem particulam in
aliū quēquam transferri posse, certissimis
argumentis ex scriptura sacra desumptis de-
monstrauimus. Quod si quis nobis obiiciat
Iesum Chri-
stum unicum
peccatorum
nostrorum
expiatorem
esse, & quid
sit iis & quo-
modo respon-
dendum qui
promissioni-
n. j.

bus factis le- salutis promissiones iis factas qui legis man-
galium præ- datata obseruauerint: respondeo, quum ea-
ceptorum ob- perfectissimam & absolutissimam obedien-
seruatoribus, tiam præsupponant, quæ in nullo prorsus
abutuntur. homine alio quàm in vnico Iesu Christo re-
 periri possit, vt qui solus ab omni peccato
 semper fuerit immunis, hinc efficitur nunquã
 fuisse latam legem vt per eam iusti in nobis
 fieremus, & Deo per nos ipsos reconciliare-
 mur, nostris videlicet bonis operibus, siue
 nostra obedientia: sed contra vt nos peccati
 & mortis reos ad illum accurrere doceret, in
 quo omnes salutis ratæ sunt promissiones:
 quoniam videlicet is vnus cuncta legis man-
 data plenissimè impleuit pro nobis, à quibus
 est fidei veluti manu apprehensus. Rom. 3.30.

Gal. 3.21. & 22. & 4.5.

Responsio ad Si quis præterea nobis opposuerit promif-
ea quæ obii- siones, tum præsentis tum futuræ vitæ, cum
ciuntur, ex his pactas qui secundum Deum ambulauerint
promissioni- 1. Timot. 4.8. tametsi eorum opera manca &
bus quæ fa- imperfecta sint: minimè quidem inficior iis
cta sunt iis, demum adultis vitam æternam promitti qui
qui secundum resipiscentes in viis Domini ambulauerint:
Deum vitam (hoc quippe vniuersa scriptura testatur) sed
ducunt, licet addo longè inter se differre hæc quæstiones,
non perfecte Quibus detur vita æterna, cæteræque Dei
adimpleant benedictiones, & Quam ob causam detur id
legem mora- quod datur. Etenim vita æterna iis datur qui
lem. se verè resipuisse veræ pœnitentiæ fructibus
 testantur quod interdum ad extremum quo-
 que vitæ tempus differri constat, ex illo la-
 tronis

tronis vnà cum Christo crucifixi, exemplo
 Luc. 23. 43. & ex iis qui hora demum diei vn-
 decima vocantur Matth. 20. 9. Sed hic memi-
 nerimus oportet quum de illa posteriore
 questione agitur, homines à Deo nihil conse-
 qui quasi benè agendo istud sint commeriti:
 vel in totum aut aliquatenus pro suis pecca-
 tis Deo satisfecerint: sed bonis operibus de
 fide, tanquam effectis inseparabiliter coniū-
 ctis, testantibus; & ipsa fide vicissim apud
 Deum nos certiorante ex hac pacti Euange-
 lij formula, Qui in filium crediderit saluus e-
 rit, credentes fieri meritorū ac iustitiæ Chri-
 sti participes: quos idcirco immēsa Dei gra-
 tiæ atque incomparabili misericordiæ pla-
 ceat acceptos habere, & in Iesu Christo filio
 suo, vnico scelerum nostrorum expiatore,
 cœlesti gloria coronare, vt extra controuer-
 siam ex cunctis Prophetiis & Apostolicis
 scriptis liquet.

Nullius etiā est ponderis obiectio pro-
 missionum expiationis, ritibus legalibus sa-
 crificiorum adiuncta. Nunquam enim san-
 guis taurorum aut hircorum, vt Apostolus
 demonstrat, præstare potuit vt Deum no-
 bis placaret: quia vis hæc est propria oblatio-
 nis sanguinis vnici Iesu Christi, quem desig-
 narunt ad tempus terrena illa sacramenta
 Col. 2. 7. Heb. 10. 4. Itaque Leuitico cultui ad-
 dita fuerunt promissa expiationum, non vt
 quicquam derogarent virtuti propriæ filij
 Dei, sed vt, huiusmodi sanctionibus, distin-

*Responsio ad
 obiectiones
 quæ ex obser-
 uatione lega-
 lium ceremo-
 niarum pe-
 tuntur.*

guerentur ritus atque ceremoniæ sacræ, ab aliis communibus operationibus quæ nihil ad vitam spiritualem pertinent.

*Quid respondendum sit
iis qui Sacramentis
Baptismi &
Cenæ expiatoriam vim
tribunt.*

Id etiam locum habet hodie in noui fœderis sacramentis, veluti quum ablutio siue purgatio peccatorum nostrorum Sacramento Baptismi tribuitur: & nostra cum corpore Christi communio, vnde cuncta in nos Christi beneficia emanant, Sacræ Cænæ Domini adscribitur. Non enim magis nostra peccata lauat siue purgat aqua nostro Baptismo exteriori adhibita, quàm veterum lustrales aspersiones, aut sanguis bestiarum: sed ita ostenditur discrimen inter aquam Baptismi & aquam communem, non quidem in ipsa aquæ substantia, neque in ipsius aquæ naturalibus effectis, sed in eius vsu peculiari positum: vsus enim communis aquæ nihil ad vitam æternam facit: at in Sacramento Baptismi adhibetur aqua, vt nobis efficaciter, nisi per nos steterit, internè significetur, Spiritum sanctum id intus in nobis efficere, quod foris in exteriorre Baptismo cernimus, id est à peccatis nos purgare, & à naturali corruptione, beneficio mortis Christi per fidem apprehensi vindicare. Neque alia de causa aquam hic adhiberi censendum est, quam vt credenti significet id quod fidei organum, in verbo & signis oblatum, amplectitur, solius autem Spiritus vis nobis applicat: vt duplicis Baptismi distinctio apud Matth. 3. 11. & 1. Pet. 3. 21. clarè demonstrat. Haud secus existimandum est de altero

altero Christianorum Sacramento id est de Cœna Domini. Summopere namque cauere debemus, ne vel Pani aut Vino, vel corporeæ & externæ illorum sumptioni tribuamus, quæ propria peculiariâque sunt ipsi Christo, spiritualiter per fidem apprehenso & nobis applicato. Debile præterea & prorsus inualidum esse telum dicimus quod in nos vibrant nonnulli ex istis Apostoli verbis. 1. ad Timoth. 4. 16. *Id est si feceris & te ipsum seruabis & eos qui te au diuerint.* Vnicus enim est Iesus id est seruator Act. 4. 12. qui peccata nostra expunxit Ioh. 1. 29. cuius obedientia iusti facti sumus Rom. 5. 9. Neque apostolo venit in mentem vt in Timothei persona, pastores Iesu Christi loco substitueret: vel Christo vt efficientes salutis causas subordinaret: Absit enim vt de tanto Dei seruo tale quidpiam cogitemus, quum ipsemet clamer se propterea non censendum iustum apud Dei tribunal quod nullius culpæ sibi conscius esset in sui ministerij functione 1. Cor. 4. 3. Timotheu igitur sic alloquitur respiciens pastorum munus, in eo positum vt mysteria Dei annuntient. 1. Cor. 4. 1. id est doctrinam reconciliationis 2. Cor. 5. 18. & 20: Euangelium videlicet quod est, non hominis, sed Dei virtute potes ad credentes omnes seruandos Rom. 1. 16.

Mira autem ac intoleranda est illorum impudētia, qui idololatriæ seu potius impietatis suæ tuendæ causâ, illud proferunt quod de se inquit Apostolus ad Col. 1. 24. sese videli-

*Quibus re-
tionibus re-
fellendi sunt
qui potesta-
tem, quæ so-
lius Domini*

*est. seruis ac
ministris cō-
municatam
volunt, & de
imaginariis
meritis mar-
tyrum.*

*cet reliquias afflictionum Christi explere in carne
sua pro corpore ipsius id est Ecclesia*, quasi ip-
sam vniuersam doctrinam proculcans Apo-
stolus suas afflictiones vnā cum sanguine
Christi permiscere cogitaret: aut quasi per se
vnus Christi meritum ad semel expiāda no-
stra omnia peccata, & acquirendum nobis æ-
ternæ, vitæ ius nō satis sit efficax, qua blasphem-
ia nulla neque execrabilior, neque à mente
Apostoli magis aliena proferri potest. Non
enim eiusmodi quicquam cogitauit fidus ille
Dei Minister, sed ita significauit sanctorum
vexationes ad Christum haud secus pertine-
re, quàm si per ipsorum latus ipsemet trans-
foderetur; quo spectant illa ipsius Christi
tonitrua, Saul, Saul cur me persequeris? Act.
9.4. insigni præterea consolatione ad Eccle-
siam redeunte, sanctorū cōstantia & fide cō-
firmatā, Phil. 1.2. 1. Cor. 1.4. & 2. Timoth. 2.10.

*Christū nul-
los admittere
sodales in ea
intercessione
qua pro no-
bis functus
est apud De-
um & qua
etiamnum
perdurat.*

Cæterum consequens est vt intercessionis
caput excutiamus, in quo munere Christum
itidem nullos admittere sodales diximus,
haud secus quàm in redemptionis functione:
Huic enim assertioni opponūt nonnulli mu-
tuas preces Christianorū, quibus alij pro aliis
immò etiā pro suis inimicis Dei gratiā implo-
rant. Atqui inde non consequitur in hoc pre-
cum mutuarum opere constitutos esse pre-
cantes fideles eminentiore quodam inter
Deum & homines gradu, quàm illi sint pro
quibus precantur. Immò sic illi inter se pre-
ces mutuas coniungunt ad illum directas qui
vnicus

unicus verusque est inter Deum & homines
Mediator : & à quo vno penitus dependet
omnis nostrarum precum efficacia , siue
pro nobis siue pro aliis ex mutua charitate
illas concipiamus. De sanctorum vero mor-
tuorum quos vocant inuocatione , id est
quorum spiritus iam in cœlum receptos esse
credimus, mox dicemus.

Hæc autem omnia quum ita se habeant, *In fidos Chri-*
haud difficulter agnoscere licebit quinquam *sti sodales*
sint isti quos Sponsa sodales sui Sponsi vocat, *potissimum*
& quorum consortium merito auersatur: *eos esse, qui*
quotquot nimirum quippiam eorum quæ *leges conscien-*
sunt Sponsi vnus sibi arrogat, iis similes *tiis imponere*
qui ad Sponsalia vel nuptias vocati vt Spon-
sum officij causa comitarentur, tanta vteren-
tur procacitate, vt ipsam sibi Sponsam arri-
perent: quod de sociis Sansonis dicitur Iudic.
15.2. At quinquam isti sunt? in primis qui nouis
mandatis conscientias obstringunt contra
expressam Petri prohibitionem quæ 1. Pet. 5.
3. habetur : contra Apostolorum præscriptum
mandatum Act. 28.20. denique contra pecu-
liare Pauli exemplum 1. Cor. 7. 35. digni pro-
inde non quibus obediatur, sed quos execre-
mur speciali Dei mandato. Deut. 18. 20. &
Gal. 1.8. etiam si cœlestes essent Angeli.

Eodem crimine teneri certum est, eos qui *Quibus ar-*
in signi arrogatia nouas vocationes siue pe- *tibus Anti-*
regrinas functiones in Dei domum inuche- *christum suis*
re sunt ausi: quas primùm in quasdam di- *sis fabrica-*
gnitates euerunt, ac tandem in tyrānidem *tus Sathan,*
inducta falsa

merè sathanicā, id est, Christi regno ex diametro oppositam extulerunt: reipsā profectò implentes quod Iohannes in Apocalypsi prædixit de imagine bestiae, ad exemplar Romani imperij effigiāda, quod imperium ipsa quoque tandem euertit, vt Paulus prædixit, 2. Theff. 2. 7. Est autem in hoc scelere patrandò Sathan, quod penè videri possit incredibile, tanto vsus astu, vt multos etiam bonos, ac pios, & doctos quidem homines, sed haud satis circumspectos fefellerit, nō animaduertentes, qua fraude nonnulli sacrorum munerum ab ipso Filio Dei institutorum nominibus ad illa ipsa euertēda abuterentur. Ita igitur factū tandem est, vt ille votis suis potitus pulcherrimum illum ordinem ab Apostolis exactissimè definitum & obseruatum, in falsam illam Hierarchiam quam vocant transformarit. Huiusmodi sunt speciosæ illæ appellationes Pastoris, Presbyteri, siue Senioris, Doctoris ac Diaconi: inter quas functiones quum idem & vnum esset munus Pastorum & Episcoporum, & inter Pastores nullus esset gradus, sed ordo duntaxat absq; vlla eminētia, vel in suos cōpresbyteros potestate: placuit istis Episcopales gradus distribuire in Episcopos, Archiepiscopos, Primate, Patriarchas, donec tandem ex illa colluie emergeret Oecumenicus ille Episcopus, cui (vt nihil ad confusionis cumulū deesset) adiuncti tandem fuēre Reuerendissimi Cardinales.

De falsis Presbyteris. Pastorū verò & Presbyterorū loco irrepserunt,

rūt, Officiales, Pœnitētiarij, Decani, Canonici, Procuratores fori Ecclesiastici, Datarij, Bullistæ, Copistæ, Curati, Vicarij, Capellani: & nequid maneret in Ecclesia salui, numinis sui panacei, quod ipsius Iesu Christi nomine exornarunt, creatores, atq; adeò (non tamen sine pecunia numerata) eiusdē deuoratores.

Quod ad Diaconos autem attinet, eleemo- *De falsis*
synis colligendis, & Ecclesiæ bonorum dis- *Diaconis.*
pensationi ab Apostolis designatos: vt vno verbo omnia complectar, hæc est in vniuersum huius Hierarchiæ functio, si modò Diaconum esse, & exemplo Iudæ sacrilegum esse, vnum & idem est. Sed retenta Diaconi appellatione, quæ histrionici illi actioni subseruiret, quam Magnam siue Altam missam vocarunt, additi sunt illis Archidiaconi, Curatorum censores, ac demum Hypodiaconi, qui oblationes carpendo miseras ouiculas illuderent.

Ad Doctores autem & scholas quod attinet, Dominus, pro immensa sua misericordia, *De falsis Do-*
néquaquam passus est hæc Ecclesiæ semina- *ctoribus.*
ria penitus aboleri, vt cetera ferè omnia tuendo suo cultui necessaria: sed diuersis seculis & locis excitauit clementissimus Deus Imperatores ac Reges aliquot, à quibus fundatæ & dotatæ sunt Academiae: consilio nunquam satis laudato, & quo potissimum verè dixerimus vsus fuisse Deum Opt. Max. ad humani generis tuitionem, bonarum artium ac disciplinarum notitia sic demum barbarissi-

mis etiam seculis conseruata. Verum excellentissimam huius summi beneficij partem, Theologiæ videlicet studium, Sathanas lethali veneno sub melle latente suo more corripit. Effecit enim in primis, vt in scholis Theologicis, abiecta lectione & expositione cōtextus sacrorum voluminum, quæ est huius vniuersi studij basis ac fundamentum, irrepperit cum Theologia scholastica sic vocata, somniorum ac commentorum humanorum impurissima colluies, quorum quedam peperit futilis curiositas, quedam ab ineptissima absurditate redundant: Plurima verò tam sunt horrenda impietate detestanda, vt huiusmodi Theologiæ Doctorem esse nihil aliud sit quàm omnis veræ ac solidæ scientiæ salutis expertem esse, aut deprauandæ veritatis artem tenere: quod de sui quoque seculi Mateologis testatur Apost. I. ad Timot. 14. &

4. 7.

*Regiam Christi
si maiestatem
immixtam esse,
adiuncto illi
conforte: qui
etiam supra
ipsum Do-
minum sese
erollit.*

Dehinc Sathan cuncta scholarum instituta sursum deorsum euertens, tandē turpissimas iuris Canonici quod vocat fornices ibi constituit, ac tabernas, in quibus pararentur simoniæ ac sacrilegij instrumenta: vnde deum postea sumeretur qui miseræ Ecclesias degluberent. Tandem denique, vt velut extrema manus huic absoluendo mysterio iniquitatis imponeretur, Oecumenicus ille Ecclesiæ Christianæ prostrator, prædam cum fascinatæ siue dementatis regibus ac principibus Orbis terrarum partitus est impudentissimè.

tissimè, abrogato semel omni in committendis Ecclesiasticis functionibus ordine legitimo & Apostolico, licet Ecclesiasticis postea probis canonibus plurimis confirmato. Et hic quidem est miserabilis status in quem redacta est Ecclesia, perfidorum præsertim seruorum scelere, qui pro seruis euaserunt proditores sodales, latrones ab ipso Domino appellati, Matth. 21. 13. Quod si quis aduersus me excipiat hic in loco minimè videri posse de istis loquutus Solomon, qui tot seculis istis antecesserit: Respōdeo non modo Spiritum propheticum non pati, vt in Solomonis seculo consistamus, sed longiùs multò nos perducere, sicuti alibi videbimus: sed etiam longè ante Solomonem, nempe ab ipso Iosua (vt Iudicum historia testatur) in populum Dei horrendas corruptelas inuasisse, quibus hæc Sponsa non semel est vnica sua possessione spoliata: sed profectò, vt verum fatear, leuior videri meritò potest sodaliū appellatio, quam vt illa de quibus diximus scelera satis significanter exprimat. Non enim in iis de quibus differimus agitur de portiūcula quæpiam bonorum huius Spōsi vsurpata: (quod tamen ingens scelus in Dei maiestatem esse nemo non fatetur) verùm (quod est omnium scelerum maximum) de propria Spōsi persona violenter impetita, de ipsius ex suo folio deiectione, de castissimæ ipsius Sponsæ loco introducta obscæna meretrice, quæ etiam nū hodie Reges & Principes orbis ter-

rarum, propinato abominationum suarum poculo dementat: idque tam deplorata cum impudentia, vt persuasum esse velit, spurcissimis istis suis commentis cum maximè honestari, quem scepro & corona spoliauit.

*Propheticis
muneris Christi
sibi usurpa-
tio.*

Neque minor est istorum audacia aduersus Prophetica Domini nostri Iesu Christi functionem, vt qui sua somnia & commenta audeant Spiritus sancti inspirationes appellare: quali scilicet quæ à Prophetis & Apostolis tradita scriptaque fuere de salute nostra, vel non sufficiant, vel emendatione quam indigeant. Denique quum eòusque vesanus furor ipsos abripit, vt dicant, atque adeò obstinatis animis asseuerent, attributo sibi Ecclesiæ nomine, se in doctrina labi neutiquam posse, atque adeò suum Papam vsque adeò abesse vt errare possit, vt etiam nemo possit illi dicere, Quid facis, ne si quidem animarum turmas plenis curribus ad æternas pœnas pertraheret: quum deniq; hoc, quo nihil esse potest impudèrius, prætextu, quicquid ipsis libuit addant, detrahant traditæ & perscriptæ diuinitus doctrinæ. Quid est Filio Dei Propheticum munus, quantum quidem ipsi possunt, abrogare, si hoc non est?

*Sacerdotii
Christi in-
uasio, & i-
psius expia-
torii sacrificii
affecta-
tio.*

Iidem quid intactum tandem reliquerunt in Christi sacerdotio, ausi peccatorum nostrorum expiationi ab illo præstitæ quæcunque illis in mentem venerunt adiacere. Et quænam tandem? aquam execratam, Chrisma, Oleum, Ceram, Sputum, globulos pre-
cator-

catorios, peregrinationes, infinita denique vana, ridicula, impia ab illis excogitata: eò vsque tandem (proh nephas) progressi, vt aliam quotidianam realem & substantialem Iesu Christi oblationem commenti sint, Sacrificulorum suorum manibus peragendam pro viuorum & mortuorum etiam ipsorum peccatis: additis tamen tum viuorum qui sunt adhuc, vt ipsi loquuntur, viatores, tum mortuorum sanctorum in suis letaniis comprehensorum meritis. Mortui enim sancti, id est quos ipsi indigitarunt, tam multis meritis scilicet abundarunt, vt infinita supersit illorum copia, quæ, accepta ab emptoribus pecunia, his vel illis egenis isti distribuant. Ista verò an non tam absurda simul sunt & tam detestanda, vt mirum sit, quæquam adhuc vel tam amètem inueniri qui vel istis fidem adhibeat, vel tam profligati pudoris qui istorum abominationes tueatur?

De Christi verò intercessione quosnam istis melius statuissè dixerimus, qui tot illi myriadas intercessorum in cœlis, quanuis aliquantulo infra Christum inferiore gradu collocatorum, adiecerunt? Imo nullum præterit temporis momentum quo non isti sibi novos patronos seu intercessores comminiscantur, cuilibet etiam eorum sigillatim hoc vel illud munus assignantes. Quin & ipsam sanctissimam beatissimamq; Virginem matrem, ea iniuria afficere non dubitant, vt quæ sese ancillam Domini dixit, eam Regi-

*Intercessoris
muneris
(quod pars
est Sacerdotii
Christi)
occupatio.*

nam cœli & misericordiæ, suam spem & aduocatam vocitent, ac tanquam supremum numen colant & adorent: eo vsque progressi, vt etiam ab illa flagitent, vt maternæ auctoritatis iure filio suo imperet: quæ quum ita sint, audent tamen isti impudentissimis impudentiores affirmare, istud esse Deo in sanctis suis honorem tribuere. Atqui animaduertere saltem ipsos oportuerat, quoties vllæ preces ad eos qui ex hoc mundo excesserunt diriguntur, toties illos in Dei locum substitui: licenim illis tribui necesse est, id quod est vnius Dei proprium, nimirum cordium perscrutationem, ac omnium quæ in terris dicuntur & geruntur cognitionem, quod est sanè prorsus impium, & nullo pacto tolerabile, etiã si excipiant, sanctos istos hanc potestatem, non ex sese, sed aliunde & precariò obtinuisse. Deinde quum illis vnicus Christus intercessor minimè sufficiat, necessarium est ipsos de illius potestate aut voluntate ambigere: quæ incredulitas ex aduerso cum fide pugnat, extra quã quicquid sit peccatum est, & sine qua Deo placere nemo potest, Heb. ii. 6. Rom. i. 4. 23. Certissimum est igitur preces huiusmodi futes esse, & irritas hoc vno dubitationis & fluctuationis vitio reddi, iac. i. 6. Denique si quis quicquid vanæ stolidæque superstitionis gentes olim con-gesserunt, cū iis impuris ritibus cōferat Pseudoecclésię quam hodie Catholicam vocant, inueniet profectò recētem hanc inanitatem

ab illa vetere, non alia re quàm diuersis nominibus idolorum diffidere: hoc vno excepto quòd qui miseram plebem istis mendaciis pascunt, tenebras ornantes lucis appellatione, & sacræ Scripturæ lucem obscurantes, centuplo sunt prophanis illis gentibus solo naturæ lumine abutis deteriores.

Hi sunt igitur sodales siue consortes illi, *Expositio-
tionis Spon-
sæ conclusio.*
de quibus hoc loco Sponsa acriter conqueritur, optans vt ab illis liberata priorum gregi restitueretur, relictis gregibus quos sic appellans multitudinis numero, significat vnicam esse veram Ecclesiam catholicam, quum tot sint perfidorum illorum sodalium greges, quot sunt illorum sectæ, sic loquente Domino, Quicumque mecum non colligit, spargit, Matth. 12. 30.

Quod autē attinet ad hæc verba, *quasi delitescens*, variè ab interpretibus exponuntur. *Quam sit
infelix &
periculis ob-
noxius sta-
tus piorum
qui inter im-
pios degunt.*
Sunt enim qui ad eum habitum istud referant, quo Thamar sese adornauit, vt Iudam socerum suum deciperet, Gen. 38. 15. inde colligentes moris fuisse meretriculis velato capite incedere: quam sententiam si sequamur, perinde istud fuerit ac si Spōsa dicat futurum, vt si diutius cum illis commoretur, illorum scortatorum similis euadat, sicut plerunque euenire solet, & ipsis Lothi filiabus vsuuenit. Peruersorum enim familiaritate, & consortio diuturno vix fieri potest, quin turpissime maculæ contrahantur, sicut eos denigrari videmus quibus diutius in carbonaria ver-

fari contingit, qua de re seriò nos monet Apostolus, 1. Cor. 15. 33. Sic enim Deus propterea contagionis vitandæ causâ tam sollicitè suos Israelitas à Prophanis gentibus segregauerat, vt etiam ipsa vestitus specie à cæteris gentibus differrent. Hinc illi clamores Dauidis exilij sui tempore, Psal. 45. & 120. & aliis passim locis, de quo nos etiam diligenter admonet Apostolus, 1. Cor. 5. 11. Quod vrinam nò pauci sese istis monitis præstitissent obsequentiores, quorum præsens status miserimus ac maximè deslendus est, vtpote qui sese Leonis raptoris vnguibus laniandos vltro præbuerint. Hæc igitur doctrina quæ ex huiusmodi interpretatione eruitur salutaris quidem est atque adedò pernecessaria: sed quod ad istud dicendi genus attinet, vereor ne firmo careat fundamento. Nec enim est verisimile impudicas illas mulieres quæ ex suo corpore quæstum facerent, & sua præcipuè forma illaqueandis viris abuterentur (vt earum artes describit hîc ipse Solomon, Prou. 6. 25. & 7. 10.) vultum operire consueuisse. Nam hac certè ratione vix à pudicis & honestis matronis, quarum mos erat velari, discernere meretrices licuisset. Neque dicit Moses Thamaram habitam fuisse pro meretrice, eò quòd texisset faciem: sed hoc potius innuit, illam minimè agnitâ fuisse Thamar à Iuda pro nuru sua, quoniam viduitatis vestitu deposito, faciem obtectam haberet: quam tamen idcirco meretricem esse putauit,

nit, quòd alioqui exculta & ornata, & sola in triuio consideret. Idcirco nonnulli vocem illam interpretantur quasi diuortia quærentem, atque ab itinere deflectentem, quoniam interdum apud Hebræos ista significatione vocabulum istud vsurpatum inueniatur: ac si diceret Sponsa fore vt, quandiu apud eiusmodi nepharios versabitur, vagari & errare cogatur. Sed ista malo simpliciore sensu sic accipere, vt sese testetur Sponsa non posse inter istos impios versari, quin sibi sit acerba vita, vt omnino vel latebras quærare cogatur, vel faciem ipsa sibi operire ne sit tot scelerum spectatrix, aut quomodo illis vel nutu indicet assentiri, sicut professus est Dauid sibi tam inuisos esse Deos alienos, vt ne nomina quidem illorum sustineat appellare, Psalm. 16. 4. & Apostolus itidem nos admonet, vt non solum à malo, sed etiam ab omnibus quæ mali speciem præ se ferunt abstineamus, 1. Thessalonic. 5. 22. Quinetiam sic testatur Petrus iustum Lothum afflixisse animam suam iustam, quum scelera Sodomitarum cerneret vel audiret: rectius tamen facturum si vel nunquam ab Abrahamo diuertisset, vel ad ipsum reuertisset.

Faxit autem Dominus vt sacram hanc doctrinam assiduè meditemur, omni quidem tēpore, sed nunc in primis prorsus necessariā in hac tanta caligine, qua conatur Satanas

*Conclusio tē-
tius supe-
rioris tra-
ctationis.*

tanta cū spiritus erroris efficacia lucē illā la-
 rissimam nobis rursū diuinitus missam in
 tenebras conuertere: ne sese rursū excāca-
 ri sinant illi quibus ipsemet Dominus ocu-
 los aperuit, contrā verò vt benignitate sin-
 gulari sua iis qui adhuc in tenebris & in vm-
 bra mortis versantur, hoc donum veræ lucis
 impertiat. Denique vt omnis lingua hono-
 rem ac gloriam Domino Deoque nostro in
 vera ipsius Ecclesia exhibeat, per vnicū
 nostrum Mediatorem Iesum Christum: qua
 in re quū ad hunc vsque diem ignaui

& ingrati officio nostro | defueri-
 mus, veniam ab ipso toti-
 dem his verbis pete-
 mus. Omnipo-
 tens, &c.

* *
 *

IN

IN CANTICVM CAN-
TICORVM HOMILIA
VNDECIMA.

Auxilium nostrum sit à Domino, &c.

Quod sequitur extat in Cap. I. vers. 8.

8 Si tibi hoc ignotum est, ô pulcherrima inter mulieres, egredere, sequuta vestigia gregis, & pascue capellas tuas apud mapalia Pastorum.

QUum veritatis notitia cunctis in rebus sit nobis itineris recti verus index, neque sit quicquam salutē pretiosius, utpote quæ nos ultra huius quoque vitæ metas deducat, efficitur nihil esse veritatis ignoratione, in iis rebus in quibus nostra sita est salus, ac proinde verarum Ecclesiæ notarum deformatione perniciosius, quum extra Ecclesiam nullus salutari veritati sit relictus locus. Hoc autem illud est quod nunquam vel factum esse vel fieri posse falsi Pastores student incautis persuadere, quoties Domino placet veritatis suæ contemptum gravissimo illo flagello vlcersci: Atqui notas Ecclesiæ non semper splendere & nitere non modo liquet ex iis quæ sæpe Dominus interminatus est ac etiam exercuit, tum apud Prophetas (velut integris Psalmis 44. 79. & 86. & Psal. 89. 39. Iesa. 29. 14. & alibi) tum noui fœ-

*Sathan ab
omni ano a-
dulterauit
veræ Eccle-
siæ notas.*

deri tempore (vt Matth. 24. 24. Act. 20. 29. 1. Timoth. 3. 1. 2. & 2. Thessal. 2. 6. 1. Ioh. 2. 18.) sed etiam experientia omnium temporum confirmat, vt est à nobis superioribus con-
 cionibus demonstratum. Hic ille igitur est
 status in quo nobis proposita est afflicta ia-
 cénisque Ecclesia verbis supra explanatis:
 nutans penè ac incerta quónam sese rebus a-
 dcò perturbatis conuerteret.

*Ecclesia ve-
 ram suam
 speciosam
 formam co-
 ram Deo re-
 tinet, quan-
 tumuis illā
 Satan in ter-
 ris deformeret.*

Diligenter est igitur animaduertendum
 quid ille suæ Sponsæ respondeat qui solus
 propriè quid hoc rei sit intelligit, vt qui sit
 ipsamet veritas, neque suos opis indigos vn-
 quam destituit. Sic igitur Sponsæ responderet,
 vt breui quadam præfatione ipsam erigat &
 soletur, formosissimam mulierum illam ap-
 pellans: ac si diceret, Etsi te, mea Sponsa,
 fuscā & oberrantem video, mihi tamen
 apparere non desinis formosa, & quidem
 pulchritudine minimè vulgari, & quam alia
 iactare nulla possit. Et ita quidem agere con-
 suevit Dominus cum Ecclesia sua, castigatio-
 nibus subiiciens consolationes, teste his ver-
 bis Esaia, apud quem quum paulò antè dixisset
 Ecclesia, Æternè Deus præstolamur te in
 iudiciis tuis, sic inducitur mox Dominus illi
 respondens, Vade, popule mi, & ingredere in
 conclauiam tuam, & post te claude ostia tua:
 lateas paululum, vel ad momentum, do-
 nec prætereat indignatio, Esaia 16. 8. & 16.

*Ecclesia
 quantumuis*

Porro hæc consolatio duplici firmamen-
 to, & quidem utroque à benignitate Dei pro-

profecto, nititur. Primum quod nunquam *aslu Satanae*
 pati possit Deus, vt veræ religionis princi- *deformata*
 piorum ac fundamētorum notitia in Eccle- *perseuerat*
 sia sua penitus aboleatur: licet illorum non- *esse Ecclesia,*
 nulla variè multis locis torqueri, ac interdū *contra Ca-*
 etiam domi & foris falsis interpretationibus *tharos &*
 corrumpi ab his & illis contingat, adeo vt *Donatistas.*
 penes paucissimos integra & illibata maneat
 illa veritas: sicut accidisse videmus in Israele
 viuente Elia Propheta, & in regno Iuda, non
 semel in ipsa Hierosolymorum vrbe, quum
 Dominus ipse præsens ibi conspiceretur. Al-
 terum autem huius cōsolationis firmamen-
 tum, in eo situm est, quòd benignissimus ille
 Pater non simpliciter considerat, & agnoscit
 Ecclesiā, prout ipsius donis ornata refulget,
 vtpote quæ sæpe tam obscura sint, vt vix ab
 hominibus conspici possint: sed illam in illo
 firmissimo fœdere suo, atq; adeò in filio suo
 cui illam despondit contemplatur, in quo
 vno verè iam nunc cernitur non tantum
 omni labe & macula carens, Coloss. 1. 22.
 verum etiam, quod potius est, induta illa
 absolutissima reconciliatoris & obedientiæ
 iustitia, Phil. 3. 9. Itaque licet apud nonnullos
 de doctrinæ vno aut altero capite cōtrouer-
 tatur eoque fortassis præcipuo, (quæ est alio-
 rum quidem infirmitas, aliorum verò impro-
 bitas) non ideo tamen statnendum est nul-
 lam ibi esse Ecclesiam. Testis est huius rei
 Corinthiaca Ecclesia, in qua contigit, vt a-
 apud nonnullos resurrectio mortuorum

in contentionem veniret. Testis est quoque Galatarum Ecclesia ita concussa, vt non minima ex parte videri possit funditus corruisse Gal. 1.6. quas tamen propter hos n̄uos non desuit Paulus dignari Ecclesiarum appellatione, vtpote quas ipsemet fundasset: sequutus in ea re id quod aliis præcipit, Rom. 14.1. Itaque vetusta illa Catharorum & Donatistarum deliria, nunc in quibusdam Anabaptistis renata, qui perfectam ideam puritatis Ecclesiæ requirunt, quam se assequutos esse somniant, sunt penitus damnanda.

Babylon Occidentalis extructa in media Ecclesia, nihil minus est quam Ecclesia: sed Deus ex illa eduxit & educit quotidie suos, admirabili cum clementia excitatos.

Certè longè aliud est de re quapiam quam non n̄oris discendi studio disceptare, quàm pertinaciter sese veritati opponere, ac tandem etiã doctrinam prorsus ab articulis fidei Christianæ discrepantem tueri & auctoritate sua confirmare. Sic tandem hodiernæ Ecclesiæ Romanæ vsuuenit, ideo sane nomine Ecclesiæ Christianæ non aliter dignæ quàm olim regnum decem Tribuum populi Dei nomen merebatur, postquam ad impietates Ieroboami filij Nabath apertè defecisset: etiã si, vigente illa defectione, restabant nonnulli Dei electi, quos ipse sensim collegit, suâque benignitate fouit, ad diem vsque exitij illius regni, quale Babyloni quoque Occidentali imminet. Itaque non inficiamur patrum nostrorum ætate Ecclesiam, id est veros filios Dei, nonnullos in media colluie tanquam cōclusos fuisse, Nam etiã ex scriptis quoque monumentis probari potest singulis

gulis seculis extitisse idololatriam, & superstitiones detestatas in illa Babylone inualescentes: quam etiam ante 300. annos quidam eorum poeta, templum hereseion appellauit, & in qua propterea, id est electorum causa, non est passus Dominus, vt Baptismus, vtpote Ecclesiæ Christianæ tessera aboleretur: sed inde tamen non efficitur hanc Apostolicam sedem, & quæcunq̃e cum illa coherentes, à vera Ecclesia ex diametro dissident, vnquam veram Ecclesiam fuisse vel esse. Nec etiam dubitemus nostra hac ætate qua Domino visum est prostratum vexillum suum rursus erigere, multos adhuc in ea lacuna tanquam immerfos degere, quoad æternum Dei decretum ad veram illam Ecclesiam pertinentes, qui paulatim, prout Deo placeat, ex illa voragine emergētes, re ipsa suo tempore fiunt Ecclesiæ veræ membra. Huius rei vos quos hic præsentibus alloquor, testes certissimi estis, & quotquot ex illa Babylone nostris temporibus Dei manus eduxit. Hæc illa est igitur cōsolatio cuius hic fit mētio, ex qua docemur, quid sit respōdendū impudētissimis illis rabulis qui Ecclesias nostras vt nouas inchoant ab illis præstantissimis viris & fidelibus Dei seruis, diuinitus annis ab hinc septuaginta excitatis, non vt nouam Ecclesiam fundarent (vt illi falsissimè nominare nostros cœtus consueuerunt) sed vt miseris ouiculas, Pastoribus destitutas, & inter lupos illos dispersas recolligerent, quos hæc

Sponsa ementitos Iesu Christi sodales appellat, ut est à nobis abundè suprà declaratum. Addit deinde Sponsus *Si tibi istud ignotum est*, quasi diceret, fieri ne potest, mea Sponsa, ut penitus oblita sis eius quod à me postulas, id est ubi mea sunt pascua, & ubi pecus meum colligam sub meridie quieturum? Neque id verò Sponsus ait exprobrandi animo, vel ut eius mœrorem augeat: sed potius ut quasi sopitam excitet, & commoveat, ut seipsam melius scrutetur: haud secus ac si quempiam languentem hortaremur tantùm ut aliquid auderet, monentes adhuc ipsi plus virium superesse quàm ipse sibi persuasisset. Hic igitur sese rursus admirabilis Dei bonitas erga suam Ecclesiam exerit, nos commonefaciens, ut languesciente in nobis fide & spe, duo contraria extrema vitemus: nempe ne vel, Petri exemplo, nobis ipsis freti quidpiam supra vires aggrediamur, quod illi tam malè cessit; vel torpere in nobis Dei dona per ignaviam sinamus, ut Apostolus discipulum suum, Timotheum studiose monet, 1. Timoth. 4. 14. Nimis enim sæpe contingit, ut præclaras à Domino concessas nobis dotes, quas habere nos non sentimus, pusillanimitate quadam nobis effluere patiamur, quibus nos tandem indignos ostendimus, ut in talentorum parabola nobis ostenditur, Matth. 25. 28.

*Exeundum
est ex Ba-
bylone aut
cum ea per-
eundum.*

Hæc autem præfatus Spōsus, illam in primis admonet ut emigret, quemadmodū olim iussus est Abrahamus patrio solo & domo paterna

paterna excedere, Gen. 11. 33. & postea Prophetam populum compellans. Ier. 51. 6. Exite, inquit, ex Babylone, fugite ex Chaldaea: ac demum Angelus, Apoc. 18. 4. Exite, inquit, ex illa mi popule. Nam certè vera redeundi in rectam viam ratio à qua aberratum est, in eo posita est, non ut in eadem semita pergat qui aberrauit: sed contrà ut, ea relicta, quam citissimè fieri potest, iter repetat à quo deflexerat. Quod si quis hic roget, an iste qui hic præcipitur recessus necessariò loci mutatione requirat: respondeo non semper hanc esse necessariam. Præcipuus enim hic discessus est, à mendacio ad veritatem transitio, quod ad doctrinam attinet: quoad mores autem, auersio ab iniquitate, & puritatis amplexatio Psal. 119, 2. Timo. 2. 19. quod in sacris literis intelligitur conuersionis appellatione.

Sed in hoc argumento magna occurrit exemplorū diuersitas atque adeò repugnantia. Iosephū enim videmus in Aegypto mansisse: itidemque Danielē & eius socios Chaldaeam minime deseruisse. Mosē contra ex Pharaonis aula sese subduxisse legimus. Iudæis etiam quibus graue fuit in patriam reuerti quum iam tertium illis paterent fores pessimè cessit hæc ignauia & cunctatio: Quid igitur in hac diuersitate statuendum? Huius certè difficultatis explicatio minimè fuerit iis difficilis, qui sibi ipsis minimè aduantes, sincerè sibi pro scopo tum Dei gloriam, tum charitatē proximo debitam pro-

*Exemplorū
Iosephi, Danielis, & Mo-
sis applica-
tio ad præ-
sentem Ec-
clesiæ Chri-
stianæ sta-
tū, in Baby-
lone captiue*

posuerint, suas denique vires ad illud vtrumque præstandum diligenter secum expendierint. Basis igitur huius totius deliberationis hæc est, Deo prorsus esse (sine vlla exceptione) ita vt ferunt eius mandata studiose obtinenda, sic vt neque retrocedamus, neque vel ad dextram vel ad sinistram declinemus, Hoc posito, si quis ibi sit vbi verbū Dei purè annuntiatum audire possit & Sacramentis à Domino ad nostram fouendam & augendam fidem institutis frui, superest illi quiddam præterea ex ipsius Christi monitu considerandum: nempe vt rationes suas subducatur priusquam ædificet aut prælietur Luc. 14. 18. In primis igitur oportet vt secum reputet num satis habeat virium quibus, fauente Deo, sperare audeat parem se futurum superandis insultibus & violentis impressionibus quæ pietatem apertè proferentibus inter profanos & superstitiosos haud dubiè imminent. Deinde an eo sit donatus fidei & zeli robore, quo fretus sibi à malis infinitis exemplis subinde occurrentibus cauere possit. Quisquis igitur sese, Dei beneficio, talem esse non temerè existimat, auctore in loco non mutabit, sed potius suaserim vt officio suo defungens, tanquam fax splendidissima in medijs tenebris refulgeat Phil. 2. 11. quanquam nihil prohibet quominus qui alicubi suæ conscientiae & saluti consulere non incommode potest, meliorem etiam conditionem, si ubi fuerit sibi oblata, amplectatur. Cæterum iis
qui

qui munere publico, præsertim ecclesiastico alicubi funguntur, summopere cauendū est, ne periculorum metu terrefacti ab officio discedāt, quod ipsa quoque vita multò charius ipsis esse debet, vt suo nos exemplo cuncti pij fidelisque Dei serui docuerunt, & quidem inter cæteros Iosephus & Daniel. Sunt autem ijdemum existimādi stationem suam deferere qui loco redūt, vel hominum metu, vel alicuius priuati commodi causa, vocationem suam minime perpēdentes esse Dei vocem, cui sit vltro, siue stare, siue discedere iubeat, obsequendum: digni profectò qui ab Imperatore suo exauctorentur, vel etiam vt quasi emanfores vel potius transfugæ puniantur. Sanctè igitur Abrahamus, accepto Dei mandato, patriæ cognatisque subitò valedixit. Est enim omnis legitima & obligatoria vocatio, quasi ipsius Dei vox auribus ipsis insonans, ad cuius præscriptum vel sit permanendum vel demigrādum. Mosem autem speciali quidem monitu iussū fuisse non legimus vt aulam Pharaonis relinqueret Heb. ii. 24: sed præterquàm quòd nullo munere publico legitur fuisse Pharaoni obstrictus, ea quæ mox illius ex aula discessum sequuta sunt satis ostēdunt illum peculiari sancti Spiritus motu fuisse impulsū: quod etiam demonstrat aperte Stephanus Act. 7. 22. Danielem contra credere par est, nisi mors illum in extrema senectute in Perside oppressit, munere suo publico quod optima fide ad Dei

gloriam & populi tuitionem exercebat, fuisse, quominus cum cæteris in patriam rediret, quasi iniecta ipsius Dei manu retentum. Vt ibi quoque tum Esdras tum Nehemias aliquandiu post Cyri & aliorum regum edicta restiterunt: idque singulari Dei providentia, ut tanquam succenturiati & pro subsidio collocati extremum agmen populi rurtim redeuntis firmarent: At ij certe non habent quod ignavia suæ prætexant, qui tanta opportunitate reditus neglecta, in profanarum gentium sordibus hæserunt. In summa in huiusmodi angustiis nequaquam defuturum est rectum & sanum consilium iis qui sincerè gloriæ Dei studebunt, & suæ conscientia tranquillitatem quærent. Neque verò istud fuerit gratiam Dei cuiuspiam regioni assignare, vel alicuius vrbis mœnibus cōcludere: quum ubique Deo puris sublatiis manibus sit seruiendū 1. Timot. 2. 8. sed contrà huiusmodi doctrina eò tendit ut omnes intelligant ei quem Deo debemus cultui cuncta sine exceptione esse postponenda, illo præsertim tam preciosa iis pollicito, qui ipsius causa domos, fratres, parentes, uxorem, liberos, cuncta sua denique reliquerint, quantumuis illos mundus inter stultos & insanos habeat.

*Non exit ex
Babilone
quisquis locum
mutat.*

Hinc etiam admonemur minimè sufficere simplicem à superstitiosis vel etiam deterioribus aliquibus discessum: Nihil enim prodest mutare locum, nisi veterem illum hominem exuamus, & quum eò appulimus ubi
purius

purius & liberius licet Deum colere, illud re ipsa præstemus. At istud certè non omnes præstant, ut magno meo cum dolore fateri me cogit veritas. Sunt enim Eheu nimium multi, qui tantum absunt ab eo ut vel sint istiusmodi emigratione mutati, vel meliores euaserint, ut contrà ex quo sese ad nos receperunt, usque adeò facti sunt deteriores, ut eos præstiterit & nostra & ipsorum causa, vel nunquam ad nos aduenisse, vel eò vnde venerunt semel reuerti.

Nihilo magis hæc doctrina hypocritis illis Monachis patrocinator qui sese iactant mūdū, sectandi Iesu Christi causa, deseruisse: quod tūc demum verum esse conperietur, quum probauerint suæ quam vocant regulæ auctorem esse Christum: & doctrinam Apostolicam amplecti, demonstraerint idem esse atque in monasterium ingredi, ut ibi ex alieno viuant, & alij sese in onagros trāsformant: alij meri ventres & omasi euadant: alij infulas & pileos aucupentur: alij falsitatis omnis fautores & patronos sese ex professo constituent: (quales sunt in primis hodie nuper illi nati Capucini, & qui pretiosum illud Iesu nomen ausi sibi vendicare, ruentis Antichristi solium fulciunt) alij denique miserrum animas, quasi procuratoriis instrumentis apud Dei tribunal muniti, venalibus precibus & meritis nundinentur, Deum ipsum scilicet, si fides ipsis habenda est, subductis suorum meritorum rationibus obstrictum

*Monachismū
amplecti non
est Mundum
deserere. 1*

tenentes. Quum hæc inquam, isti ostenderint ex Apostolorum & Prophetarum doctrina desumpta, id est tenebras esse lucem, tū certè in illorum sententiam transibimus. Sin minus, absit vt illorum putidissimis mendaciis assentiamur : quātumuis monasticam vitam, inter cæteros ex veteribus quidam (quod illius pace dictum sit) vir alioqui eximius donis ornatus, neque de ista pseudomonachorum colluie quā mox Sathan euomuit loquutus, sed solitariae vitæ opinione iam tum inualecente fasciatus, eò vsque extulerit, vt cuidam etiam suaserit per calcatum patrem ad monasterium pergere: hyperbola plane pharisaica, cuius fit mentio Matth. 15. 6. & contra Dei leges, de votis etiam legalibus & diuinitus institutis aliter prorsus statuētis. Num. 30.

Falli vehementer illos qui Babylonem & Ecclesiam inter se conciliare student.

Hoc igitur primum ac præcipuum statuatur necesse est quisquis sese cogitat Ecclesiæ veræ cætus adiungere, falsam Ecclesiā esse incūctāter alacrique animo eiurandam atque deserendam vt admonemur Luc. 9. 6. & Phil. 3. 3. quū disertis etiam verbis Psal. 45. 11. iubeatur Sponsa, si modo Sponsa grata & accepta esse velit, patriæ suæ & paternæ domus obliuisci. Istud verò vtinam ij præsertim etiam atque etiam cogitent, qui hac ætate, in vtramuis partem claudicantes, ignem aquæ consociare se posse somniant, & transformers Ecclesiæ vocant, quibus curæ est illam ad verbi Dei præscriptum instaurare: deteriores certè homines quā qui apertū veritati bellū indixerūt.

Cæterum

Ceterum quoniam ab vno diuerticulo in aliud trāsire, nihil eum iauat qui à recta via deflexerit, sed magis etiam illum extra viam abducit: ideo Sponsa admonetur vt à spuris illis matris suę filiis discedens, confestim veri gregis vestigia relegat, & repertis pastorebus adhæreat. Hoc autem vt cuiusmodi sit planè intelligamus & secundum illud nos componamus, tenendum est longè aliud esse nouum aliquod iter aperire, quàm vetus iam pridem tutum, sed viatorum paucitate defectum & sentibus oblitum repetere. Quoniam igitur hoc loco non agitur de noua instituenda via, quasi tunc demum inchoanda fuerit Ecclesia: sed de repetenda via longa defuetudine oblitterata: idcirco ad antiqua vestigia Sponsa hoc loco amandatur. Id ipsum est autem quod prædicarunt Prophetæ, vt pote qui in temporum suorum angustiis auos & vagantes perpetuo ad legem & ad testimonium reuocent Ies. 8. 20. & alibi passim. Sic etiam Abrahamus apud Luc. 6. 29, Mosem (inquit) habent & prophetas, illos audiant. Quibus etiam suffragatur Petrus 2. epist. 1. 20. non oblitus sermonum magistri qui cæcos ad scripturas relegās, Scrutamini, inquit, scripturas: nam illæ testantur de me Ioh. 5. 39. Et tamen, quum sic loqueretur Dominus, ita verarum priscarum ouium vestigia vix apparebāt in eo ipso populo qui Deum Patrem & auctorem iactabat, vt illas miraculis ac signis minimè vulgaribus opus fuerit quasi notari,

*Aliud esse
nouam viam
aperire, quā
ad verum
vetus iter
regredi. Ea
quodnam sit
hoc vetus
iter.*

vt à redimitibus recognoscerentur Matth.
9.36.

*Duo sunt
Patrū gene-
ra, & varia
hic occur-
runt viarum
diuortia, di-
ligenter ob-
seruanda &
euitanda.*

Quotiescunque igitur ex hoc loco aduer-
sarij sine discrimine asserunt patrum tradi-
tionibus ac vestigiis insistendum esse: memi-
nerimus Sponsam nō quōuis, sed ad certum
quendam reuocari, id est, ad verarū ouium
aggregationem. Duo sunt enim patrum ge-
nera, quorum non pauci & decepti fuēre &
alios seduxerunt, de quibus conquerens Do-
minus apud Ieremiam, Deseruerunt, inquit,
legem meam quam ipsis tradidi, neque audi-
uerunt vocem meam, neque ambulauerunt
in ea, sed sequuti sunt peruersam libidinem
cordis sui, & post Baalim quos docuerunt
eos patres ipsorum Ier. 9.13. & Ezech. 20.24.
post idola, inquit, patrum suorum fuerunt
ipsorum oculi. Hi sunt igitur patres quos
deuitare nos decet, alioqui cum ipsis peritu-
ros, vtpote quibus gregis huius nomen mi-
nimè conpetat, quoniam oues non sunt, quæ
vocem pastoris non audiunt & ipsum non
sequuntur. Ioh. 10.27. Ad veros autem Patres
& antecessores quod attinet, ij demum sunt
quorū vestigia studiose sunt à nobis digno-
scēda, à quibus neque ad extreram, neque ad
sinistram deflectamus. Sic isto nostro seculo
variae sunt ac multiplices falsæ religiones &
sectæ, quæ omnes sese pro vera Ecclesia ven-
ditant, Ecce hinc Iudæi, inde Turcæ rectam
religionem sibi vendicantes. Atqui Alcora-
num constat esse recens inuentum, itaque
non

nō possint Turcæ per huius gregis vestigia intelligi. Iudæi verò hodie, & ex quo euersum est eorū templum cum tota ipsorum politia, speciem quidem veræ religionis, & gloriantur de vero Deo à Mose & prophetis annunciato, sed frustrà quum illum non agnoscant, immò blasphemant, ad quem nos reuocāt lex & Prophetæ Ioh. 5. 39. Luc. 24. 27.

Ecce verò alia ex parte Romano throno addicti, antiquitate longa serie episcoporum, fœderis deniq; vtriusque tabulis prolatis, Ecclesiæ Catholicæ nomē sibi vēdicāt: quib⁹ respondemus, quum hierarchiæ quidem ipsorum qua nituntur opus, partim ex officina humana prodierit, quod paulatim in manifestam Antichristianā tyrannidem euasit: doctrina verò quæ ab ipsis prædicatur ex diametro scriptis Prophetiis & Apostolicis repugnet, hanc illam viam esse non posse veteris Ecclesiæ Apostolicæ pedibus tritam, quā tamcunque annorum & episcoporum feriem proferant. Idem omnino de Anabaptistis & Libertinis statuendum, sua deliria interferētium scripturis diuinis & suos enthu-
Successio Episcopalis Babylonica nullo certo fundamento nititur.
 siasmicos venditantium. Nec aliter etiam est de cæteris seu veteribus, seu interpolatis, seu recens natis hæreticis statuendum, quibus omnibus commune istud est quòd sese non continent intra doctrine Apostolicæ & Propheticæ fines, vt est canonicis libris idcirco perfectè comprehensa, vt essent nobis & contextus & certa eius interpretatio.

*Quenā sint
vera Ec-
clesiæ ma-
palia ad
quā amāda
tur Sponsa.*

Hæc itaque causa est quamobrem Sponsus suam Sponsam monet de quærendis pastorū tuguriis : fidos videlicet Ecclesiæ pastores docens esse peruestigandos, & ex ipsorum tū sermonibus tum scriptis dignoscendos, ut qui semper fuerint vero gregi perfugium & tutus receptus. Nam reuera vnicus & singularis est grex iste Catholicus, id est, generaliter consideratus, & ex quibusvis populis collectus, siue paruus siue magnus: sed tot sunt causæ siue tuguria illi recipiendo & paciendo gregi, quot locis verorum pastorum id est Apostolorum & Prophetarum vox auditur, & ad fines vsque seculorum audietur, ex fidelium pastorum ore qui illis successerunt & succedent, ut tota ouium illarum multitudo ad hanc vocem collecta, ad illum vnicū pastorem Spōsum videlicet adducatur.

*Cur Solomō
faciat ex-
pressam ma-
paliū mē-
tionem.*

Sed & fortasse Sponsus his verbis vtens ad Abrahamum, Isāacum & Iacobum speciatim respexit, qui re ipsa vitam pastoritiam egerunt, ut plerique omnes prisca patriarchæ, ac ipse etiam Moses, quum inter Madianitas degeret, ad quorum etiam familias sanctamque disciplinam amandatur Sponsa. Certum enim est tum ipsos fuisse veros pastores tum eorum doctrinam synceram, ipsorum denique domos ac familias (si refractarios ac prophanos quosdam exipias, veluti Ismaelē & Esauum quos potius in illis quàm ex illis domibus fuisse dixerimus) veram Dei Ecclesiam extitisse. Nec illud etiam prætereūdum, disertè

disertè nominari pastorum caulas, quod illorum historiæ consentaneum est: vixerunt enim illi reipsa in tabernaculis tanquam in hoc mundo peregrinantes Heb. II. 9. Immo sic quoque docemur Ecclesiam minimè quærendam esse intra turratas basilicas, aut pyramidas sublimes, & reliquum eiusmodi terrenum luxum, sed potius ex vilibus & vulgaribus hominibus compositam Luc. 14. 21. & 1. Cor. I. 16. cuius etiam caput & princeps Christus in stabulo nasci, & vti vulgari victu voluit Matth. 8. 20: Quod si nobis hic quispiã obiciat tabernaculi ornatum splendidissimum, & Solomonici templi incredibilem pene magnificentiam, & tum ipsius Solomonis opes, tum populi sub illo rege diuitias tantas vt argentum non pluris fieret quàm lapides 2. Chroni. 9. 27. respondeo omnem illum apparatus atque cultum sacerdotij Leuitici, ipsiusque templi opes, figuras fuisse diuitiarum spiritualium æterni templi Dei, nempe Domini nostri Iesu Christi sub Legis pædagogia, quæ penitus abolita est, & vnà cum suis appendicibus euauit. Ad opulentiam verò populi quod attinet, equidem non inficior Dominum his etiam præsentis vitæ commodis dignatum fuisse populum suum, quoties sic illi visum est, cuius cultui adiunctæ sunt & huius præsentis & futuræ vitæ promissiones 1. Timot. 4. 8. Neque etiam nego, Deum in Ecclesiam suam tum diuites tum pauperes adsciscere quos & quot ipsi

placet, teste Lazaro mendico in Abrahami diuitis sinu requiescente, Luc. 16. 23. Sed hoc dico, basilicam illam conuiuij quæ commemoratur Luc. 14. 13. ab omni æuo fuisse potius infirmorū, claudorū, cæcorum è medijs plateis petitorum turba refertam, quàm opulentis & magnificis conuiuiis qui in Regum domibus versantur. Matth. 11. 8. Addo insuper, tametsi neque ex diuitiis neque ex paupertate vera Ecclesia sit discernenda, tenuitatem tamen atque ideo inopiam immò etiam crucem esse perpetuas illius comites. Neque verò nunc ago de crucibus aureis vel argenteis quas isti in idola detestabilia transmutarunt, sed crucem illam grauē intelligo, humeros nostros prementem, & hostem carnis perpetuam. Aio præterea locupletes illos qui in Ecclesia floruerunt neutiquam ex Ecclesia fuisse, quatenus opibus istis corruptibilibus abundarunt, sed quatenus pauperes fuerunt diuitiis vtentes ac si nullas haberent, vt nos monet Apostolus 1. Cor. 7. 33. 1. Timoth. 6. 17. & seipfos vsque ad eò emaciātes vt per acus foramen transire possent Matth. 19. 24. Thesauros denique suos reponentes in cælis Matth. 6. 29. Dauidis illius diuissimi atque piissimi regis exemplo Psal. 16. 5. Affirmo denique analogiam & conuenientiā mutuam esse oportere inter ædificia & instrumentum Ecclesiæ & doctrinam ibi sonātem, que luxum omnem respuit, & Ecclesiæ

bona

bona viuis extruendis lapidibus impendit
1. Pet. 25. vt Apostolorum temporibus facti-
tatum fuit Act. 4. 35. & quandiu (sicut iam o-
lim ex Patribus quidam scitè dixit) aurei qui-
dem erant, vasa verò sacra lignea.

Magnopere igitur iam inde à Constantini *Reprehensio*
Magni temporibus peccarunt veteres epi- *luxus in locis*
scopi, qui non modò sustinuerunt, sed etiam *sacris, & re-*
affectarunt, suisque cohortationibus effece- *liquo Dei*
runt, vt tam immodicis sumptibus templa *cultu Chri-*
erigerètur, nulli certè vsui aptiora quàm re- *stiano, unde*
darguendis & petitoribus & donatoribus & *facti vt Ec-*
illorum quidem auaritiæ, istorum verò am- *clesia sit in*
bitioni oculis ipsis spectantium demonstran- *officina am-*
dæ. Et hinc certè palàm est euenisse vt spiri- *bitionis &*
tualis illa Ecclesiæ Christianæ pulchritudo *auaritiæ*
in futilissimam vanitatem ac luxum non *transforma-*
simpliciter mundanum sed plane epicureum
transierit: licet huic turpitudini religionis
cura prætexatur: hinc autè etiam constat quã
sit desperata illorum impudentia qui tam
falsis & tam ridiculis fabulis ausi sunt Aosto-
lorum historiam, vt est Lucæ à Sancto spiritu
dictatata, conspurcare: nihil veriti sanctos
Christi Apostolos, in templorū architectos,
crucium fabricatores, aquæ lustralis asperso-
res transformare. Quæ (Deus immortalis) i-
storum nullis piaculis diluenda audacia fuit,
qui Petri scilicet patrimonium partim à
principibus emunxerunt, partim infinitis
sceleribus arripuerunt? Quæ belluæ illius,
monstri, inquã, illius horrèdi, triplici corona

superbientis abominatio, quod hominum
 humeris gestatum, vsque ad crepidæ oscu-
 lum adoratur? nunquid tale Petrus ipse cu-
 ius iste se successorem in Apostolatu, immò
 (proh scelus) in principatu iactat? Act. 10. 26. 1.
 Pet. 5. 3. Ad quid pompa illa speciosa, partim
 ex manubiis ac spoliis regum & principum
 orbis terrarum, quos hæc meretrix philtres
 suis fascinauit, conflata, partim ex piorum in
 spiritualem Ecclesiæ vsum collationibus, per
 sacrilegium auersis, concinnata? ne scilicet
 vana fieret Apocalypsis prophetia tam ex-
 pressa, vt etiam nominatus sit locus & officina
 tantæ confusionis. Neque sane hæc no-
 stra est interpretatio, quum eum locum ita
 exposuerint veteres tum græci tum Latini,
 quorum scripta ille ipse Papa non audet pa-
 lam improbare. Quid præterea existimabi-
 mus de innumerabilibus illis Patribus &
 Fratrueillis, paupertatis, scilicet, voto adstri-
 ctis, impudentibus mendicabilis, quorum
 impudentissima mendacia lapides ipsi & ma-
 gnifica ipsorum palatia refellunt? Quid de
 istis locustis, & occidentalibus psitacis sen-
 tiendum quas recens euomuit abyssus? ex
 quorum præsertim fœce emerferunt dete-
 standi illi sanctissimi nominis Iesu propheta-
 natores, qui, aliorum accipitrum nidis occu-
 patis, exiguo temporis spatio, plus opum
 hinc inde corraferunt, quàm per totos quin-
 gentos annos ab aliis omnibus accumulari
 potuerint? qui quidem mihi in mentem re-
 uocant

quod à Physicis traditur, serpentes videlicet serpentibus deuoratis, dracones euadere. At nos tenuitate nostra contenti, casulas ac tuguria priscorum fidelium pastorum hoc loco commemorata, toti illi pópæ & fastui mundano, alacri animo opponamus: ibi veram Ecclesiam non autem in illo prophanae illius opulentiae splendore inuenturi, in quo regnum exercet princeps huius mundi, nomen Ecclesiae sibi attribuens. Nos, inquam, Mo-
sis exemplo, calamitates populi Dei & Iesu Christi opprobrium, cunctis Aegyptiorum thesauris anteponamus Heb. ii. 25. in hoc, inquam, rege nostro acquiscamus: sic in cœ-
lis gloria coronato vt interim adhuc in ter-
ris in mēbris suis spineā illā coronam gestet Col. i. 24. Istos autem contrā semel missos faciamus, qui Christi spolia inter se partiun-
tur.

Cæterum vocem illam Hebraeam quam Mapalia siue Tuguria sumus interpretati, quamuis sæpe pro quouis domicilio acci-
piatur, sic tamen hoc loco vsurpari constat, ex eo quod Pastoribus attribuat: quales etiam Abrahamus, Isaacus & Iacobus re ipsa fuerunt, ac etiam Moses quandiu in desertis Arabiae vixit, & Dauid ex ipsis caulis ad re-
gnum assumptus. Sic autem præter illa de quibus antea diximus, admonemur à Spiritu sancto, quemadmodum ea est Pastorum con-
ditio, vt sæpe ex vno loco in alterum demi-
grent, ideóque casas gestatorias habere con-

*Mapalia
Ecclesiae non
sunt illi loco
certo affixa.*

fueuerunt, vt in veterum Patriarcharum hi-
 storiis legimus, qui cum suis gregibus modò
 hûc modò illuc transeuntés secum Ecclesiam
 Dei transferebant: ita cauendum esse ne cui
 vel genti, vel vrbi, vel etiam vico Ecclesiam
 affigamus, tanquam ibi perpetuò mäsuram.
 Nam contrà memores esse nos oportet ho-
 rum Christi verborum, Matth. 24. 23. & 28.
 Siquis vobis dixerit, ecce hic est Christus aut
 illic, ne credite. Vbinam igitur est quæren-
 dus? vbicunque, inquit, fuerit cadaver (cor-
 pus videlicet mortuum ex quo vita haurien-
 da nobis est) ibi congregabuntur aquilæ: id
 est, vbi Iesus Christus ille verus prædicatur,
 in cuius solius morte vita inuenitur, & quæ
 solum, eumque crucifixum sibi cognoscen-
 dum merito putauit Apostolus, Cor. 2. 2. ni-
 mirum purè annuntiatiui: ibi oportet ag-
 gregentur aquilæ: fideles nempe, quibus vr-
 nus est gratus cibus illo crucifixo pasci. Nā
 ibi demum est nec vsquam alibi vera Eccle-
 sia. At vbinam Iesus ille Christus inuenietur?
 In casulis illis & mapalibus Pastorū, id est in
 scripturis Prophetarum, quas huius seculi
 homines, præ suis Philosophicis & rhetori-
 cis scriptis, vt plebeias vel etiam ineptas nar-
 rationes contemnunt, vel etiam derident. At
 quocunque loco ab hominibus habeantur,
 ibi demum fundata & extructa est Dei do-
 mus illa, cui nihil habet simile mundus vni-
 uersus, 1. Cor. 3. 11. Ephes. 2. 20. & Apoc. 21. 14.
 Verum, aiunt isti, si dum quæritur ibi Chri-
 stus,

stus, quispiam scripturarum locus incidat, qui perperam exponatur, quónam recurrendū erit, vt de genuino illius sensu doceamur, & contrariam falsitatem deprehendamus? Iterum sane ad Pastorum tuguria deueniendum esse dicimus: quandoquidem præter hoc verbum scriptum, nulla est lux, nulla certitudo in Ecclesia. Ad illud autem amandamur, & expresso Domini mandato, vt supra à nobis dictum est, & ipsiusmet exemplo, qui falsum Sathanæ testimonium ex scripturis prauè ab illo detortis eadem scriptura repulit, Matth. 7. iisdem verò telis vsos fuisse Apostolos haud ambiguum est, etiam aduersus Sacerdotes sedentes in Hierusalem, Act. 4. 7. illis frustra suas traditiones aduersus Apostolos proferentibus, & illius suæ sedis auctoritatem prætexentibus, tūc in speluncam latronum, vt iam olim Romana, transformata, sicut illis exprobrat Dominus, Matth. 21. 15. Sic etiam sese cum Paulo gesserunt Iudæi Berroes suo maximo bono, Act. 17. 11. Neque tamen interea contemnendum ducimus, immò plurimi faciendum veræ Ecclesiæ testimonium atque consensionem: sed ea cautione semper adhibita, vt veram Ecclesiam à falsā, ex ipsius testimonij cum scripturis consensu discernamus: quod etiam in suis legendis scriptis obseruandum esse, prisci patres & suorum temporum clarissima illa lumina præmonuerunt.

Valde fuit igitur insignis & exitialis hæc *Insignis er-*

*vox eorū qui
successioni
personali vel
locali Eccle-
siam alli-
gant.*

Satanæ impostura, qua persuasit credendum esse absque doctrinæ ad verbi Divini normâ examine, Spiritum sanctum esse ipsis Pastorum personis velut alligatum à quibus nunquam recedat: adeò quidem ut ipsas quoque sacras Scripturas illorum opinionibus & decretis subiecerint: non minus absurdè profectò, quàm si quis architectus, non ipsum parietem ad regulam & perpendiculum, sed è contrario regulam ac perpendiculum ad ipsum parietem exigat. Atqui observare potius aduersus hūc astum Satanæ oportuerat, Iesum Christum lapidem illum angularem, ab omni æuo pleròsque præcipuos, (nomine tamen non re ipsa) architectos agnoscere noluisse, immò etiam malitiosè repudiassè, Psal. 118. 22. quod experti sunt in primis Prophete, Matth. 23. 37. ac deinceps ipse Christus Matth. 21. 23. Act. 4. 11. ut etiam disertè prædictum fuit Ecclesiæ Christianæ euenturum, Act. 20. 29. & verè prædictum fuisse experientia hodie quoque conuincit. Nihilominus tamen speciosius tum fuit quorundā prætextus, cur sine exceptione staretur in iis quæ gens illa amplecteretur, quam vnâ Deus inter omnes elegerat, atque adeò cur speciatim omnes acquiescerent in Sacerdotum sententia quos Deus supremos esse iudices, in causa religionis iusserat, Deut. 17. 9. Nā ipsius quoque sedis Hierosolymitanæ nullus ignorat quâta fuerit auctoritas, ciuitatis Dei nomen sortitæ, Psalm. 123. Et tamen quânam illi

fue-

fuerunt de quibus loquens Dominus, Sinite illos, (inquit) cæci enim sunt & cæcorum duces, Matth. 15. 14. quoniam Christum & discipulos excommunicarunt? Ioh. 9. 22. à quibus coactus est Pilatus Christum ad crucem damnare? Matth. 27. 20. quoniam incircumcisi corde manus suas piorum seruorum Christi sanguine cruentarunt? Act. 7. 52. Maxima igitur fuit occasio assentiendi sine exceptione longè maximæ parti Iudaici populi, & Scribarum, infidentium Moysi legislatoris cathedræ, id est Moysi successorum prout Deus constituerat. Et tamen isti ceciderunt in fossam, & suos sectatores secum eodem traxerunt, Matth. 15. 14. At ubi tandem scriptum fuit Romam futuram Ecclesiæ vniuersalis sedem? Episcopum Romanum nullius iudicio esse obnoxium, sed caput esse omnium sine prouocatione Ecclesiarum? potestatem habere cælos & inferos aperiendi? omnia denique suo arbitrio constituendi? vt alias infinitas blasphemias horrendæ impietatis plenas prætermittam. Dixit quidem Dominus noster Iesus Christus se perpetuò nobiscum fore, vsque ad mundi consummationem: sed Romæ se habitaturum neutiquam dixit. Immo per suum illum charissimum discipulum Iohannem nos commonefecit, Romam fore magnæ illius meretricis sedem, quæ Reges ac Principes orbis terrarum inebriaret: quod etiamnum hodie oculis ipsis cernitur, & tamen animaduertere volūt

pauci. Immò, (qui penè incredibilis fuit stupor) illi ipsi veteres patres qui de hæc ipsa Romana sede hæc viderunt & scripserunt, vsqueadeò tamen cauere sibi non potuerunt, vt & ipsi miserè fuerint hac in re decepti, & alios non paucos in eandem induxerint.

*Summa 19-
rius huius
tractationis.*

Summa autem huius desperationis hæc esto, Dominum suos Pastores & suas caulas habere, certos veritatis testes, Prophetas nimirum & Apostolos, ad quos sit omnibus piis accedendum, & quorum doctrina, scriptis ipsorum plene comprehensa, est vnicus ille Canon ex quo verè Pastores à falsis dignosci, ac proinde vera illa Iesu Christi Spōsa cui capellas aggregari oporteat, vt verè pascantur, ab illa infœlici adultera discerni: quam quisquis perire non vult effugere teneatur. Hanc igitur doctrinam amplexi Dominum Deum & Seruatorem nostrum precemur, vt benignissimis illis suis oculis miseram suam Ecclesiam intueatur, plerisque adhuc locis tot sentibus obsitam & tam incultam, vt illic vix vllum iter vix vlla rectæ semitæ vestigia appareant: vt inquam illam respicere, & ad veras verorum Pastorum caulas per tam vastas & horrendas solitudines perducere dignetur: &, quandoquidem illi visum est hac nostra ætate sancti sui ministerij vexillum rursus attollere, placeat etiam illi sese isti Babylo ni quàm fortissimè opponere, & Apostaticam sedem illam oris
sui

sui Spiritu funditus euertere : placeat , in-
quam, illi Electis suis oculos donare, quibus
lucem Euangelicam intueantur : aures illius
Pastorum Pastoris voci audiendæ tribuere:
suas caulas instaurare, in quibus ipsius fame-
licæ capellæ ad ipsius gloriam & honorem
pascantur. Quoniam verò, quæ nostra sum-
ma est segnities , hoc sacrum pabulum no-
bis tam benignè subministratum , tam pa-
rum adhuc auidè sumpsimus , & nunc quo-
que penè fastidimus , agite mecum , Fratres,
tantum hoc peccatum à Deo Opt. Max.

deprecemur & eius misericor-
diam istis precibus implo-
remus. Omnipotens

Deus, &c.



IN CANTICVM CAN-
TICORVM HOMILIA
DVODECIMA.

Auxilium nostrum sit à Domino, &c.

Quod sequitur extat in Cap. I. vers. 9.

9 Amica mea similem te esse dico!

*Felicitas Ec-
clesiæ instau-
rata status
comparatio
eiusdem
desolatione:
quā instau-
rationem
omnes pro-
curare oportet.*

INsignem profectò doctrinam audiui-
mus ex Sponsi superiore responso, certissimas
videlicet veræ illius Ecclesiæ notas, cui nos
obtinendæ salutis æternæ causa necesse est
aggregari: vnde licet etiam intelligere veram
& vnicam Ecclesiæ instaurandæ rationem,
postquam ad tempus Pastorum nonnullo-
rum negligētia & falsorum Doctorum per-
fidia vastata & deformata iacuit. Sic autem
feliciter & efficaciter instaurata quā admi-
rabili decore sit conspicua, nunc graphicè
nobis declaratur, cui curando negotio nunc
omnes intentissimos esse oportuit. Nam hoc
illud caput est, de quo etiamnum hodie con-
trouertitur, idque optimo iure, quum adhuc
maxima ex parte Christianum orbem in mi-
serissimam vastitatem redactum videamus.

*Quid Eccle-
siæ instau-
rationē im-
pediat.*

Sed (proh facinus) tractatur, immò etiam
fouetur à plurimis hæc controuersia, non a-
liquo illam tandem decidendi studio: sed
contra vt illis obstant, qui huic tollendo
malo quātam possunt operam nauant. Nam
falsi

falsi Pastores hoc vlcus tangi nullo pacto patiuntur: quorum alij quidem negotium istud nihil vel non multum curant: pauci verò quidam manum quidem huic operi admovent, sed vt Ecclesiæ gubernationem ex humano suo sensu metiti, non ordinem, sed, quasi cum ratione insanientes, confusionem instituant, sua commenta sequuti: quum, vt supra testatus est Sponsus, istius domus Dominus, vestigia veri gregis obseruare, & ad fidorum pastorum caulas sese recipere oportuerit.

Ad primos igitur illos quod attinet, quum *Pseudosyn-*
Pharisæis & Scribis similes sint, atque adeò *dorum lar-*
illis deteriores, mirum non est ipsos non fe- *na.*
rentes vt in suas impietates inquiratur, Domino illi suo strenuè seruire, qui pertinacissimè quantum potest suam arcem propugnat, Luc. II. 22. Sed fateri tamen ij interdum coguntur Ecclesiam suam non paucis corruptelis scædatam, quod in suorum conciliorum præfationibus testantur: ac etiam in ipsis concionibus nonnunquã istud Crocodilinis lachrymis deplorant. Sed quorsum id faciant, res ipsa mox ostēdit. Quum enim de his emendandis vel semel tollendis agitur, nunquam doctrinæ deprauationem attingunt, (à qua tamen ordiri necesse fuit quū in ea periculosissimè peccetur) sed de pileorum formis, de barbarum tonsura, de cæsariæ productione aut decurtatione disceptāt, quibus nugis, ne nihil aliud agere videātur,

aliquid intermiscant de non coaceruandis ab vnoquoque simul pluribus Sacerdotiis, de residentia Episcoporum, & aliorum quibus animatum (vt ipsi loquuntur) cura incumbit. Bellè id quidem, quasi vnicuique sacrilego singularis quædam prædæ portio assignetur: & vnicuique latroni certi fines statuatur, intra quos præsens grassari liceat. Hæc illi mera esse conuicia exclamabunt. Sed age. Corrigant igitur, si fas est, ipsius Christi sermonem, qui de domus Patris sui prædatoribus disserens, Matth. 21. 13. Vos, inquit, domum Patris mei in speluncas latronum cōuertistis. Quod si etiam legitima quæpiam decreta de morū honestate, vel emendandis Ecclesiasticæ administrationis corruptelis decernant, quis non videt ista per ludibrium ab illis statui, quum toridè inde in ipsorum Bullis clausulæ derogatoriæ quas vocāt nascantur, Papa quolibet certo pretio legibus quibusuis soluente? Huius rei publicum testimonium perhibet saltem pragmatica sanctio quam vocant Concilij Basiliensis, à Leone X. P. abrogata, vocatis in prædæ partem regibus: impudètia certè maiore quàm olim milites illi qui supra vestem spoliati Domini sortem iecerūt. Quid? illius Tridentini conciliabuli prædatorii pleræque sanctiones huiusmodi hodie prorsus inutiles, annon deploratæ perfidiæ ipsos arguunt, qui fuerunt illarum auctores, & plenis buccis eam ipsam illius auctoritatem prædicant, cuius abrogationem

tionem ipsimet mercantur?

Quid hic igitur in tanta rerum confusione consilij capient Pastores & Magistratus Christiani? Expectandumne est (vt inquit isti derisores) dum istis quoque corrupte-
 lis Papa & Antistites (Apostolorum scilicet successores) medeantur? id est, lupanaria re-
 purgent meretrices? vsitatum enim est scri-
 pturis spiritualem scortationem cum corpo-
 rea conferre. At ex aduerso Christus, Sinite,
 inquit, illos, Cæci enim sunt, & cæcorum du-
 ces, Matth. 15. 14. Quin etiam argentarios, ar-
 repto flagello, & euersis eum ipsorum pecu-
 nia mensis, semel atque iterum ex ipso tem-
 plo eiecit, Ioh. 2. 15. Luc. 19. 45. Sic trecentis
 abhinc annis Deus Occidentem & Meridiem
 terribili suæ indignationis flagello, summis-
 sis videlicet Turcis Saracenorum successori-
 bus, castigauit: & nostra quoque memoria
 Romani ipsam iectu non leui flagellauit. In
 nos autem contrà immensos misericordiæ
 suæ thesauros effudit, excitatis diuinitus ma-
 ximis illis & præstantissimis beatæ in æter-
 num memoriæ viris, qui, correptis veris illis
 Christianorum armis, 2. Corin. 10. 4. Spiritus
 videlicet eius Domini, 2. Thessal. 2. 8. qui gla-
 dius anceps vocatur, Psal. 49. 6. Heb. 4. 12. do-
 mum Dei pro viribus repurgarunt, in qua
 nos hodie, Dei beneficio, stamus. At hic no-
 bis nonnulli obiectant, non illi tantum ar-
 mis, sed ferro quoque nostrates vsos fuisse.
 His verò qui sese ferro quoque tutati sunt,

*Officium vir-
 rorum Pa-
 storum &
 Christianorum
 Magistratu-
 rum, adue-
 sus desola-
 tionis Eccle-
 siæ auctores
 & fautores.*

certè non defuit quod in suos illos accusatores, vniuerso teste mundo, regerent. Fate-
mur, inquit, ita rem se habere: & Satanam
quoque latrones & prædones aliquos no-
stris permiscuisse, quod & ipsi Dauidi v'sue-
nit, quum Saul illum persequeretur. Sed quis-
quis cognouerit & expenderit cur ad vim vi
repellendam fuerimus adacti, comperiet isto-
rum, à quibus vt seditiosi insimulantur, iu-
stiores causam non esse, quàm grassatorum
qui sese conquereretur in quopiam nemo-
re transeuntibus insidiantes, à nonnullis au-
toritate publica armatis, aliquatenus cohi-
bitos, ne quosuis prout ipsis libuisset iugula-
rent.

*Quàm sit
pretiosum
Amicæ no-
men à Spon-
sa huic Spon-
sæ attribu-
tum.*

Sic igitur hac ætate nostra visum est Deo,
alibi quidem Ecclesiam suam exercere, alibi
verò initiis cum suis agere. Sed agnoscere &
conqueri maximo cum mœrore meo cogor
hanc nostro tempore quasi cœlitus rursus
misso Christo, patefactam Dei beneficentiam,
minimè, sicut oportuit, exceptam & applica-
tam fuisse. Nam alij excelsa reliquerunt inta-
cta, eorum exemplum sequuti, quorum sæpe
fit in libris Regum mentio. Alij Gedeonis E-
phod statuerunt. Iud. 8, 27. Alij Ecclesiasticas
gubernationes nō ad veteris gregis, & cau-
larum antiquarum exemplar, in quibus hæc
Sponsa capellas suas pascere iubetur, instau-
rarunt: sed omnia, vel pleræque, potius ad
humanæ suæ sapientiæ, ac imaginationis nor-
mam direxerunt, vt planè, nisi Deus sua be-

nigni-

hignitate isti malo occurrerit, futura sit illorum posterior conditio priore deterior, ut ait Dominus, Matth. 12. 45. quod iam etiam in multis Ecclesiis atque adeò regionibus accidisse videmus.

Faxit autem Deus ut ij quorum hoc munus est, omnes animi nerubs hùc intendant, prouideantque ut Sponsa tãdem eum splendorem ac nitorem recipiat, quem designat Spòsus illam bigis rhedæ Pharaonis comparans. Et si enim hæc similitudo prima fronte videri potest huic Sponsæ parum cõueniens, attamē aptissimam illam esse cõperiet, quisquis quorsum tendat diligenter expendet, neque longiùs illam protrahet: quod nisi in istiusmodi similitudinibus obseruetur, infinita consequerentur penitus absurda. Sic ut significetur verã illam esse Ecclesiam quæ ad Christum refugit vbicunque fuerit, adhibetur similitudo aquilarum vbicunque cadauer fuerit aduolantium. Quid verò fuerit ineptius quàm filios quidem Dei dicere carniuoris auibus similes: Christum autem, qui omnium est sanctissimus, cum fædo cadauere conferre? Itidem ecquis Christum nisi horrendè blasphemans dixerit esse furem, ex eo quod dicitur tanquam fur venturus? 1. Thessal. 5. 2. aut aliquid habere simile iniquo iudici Deum & homines spernenti? Luc. 13. 2. Itaque si quis hìc arbitretur Spiritù Dei Ecclesiam suam simpliciter conferre cum iumento, falletur. Hac enim similitudine non

Ratio comparationis huius Sponsæ cum bigis Aegyptiis.

aliud voluit declarare Sponsus quàm, propterea quod fœminarum non minimum decus situm est in eo, vt sint alta quadam & erecta corporis specie, quales sæpe apud prophanos poetas depinguntur, immò etiam Psalm. 144. 12. vbi cum Regionum palatiorum celsis & tectis columnis conferuntur: idcirco Spiritus sanctus volens Ecclesiæ veris suis Pastoribus adhærentis præstantiam velut oculis nostris subiicere, hanc similitudinem delegit, Est autem hæc illi miserrimo statui cuius antea meminit opposita, quum squalido & obstipo, vultu iaceret. Quod enim exprimitur Pharaonis potius quàm alterius cuiuspiam nomen, non aliam ob causam fieri certum est, quàm quod equi Ægyptij tum forma tum generositate cæteris omnibus præstabant, vt ex multis Scripturæ locis videre est, præsertim 1. Reg. 28. 10. quemadmodum hodie Hispanici & Turcici etiam supra cæteros celebrantur: neque est alia nobis eius appellationis ratio quærenda.

*Quàm sit
pretiosum
Amicæ no-
men à Spon-
so huic Spon-
se attribu-
tum.*

Sed illud accuratè nobis est obseruandum, quòd suo ipsius ore Sponsus in ipso orationis initio Sponsam amicæ appellatione dignatur: Sic enim nobis demonstratur quod omnem humanæ mentis captum superat: nempe inenarrabilis illa beneuolentia qua Christus Ecclesiam suam prosequitur, vt inde vnum ex primariis doctrinæ salutis nostræ capitibus discamus: quicquid nimirum
habet

habet hæc Sponsa, non aliunde quàm ex mera Sponsi liberalitate profectum: nec esse quicquam in vniuerso mundo quod verè boni vel pulchri appellationem mereatur præ gemmis & monilibus illis quibus Deus Ecclesiam suam exornat, tantisper dum adueniat nuptias plenè consummaturus: quod tamen omnium maximum beneficium tam malè notū est & tantopere negligitur, vt ab ingrato mundo vltimum illud irati Dei iudicium non procul abesse videatur. Nullus enim in Deum magis est ingratus quàm qui sibi persuadet idcirco se ab eo diligi, cui tamen seipsum & omnia sua debet, quòd in se se aliquid haberet, vnde sit ille ad ipsum amandum plectus, & quòd ipsius beneuolentiam si non summo iure, at certè aliquatenus mereretur. His autem omnibus commētis quibus homines sibi ipsis blandiuntur opponere vel illud satis esto, *Amica mea*, toties deinceps in hoc Cātico iteratū, & quod ipsemet præsens Sponsus hoc ipsum coniugium stipulās, Nequaquam (inquit) vos dico seruos meos, sed amicos vos appello, Ioh. 3. 29. & 15. 15. Cedò verò cur amicos? Quia (inquit) ego prior vos dilexi, 1. Ioh. 4. 10. At quòd nam, Domine, tam comi Amicæ appellatione compellas? certè tibi ab ipso exortu inimicos, immò auitas inimicitias tecum exercentes. Cur igitur illos dilexisti? vt supra ipsam peccati superabundantiam exuberaret gratia, Rom. 5. 20: eius rei causa non

alibi reperta, quàm in tua ipsius bonitate. Et quòvsque illos dilexisti? eòvsque vt tuam ipsius vitam pro illis profuderis, 1. Io. 3. 16. En igitur (Fratres) summè pretiosam voculam, eius arcani interpretem, cuius lōgitudinem, latitudinem, profunditatem, nulla mens humana capere possit, Eph. 3. 18. & 19. Oro vos igitur & obtestor etiam atq; etiam, Fratres, vt perpetuò inhæreat mentibus nostris hæc compellatio, *Amica mea*: Sit (inquam) nobis hæc vocula summè pretiosa. Ne, quæso, nos fascinet huius mundi philtrum, quod est odium aduersus Deum, Iacob. 4. 4: Ne fluxæ & euanidæ diuitiæ nostras mentes possidento: Ne nostri amore infatuati, tanto nos ipsos thesauro spoliemus: Ne tantā benedictionē, exemplum Esau sequuti, vili offulæ postponamus. Heb. 12. 16. Personet potius continuò dulcissimum istud Amicæ cognomentum, in auribus & mentibus nostris virtute sancti Spiritus illustratis, quæ profundissima quæq; Dei arcana scrutatur, nepe quæ nobis Deus donauit, 1. Cor. 2. 10. & 12. vt vita hæc nostra sit vicissim perpetua ac reciproca dilectio qua illum ex animo redamemus, qui nos est tanta dilectione complexus.

*Psus huius
comparatio-
nis Sponsæ
cum equorū
præstantis-
simorum bi-
ga.*

Sed age, accedamus ad præstantis huius Sponsæ speciei & habitus descriptionem. Quotiescūque anima vicens & vegeta, corpus nacta est optima membrorum constitutione compactum, in quo nihil obstat, vel vilo modo impediat, quominus vires animæ

sefe liberè diffundant, & huc illuc commoueant: tum proculdubio sefe actiones & earum effecta, palàm à capite ad imos vsq; pedes exerunt. Haud secus hæc Sponsa quàm sui Sponsi Spiritus vita spiritali animat, alit & fouet, suam vndique præstantiam illam prodit, caput quidem ad cœlos vsque attollens, pedibus autem Satanam conculcans; mūdum, peccatum, mortem ipsam atque inferos prouocat, Oseæ 13. 14. 1. Cor. 15. 55. alibi propterea cū excelsis arboribus secus aquarum riuos plantatis comparata, quibus nulla cœli iniuriā nocet, quominus semper virētes fructificēt, Psal. 1. 3. & 92. 11. & 13. Sæpe tamen, fateor, euenit vt hanc vineam prædones, vinitorum culpa depascant, ac etiam grando & aliæ tempestates cœlitus grauiter lædant, adcò vt quæ modò palmites longè latèque diffundebat, miserè prostrata & vastata iaceat, Domino deorsum illam non minus deprimente, quàm altè prius eam extulerat: Sed illam certè idcirco, Dominus vineę deiicit, vt eam rursus erigat, suum in ipsam amorem istis castigationibus probans, Ies. 49. 21. Semper enim magnum discrimen constituitur inter Sodomæ euerfionem, & visitationem Sionis, Ies. 1. 9. & quamuis grauiter commotus, iram tamen suam certis veluti finibus circumscribit, Psalm. 30. 6. & 103. 10. & 125. 3. & Esa. 26. 20. Denique nōnunquam veluti nuntio illi remisso, ad aliquod tempus Sponsam ablegat, qualis erat Ecclesię facies antè annos

circiter 70. Sed postea cū illa in gratiā redit, Ier. 3. 1. Premimur ergo modis omnibus, at non opprimimur: egemus, sed non destituimur: persecutionē patimur, minimē verò deserimur: deiicimur, sed nō perim⁹, 2. Cor. 4. 8.

*Cruce est hu-
ius Sponsæ
currus triū-
phalis.*

Sed quo tēpore (inquies) sic erecto & valido corpore hæc Sponsa vixit? Certē nunquam adeo vegeta & florens visa est atq; Apostolorū tempore. Nunquam enim Euangelij doctrina tam purē & tam diligēter fuit annuntiata: nunquā tā alacriter & animosē audita: nunquā tam efficaciter probata. At enim, inquies, tū fuit calamitosissima, teste cum Apostolo, 1. Corin. 4. vniuersa historia Apostolica, immò hoc ipsum est quod dictū volo, crucem videlicet esse velutī triumphalē currū, quo hæc Sponsa triumphans & hilaris vehitur. Gal. 6. 14. & 2. Cor. 4. 10. Et, quæso, hoc ipso nostro seculo, quando verbum Dei maximē floruit: annon in mediis flammis? Contempta enim morte, etiā ultra ducētē milium miliare, vidimus huc accurrentes ouiculas, vt vel micam huius cœlestis panis gustare sibi liceret. Non vitæ retinendæ studium, non diuitiarum splendor homines remorabatur, regnum Dei denique quasi vi & impetu arripiebatur.

*Euangelii
audiendi ple-
nam concessam
libertatem
mox con-
sequitur eius
contemptus.*

Nunc verò quid sit? promulgatis edictis quibus aliqua libertatis species nobis conceditur, vilescit quod pro foribus adest. Si fortē in suburbia reiiicimur, aut paulò longius, eòvsque pergere grauamur; si quid sti-

pis conferendum est quo tenuiter sustententur operarij, aut egenis succurratur: grauius id onus videtur, quàm vt diutiùs ferri possit. Denique mannam, initio visam nobis tam suauem, fastidimus. Hæc vtinā Deus clementer emendet, & hominū animos pro sua misericordia ad officiū faciendū reuocet, Pacē & quietē expetimus, sed vt molliter viuamus. Itaq; tantū beneficium nobis velut è manibus sensim elabatur, quo nos nimirum abufuros nouit ille à quo vno promanat.

Age igitur nos totos Deo cōmittere discamus, à quo nobis & nostris fratribus tranquillitas, post tam graues & diuturnas tempestates, concedatur: & diligenter caueamus ne equorum nimium bene curatorū more, aduersus Dominum recalcitrantes, sellam & frenū pati recusemus, Deu. 32. 15. & Esa. 34. 6. Quod si visum ipsi fuerit durioribus etiā flagellis nos exercere, probemus re ipsa virtutē ipsius in infirmitate nostra perfici, 2. Cor. 42. 9. exultemus eo nomine quod ex Dei dono capiti nostro ista perpetiēdo conformemur, Rom. 8. 29. Philip. 1. 29. & Act. 5. 41. Denique certaminibus istis non hebetetur, sed contra magis ac magis virtus illa cœlitus nobis donata exacuatur. Ridebit nos mundus interea, & tanquam furiosos subsannabit: sed ille vicissim suo tempore plorabit, nos autem ridebimus, postquam apparuerit quod Dei beneficio sumus, 1. Io. han. 3. 2.

*Exhortatio
ad Euangelium quam
audivissimè
excipiendū.*

*Cum Sponsa
potius cum
bigis quàm
cum equo
singulari cõ-
paretur.*

Ceterum animaduertendum est Sponsam non cum vnico equo generoso, sed cum bigis appositè comparari. Nam Ecclesia (quæ nomine Sponsæ in hoc cantico designatur) quatenus, secundum ipsius Christi postulat- tum Ioh. 17. 11, nos sumus vnum cum ipso, ac veluti membra corpus vnicum constituen- tia 1. Cor. 12. 12. quid aliud est quàm cœtus multorum qui simul quasi combinati ac sub- iuges & mutuò sese tum voce, tum exemplis cohortantes, Ascendamus (inquit) in mō- tem Domini Es. 2. 3. & cum Dauide integrum Psal. 122. decantant ? Denique plena est vni- uersa scriptura huiusmodi cohortationibus, vt omnes velut anima vnica præditi, ad vnū eundemque scopum, non modo gradatim sed cursim ferantur vt supra. vers. 4. diximus, robustiore infirmiore sibi adiunctum non opprimente, sed tolerante Gal. 6. 2. & Thess. 5. 14. Nam idcirco, nempe ne vnum animal ab altero sibi socio opprimeretur, sub Lege Deut. 22. 10. interdictum erat boue simul & asino arare. Hæ sunt igitur illæ sanctæ bigæ quarum insigne habemus exemplar quò for- tassî respexit hoc loco Spiritus propheticus: Apostolis videlicet, binatim non singulatim enumeratis Matth. 5. 2. & 6. 14. idque, non temerè, sed, vt est probabile, ea serie qua solebant bini magistrum suum affectari: se- rie, inquam, siue ordine, non gradu, qua- ti vnus gradu quopiam super alterum emi- neret: qua de re certè, inter eos non fuis-
set

set tam sæpe quæsitum, si quis iam tum inter ipsos fuisset supra cæteros, vt vicarium aliquod caput, constitutus, vt perditus ille Occidentalis Antichristus confinxit.

At, huius controuersiaë decisione repudiata, cuius auctor est ipse Dominus, Matth. 20. 25. belli isti successores Apostolorum Petri & Pauli, (qua ratione possit etiam sceleratissimus optimo cuius in quocunque statu succedere) ordinem hunc in gradus, dignitates, prælaturas quas vocant intolerabili audacia transformarunt: eò vsque sensim progressi vt à iugalium eundem currum trahentium loco & ordine, in currum ipsum transcendere, cuius habenas qui abripuit vt eius moderationem sibi soli vendicaret, ausus etiam est dicere, & in decretorum suorum tabulas referre, etiam si currus animabus refertos in tartara pertraheret (ipse nimirum cæteris illuc præiens) neminem esse qui huius facti rationem ab ipso possit reposcere. Hæc enim ausus est quidam ex istorum numero suis decretis inferere. Et mirabimur hunc currum fuisse, per tot secula transversum per devia sursum deorsum actum, ac tandem etiam euersum? Nec sanè meliore iure bigæ istæ mōdicabulis illis conuenerint, binatim quoque incedentibus, vel turmatim potius locustarum instar orbem terrarum arrodentibus.

*Falsæ bigæ
cum hac vera
collatio.*

Denique opponitur hæc sancta bigarum copulatio vagis ac dissolutis illis erronibus huc illuc donec collum fregerint discursan-

*Reprehenso
eorum, qui
huius Sponsi
iugum subi-
re recusant.*

tibus : & qui suaue illud Domini iugum subire recusantes, Abrumpamus, inquit, istorum vincula, & eorum funes procul à nobis abiiciamus. Psal. 2. 3. minimè cōsiderantes verè reges esse qui Deo seruiunt, sese verò (quū sint peccati mancipia, Ioh, 8. 34. & præcipientes à Satana quocunque ipsi libuit abripiantur, 2. Timot. 2. 26.) omnium esse miserrimos. At nos ex aduerso Dominum audiamus vt si volumus esse ipsius discipuli, iugum ab ipso nobis impositum vltro subeamus. Matth. 16. 24. firmis semper poplitibus, Heb. 12. 12.

stadium nobis propositum

decurrentes, donec

ad metam ipsam

perueniamus,

Amen.



IN



IN CANTICVM CAN-
TICORVM HOMILIA
DECIMATERTIA.

Auxilium nostrum sit à Domino, &c.

Quod sequitur extat in Cap. I. vers. 10. II

IO Decoræ sunt genæ tuæ murænu-
lis, & collum tuum inter torques.

II Murænulas aureas faciemus tibi
cum clavis argenteis.

QUæ nunc à nobis exponenda (vt & hu-
ius canticæ pleraque) mutuas blandi-
tias Sponsi & Sponsæ sibi restitutæ conti-
nent: qua allegorica narratione declaratur
tum immensa illa Iesu Christi beneuolentia
erga suam Ecclesiam, quam exquisitissimis
donis decorat & exornat: tum vicissim reci-
procus Sponsæ in suum Sponsum amor, in
cuius extollenda præstantia sibi satisfacere
non potest, in illo vnico tota prorsus acqui-
escens.

Vt autem hæc omnia planè intelligamus
tres nobis obseruandi sunt huius sancti ma-
trimonij gradus. Vnus, Sponsalium sub vete-
re fœdere inter absentes facta stipulatio. Al-
ter, huius stipulationis inter præsentés rati-
habitió, & quædam propioris coniunctionis
species, ad Iesu Christi aduentum in carnem
& Euangelij promulgationem referenda. 2.

*Quid designetur blan-
ditijs Sponsi,
Sponsæ suæ
reversæ ad-
uentum gra-
tulantis.*

*Discrimen
obseruandū
inter huius
coniugij pri-
mam inter
absentes sti-
pulationem,
et secundam inter
præsentés
ratihabitió-
nem, & ple-
nam consum-
mationem.*

Cor. II. 2. Tertius denique gradus consummationem illam plenam ac perfectam nuptiarum respicit quam expectamus, & quæ per virginum parabolam adumbratur Matth. 25: plenam autem hanc consummationem dico, quoniam licet iam olim Iesu Christi vis illa spiritualis ab ipsa sub vetere fœdere desponsatione & nunc post eius inter præsentis ratihabitionem sese illi Sponsæ reipsa insinuarit vt fructus iustitiæ gigneret, quò referuntur quæ commemorantur Ezech. 16. 8. & Rom. 7. 4. & Eph. 5. 3. Deus tamen nondum est omnia in suis omnibus, nec etiam erit ante vltimum illum suum aduentum I. Cor. 13. 28. Itaque blandi isti sermones quibus hic Sponsus suam Sponsam demulcet, ad illud tempus Sponsaliorum referendi sunt: quod apertis verbis ipsemet Sponsus apud Ezechielem loco proximè citato demonstrat.

*Hic ornatus
Sponsæ, mi-
nimè patro-
cinatur se-
minarum
luxu.*

Quod si quis istum Sponsæ commemora-
tum hoc loco cultum eò detorqueat quasi
mulierum luxui & immodico ornatui patro-
cinetur, paratum est responsum ex Petro
grauiter ista reprehendente I. Pet. 2. 4. & 8. &
ex Paulo I. Timot. 2. 9. Ad hæc verò si quis ex-
cipiat, Deum igitur non semper eandem re-
gulam præfinitisse: planè ex scripturis con-
stabit, Spiritum sanctum nunquam sibi ipsi
contradixisse. Aurum quidem certè & argē-
tum proculdubio bonæ res sunt, vt pote ab
opifice Deo create, quarum vsum situm non
non

fuisse duntaxat in vendendo & emendo, verum etiam ad corporis decus & ornamentū pertinuisse, constat ex certissimis & vetustissimis sanctorum patrum exemplis: sed in primis non est cur arbitremur luxum illum redundantem, inter sanctos auro & argento sic etiam videntes, viguisse. Testantur enim sacre historiae quæ cum fuerit hominum simplicitas, ab omni fastu & specie mali procul remota: cuius rei exemplum luculentum nobis suppeditat quod narratur Gen. 24. 22. Abrahami seruum videlicet Rebecce Domini summus futura donasse monile & armillas binas, sed perexigui pretij. Et ut constet Rebeccam, licet non tenuis sortis familia nata, (quum tunc temporis, ut vulgari proverbio iactatur, Reges essent pastores,) fuisse extra omnem luxum educatam: disertè dicitur ipsamet hydriam humero gestans ad aquam ex fonte perendam descendisse, sicut proculdubio factitare consueuerat. Sed & quum sit mentio filiarum ditissimi & potentissimi regis Davidis, tantum dicuntur versicoloribus vestibus indutæ fuisse, qualibus hodie fortassis germanicæ puellæ vestiuntur. Et, quæso, ecquis immodicus ornatus ex argento esse potuit Solomonis tempore, quo tanta fuit illius copia, ut vix pluri fieret quàm lapides? 2. Chron. 9. 27. Cæterum sicut reges & alios Magistratus Dominus in sublimem auctoritatem attollit Rex ille regum, ita dubium non est quin velit aliquibus specialibus or-

na mentis & eorum munus commendari, & augustiores iis quibus præsunt haberi, quod illa Solomonis cultus magnificentia liquidò declarat. Et certe sic quoque gradus societatis humanæ distingui par est, modò & ipsi Reges intra amplitudinis suæ fines consiltât, alioqui pœnas, ipsi Regum Regi daturi. Nebucadnezaris & Agrippæ exemplo. Daniel. 4. 25. Act. 12. 22. Neque hæc illa est personarum acceptio in scripturis damnata.

*Quis sit in
corporis cul-
tu modus te-
nendus.*

Immodè potius pro phanaticis habendi sunt qui cunctos contendunt pari veste indui debere, vt & ij qui indumentorum aliarumque exteſarum rerum vsum sola necessitate metiuntur: sic male detorquentes quod ait Apostolus, victu & vestitu contentos esse nos oportere. 1. Tim. 6. 8. Nam certe Deum euidentissimè constat hominibus vltra simpliciter necessaria, infinita pene vtenda concessisse ad suauitatem & iucunditatem destinata. Verùm si quis sine magnatum siue tenuiorum propter hanc Dei indulgentiam velit voluptates & luxum exculare, magnopere in Deum peccat, eius auctoritate ad id approbandum abutens quod vbique Dei spiritus abominatur, vt testatur seuerissimi iudicij diuini exemplum in Hierosolymitanas præsertim mulieres editum, vt ab Esaia copiose describitur Esa. 3. Et hæc quidem de auro & argento dicta sunt. Cirros autem & miris artibus intortas comas, fucum, & cætera eiusmodi quis excusauerit? Neque sanè mirum est

est Apostolos simul & pariter de aureis & argenteis ornamentis & de coma statuiffe. Et si enim est aliquod in his discrimen vt antea diximus: tamen perdifficile est modum vel in his vel in illis seruare. Et certè inter eos quibus ista non sint simpliciter interdicta, laude digni sunt qui quàm moderatissimè iis vtuntur, sed sapientissimi sunt qui, vt ad ruborem cogant tenuioris sortis homines, & vt exemplo suo doceant ab istiusmodi vanissimis rebus remotissimos esse omnes Christianos decere, penitus ab iis abstinere: multò sese præbentes hac ratione honoratioris iis qui extrinseco cultu, quales intus & in corde sint, ipsis penè cæcis testantur.

Quod ad nos attrinet, moderatiùs quidem aliquantò agere hîc videmur, neque capita auro micantia, gemmeisque monilibus conspicua in hac ciuitate visuntur: sed profecto quòd eiusmodi multis rebus superfluis caremus, ipsa potius egestas quàm Dei timor facit. Quàm autem istud nobis indignum & quàm pudendum est, quòd non modò de rebus istis quæ inter nos supersunt, increpari nos sit necesse, verum etiàm quòd tam inutiliter ista nobis repetantur & inculcentur? Nam quæso, quînam sumus, siue indigenas siue aduenas spectare libet? Etenim dignatus quidè est Deus hâc ciuitatem libertatis dono nulli alij obnoxie. Sed an Reges, an Duces, an Comites sumus, aut quidpiam aliud inter Respub. potentes spectabile? Immodò an non

*Applicatio
huius doctrinæ
ad Ecclesiam
Genensem.*

potius aliorum per Dei gratiam similes sumus de quibus Paulus I. Cor. I. 26. Videtis, inquit, fratres vocationem vestram, vos videlicet non esse multos potentes, non multos nobiles, non multos sapientes secundum carnem? Nos autem aduenæ, & in hac ciuitate, beneficio piorum ciuium Geneuensium singulari, hospites, (inter quos nimium multi, quum sese profiteantur, veræ religionis causâ patriam ultro reliquisse, sordes tamen istas secum hac aduehant.) quânam, obsecro, secundum carnem sumus? certè vel exilio multati, vel Sponte profugi, & in summa exiguis pauperum hominum manipulus. Interea nemo est qui sese pede suo metiatur: nec capere iam nos turgidos nostra pellis potest. Frustraneæ sunt admonitiones. Palàm violantur edicta, videntibus hoc omnibus, si illos excipias quos oportuit primos id animaduerrere & emendare. Annonæ caritas, pestis ad portas, belli districtus gladius nobis imminens, miseriæ & calamitates ad quas reductæ sunt tot Ecclesiæ, quæ nos ad cilicium & cinerem vocant, cupiditates nostras potius acutunt ut tantò magis illis indulgeamus. Sicubi in Gallia aut alibi vestis aliquod genus indecens, vel monstruosum potius excogitatum est, confestim ad nos traducitur: cuiusmodi sunt prægrandes illæ corrugatæ fasciæ circa colla serpentes, thoraces illi tumidi, ac prodigiosè prominentes ventres, gossipio aut nescio quibus aliis infarti, pallē muliebres,

liebres, solo quo appellantur nomine detestandæ. Cinnamulos autem & calamistratos androgynos quo loco censebimus? Apage, apage, apage inquam, tam impia, tam fœda, tam ab omni etiam honestate, nedum à Christianitate aliena, Vtinam verò quum nihil hic valeant humana remedia, Deus ipse corruptelas istas manu ipse sua aboleat. Et certè ita facturum prædico.

Sed agè ad contextum nostrum redeamus: *Quid declaratur istis huius Sponsæ torquibus & monilibus.*
 Hæc de Ecclesia narrari constat, tanquam de nobilissima quapiam regina auro gémisque magnificè exulta, quomodo etiam Psal. 45. 10. 14. & 15. describitur, itidémque Ezech. 16. Sunt autem hæc ornamenta dona spiritualia & interiori homini inhærentia; quorum fit mentio apud Petrum & Paulum locis paulò ante citatis. Sed quænam illa sunt? nempe, ut paucis omnia cõplectar, ipse Iesus Christus, ac quæcunque sunt ipsius. Habet autem is in sese Spiritum Sanctum & omnia ipsius effecta: nò modò quatenus ipse Deus est coæternus & coessentialis patri & Spiritui Sancto, sed etià, quod ad effecta & dona, ratione suæ humanitatis, quæ Spiritum non recepit aliquatenus, ut nobis, pro bona Spiritus ipsius voluntate, distribuuntur 1. Cor. 12. 8: sed plenissimè & absque mensura Ioh. 3. 34. Est igitur Deitas ut ipsum bonum, ita origo & fons à quo omnia creata bona promanât, Iac. 1. 7: humanitas verò Christi est amplissimi vasis instar, in quod infusa sunt sancta & spiritualia illa dona omnia. r. ij.

nia quàm abūdātissimè Ioh. I. 14, ita vt homo ille quemadmodū verus Deus Filius est vnionis gratia, sic ratione qualitatū in illa humanitate creatarum, sit homo supra ipsos etiā Angelos ineffabiliter diuinissimus: quod designauit columba dum Baptizaretur Ioh. 1. 33. vt Esaias prædixit & interpretatus fuerat cap. II. 2. Idque non vt in se illa conclusa permanerēt, sed vt inde in sua membra, quorum collectio est hæc Sponsa, diffunderentur pro Sponsi quasi capitis voluntate, & prout singulis suis membris vti ipsi libuit, illa Baptizās & irrigans interius, sicut exterior Baptismus oculis repræsentat Ioh. 1. 33. Eph. 3. 20. & 21. & 4. 15. & 16. Quamobrem etiam Angeli natiuitatis Domini præcones, pastoribus non simpliciter *Natus est seruator* (aiunt) sed *Vobis natus est seruator* Luc 2. 11. Caterum hæc dona non sunt vnus generis. Quædam enim communia sunt omnium Christianorum, eaque in quatuor species distincta ab Apostolo I. Cor. 1. 30, vbi ait Christum nobis à Patre factū esse Sapientiam, Iustificationem, Sanctificationem & Redemptionem. Quicquid enim scimus & credimus de salutis doctrina: & tota illa Iustitia & integritas qua freti audemus sancta fiducia Deum inuocare, & apud ipsius tribunal comparere: itidemque nostri omnis immutatio, qua fit vt incipiat nobis verè malum vt malum displicere, & verè bonum vt bonum placere: ac proinde omnis illa nostra liberatio cuius consummationem

nem expectamus: hæc, inquam, omnia ab eo emanant in quo sunt omnes sapientiæ ac intelligentiæ thesauri Col. 2. 3: in quo nulla est vitij vllius labes 2. Cor. 5. 21: qui peccata nostra in ligno in corpore suo portauit 1. Pet. 2. 24: & cuius obedientia iusti sumus Rom. 5. 19: qui denique efficit in suorum cordibus ipsam rectè volendi & agendi facultatem Phil. 2. 3: in summa qui noster est vnicus Iesus, id est Seruator, & redemptor Matth. 1. 21. non autem alius quisquam Act. 4. 12. Vltra hæc dona sine quibus nullus est verum Ecclesiæ membrum, alia quàm plurima dona speciatim Spiritus sanctus distribuit, ea qua ipsi libuit mēsurā, pro modo vocationis in qua vti constituit huius vel illius opera. Et hæc etiam ille pro sua liberalitate, interdum nonnullis nihilo melioribus futuris largitur, vt contrigit Absolomo, Achitopheli, Sauli, Iudæ proditori, & aliis de quibus scribitur Matth. 7. 26. Itaque ad illa prioris generis dona respiciendum nobis est, & in iis est insistendum. Et hæc quidem sunt illæ gemmæ, hi torques, hæc monilia inæstimabilis pretij quibus hic describitur liberalissimè hæc Spōsa à suo Spōso cumulata. Quid enim habemus quod non acceperimus, 1. Cor. 3. 4. & cum ipso nobis omnia donantur. Istis, inquam, smaragdis, istis sapphiris, aliisque exquisitissimis Capillis extracta est ciuitas illa Dei de qua Esa. 54. 15. & Apoc. 12. 8. quod quidem sub lege adumbrabatur iis duodecim gemmis quæ Vrim

& Thumim ob radiantis fulgoris summam præstantiam vocabantur, in pectorali summi sacerdotis collocatæ Exod. 28. 17.

Gravis increpationis & scelerum illis huius Sponsæ ornamentis contrariorum: & adhuc in Ecclesiis grassantiū, quæ de Euāgelii nomine gloriantur.

An verò nos (sunt enim hæc Ecclesiæ encomia de cuius nomine gloriamur) sumus beatus ille cœtus ex iis donis compositus qui filij lucis dicuntur & tanquam luminaria in mûdo refulgent? Phil. 2. 15. Certè quod ad Deū attinet, verè testari possumus ac debemus, illum inter nos faciem illam purissimæ suæ veritatis rursum accendisse, Psal. 19. 9. & 119. 104; adeò ut mundus vniuersus oculos in nos intentos habeat. Sed solis splendor cæcos quid iuuat? quid prodest eos compellare qui surdi sunt & esse volunt? Quid profuit veram lucē inclaruisse iis qui tenebras affectarunt? Ioh. 3. 19. Et quid ego potius hic dixerim quam nos esse omnium hominū maximè ingratos & infœlicissimos, nisi de nobis ipsis seriò etiā atque etiā cogitemus? Ecquis enim fructus carnis (sicut ab Apostolo commemoratur Gal. 5. 19.) inter nos non cernitur? Tot admonitiones ex hoc ipso loco auditæ: tot iustæ leges in scortatores & adulteros in hac repub. sanctæ, tot exempla in viros & fœminas edita: num hæc flagitia coercere inter nos potuerunt? Minimè. Nam è contrario non stat per nonnullos quominus legum istarum vincula, si non vno velut actu secentur, at certè sensim dissoluantur, & tandem aboleantur. Auari, raptores, fœneratores, qui miserrimum fratrum vestrorum egestatem obseruat,

uatis, & ex eorum calamitatibus versu-
tè lucrum captatis, quibusuis prædoni-
bus detestabiliores, famis artifices, cyclo-
pes viuos homines crudelissimè deuoran-
tes, quousque tandem in Ecclesiæ sinu
versabimini? Vos ganeones, ebriosi, gulæ
mancipia, nunquàmne ad alium Deum
quàm vestrum ventrem conuertemini? Vos
monopolæ, ponderum & mensurarum fal-
satores, cultores mammonæ, perditissimi i-
dololatræ, nunquàmne discetis equo & mo-
derato lucro acquiescere? Rixosi, contume-
liosi, inuidi, implacabiles, litigiosi, quandiu
vos feret Deus in illa sua pacis & charitatis
domo? Vos litium forensium fomites ab imis
inferis excitati, ex aliorum contentionibus
lucrum aucupantes, lites ex litibus ferentes,
semperne per vos sacrosanctum iustitiæ no-
men inquinabitur? Dissoluti, inertes, otiosi,
hypocritæ, concionum sacrarum dicis causa
auditores, vel ut eò suauius in templo sterta-
tis, quando tandem quorsum nati sitis seriò
cogitabitis, antequam ex hac vita euocemi-
ni? Aleatores, vestrarum alienarumque for-
tunarum decoctores, aduocione citò obliti estis
funestæ illius concionis à quodam non ita
pridem sub manu carnificis habitæ? Ho-
mines denique semper homines eritis? sem-
per prioris illius Adami filij? semper caro
ex carne? nunquàmne auctor ille æternæ
vitæ, posterior ille Adamus, sibi vindi-
cabit? Quid plura? Mesceatur vestri Deus.

Deus faxit vt tandem aliquando sordibus illis semel abiectis, coram ipso mundi & pretiosis istis quæ hic commemorantur ornamentis splendentes compareatis, voce Prophetæ excitati Psal. 110. 3.

*Cur genarū
& colli Spō
sa fiat ex-
pressa men-
tio.*

Cæterum est hoc quoque obseruandum, quamuis, vt postea audiemus, in hac Sponsa nihil non singulari pulchritudine decorum à capite ad calcem appareat, nō temerè tamen Sponsum speciatim genas atque collum illius commendare. Sunt enim partes illæ in corpore humano maximè conspicuæ, & addè insignes vt cæterarum partium deformitatem possint aliquatenus obtegere. Sic enim docemur, horum quidem cœlestium donorum, de quibus discernimus, sedem esse in intimo corde sitam teste Apostolo ad Colos. 3. 16. & ipso Sponso Matth. 14. 27. qualis etiam hæc Sponsa describitur, Psalm. 45. 14: sed, vt vultus est naturale cordis speculum, sic animam fideliem oportere simplicitatem, puritatem, quæcunque dona denique diuinitus recepit, testari externo gestu, habitu, intuitu corporis, sese qualis est ad imaginem Dei videlicet instantiam declarantem, vt nihil in homine Christiano cōspiciatur, quo pij quidem non ædificentur, impij verò redarguantur, sicut contra in miseris huic seculo additis hominibus, à capite ad talos omnis sese vanitas & turpitudine exerit.

*Sponsa pre-
tiosiores or-*

At enim, inquires, quænam ista sunt quæ præterea Sponsus Spōsæ suæ pollicetur prioribus

ribus donis additurum? Num enim aliquid ^{natum in-} habet seipso & iis quæ habet pretiosius? Ni- ^{dies expe-} hil profectò. Vnus enim ipse est omnia: sed ^{ctat.} nos simul accipere nequimus omnia quæ nobis largiri decreuit. Quod si etiam illa cūcta simul & semel in nos effunderet, neque nossemus vnde illa nobis superuenirent, neque illa suo pretio æstimaremus. Sic nobis datum est illum nosse, sed ex parte duntaxat, tantisper dum hîc in terris agimus, 1. Cor. 13. 11. Datum est nobis vt credamus, Eph. 2. 8: sed adhuc cum diffidentia certat fides in nobis, Matth. 9. 24. Datum est vt velimus & efficere possimus: sed clamat Apostolus, Non quod volo bonū facio, sed quod nolo malum hoc facio, Rom. 7. 19. Non est itaque nobis in iis quæ recipimus subsistendum, multò minus de beneficiis qualibuscunque receptis superbiendum, 1. Cor. 4. 7: sed potius iis quæ transacta sunt pene oblitis, perpetuò vltiùs progrediendum, Phil. 3. 13. Immò indefesso cursu pergendum crescendo in Dei notitia, Ephes. 4. 13. Col. 2. 19, Huc tendunt exhortationes illæ toties in scripturis inculcatæ, vanæ certè & inutiles futuræ, nisi nos hæc promissio fulciret, Dominum quantumuis nos antea beneficiis innumeris in nos collatis sibi deuinxerit, noua tamen præterea beneficia nobis præparasse quibus præcedentia cumulet, vt qui thesaurum possidet, qui exhaustiri nunquam, immò ne imminui quidem possit. Et hæc quidem sunt promissiones cunctis fide-

bus factæ. Verùm si hanc promissionē Sponsi, alia ornamenta pretiosiora Sponsæ pollicentis, ad Ecclesiam vniuersaliter considerata, qualis tum erat sub Legis pædagogia, referamus; ita significabitur ille quem Patres non nisi procul adhuc positum, fidei & spei oculis viderunt, umbris Legis obuolutum, Gal. 3. 24. Coloss. 2. 17. & Heb. 11. 13. & 39: quem vlnis præsentem complexus Simeon, propterea gentium lumē & gloriam Israël appellat, Luc. 3. 32. Hæc est igitur in summa promissio fœderis illius noui & præstantioris patribus facta, & tandem ab ipso Sponso præsentem præstita, Heb. 1. 2. & 8. 6. Ex quibus perspicuum est meliorem esse Ecclesiæ Christianæ conditionem quàm veterum Patrum ante Domini aduentum in carnem, quamuis alioqui & ipsi, & nos itidem tempus expectamus plenę istius sanctæ in cœlis coniunctionis consummationi destinatæ, 1. Thess. 4. 17.

Cur Sponsus de se loquēs, inero multitudinis vtens dicat Nos faciemus? plurali numero utatur. Istud quidem magnatum loquendi more dictum videri posset. Solent enim illi ferè per numerum pluralem de se quasi nunquam solis loqui, vel quòd singuli multis alijs præpōderent. Sed si quis propius consideret quòd res est, comperiet hoc etiam loco nobis designari mysterium trium personarum in unica Deitate, & actionum externarum distinctè in ipsis personis consideratarum, absque vlla essentiæ vel diuisione, vel multiplicatio-

ne in opere nostræ salutis peragendo, & in
donorum in Ecclesiam & eius membra col-
latione. Sicut ergo Pater nobis Filium suum
dedit: ita Filius semetipsum pro nobis tra-
didit assumpta serui forma, itidemque Spiri-
tum illum nobis donat, fidē in nobis creans,
qua ipsum Filium apprehendamus. Sic Pater
operarios mittit, Matt. 9. 18. & Filius quoque
ait à se mitti, sicut Pater ipsum misit, Ioh. 20.
21. dans Doctores & Pastores Eph. 4. 11. Sed
& iidem à Spiritu deliguntur & diriguntur,
Act. 13. 2. & 20. 28. Quis autem illa dona nobis
confert & auget? Patr qui nos in Filio elegit
& vocauit, Eph. 1. 4. Filius ex cuius plenitudi-
ne illa desumuntur, Ioh. 1. 16. itidemque Spi-
ritus sanctus ex ipso Christo illa in nos deri-
uans, Ioh. 10. 14, introducens nos ad veritatis
lucem, & dona vnicuique prout ipsi libuit
distribuens, 1. Cor. 12. 11. Quod nos etiam do-
cet nostri Baptisimi formula qua in nomine
Patris, & Filij, & Spiritus sancti abluimur,
Siquidem horum trium quilibet vnus idem
ac solus ille Deus est, qui faxit pro misericor-
dia singulari sua, vt hæc regni cœlorum my-
steria ex ipsius verbo discere, & meditari pos-
simus ad ipsius honorem, & gloriam & salu-
tem nostram, sicut ab eo supplices his verbis
petemus. Deus Omnipotens, &c.

IN CANTICVM CAN-
CORVM HOMILIA
DECIMAQVARTA.

Auxilium nostrum sit à Domino, &c.

Quod sequitur extat in Cap. I. vers. 12. 13. 14.

12 Interim dum Rex est in mensa sua orbiculata, Nardus mea edit odorem suum.

13 Est mihi amicus meus fasciculus Myrrhæ, & moratur inter vbera mea.

14 Dilectus meus est mihi Botrus Copher, in vineis En-gedi.

*Felicitas status Ecclesie
Sponso suo
restituta de-
scriptio, sum-
pta simili-
tudine à sa-
crificiorum
Leuiticorum
epulis.*

Blanditias Sponsi quibus Sponsam occurrentem excepit superiore concione audiuius. Illa verò ingenti præ gaudio exultans apud se, & valde cupiens ab omnibus intelligi quantum sit hoc beneficium quo fuit affecta, nunc exponit quomodo sit ad sui Sponsi epulum deducta, & qualem se se illi assidens præstiterit, ut eius præsentia perfrueretur. Est autem hoc argumentum planè excellens, modo rectè intelligatur & usurpetur. Certum enim est in omni rerum natura non posse quidquam inueniri cum eo gaudio conferendum quod anima omnis fidelis, ac proinde vniuersa Ecclesia, percipit, quæ illam Dominus illo Spiritu suo intus so-
latur:

latur: quod nobis in Psalms plurimis describitur, & præsertim diuinissimè in illo beatissimæ Virginis Mariæ Cantico. Hoc etiam illud est quod nobis similitudine conuiuij passim in Scripturis sanctis designatur: non modo quoniam mutuo conuictu amicitia & familiaritas declaratur, accedente quoque animorum hilaritate: sed speciali in primis respectu conuiuiorum quæ erant sacrificiorum appendices, Domino videlicet tãquam præfente, & superiore loco, nimirum in altari suo discumbente, in quo sua illi portio adolebatur: reliquum verò partim inter Sacerdotes, partim inter eos qui victimas offerebant, ex legalium rituum formula, distribuebatur: cuius ritus elegans extat exemplū

1. Sam. 4. Hæc autem non erant certè pascendi ventris causa instituta, sed vt mentis oculis subiicerent cibum illum cœlestem, & verum animarum alimētum, vt ipsemet Christus copiosissimè totam illam analogiam explicat, Ioh. 6. & sæpe Prophetæ de spiritualibus beneficiis agentes, meminerunt vini, lactis, mellis, aquæ viuæ, quod mysterium exposuit ipse Christus cū illa Samaritana colloquens, Ioh. 4. Sed præterea proculdubio Solomon respexit ad instaurationem, & decus illud cultus diuini, quum, (post tam varias mutationes, atque adeò interruptiones, quæ mortuo Iosue, & demum regnante Saule, necnon Dauide bellis implicito, inciderant) tabernaculi loco, erectum esset augu-

stissimum illud templum, dispositaque in eo ministeria Ecclesiastica admirabili cum magnificentia: idque ex præscripto Domini, ac iuxta Prophetarum tum uiuentium monita, 2. paralip. 29. 25.

Orbiculata mensa designauit futurum ut adueniente in terras Sponsus ex toto terrarum orbe colligeret ipsi assensuram Ecclesiā in Euangelicæ prædicationis epulo.

Est autem obseruandum vocabulum illud quod *mēsam orbiculatam* interpretati sumus, cuiusmodi apud veteres non infrequens fuit accubitus. Aliquid enim magis amicum & familiare declarat hic discumbendi ritus, quàm si Rex seorsim solus cibum caperet, aut lineatim & in longum ac rectum alios haberet assidentes: Nam in orbiculata mensa, summus locus ex dignitate confidentis, non ex ipso situ æstimatur, propter formæ rotunditatem. Deinde probabile est Solomonem Spiritu Prophetico, ut & vniuersum legalem cultum, ad epulam illud respexisse, in quo Christus erat cunctos populos ex orbe terrarum euocaturus, id est Ecclesiæ cibum illum vitæ exhibiturus, Psal. 2. 8. Matth. 8. 11. Ad hoc igitur epulum Spōsa gloriatur se introductam, proximè suum Sponsum accubuisse, ut etiam Psal. 45. 10. expressum est. Quid autem fuit apparatus ille tēpli vniuersus quantuncunque magnificus, præ illa aspectabili huius Sponsi præsentia? & omnium Leuitici cultus rituum munera, præ Euāgelij clara exhibitione, quod est potentia Dei ad salutem omni credenti, siue Iudeo siue Græco? Rom. 1. 16. Propriè igitur Christiana Ecclesia post Iesu Christi præsentis osculum, illa est Spon-

sa quæ sese gloriari potest ad istud Regium epulum introductam, vt ipsemet Spōsus testatur, Matth. 22. 2. & Luc. 14. 16: qui vterque locus est huius allegoriæ vera explicatio. Sed hoc tamen sic accipiendum est, vt meminerimus hoc etiam conuiuium esse duntaxat præludium quoddā illius æterni epuli quod expectamus, nobis in cœlis iam olim paratum, Matth. 7. 22. & 25. 1. cui nunc quidem sola spe intersumus, Ephes. 2. 6.

Hoc igitur conuiuium (inquires) de quo hic loquitur Sponsa, vbinā terrarū agitatur? *Quo in loco terrarum celebretur hoc epulum.* Respōdens Christus ipse, vbicunque, (inquit Matt. 18. 20.) duo vel tres congregati fuerint in nomine meo, in medio illorum sum. Itaque ne longius locum illum quæramus, hîc, hîc, inquam, & hoc ipso in loco & hoc ipso tempore agitatur hoc epulum: hîc sternitur sacra hæc mensa: hîc, adstantibus Angelis amantissimè Sponsus suam Sponsam excipit: vt & omnibus iis in locis, vbi purè veritas ipsius annuntiatur, & eius nomen ritè inuocatur.

Sed quæ nobis hîc fercula apponuntur? *Quæ fercula à quibus, & quomodo in hoc epulo apponuntur.* Certè ipsemet ille Sponsus inprimis, vtpote verus panis viuificus qui è cœlo descendit, & vera illa caro, ac verus ille sanguis, vnde nobis haurienda est vita æterna, Iohan. 6. 50. Cibus non corporis dentibus, sed ore fidei sumendus: Cibus non in ventriculum traiciendus & ibi consumendus, sed mente fi-

deli recipiendus, vt nos incorruptos reddat: Cibus semel tantum in æternum apparatus quum in cruce mactaretur, & nobis nunc vbi, & quoties Ecclesiæ cœtus cogitur, ad vescendum præbitus, non tamen manibus, neque ministerio hominum, nisi quatenus illum nobis præbent, vt diuinorum mysteriorum ordinati sunt dispensatores, & velut architriclini in his sacris & spiritualibus epulis constituti: idque non vt in patinis aureis vel argenteis, vel alterius vllius materiæ situs, sed in Spiritualibus vasis in hunc vsum menti nostræ propositis. Sunt autem hæc vasa imprimis, diuini verbi prædicatio, quod cibus vitæ spiritualis dicitur, non quod propriè loquendo, verbum externum & aures feriens, sit ille ipse cibus, sed quoniam eo alimentum istud menti nostræ repræsentatum veluti continetur. Deinde vtrunque ex duobus Ecclesiæ Christianæ sacramentis instar catini esse asserimus, quo sacra Spiritualis esca nobis apponitur. Baptismus enim propterea lauacrum regenerationis appellatur. Pari prorsus ratione pani Cœnæ tribuitur corporis pro nobis traditi appellatio, & vinum illud dicitur esse sanguis ille Christi pro nobis effusus: sacramentali videlicet minimè vana significatione.

*Præstantia
epuli Euan-
gelici supra
Leuiticum.*

Vt autem huius Euangelici epuli supra Leuitica sacrificia dignitatem & præstantiam noscamus, (quæ quidem Solomon hîc designauit, sed figuram cum veritate coniungēs)
scien-

sciendum est Patres quidem vna eadēque
promissione ac fide qua nos fuisse donatos,
ac proinde eadē atque nos escam edisse, &
eundē atque nos potum Spiritualem bibisse,
nempe Iesum ipsum Christum : extra quem
nulla vnquam promissa neque data fuit vita
æterna, 1. Cor. 10. 3: sed quod ad ipsum conui-
uandi modum attinet, si diligentius rem to-
tam expendamus, hoc dicere fas erit, Spon-
sam in illis Leviticis sacrificiis duntaxat asse-
disse suo Sponso, fidei duntaxat illius ventu-
ri expectatione, qui nihilominus fuit ipsius
fidei præsens. At in Evangelico conuiuio,
(in quo etiam non nisi eiusdem fidei oculis
Sponsus cernitur,) mutuo sese propius, & ar-
ctius Sponsus & Sponsa spirituali nexu co-
pulant : efficacissima nempe illa mutua, per
inenarrabile sancti Spiritus operationē, in-
sinuatione spirituali, 1. Cor. 6. 17: qua fit hæc
Sponsa os ex ossibus & caro ex carne eius,
quod mysteriū propterea magnum appellat
Apostolus, Ephes. 5. 30: cuius virtus mira-
bilis in cunctis eo cibo pastis sese demonstrat.
Et vt istud duorum fœderum, quamuis eodem
spectatium, discrimen certius etiā appareat,
dico propterea sub lege conuiuas fuisse qui-
dem oblatae victimæ participes, sed ita vt de
altaris ipsius & Sacerdotum portione nihil
degustarent, & sanguinis vsus penitus esset
illis interdictus: testante Spiritu sancto per-
fectius aliquid esse sub noui fœderis exhibi-
tione expectandum, quā in Evangelicis epulis
f. j.

ipsummet Christum fide spiritualiter manducemus & bibamus: & signa sacramentalia sine exceptione vlla partium, sumimus.

*Allegoria
Nardi Spec-
se unde sum-
pta.*

Attendamus autem quod demum addit Sponsa: nempe quum Sponso assideret, Nardum odorem suum edidisse. Nardus igitur frutex ob vim illam odoriferam apud Orientis populos summo fuit in vnguentis, in pretio, & magni inter conuiuentes vsus: quod etiam ex historia Euāgelica liquet, Luc. 7. 37. & Ioh. 12. 3. in eo cōuiuio in quo Ecclesia verè ac visibiliter cum suo Sponso personis Apostolorum & Mariæ illius repræsentata, cibum sumpsit, & ipsum Sponsum odore suo perfudit, vt eò quoque specialiter videri possit quodammodo fortasse Solomon Prophetico Spiritu respexisse.

*Non satis
est assidere
huic mensæ,
sed requiri-
tur etiam
Sponsæ sua-
uolentia.*

Sed quum hæc accommodatio subtilis sit potius quàm solida, quiddam hîc aliud nobis spectandum est, vnde maiorem fructum percipiamus. Hinc igitur discamus nequaquam nobis sufficere ipsam ad has epulas inuitationem: sed eò introeundum, ac etiam accumulandum esse: alioqui nobis ad damnationem cessura inuitatione, quemadmodum (Eheu) si vnquam aliàs, nimis est istud hodie frequens, plerisque mundi solitudine sic occupatis, & omnis generis vanitate sic fascinat, vt paucissimi de isto tanti pretij conuiuio seridè & assiduè sicut factum oportuit, cogitent. Inde verò quid consequetur? nempe vt inde quoque, sicuti merentur, repulsi, fiant

&

& strideant dentibus in æternum, Matth. 22.
7. & 8.

Sed & postquam illuc ventum & accubitu- *Cur in hoc è-*
tum est, oportet vt præterea bonos suos o- *pulo non fiat*
dores Nardus illa nostra eiacularur. Immo, *esur aut pe-*
inquires, oportet potiùs vt accumbentes ap- *sus mentio:*
positis cibis vescamur: At in hoc conuiuio
nulla fit neque comedendi, neque bibendi
mentio. Obseruemus igitur hoc conuiuium
non esse instructum vètris & corporeorum
illorum ciborum, sed spiritualis vitæ causa:
Itaque fit hîc mentio duntaxat Nardi, Myr-
rhæ & Botri Copher, ea videlicet de causa,
quòd, inter ea quæ sensibus percipiuntur, ni-
hil est odoribus ad res spirituales designan-
das accommodatius, vtpote qui ad cerebrum
sic deferantur, & eo percipiuntur modo &
ratione præ cæteris (excepto auditu, ex quo
etiam fides est) sensibus, tam subtili ac plane
spirituali, vt omnem humanum captum ea
res superet: Cæterorum enim trium sensuum
obiecta, nempe quæ vidètur, gustantur, tan-
guntur, sunt crassa & materiata, quæ verò au-
dimus & odoramur, subtilissima & tenuissi-
ma sint oportet. Neque hæc consideratio vi-
deri debet longius & extra sacras literas, pe-
tita, sicuti mox planum faciam. Verùm ex iis
quæ dicta sunt collegerit fortasse quispiam
Sponsum à Sponsa porius, quàm à Sponso
Sponsam hunc odorem videri accepisse, vt-
pote quæ odoratam suam Nardum hîc com-
memoret. Atqui aliter prorsus rē se habere
f.ij.

liquidò ex eo patet , quòd Sponsa initio testata est , cupere se à suo Sponso osculum accipere , nò autem sese iactare quòd osculum ei præbuerit : & quòd postulauit , vt ab illo traheretur , vt vnâ cum suis comitibus illum posset assequi , & ipsius odoribus perfundi , apertè demonstrat , nihil hîc ab ea offerri suo Sponso , quod non prius ipsi acceptum ferat , vt id ipsum ad illum referret. Fateor interea in veterum sacrificiis adhiberi consueuisse carnem , panem , vinum , quibus verè & re ipsa reficerentur : & nos hodie quoque in Baptismo aqua perlui , ac in Cœna Domini panem & vinum corporis ore percipi , res ad sacrum vsum institutas : Verùm semper illud memoria tenendum est , iram Dei minimè per carnes aut sanguinem hircorum vel Taurorum , quæ in priscis sacrificiis adolebantur , placatam fuisse , Heb. 10. 4 : sed iam tum Iesum Christum , (tempore suo seipsum Deo Patri in suauissimi odoris sacrificium oblaturum , & per mactatas illas pecudes , sacras videlicet figuras , designatum) fuisse semper unicam pro nostris omnibus peccatis expiationem : & quod fideles sacrificantes ad salutem recipiebant , nequaquam illud fuisse alimentum illud corporis , ore & dentibus sumptum , sed veram remissionem peccatorum per eum sanguinem quo vno delentur peccata , Rom. 3. 24. & 1. Petr. 1. 19. Neque sanè Deus propriè hostiam quæ sacrifici-

crificabatur, & alias corporeas oblationes respiciebat, sed sacrificantis piam rectamque mentem, ut innuitur Psalm. 50. 8. & 14. & 51. & 19. Hæc illa igitur semper fuit Nardus, quam hoc loco commemorat Sponsa. Pari ratione, in sacramentis Ecclesiæ Christianæ, aqua illa visibilis ac corporea nequaquam sordes nostras internas eluit: sed sensibus externis testatur, id quod, si vera fide percipiatur, verè nos lauat & sanctificat, asperisionem videlicet & energiam inuisibilem atque spiritualem sanguinis Domini nostri Iesu Christi, 1. Pet. 1. 2. & 3. 21. Sic quoque in sacra Domini Cœna nequaquam nos ad vitam æternam nutriunt quæ videmus, tangimus, comedimus, bibimus: sed ea demum quæ panis ille & vinum illud, menti fideli quæ nostræ per sacramentalem significationem repræsentant, nempe corpus illud traditum, & sanguis ille effusus pro nobis: Ipsemet denique Iesus Christus totus, Deus & Homo, à quo, spiritualiter, per fidem, virtute sancti Spiritus, animis nostris applicato, siue nostro facto, remissionem peccatorum, augmentum sanctificationis, succum denique vitæ æternæ, ad animi corporisque nostri salutem æternam, haurimus. Itaque quoties vel in veteri Testamento propiciatio Dei sacrificiis adscribitur: vel in Apostolicis scriptis, voces ablutionis peccatorum, indutionis Iesu Christi, communionis corporis & sanguinis Christi,

signis visibilibus & corporeis accommodatur, istud eo sensu nequaquam accipiendum est, ac si signis tribuendum vlllo modo sit quod est vni rei significatæ proprium. Nullus enim est qui nesciat aquam ad animam vsque neutiquam pertingere, vt ipsius sordes mundare possit: & animam nec edere nec bibere. Sed istiusmodi loquendi formulas v-
surpasse Spiritum Dei cogitandum est, vt quantum sit discrimen inter illarum rerum communem vsum atque ad mortalem hanc vitam pertinentem & earundem sacrum vsum, in quo non iam vt res communi vsui destinata, sed vt Sacramenta seu visibilia signa proponuntur, eorum quæ Deus inuisibiliter sub illis intelligenda nobis offert, & re ipsa perficit in animabus nostris, nisi per nos stet, id est nisi per incredulitatem dona & beneficia ipsius repudiemus.

*Quid per huius
Nardi
fragrantiam
intelligatur.*

Quænam igitur tandem est ista Nardus, cuius fragrantia Sponsum ad eum delectari significat Sponsa? In primis videlicet cor contritum & submissum, tantoperè commendatum, Psalm. 51. 19. Deinde Fides & illa sancta confidentia, gratiam & misericordiam Dei amplectens in vnico Seruatore Iesu Christo, sine qua fieri non potest vt Deo placeamus, Heb. 11. 6. Præterea Charitas minimè ficta, sed sanctis proximo præstitis officiis testata, 2. Cor. 6. 6. Item sacrificium gratiarum actionis Colos. 3. 16. Gen. 8. 21. Deniq; vita pia & Christiano homine digna: in cuius curriculo placere

cere Deo, pro Spiritus nobis donati modulo, studemus: nos ipsos totos Deo cōsecrantes, Rom. 12. 1. vt singuli muneribus vocatio-
nis nostræ incumbentes, bona fragrātia Domino simus, 2. Cor. 2. 15. Hæc sunt igitur odorata illa quæ nos ad conuiuium istud accedentes importare deet, per vestem illā nuptialem designata, cuius fit mentio Matth. 12. 11: quam induere qui neglexerint, manibus pedibûsque colligatis foras in tenebras exteriores expellentur, vbi gemitus erit stridorque dentium æternus.

Dum autem ista mecum reputo, horret animus mihi cogitanti quid tandem futurum sit tam multis qui ad hoc sacrum epulum, sonitu nimirum campanæ acciti, properant quidē, sed neque in ingressu, neque in egressu quidquam boni huius odoris spargunt: sed domum redeunt magis etiam fœdi & impuri quàm hūc accesserint: Quum enim oportuerit omnes ita esse comparatos, vt extraneos etiam ipsos, effecta Spiritus Dei in illis spectantes, ad verum Deum glorificandum pelliciantur, Gal. 5. 11. Matth. 5. 16. plerique contra sese coram Deo & hominibus eò vsque conspurcant, vt ansam præbeant prætoriosi illius blasphemandi nominis, quod est super nos inuocatum, Rom. 2. 24. Ecquis verò tam est placido, moderatōque ingenio, vt si quispiam ad cœnam ab ipso ex mera benignitate vocatus, eò ingrederetur, fœdissimū quidpiam disco aut manibus gestans & ipsi

*Applicatio
huius alle-
goriæ ad no-
stra hæc tem-
pora.*

propinans, tam impurum hominem ferat?
 Ecquid verò aliud in ipsius Dei conspectu
 faciūt, qui pro eo quòd oportuit, corde con-
 trito, & verè submissò in conspectu Dei pro-
 deunt, cum Davide clamare: Cor mundum
 crea in me Deus, Psal. 50. 12: & cum illo Pu-
 blicano dicere, Propitius esto Domine mihi
 misero peccatori, Luc. 18. 10, animo adsunt
 adultero, scortatore, insolente, mundanis re-
 bus haud aliter quàm idolis obnoxio, vene-
 ficis aspectibus, & omnis generis pessimis
 exemplis proximos fascinantes, odiis ar-
 dentes, contentiosi, rixosi, factiosi, inui-
 di, ebriosi, helluones, & infinitis adhuc e-
 iusmodi sordibus fœdi? cuiusmodi nimium
 adhuc multos inter nos (Eheu) cernuntur,
 ad sacratissimum hoc epulum inuitati. Ita-
 que, Fratres, in nomine Domini vos etiam
 atque etiam clamans obsecro, exhortor, o-
 ro vt Domino reconciliemini, 2. Corinth. 5.
 21. Resipiscite, inquam, Mortificate mem-
 bra vestra terrena, Coloss. 3. 6: Ne Deum
 falli posse existimate, Galat. 6. 7. Edite fructus
 dignos pœnitentia. Securis enim iam ad ra-
 dicem posita est: Omnis igitur arbor arida
 putrilus excindetur, ac in ignem mittetur,
 Matth. 3. 10.

*Tentationes
 Satanae ad
 sinistram ca-
 uenda, in
 hoc argu-
 mento.*

Sed hic sollicitè cauendum est nobis à Sa-
 tana tum ad dextram tum ad sinistram nos
 agrediente. Simus igitur vicissim armis illis
 iustitiæ vndique recti, 2. Corinth. 6. 7. Nam
 vtrinque aditum inuenit, cui nisi occurre-
 mus,

mus, fieri non potest quin vel insidiis illius irretiamur, vel eius aperta vi opprimamur. Ad sinistram itaque vrgemur, innatis nobis cupiditatibus, quibus nisi restiterimus, non minus certè rapidè flammam tormentarius pulvis arripit, quàm statim pessum nobis abierint omnia. Nam vt aqua suapte natura deorsum labitur, ita natura nostra deprauata ad malum sponte sua præceps fertur, adeò vt ipsi quoque per gratiam efficacissimè instaurati, difficulter admodum vel leuissimas tentationes superent. Neque ad id probandum opus est longissimè petitis exemplis, quum expeditissimi quique & maximè alacres certatores quotidie experiantur, quanta difficultate benè cogitare, & boni quidpiam exequi re ipsa possint. Acre est igitur istud cum Satana certamen, nobis persuadere conante, non esse necessariam hanc Nardum, quasi Dei gratiam velut in pera reconditam gestemus, & quasi salus æterna sit contemptoribus quoque & subsannatoribus illis parata: quorum peculiaribus in nonnullos beneficiis & exemplis facilè faciet, nisi obstiterimus, vt abutamur, ac tandem cum illis blasphemis dicamus in cordibus nostris, Peccemus vt abundet Gratia, Rom. 6.1.

Altera porro tētatio nō minus facilis est illi nostro auersario, quoties nostra illa nobis innata falsa de nobis ipsis opinione, armat⁹ nos

Altera tētatio Satanae ad dextram, in qua:

*succubus qui
meritorium
constituunt
hunc Nardi
adorem.*

laceffit:& quidem in primis aduersus eos, qui
eximiis donis à domino sunt exornati, siue in
ipsa Ecclesia siue extra Ecclesiam versentur.
Hinc sæpe videmus accidere, (quod etiam
plurimis tum sacris tum prophanis historiis
confirmatur) vt præclara quæque ingenia vel
euanescent, vel euadant maximarum calami-
tatum instrumenta. Neque hac nostra ætate
desunt tristissima huiusmodi exempla. Un-
dénam enim prodit impium, sceleratum, at-
que adeò diabolicum illud meritorum & ex-
piatoriarum satisfactionum dogma, nisi ex illa
falsissima, sed nobis ingenta, de nobis opi-
nionem, quòd quales nascimur alicuius pretij
sumus? Hinc prodierunt Pelagiani, renouata
Pharisæorum doctrina, quos non immeritò
Paulus crucis Christi hostes appellat. Nihil e-
nim gratiæ Dei magis repugnans cogitari po-
test, quàm si quis aliquid à se proficisci posse exi-
stimet quod sua dignitate quidpià apud Deum
mereatur. Res certè absurdissima. Etenim vt
emittam quod dissimulare nequaquam permit-
tit cunctos arguens propria consciëntia, nem-
pe sanctissima quæque hominum opera, id est
vitij minus habentia, turpi ignauia, ignoran-
tia, aliisque defectibus vbique manca & vi-
tiosa manere: Cuius rei grauissimum testem
habemus ipsum Paulum, qui altissima voce
coqueritur, Se bonum quod appetit exequi
non posse, malum verò quod improbat inui-
tum etiam facere: vt inquam hæc omittam,
quis furor est, etiam si angelos sanctitate æ-
quaremus

quaremus, existimare quidquam ex nobis manare posse, quod sua dignitate ita Deo sit acceptum, ut eius dilectionem ac beneficentiam promereamur? Optimo igitur iure damnata est iampridem Pelagianorum hæresis, qui originale quod vocant peccatum negarunt. Sed non propterea destitit Satan ab hoc incepto, neque sese victum falsus est, sed paruo circuitu diuertens, aliud quidpiam speciosius obtrusit. Docuit enim homines fateri obfuscata[m] originalis peccati labe nasci humanæ intelligentiæ lucem, & pronam esse voluntatem humanam ad malum ac mendacium. Nos igitur imprimis gratia Dei egere quæ infirmitatem nostram fulciat: defectus nostros corrigit: ac proinde quod deest bonis nostris operibus suppleat, ne summo iure in illa inquiratur: Deo propterea acceptante & in soluti rationes referente quod illi de nostro soluimus, prout ipsius gratia nos preuenit & comitatur. Bellum sanè turpissimi commenti velamen. Etenim si hæc ita sunt, quæ tandem fuerunt in nobis seruandis Iesu Christi partes? Is videlicet non qui nos seruauit, sed per quem nobis contingat ut ipsi simus nostri, si non in solidum, at ex parte saltem Seruatores: Itaque sanguis ipsius hætenus pro nobis fuerit effusus, quod nostris operibus inspersus & immixtus, vim illis æternæ nobis promerendæ salutis conciliet: & ad obtinendam veniam & vitam æternam neque sanguis Christi scilicet, absque operi-

bus nostris, neque opera nostra absque illo sanguine suffecerint. Hoc autem commento miseris mortalibus persuaso, tum demum Satan apertè prodire, & quidquid ipsi libuit palam caput proferre. Mox enim eò ventum est ut sibi quisque suo arbitrio meritoria & satisfactoria opera confinxerit, & quidem tanta copia meritorum iis attributa, quos visum est pro sanctis primùm in paradisum intrudere, ac deinceps in letaniarum albo velut indigitare, ut etiam hodie plena sint huiusmodi meritorum horrea, quæ emptoribus, condicto pretio, boni isti mercatores animarum diuendant. Denique ne quid præter larvam ac inane spectrum meriti & satisfactionis Christo relinquerent, extractum est purgatorium, unde meritis viuentium extrahantur mortui. Ecquid verò impurius, scelestius, detestabilius hoc audacissimo commento excogitari potuit? Et tamen hic est ille suffitus, hic aromaticus nidor inanissimi fumi quo etiamnum tot miserrimæ gentes demètantur. At nos istis opponamus puram hanc sinceramque Dei veritatē, Tibi, tibi soli, Domine, non nobis honor & gloria Psal. 113. 1. &, Ne intres in iudicium cum seruo tuo Domine. Nullus enim viuens coram te iustus est Psal. 143. 2. &, Si Abrahamus ex operibus iustificatus fuit habet quod gloriatur, at non apud Deum Rom. 42. Sit igitur sola crux Domini nostri Iesu Christi satisfactio pro peccatis nostris: sint illius perpeffiones, nostra merita:

merita: sit vnica mors illius, victoria nostra.

Nihilominus autem interea Nardus nostra (id est illa Spiritus Dei virtus gratis nobis donata, & gratis in nobis efficax,) vere gratissimum odorem emittat. Soli enim illi censentur filij Dei qui ex Spiritu Dei regenerati sunt Rom. 8. 14: & vt ab illo iustificati, sic ab eodem ex peccati seruitute in libertatem asserti sumus Ioh. 8. 36. Sed magnum est inter has duas quæstiones discrimen: per quid filij Dei fiamus, & Quibus notis, Filij Dei necne simus appareat. Prior enim illa quæstio de causa, altera de effectis quærit. Sola igitur Dei gratia nos elegit: Sola nos ad salutem vocat: sola est salutis nostræ causa, initiatis ad finem vsque progrediens. Quod enim fides, in nobis ex pura Dei gratia creata, Iesum Christum & vitam æternam in ipso apprehendit, inde oritur, quòd sic Deo placuerit causas ordinare quibus æternum illud suum de nobis eligendis, vocandis, iustificandis, ac tandem glorificandis decretum exequitur. Fideles autem ac proinde ad gloriam æternam electi inde discernuntur, quòd gratia Dei immutati ab iniquitate recedunt, iustitiæ sectandæ causa, prout Deo placet eos maturius aut serius vocare, & suum illis Spiritum impertiri. Fideles igitur sunt ij qui ex bonis operibus dignoscuntur. Et hæc bona opera fatendum quidem est à Deo, tum in hac, tum in æterna vita coronari: sed ex mera gratia & liberalitate: non autem

Operibus tamē bonis sine huius Nardi odore nunquam caret Sponsa: & quæ sit hæc Nardus vera.

quòd vlla sit eorum vel tantilla dignitas, cui merces illa debeatur: neque quòd satisfactoria apud Dei tribunal censeantur: (sola enim Iesu Christi oblatione sumus recòciliati) neque quòd respondeant iustitiæ quam lex requirit, & cui merces æternæ vitæ promittitur ex hac fœderis legalis formula, Qui hæc fecerit viuet in eis Gal. 3. 12. cui ex aduerso opponitur hæc còminatio, maledictus quisquis non manserit in iis omnibus quæ scripta sunt in libro legis, vt faciat ea, Gal. 3. 10. Itaque in solo Christo qui omnem iustitiam adimpleuit ratæ sunt omnes legales promissiones: ac proinde non nostræ, sed vni ipsius obedientiæ debetur, quæcunque nobis persoluitur merces. Præterea quamuis bene agendo non simus lapidum vel truncorum instar: tamen, quum benè velle & bene agere non sint in nobis innata, sed ex mera Dei gratia in nobis creentur: certè bona opera sunt ipsius potiùs in nobis agentis quàm nostra: ideòque, si propriè loqui volumus, sua potiùs in nobis inutilibus seruis opera quàm vt nostra, & ex nobis producta coronat. Denique, vt paucis hæc omnia complectar, quod Deus opera, etiam quàm optima quàm sanctissimorum acceptat & coronat: & Nardus nostra bene ipsi olet, hoc profectò nequaquàm oritur ab vlla ipsis in sese insita qualitate, sed ex eo quòd pro sua misericordia in illa seuerè non inquit cuiusmodi sunt in sese, & quatenus à nobis proficiscuntur: sed ea conside-

rat in illo in quo sicuti nos eligere & respicere dignatus est, sic etiam nos sibi gratos habet, & quod ipsi per eius gratiam offerimus. Etenim si ex legis rigore vellet Dominus eorum etiam pietatem aut quantamvis feruentem Charitatem scrutari qui sanctimonia cæteris præstant, tot maculis turpe, totque vitiis corruptum qualecunque illorum bonum sese proderet, vt non modo futurum sit indignum quo Deus ad nos gloria sua ornandos impellatur, verum etiam è contrario æternis suppliciis dignum: quoniam optima etiam opera si in sese hac ratione æstimentur, planè sunt totidem diuinorum donorum pollutiones.

Itaque nostra hæc Sponsa nequaquam substitit in prædicanda sua fragrantia, sed ad Sponsum recurrit cum duabus odoratissimis arbutis collatum, Myrrhæ videlicet, & eo quod Copher appellat: qui frutex florem vel fructum edit vix non dissimilem, in vinetis Engaddi frequens, regione ob fertilitatem in sacris literis celebratissima. Primum igitur ex istis Sponsæ verbis obseruemus aliud quidè esse Sponsam quàm ipsius Sponsæ Nardum: hanc autem Myrrham & istud Copher esse ipsummet Sponsum. Nam quidquid donorum habemus, & illorum fructus, nempe bona opera, qualitates certè sunt, nequaquam nobis ingentis siue congenitæ, sed aduentitiæ, nimirum ex mera liberalitate ac beneficentia eius qui efficit vt velimus & faciamus,

Sponsa myrrhæ & Copher cōciliat omnem huic Nardo bonum odorem

Ideò, si maximè propriè loqui volumus, non tam ex nobis prodit illa sua uolentia, quàm ex eo quòd Dei dona quibus decorati sumus, hoc ipsi præstent ut benè oleamus. Sponsus autem iste omnia in se continet, quatenus Deus est: & omnia à seipso recipit, quatenus est homo. Breuiter, idem ipse totus perfectus, totam perfectionem, eamque immensam apud se habet, quam distribuit iis quibus illi uisum est, & qua mensura ipsi libet: sicuti flores odorem suum in sese neutiquam retinent, sed illum spargunt, & appropinquantibus præbent. Propterea dicitur hic Sponsus alibi, non solum habere vitam, sed etiam esse vita ipsa atque resurrectio, vitam, inquam, in seipso habere, imò Spiritus, (inquit ipse Ioh. 16 14.) de meo accipiet: & alibi, Potestatem (inquit) habeo animam meam deponendi & eam rursus assumendi Ioh. 10. 18.

Vnde oritur & ad quem spectet hæc benedictio.

Et hæc est ratio cur hoc loco Sponsus non conferatur duntaxat cum vna Myrrhæ Lachryma, sed cum Myrrhæ massa, seu fasciculo: neque cum vnica bacca vel grano Copher, sed cum racemo: quoniam uidelicet de Spiritu quidem suo his vel illis admetitur quantum ipsi libuit, sed illum in sese immensum possidet. At nequaquam tamen hic odor in mundum effunditur, cui non sapit hic Sponsus, ut nec ipsi mundus. Cedò igitur quibus cedit odor iste uiuificus? iis nimirum qui in sinu suo fasciculum hunc Myrræ, & hunc racemum Copher premunt, id est iis qui, beatæ

beatæ Mariæ Virginis exemplum secuti, verba vitæ æternæ custodiunt, Ioh. 6. 68. in corde suo, Luc. 11. 28. & perpetuò, dies noctesque legem Domini meditantur Psal. 1. 2: in quorum cordibus hoc verbum copiosè inhabitat Colos. 3. 16: ac consequenter apud quos Iesus Christus cum patre residet, Ioh. 14. 23. nec non Spiritus Sanctus. Gal. 4. 16. vt ipsamet corpora nostra ipsius templum fiant. 1. Cor. 6. 19. Discamus igitur, quæso, ab illa ficta & fucata mundi specie, veram pulchritudinem synceramque bonitatem discernere: & Deum precemur vt nos magis ac magis immutet, procul à mentibus nostris fœtore omni ignorantiae ac falsitatis, & affectuum nostrorum sordibus abiectis, quarum loco, nobis suauissimis integritatis & obedientiae suæ odoribus intus & foris delibutis, emendare nos, & ad omnem munditiem & sanctitatem formare dignetur: vt illi pro misericordia singulari sua grati & accepti simus. Qua in re petenda, quum valde segnes adhuc fuerimus, immò verò ipsius bonitate ac patientia indignissimè abusi simus, superest vt eius misericordiam hisce verbis imploremus. Omnipotens Deus &c.

IN CANTICVM CAN-
TICORVM HOMILIA
DECIMAQVINTA.

Auxilium nostrum sit à Domino, &c.

Quod sequitur extat in Cap. I. vers. 15. 16. 17.

15 Ecce tu pulchra es amica mea, ec-
ce tu pulchra es: Oculi tibi sunt co-
lumbini.

26 Ecce tu pulcher es dilecte mi, e-
tiam venustus: sed & lectus noster vi-
ret.

17 Suntstrarum ædium trabes
cedrinæ, & cupressina podia nostra.

*In hac mu-
tua Sponsi
& Sponsæ
congratula-
tione, nobis
consideranda
proponitur
lætitiæ in-
enarrabilis,
qua fideles
omnes con-
scientiæ affi-
ciuntur, Chri-
stum illos per
suum Spiri-
tû alloquente
audientes.*

HUcvsque Sponsum & Sponsam velut
ad Sponsalium conuiuium deduximus.
Nunc verò eorum confabulationes audire
expedit, inenarrabili sanè consolatione re-
fertur. Quis enim animo complecti possit, aut
eam dilectionem quam intrinsecus suæ Sponsæ
omniq; animæ fidei testatur Sponsus, aut
purissimam illam voluptatem quam inde
Sponsa tum propter bonorum quæ sic nan-
ciscitur præstantiam, tum ob excellentiam e-
ius à quo tanto honore afficitur? Quum au-
tem summi istius boni vera æstimatio tanti
sit pretij vt ignauissimos etiam cogat ad il-
lius potiundi desiderium, sceleratos verò,
postquam

postquam illud repudiarunt, ad deplorandam suam sortem adigat: tanto maiore studio debemus illorum donorum præstantiam attendere, ut eorum participes fiamus.

Postquam igitur Sponsus Sponsam suam blanda *Amica* appellatione demulsit, semel atque iterum illius formam commendat. *Formosissimam esse Ecclesiam, & quæ sit eius vera pulchritudo.* Primum autem hic considerare nos decet quis & quantus sit qui hic loquitur: ille nimirum æternus Dei Filius, qui falsæ pulchritudinis specie falli non potest, vana huius mundi apparentia deceptus 1. Cor. 7. 31: neque dissimulanter quicquam profert Matth. 22. 16. Quare nullo pacto dubitare fas est quin formosissima sit Ecclesia, quandoquidem istud semel atque iterum ab ipso asseritur, ac proinde quin sit Deo longè gratissima. Idque non tantum ex eo colligimus quòd consentaneum videtur ut is qui veræ pulchritudinis ac bonitatis fons est, omni eo delectetur in quo appareant aliquæ impressæ pulchritudinis ac bonitatis vllius notæ, ut ex historia creationis mundi patet, & Prou. 8. 30. sed tiam ostenditur ex hac *Amica* dulcissima conpellatione, qua Spôsam suam hic Sponsus consultò dignatur. Sed quînâ, inquiet aliquis, id fieri potest? Nam ille quidem lux est, nos verò tenebrę 1. Cor. 6. 14. Occurramus, Fratres, huic rê-tationi. Tenebræ quidem natura nascimur, ac proinde filij iræ Eph. 2. 3. At istud fuistis (inquit Apostolus) sed abluti estis 1. Cor. 6. 11. Hoc verò prudenter intelligere interpreta-
t. ij.

rique nos decet, ne vel ipsi nobis plus æquo placeamus, vel animos despondeamus, quasi nihil habentes cum hoc Sponso commune: 2. Cor. 6. 14, quum hic Sponsus sit hominum pulcherrimus, atque supra consortes suos vnguentis odoratissimis delibutus Psal. 45. 8. 81. Gloria & honore coronatus Heb. 9. & nomē habeat supra omne nomen Phil 2. 9: Filius denique sit ille in quo pater acquiescit Matth. 3. Tametsi enim Solomonis tempore adhuc istud præstitum non esset huic Sponso secundum carnem, tamen pro præstito iam habebatur, quod ad vim & efficaciam istius mysterij attinet. Quomodo igitur Sponsa præ ceteris forma non excelleret, spiritali ratione cum Sponso ita coniuncta? & quidem tam arctè ut caro sit ex eius carne, & os ex ipsius ossibus? Eph. 5. 30. Cur, inquam, non omnium pulcherrima & ornatissima esset hæc Regina, atque adeò omnis fidelis anima, quum idem Sponsus nobis à patre Sapientia, Iustitia, Sanctificatio, atque Redemptio nostra sit factus? 1. Cor. 1. 30. Sed præterquàm quod in ipso sumus, & ipse est eorum summa pulchritudo qui cum illo per fidem vnum sunt, sicut postulavit à Deo Patre Ioh. 17, 21. superadditur nobis regeneratio illa spiritalis, qua sumus vnus cum eo spiritus Eph. 4. 4. usque adeò ut non modò à præteritis peccatis abluamur, verumetiam noui homines faciamus ad iustitiæ fructus pro gratiæ ipsius mensura

mentura proferendos. Est ergo Sponsa in ipso, eleganti usquequaque forma conspicua, & eiudem gratia fit in dies in semetipsa formosior. Age igitur summo studio quanta sit hæc beneficentia seriò meditemur, ne sit in nobis infructuosa, sed ut potius illius virtute freti & sordes ac inquinamenta huius mundi execrati, nosmetipsis totos illi consecremus qui nos ex illis teterrimis tenebris, ad purissimam & vere admirabilem lucem magis magisque inuitat. 1. Pet. 2. 9. Nemo est certe qui maculas faciei abstergere non studeat: At quanto magis animæ labes abolendæ? Si tanti sit regum atque principum virorum fauor, quantò pluris æstimanda est Filij Dei gratia, dulcissimo *amice* nomine nos compellâti: & eò usque nos amplexi, ut illius beatissimi regni sui gloriam communem nobiscum esse velit? Matt. 25. 34. Luc. 22. 29. Rom. 8. 17.

Cæterum pergens Sponsus, oculos illius esse testatur columbarum oculis similes. Neque temere est quòd Sponsæ suæ formam contemplatus, speciatim meminit oculorum. Nam ut in facie, supra cæteras corporis partes, eminet pulchritudo, adeò ut formosus vultus quamlibet cæterorum membrorum deformitatem tegat: & contra, si turpis sit facies nihil in reliquo corpore gratum appareat: sic in vultu principes partes ad conciliandam gratiam tenent oculi, præcipuè in amoris affectu: qui utique

Quid significetur per oculos columbinos.

t. iij.

oculis hauritur, iisque veluti fenestris quibusdam apertis irrepens, ad intimum cor usque penetrat: siue pudicè ametur, ut testis est Iacob Rachele visâ: siue illicita cupiditate feramur, quemadmodum de Davide legitur 2. Sam. 11. 2. quo spectant verba illa ipsius Sponsi Matth. 5. 28. Sed ista similitudo, commodè ad suum finem est referenda. Constat igitur columbarum mitem ac mericulo-
sam esse naturam, quod præsertim in ipsarum oculis elucet, adeò ut ad demonstrandam nobis illam summam Domini nostri Iesu Christi mansuetudinem, Spiritus Sanctus specie columbæ supra ipsius caput in eius Baptismo apparuerit Matth. 2. 16. Itaque ad demonstrandam convenientiam & sympathiam illam inter hunc Sponsum & hanc Sponsam, (Ambos enim vnus idemque Spiritus regit Rom. 8. 14.) ad simplicitatem columbæ reuocamur Matth. 10. 16. Est autem hæc virtus opposita illi simulato, fucato, atque versuto ingenio quod à natura contraximus, & in nobis perstat, quoad, Dei Spiritu, veri Israelitæ Ioh. 1. 17. talesque euadamus quales pij Psal. 15. describuntur. Cum hac etiam virtute pugnat impudens ille fastus, qui ex claris oculis deprehenditur, de quo David Psal. 101. 5. & 131. 1. Ab hoc autem vitio plurimum abhorret Christiana lenitas ac demissio, qua intra fines nostræ vocationis omnino coarctamur, 1. Cor. 7. 10. nimirum ne supra quod liceat sapere velimus Rom. 12. 3.

sed

sed ut potius Spōsi patientiam & cordis humilitatem imitemur Mat. II. 29: qui haud temerè agno similis esse dicitur Ies. 53. 7. Sed & ex oculis vagis & procacibus, de quibus loquitur Iohannes I. Epist. cap. 2. 16. & 2. Pet. 2. 14. impudicam libidinem argui notum est. Quin & toruo intuitu latens inuidia declaratur Matth. 20. 15. aduersus quæ vitia perpetua pugna est ei puritati, modestiæ, & castæ dilectioni qua cunctos veros Christianos præditos esse conuenit, & quarum notas quasdam in hoc auium genere obseruauerunt qui animantium naturas sunt perscrutati. Age igitur, singuli sese hîc diiudicent, vnusquisque secum expendat quantum à puris istis columbarum oculis absint homines fallaces, versuti, arrogantes, Dei & hominum contemptores, scortatores, & tum gestibus, tum corporis habitu molles ac dissoluti, inuidi, rixosi, litigiosi. Vbinam verò sordes istæ vigent? Certè plus satis apud nos, qui nihilominus Ecclesia Dei reformata videri volumus. Sed quo tandem iure, si plerique nostrum ex vita & moribus æstimentur? Et ita certè apud Dei tribunal censebimur, neque nos hic vlla fraus aut versutia iuuerit.

Sed nunc audiamus ecquid tam blandis istis sermonibus Sponsa vicissim respondeat. *Quod sit inter Sponsi in Sponsam & Sponsæ in Sponsum amoris discriminem.*
Mi charissimè, inquit, quæ certè est valde familiaris cum cœli & terræ principe colloquutio, fateor. Sed quid agas? loquitur os ex cordis abundantia. Credidi, inquebat David,

ideo loquutus sum Psal. 116. 10. Mutuus est igitur ac reciprocus hic amor, qui quum non possit aliunde quàm ex fide in hac Spōsa proficisci, non potest non esse Sponso gratissima ista mutua compellatio: cui nihil est gratius quàm si à sua Sponsa diligatur. Sed longe alia est ratio dilectionis Spōsi erga Sponsam, quàm Spōsæ in Spōsum amoris. Amor enim Sponsi quo Sponsam suam prosequitur, merè gratuitus est, nec aliunde ortus quàm ex illa Dei bonitate ac misericordia infinita, ad huius alioqui miserrimæ & impurissimæ tantam dilectionem sese demittentis, Ioh. 3. 16. & Rom. 5. 8. Amor autem quo Sponsa Sponsum prosequitur, multis atque adeò infinitis à Spōso profectis beneficiis debetur, quoniam non tantum ut creatori, sed etiam ut suo à peccato, morte, ac inferno liberatori, & ut paucis dicam omnia, vnico suo Seruatori est obstricta, Prior ille amor præcedit, hic sequitur. Prior seipsum gignēs, alterum in nobis gignit ex mera gratia. Prior nihil ab altero recipit emolumenti. (Neque enim quod à nobis bonum est ad Deum vsque pertingit Psal. 16. 2. cui nihil neque adiacere neque detrahi potest) sed quod ex amore piæ fidelisque animæ erga Deum prouenit, in ipsam vnam redundat, quod Deo placeat iis benedicere à quibus colitur, Gen. 22. 16. 1. Sam. 2. 30. Psal. 91. 14. Quis verò cum Propheta in hæc verba non erumpat, Quid est homo mortalis, ut etius curam geras, & Filius hominis ut is tibi curæ

curæ sit? Psal. 8.5. & 144.3. Et idē alibi, Quid, inquit, referam Domino pro illis omnibus quæ in me contulit beneficiis quæ me superant? Calicem hilaritatis, impetrata salute summam, & nomen Domini inuocabo, Psalm. 116.12.

Addit demum Sponsa, *tu formosus es & venustus*: idque meritissimè. Quid enim est in rerum vniuersitate quod pulchritudine & gratia liberatorem ac Seruatorem nostrum æquet? De quo loquens Propheta, licet eum eminus tantum conspiceret per medias Legis umbras, (Hebr. 11.13.) Satiabor, inquit, quum apparuerit gloria tua, Psalm. 17.15. Sed præterea notandum est Sponsam quæ hic loquitur, licet forma eleganti prædita sit, ac eo nomine sese à Sponso commendari intelligat, neutiquam tamen in hoc acquiescere: sed ac si suæ ipsius formæ nullam haberet rationem, in pulchritudinem Sponsi penitus intentam atque defixam esse, tanquam solius verè pulchri, & contemplatione digni. Quod si meritò non tantum à Solomone, Prouerb. 27.2. verum etiam à Prophanis quoque scriptoribus reprehenduntur Thralones quos nō pudet sibi suffenos esse, & laudes suas prædicare: quānam pro vera Sponsa, id est germana Dei Ecclesia istorum cœtum habere-mus, qui de suis virtutibus & meritis nunquam garrire desinunt: etiamsi centuplo pluribus quàm ipsi sibi arrogant, meritis abundarent? At enim (inquiunt illi suam in-

Hæc Sponsa solis sui Spō- si radiis splē- dore se formosā iudicat contra quā facio scortatrix Sponsæ nomē emen- tita.

pudentiam tegentes) istud non dicimus ex nobis ipsis duntaxat, sed ex Dei gratia quoque, & quidem in primis prouenire, qua nos præueniente & concomitante fit, vt meritoria sint opera bona nostra, alioqui tanti non futura. Sed ea sanè exceptione sese præbent non alios esse quàm superbo illi Phariseo similes, similiter prorsus de suis meritis Deo gratias agente, Luc. 8. 11. Quasi scilicet Dei gratiæ hic sit vsus, vt ipsi per nos redimamur & seruemur: meritis videlicet operum nostrorum cum merito Iesu Christi commixtis. Omitto præterea crassum & prorsus intolerabilem alterum illorum errorem, quòd manifestissimas idolomanias induunt meritorum appellatione. At contrà quid testatur, quid clamat vera Ecclesia? Nò nobis, inquit, non nobis Domine, sed nomini tuo tribue gloriam, propter benignitatem ac constantem veritatem tuam, Psal. 115. 1. Quis sum ego Domine, (inquit David, insignis ille Dei seruus) & quæ domus mea quod me tantopere euehis? 2. Sam. 7. 18. Et quid de Abrahamo credentium parente pronuntiat Apostolus? Si Abraham, inquit, ex operibus iustificatus fuit, habet de quo gloriatur at nò apud Deū. Dei porro Filij quum vltimo illo iudicij die de bene acta vita illis testimonium perhibebitur, annon hoc respondebunt, Quando vidimus te Domine esurientem sitientemue? Matth. 25. 37. Age igitur sicut nos monet Apostolus, Phil. 4. 8. omnibus pijs ac sanctis o-

peri-

peribus serio & assidue incumbamus, quibus constat omnium pure Ecclesie membrorum decus, & omnis à Domino collatus in hanc Sponsam splendor: & certo sciamus fore, ut quemadmodum bona hæc opera ipse in nobis efficit, creans in nobis velle & facere, Philip. 2. 13, sic etiam sit illa coronaturus: sed ex sua sola beneficentia, atque in illo, in quo unico nos ei grati acceptique sumus, Eph. 1. 6. non autem ullius operum nostrorum valoris siue meriti vel dignitatis respectu. Nec enim quicquam boni aut recti habemus quod non gratis acceperimus, 1. Cor. 4. 7. Quod siquid etiam ex nobis haberemus, & omnia Dei mandata adimpleuissemus, nullus tamen inde fructus ad Dominum illum nostrum rediret, qui neque nobis eget, neque ullis operibus nostris, Luc. 17. 10. testante vniuersaliter Apostolo, etiam si de sanctissimis & integerrimis agatur, vitam æternam esse Dei donum in Christo, Rom. 6. 23.

Denique perorans Sponsa. *Lectus*, inquit, *Hæc sponsa noster viret, suntque nostrarum adiuuantes trabes Cedrinae, & podia nostra cupressina.* Quantum autem ad lecti vocem, potest accipi non pro cubili in quo dormituri sese componunt, sed pro discubitorio lecto, cuiusmodi fuerunt in usu apud veteres cibi capiendi causa. Nec enim sedilibus aut cathedris ut nos utebantur, sed puluinis substratis altera corporis parte iacentes epulabantur, quæ propria est eius vocabuli notatio quo usa est Sponsa su-

in solo sui Sponsi lecto conuiescit.

Pra 1. 12. Et huic interpretationi quadrat quodd hunc lectum virere dicit, nempe frondibus & virenti gramine stratum. Nihil tamen obstat quominus etiam hic interpretemur lecti vocem pro gramineo quiescendi causa strato. Sed vtrouis modo lecti appellatio vsurpetur, merito dicit Sponsa, totum illud virere, siue frondeum esse : nempe vt ostendat quàm suavis & iucunda sit pax illa, quam mūdus nec dare nec eripere nobis potest, Iohan. 14. 27. quæ requies in vnico Iesu Christo reperitur, Matth. 11. 29. quum nulla sit in iis condemnatio, qui sunt in Christo Iesu, Ro. 8. 1. hæc illa eadem causa est, cur hæc Sponsa conferatur cum arbore procera ac semper virenti & maturos fructus proferenti, Psal. 1. 3. & 92. 15. & cur hanc coronam Petrus nunquam marcescere testetur, 1. Pet. 5. 4. Quod autem sequitur de trabibus Cedrinis & cupressinis podiis siue ambulacris, ex ædium illarum regionum forma intelligitur, sic extructarum, vt illarum summa tabulata essent plana, & podiis ac mænianis cincta, ex quibus spectare & ambulare commodè liceat, vt apparet ex variis scripturæ locis, velut. Deu. 22. 8. Mat. 10. 27. & infra 6. 15. Hęc autē eò tendūt, vt hac similitudine, (ab his duabus arborū speciebus sumpta, quæ odoratæ sunt, & putredini obfistunt) doceamur ista Sponsi cum Sponsa coniunctione, fœtorem huius mundi à nobis arceri, qua nimirum fiat, vt ipsa quoque corpora, nedum mētes creden-

tium

tium totidem sint sacra domicilia Deo consecrata, 2. Cor. 6. 16. & Ioh. 14. 23. qui omnes simul iuncti dicuntur viui lapides, ex quibus hoc spirituale templum, id est Ecclesia Catholica seu vniuersalis extruitur, 1. Pet. 2. 5.

Sed ne illud quidem leuiter prætereundum est, quòd hîc distinctè mentio fit trabium & podiorum siue mœnianorum, nimirum præcipuarum huius edificiij partium, quales sunt in hoc ædificio spirituali Prophetæ & Apostoli, quorum scriptis etiamnum hodie fulcitur Dei domus, Eph. 2. 20. Talis est igitur domus Dei, & ita se habet vera ipsius Ecclesia, longè latèque sanè distās ab impura & spurca illa cloaca humanarum traditionum, erosis putribusque asserculis sustentatæ, quæ prima quidem fronte nitoris aliquid ostentant: sed die Domini illas explorante, statim instar fœni & paleæ exustæ euanescent, 1. Cor. 3. 13. ignis videlicet illius ardorem non ferentes, cuius fit mentio Psal. 50. 3. Denique si Cedrus & cupressus, pro suæ in illis perdurantis naturæ vi, cum ipso tempore certant de diuturnitate: quorsum tantopere se fatigant tam multi in harum ædium trabibus deiiciendis & podiis euertentis? hoc enim certè nihil aliud est quàm id destruere conari, cuius fundamentum est ille cuius imperij nullum esse terminū Angelus ille Domini, beatæ Virginis, Gabriel testificatur, Luc. 1. 33. Regni enim illius sedes in terris est hæc Cedrina & cupressina domus: Sion videlicet nulla vn-

Quis fit huius Sponsi testis semper virens: & quæ sint trabes ac columnæ huius domus, incorruptæ, oppositæ domibus ex putribus lignis extructis.

quam vi subuertenda, quandoquidem Dei
verbum in æternum manet, 1. Pet. 1. 25. Faxit
igitur clementissimus ille Pater & Deus no-
ster, vt in hac sancta domo verè in æternum
habitemus, in qua magis ac magis ipsius
Sponsi decore splendentes, & in hoc Sponso
suaueolentes, sempiterni ipsius regni cohæ-
redes cum ipso regnemus: id quod ab ipso,
peccata nostra detestati, hisce verbis postu-
labimus. Deus Omnipotens, &c.

*Finis Homiliarum in primum caput
Cantici Canticorum.*



303

IN CANTICVM CAN-
CORVM HOMILIA
DECIMASEXTA.

Auxilium nostrum sit à Domino, &c.

Quod sequitur extat in Cap. 2. vers. 1. & 2.

1 Ego sum Rosa Saron & Lilium
conuallium gaudens.

2 Sicut Lilium inter spinas: sic est
amica mea inter fœminas.

DOcuit nos sapiens hic noster superio-
re libro qui Ecclesiastes vocatur, nihil
mundanum in mundo reperiri, in quo ac-
quiescere, & firmam fidelitatem quærere o-
porteat: Sed altius esse, nempe ad ipsum
vsque mundi conditorem, Deum videlicet
illum immensum, nobis assurgendum. Sed
& huius doctrinæ vsum proximo quod ex-
planatum est huius Cantici capite idem
nobis proposuit, in ea quam huius Spon-
si Sponsam appellauit: id est in Ecclesia, quæ
Iesu Christo suo capiti ac Domino nostro
per Spiritum cohæret: in quo etiam quid-
quid est expetibile nanciscitur: licet non-
dum plenè re ipsa, sed ex portiuncula dun-
taxat, iis bonis fruatur, quæ ex eiusmodi con-
nubio adipiscenda miro cum ardore expe-
ctat. Huc autem etiam tendunt quæ nunc
sunt à nobis exponenda, atque adeò quid-
quid toto deinceps hoc libro, in quo sub fi-

*Felicitas
Sponsæ in eo
sita est ut no-
rit sui Spon-
si præstan-
tiam, ipsi vi-
cissim suum
in ipsam a-
morem ta-
stificans.*

gura nuptialis epuli ac mutuarum inter Spō-
 sos blanditiarum, nostris quasi oculis spe-
 ctanda proponitur, tum summa huius Spon-
 si præstantia, tum fœlicissima huius Sponsæ
 conditio. Idque in eum finem, vt & ipū huic
 Ecclesiæ, id est credentium cœtui per huius
 Reginæ personam designato, quàm arētissi-
 mē insiti, Iesum Christum & ipsius regnum
 cæteris rebus omnibus antepondere disca-
 mus.

*Quatenus
 liceat de sei-
 pso testifica-
 ri: & salutē
 nostram ex
 eo initium
 ducere, quod
 Deus nobis
 ad se cognos-
 cendum pa-
 refecis.*

Hoc igitur loco Sponsus de seipso loquēs,
 duo genera florum pulcherrimorum & odo-
 rantissimorum delegit, quibuscum sese com-
 parat: Rosam videlicet, & Liliū conualliū,
 eadem postea Rosæ similitudine suæ Sponsæ
 accommodata: quem sermonem illa exau-
 diens, Sponsū similem prædicat pomo pul-
 cherrimis & suauissimis pomis onustæ. Ne-
 que verò causa est cur ineptum & indecens
 hīc aliquid admissum ab hoc Sponso arbi-
 tremur de seipso testimonium ferente. Quā-
 uis enim hoc ipsum expressē improbet idem
 Solomon noster, Prouerb. 27. 2: & Aposto-
 lum, si quando de se magnificē, asserendi sui
 Apostolatus causa, loquatur, præfari & excu-
 satione vti videamus, eò vsque vt de aduer-
 sariis conqueratur ipsum eò adigentibus, vt
 stultorum exemplū, quibus mos est suas lau-
 des venditare, quodammodo imitari cogat-
 ur. Tamen istud minimē dedecet eum qui
 hoc loco de se loquens introducitur, quum
 Dei (est autem hic Sponsus, verus Deus) lon-
 gē

gè sit alia quàm hominis conditio. Ambitiosum enim hominum genus vix sese laudare potest, quin vel aliqua sui ipsius admiratione titilletur, vel omnia quæ de se prædicat, aut aliquam saltem illorum partem sibi arroget, quum tamen nihil prorsus habeat quod ex mera Dei gratia nõ receperit, 1. Cor. 4. 7. Nec etiam hîc possunt homines modum seruare, & suo sese pede metiri. Itaque tantum absunt à suis prædicandis laudibus modesti homines, vt contrà non sine rubore sese ab aliis præsentès laudari sustineant. Itaque si quando reticenda non esse vident donà quæ diuinitus receperunt, semper hoc obseruant diligenter, vt, optimo seruato modo, cuncta Dei benignitati accepta ferant, sicut studiosè factitare Paulum videmus, 1. Cor. 4. 4. & 15. 10. & alibi passim. Sin verò quempiam commendandū susceperunt, non dissimulant quæ de illo testantur esse Deo tribuenda: quod ex principiis præsertim Epistolarum Pauli constat, Rom. 1. 8. 1. Cor. 1. 4. Ephes. 1. 3. Philip. 1. 3. Coloss. 1. 3. 1. Thessal. 1. 2. & 2. Thessal. 1. 3. At quum de se Dominus tam magnificè & augustè loquitur, neque de se quidquam tātum & tam sublimè testari potest, quin infinitè maiora ipsi cōueniant, quo fit vt non possit non esse firmum ipsius de se testimonium, Ion. 8. 14: neque peccare vlla ambitione potest quum & omnis illi debeatur honor & gloria: & illi nec adici nec detrahi quidquam possit: nec etiam alio con-

filio id agat, quàm vt nos ab hoc mundo adductos, ad se se pertrahat.

*Primus Dei
de se testi-
monium a-
pud homi-
nes, ex verâ
creaturarum
& sensibili-
um contempla-
tione.*

Hoc autem facere duplici ratione factum illud os Dei consuevit. Primum quidem rebus à se nostri causa conditis, & in sensus nostros incurrentibus, quasi oris & sermonis quâdam speciem tribuens, quem sanè à cunctis intelligi oportuit, licet illum plerique aspernentur. Spectandum enim se se in rebus creatis præbens, vt Creatorem, Omnipotentem, æternum, &, in administratione totius mundi, benignissimum ac iustissimum, perinde facit ac præstantissimus aliquis pictor, propositis certis in tabella figuris animos spectantium minimè volēs in illarum rerum pictarum visibili specie retinere, sed eorum mentes ad quâdam altiora, per illarum exter nam speciem adumbrata, attollere, cuiusmodi fuerunt hieroglyphicæ quas vocarunt Ægyptiorum literæ. Exemplo sit eiusmodi picturarum, (vt mihi paulisper digredi liceat) illa Christophori pictura quam in idolum Cyclopi conuertit posteritas. Nequaquam enim quum hæc pictura initio fuit vsurpata, talis quispiâ homo extiterat cuius hæc esset imago: Sed ita repræsentatus fuit quilibet verè Christophorus, id est à Christo vere denominatus: nempe Christum in se crucifixum, quasi onus humeris suis impositum gestans, & cum hoc crucis onere vastos huius mundi gurgites robustissimorum gigantum instar traiciens, fidei videlicet cōto innitēs,

&

& verbi Dei luce ipsi tāquam ad portum vsque tutissimum præeunte. Talis igitur olim fuit ista Christophori imago: & euenit, vt minimè ferentibus priscis Christianis, vt illa imago, siue picta, siue sculpta, in iis locis vbi religionis causa conueniebant, cerneretur, huiusmodi Christophori Colossi pro foribus & vestibulis templorū fuerint collocati, vbi etiamnum hodie visantur: vt & pictura illa quam postea Margaritā, & diuum Georgium vocarunt, vtraque Ecclesiam per Christum è draconis faucibus liberatam repræsentans. Sed facilè postea fuit Satanæ non tantum hæc idola, sed etiam alia innumera, Deo tandem & ipsius veritate pulsis, in ædes sacras Christianorum introducere. Sed age ad nostrum hunc contextum reuertamus. Dico in summa, machinam huius mundi clarè & sonorè nobis Dei sui conditoris aternā sapientiam, potentiam & bonitatem annuntiare, quod prophani quoque scriptores non pauci obseruarūt, sed expressissimè nos docent Scripturæ, Psal. 19. & 45. & alibi passim, præsertim verò Apostolus ad Rom. 1. & in elegantissima & diuinissima illa concione, quam apud Athenienses habuit, Act. 17. At quotiescunque Deo visum est, aut ipsis seruis suis aut per seruos suos, harum suarum veluti picturarum mysteria declarare, tū sanè factus est eorum interpret quæ nullus alioqui ex cœli ac terrarum, siue quarumcunque aliarum à Deo conditarum rerum, intuitu &

308 IN CANT. CANTICORVM

consideratione obseruaret. Et hûc referenda sunt sacrarum literarum innumera pene loca , quæ totidem sunt earum rerum explanationes , quæ tot eximiæ Dei creaturæ nobis licèt mutæ testificantur.

Alterum testimonium Dei sese hominibus ad eorum salutem per Euangelii promulgationē Patribus promissi, postea verò re ipsa exhibiti patefacientis.

Quoniam autem ista tam excellæ atque adeo immensæ Dei maiestatis patefactio nos non posset non percellere, atque adeò, omnino nobis exultatione adempta , condemnare: ideo alteram rationem ad longè secretius quoddam arcanum nobis patefaciendû iniit, promulgationem videlicet reconciliationis gratuitæ , adiuncta illi patefactioni externæ virtute illa sancti sui Spiritus, mentes nostras & illustrantis, & ad imaginem Dei renouantis. Vritur autem hic quoque rerum visibilibus ministerio, sed modo à superiore aliquantùm diuerso. Nam quod ad prius illud genus patefactionis attinet, de quo paulò antè diximus, Deus sese constituit libri naturæ interpretem: in hoc autem posteriore, res illas conditas adhibet ad finem multò præstantiorem quam sit earum creatio , desumpto variarum ex illis similitudinum genere, quibus magnopere mens nostra ad intelligentiam sublimis & supernaturalis mysterij nostræ salutis , atque adeò ad Filij Dei, illius salutis auctoris , & omnium quæ hinc dependent notitiam , magnopere inuatur, analogia videlicet , & arcana rerum illarum corporearum cum spiritualibus , conuenien-

uenientia. Hoc ita esse liquet ex plurimis illis parabolis ac similitudinibus passim in Sacris literis, ac præsertim in historia Evangelica occurrentibus: quæ si mentibus nostris altè inhærerent, nihil profectò in nostros sensus incurreret, quo non statim ad sanctas de Deo cogitationes, & nostros ipsi consecrandos, vel inuiti adducermur.

Hoc igitur loco morem illum suum retinens Sponsus, id est Iesus Christus, ut *Cur Sponsus similitudinem delegerit à floribus desumptam.* sui præstantiam quasi oculis nostris spectandam proponat, utitur similitudine Rosæ & Lilij conuallium: Rosæ, inquam, præstâtissimi generis, quales verisimile est in regione Saronis extitisse, cuius fit etiam mentio Esa. 33. 9. & 1. Chron. 27. 29. & Act. 9. 35. Neque sanè existimari potest aut debet hanc collationem temerè sibi delegisse. Etenim si flores propius consideremus, comperiemus vix quidquam esse in rerum natura admirabilius, ut cœlitus potius demitti quàm è terra prodire, videri possint: siue illorum tam puram ac subtilem materiem, siue quæ sint artificio contexti, siue pretiosissimos illos, siue suauissimos inde prodeuntes odores, siue fructus inde nascentes, & hinc producta infinitæ diuersitatis semina consideremus. Itaque adeò vel florum minimus ad impios omnes diuinæ potètiæ & sapiètiæ hostes coarguendos sufficiat: ut meritò Christus Luc. 12. 27. testetur omnem Solomonis

splendorem æquare Lilij decorem non potuisse. Hoc tamen verum est flores esse minime diuturnos: ideoque sæpe in Scripturis miseram & caducam nostram conditionem cum floribus citò exarescentibus conferri, vt Esa. 40. 7. Iohan. 14. 2. & 1. Pet. 1. 24. & alibi. Sed huiusmodi similitudines ad eum duntaxat finem sapienter accommodandæ & dirigendæ sunt, cuius causa proponuntur.

*Allegoria
Lilij candidissimi &
Rose rubentis, appositissima est ad
huius Sponsi
qualitates
nobis representandas,*

Aio igitur hanc similitudinem à duobus hisce pulcherrimis & odoratissimis floribus desumptam, aptissimam esse huic Sponso, utpote pulcherrimo & spectatissimo nobis in duobus istis speculis representando. Istius enim Lilij nitore nihil est neque purius neque candidius, à conuallibus cognominati, quòd illic fere nascatur. Et quid tandem, obsecro, conferri cum eius puritate & iustitia potest, qui fuit ab omni labe intus & foris immunis? qui Sanctus est sanctorum? cuius denique vnus iustitia & innocentia iram ipsius Dei placauit. Eadem est ratio similitudinis à Rosa candida petita. Verùm si malimus Rosam hinc significari ex rubro candicantem, quem colorem carneum vocamus, expressiè etiam nobis hunc Sponsum repræsentarit: non quidem ipsius naturæ diuinæ inuisibilis, & nullis externis sensibus perceptibilis respectu, distinctè in sese considerata: sed quatenus Dei Filius est in hac nostra assumpta natura corporea manifestatus, id est Deus verè homo factus oculis spectantium conspicuus.

Roseus

Roseus enim hic color inter omnes præstantissimus, vnicus in rebus his inferioribus venustè & temperatè rubètem vultum referat. Quænam est igitur tam suavis ruboris Rosa? Certè Christianæ religionis mysterium: Dei videlicet Filius ille verus, aspectabilis factus in carne, iustificatus Spiritu, conspectus ab Angelis, gentibus prædicatus, cui fides habitata est in mundo, tandem sursum acceptus in gloriam, 1. Timoth. 3. 16: inter multos fratres primogenitus ille Rom. 8. 29: omnium hominum pulcherrimus, Psal. 45. 3: summus Sacerdos noster, Sanctus, omnis vitij & labis expers, segregatus à peccatoribus atque sublimior cælis factus, Heb. 7. 26, gloria & honore coronatus, Heb. 2. 9: nomen denique adeptus quod est supra omne nomen, Philip. 3. 8. At quomodo tam altè prouectus? Mortis perpeffione, mortis inquam crucis Philip. 2. 8. En igitur Rosam illam non iam leuiter tinctam, sed totam illo suo sanguine rubentem, quo sumus à peccatis nostris repurgati. Talis erat quum illum virgis conscissum, ad populum producens Pilatus, Ecce homo inquit. Talis in crucis patibulo suffixus pependit, totus sanguine suo madens, propter scelera nostra percussus, ac propter transgressiones nostras vulneratus, ac deformis, Esa. 53. 5. Ecquis verò tunc erat huius Rosæ decor? Effloruerat certè, ac tantum non euanuerat, quamuis breui renicturus, Heb. 2. 9. vt qui eò vsque deuenisset, vt vilis vermicoli inftar vi-

deri posset, Psal. 22. 7. Verum enim uerò quid pluris sit apud Deum obedientia quâuis victimæ, 1. Sam. 15. 22: constet autem nullam unquam aliam obedientiæ speciem huic obedientiæ parem extitisse, Philip. 28: efficitur tunc verè apud Deum hanc Rosam maximè emicuisse, & fuisse perfectò decore spectatissimam, quamuis sanguine redundantem: sed eo sanguine qui tantum abest, ut quod eo tinctum est commaculet, ut è contrario maculas omnes nostras absterferit. Et hoc ipsum fortasse designauit Dei Spiritus contra quàm Pilatus & Herodes cogitarunt, quum ille quidem Christum sanguine fœdatum veste purpurea induceret, hic autem illum candida veste per ludibrium amiceret, Luc. 22. 7: quæ posterior vestis ad Lilium conualium alludit. Immo nisi & antè realem illam oblationem, & eo ipso tempore quo verè cruenta oblata fuit, & deinceps ad consummationem usque seculi hæc Rosa coram Patre adstitisset, & etiamnum hodie adstaret, & nisi illam odoratus esset, & odoraretur Pater ille cœlestis, illius odore longè suauissimo placatus, nulla unquam extitisset, extaret, aut esset unquā exitura Sponsa huius Sponsi, nec vlla nobis gloria & fœlicitas æterna. Nam in quoniam Deus ab æterno suam Ecclesiam elegit? Certè in Christo suo, præordinato ut suo tēpore fieret quod factus est, & quæ præstitit præstaret Electorū suorū causa, Eph. 2. 4. Gal. 4. 4. Per quem autem placatus

tus est ab initio Deus? In agno illo qui, quod ad efficaciam attinet, ab initio mundi fuit mactatus. Apoc. 3. 12. In quem respexit Lex illa vetus? In hunc Sponsum, à quo sicut pro nobis implenda fuit, sic certè plenissimè suo tempore fuit completa, Galat. 3. 23. Quænam verò Legis substantia fuit, & ipsum corpus, cuius vmbra fuerunt legales illæ figuræ? Idem Christus Coloss. 2. 17. In summa quamvis actus ipse huius cruenti sacrificij, & vnicæ huius semel factæ oblationis iam pridem præterierit, & nunc, morte subacta Iesus Christus apud Deum vivat: Rom. 6. 9. abductis que in captiuitatem omnibus suis hostibus triumphet, Ephes. 6. 8: tamen apud Deum Patrem, in quo nulla sunt momenta temporum, nullæ vicissitudines, nullum planè præteriti, præsentis, neque futuri temporis discrimen, vulnera huius Sponsi, quorum sanguine hæc Rosa maduit, etiamnum hodie quasi stillant, & in æternum stillabunt, ad iræ Dei Patris placamentum. Et quid aliud agimus quotidie, siue verbum Euangelij audientes, siue gratias illi agentes, (præsertim dum illius sacra mysteria celebramus) quàm quòd perpersionū & mortis illius memoriã renouamus? minimè id quidē illū denuò mactātes, nec reipsa semel mactatū offerentes Patri: (semel enim semet obtulit, vt vnicus sui ipsius Sacerdos) sed quasi adhuc pendentem & cruentum offerentes, quatenus ipsius sacrificium

semel peractum inter Deum & nos interse-
rimus, vt fidei & spei nostræ fundamentum.
Itaque semel statuendam nobis est, Deum
neque nostri neque nostrarum precum vl-
lam vnquam rationem olim fuisse vel nunc
esse habiturum, nisi rubentis illius Rosæ &
purissimi candentis Lilij interueniente obla-
tione: quorum florum color, obedientiam,
satisfactionem & innocentiam Sponsi testi-
ficans, est summè Patri gratus: gratior etiam
odore, quem legalis ille suffitus adombra-
uit, vt suo loco exposuimus. Ista sunt igitur à
nobis in hoc Sponso consideranda, vt ad ar-
ctissimam cum eo coniunctionem appeten-
dam magis ac magis incendamur.

*Cur Sponsa,
vt & Spon-
sus cū Lilio
connallium
corferatur.*

Nunc autem audiendum nobis est quod
Sponsus de Sponfa sua prædicat, vt illi etiam
Sponsæ aggregari studeamus, alioqui ab ipso
quoque Sponto excludendi. *Anima mea* (in-
quit) *est inter scæminas vt Lilium inter Spinas.*
Quod ad *Amica* appellationem attinet, o-
stendimus quàm illa sit eximia, quum omnè
benedictionem comprehendat, atque adeo
ipsum omnis illius boni fontem demonstrat,
nempe Dei planè gratuitum in nos, alioqui
natos ipsius hostes, amorem Ioan. 3. 16. &
Rom. 6. 10. hoc igitur nunc prætermisso
audiamus cur hæc Sponfa cum Lilio con-
uallium comparetur, & quorsum adiciantur
hæc verba *inter Spinas* Pij homines, quo-
rum cætus mysticum Christi corpus con-
stituens Ecclesia vocatur, haud rarò similes
dicuntur.

dicuntur arboribus proceris, & omni tempore fructiferis, vt Psal. 1. 3: interdum etiam cum Palma & Cædris libani comparantur Psal. 92. 13: nonnunquam cum vinea exculta & fertilissima Psal. 80. 9. hoc autem in loco Sponsus Ecclesiam cōfert cum Lilio conuallium cui sese quoque similem esse antea dixerat, nimirum vt nōs doceat quanta sit inter se & suam Sponsam consensio. En igitur duos Lilij conuallium plantas pulcherrimas & suauissimas. Sed earum quidem, prior est in sese & à sese id quod est: & ita quidem vt nihil quidquam in ea desiderari possit. Posterior, autem, quum in sese sit emortuum & putre quiddam, euasit Liliū: quoniam Lilij cui insita est succum & naturam hausit, contra quàm in communiter vsurpata insitione accidit: in qua surculus qui inseritur naturam suam seruat, stalo verò cui inseritur alteri seruit. Dicuntur itaque fideles fructiferae arbores, sed hoc illis aqua præstante qua radices eorum assiduè irrigantur. Psal. 1. 3. Palma quoque vocantur & Cedri, sed in Dei domo plantatae Psal. 9. 13. Dicuntur etiam vinea longè & latè propagata: sed quam Dominus ex Aegypto transportarit Psal. 8. 9. & diligentissimè excoluerit Math. 21. 38 Cultura namque siue ager Domini est Ecclesia. 1. Cor. 3. 9. Neque mirum est quòd Liliū hoc loco, vt & ipse antea Sponsus, nuncupetur, quum ipsam quoque Christi appellationem illi tribuat Apostolus 1. Cor. 12. 12. nempe quòd vnum

corpus cum ipso fiat. Eph. 5. 30. Quinam enim absurdū videretur Lilij nomen vtrique, nempe & Sponsæ & Sponsi accommodari, quum illam quoque euadere sanctam & iustam, viri sui sanctitate ac iustitia, certum sit? 1. Cor. 1. 30. & propterea odorē, Deo suauissimum spargat, 2. Cor. 2. 15 Talis est igitur vera Ecclesia ex Dei solius benignitate ac gratia: in eo videlicet qui verē factus homo per omnia nobis similis, excepto peccato, vnumquemque fidelem postea sibi conformem reddit: carnem illius in Spiritum mutando vt omnes fiant vnus in ipso Spiritus, 1. Cor. 6. 17. Quod si hæc est Lilium verē odoriferum, efficietur plantam illam esse adulterinam, quæ nihil nisi fœtidum & agreste sapit, qualis videlicet nata est: quantumuis sese vaporare & suffire studeat, iis quæ falsò vel sua vel sanctorum merita nuncupat Philip. 3. 9. Sed & multò minus etiam Ecclesiæ nomine censebitur eorum cætus qui scelerata & detestanda vita sese reddunt Deo & hominibus abominandos. 1. Cor. 6. 10: quibus Euangeliū in mortis odorem vertitur. 2. Cor. 2. 16.

*Ecclesia in
terris nun-
quam nō est
Spinis cir-
cuncincta.*

Quod autem additur à Sponsò Lilium i-
stud inter Spinās situm esse, docet nos veræ
Ecclesiæ statum in terris. Est enim illa lucis
fulgentis instar inter mundi tenebras Philip.
2. 15: quasi ouicula inter medios lupos Matth.
10. 16: denique veluti eximia pulchritudine
nitens planta, inter confertas & densas sen-
tes, & inter fœtidas & lethiferas plantas, sua-
nissi-

uissimum fundens odorem. Neque verò spinæ Liliū istud circumstant duntaxat, verū etiam sese intrò inferunt, & tum ipsam plantam tum eius flores suffocare conantur. Ad hæc incommoda illud quoque accedit, quòd hæ Spinæ ante vltimum diem nunquam penitus extirpabuntur, vt significatur Zizaniorum parabola Matth. 13. 24. Immò nullus est sanctorum qui Spinarum istarum, quibus obfiti nascuntur, reliquias in corde suo non circumferat, incredulitate fidem suffocare conante: diffidentia spem oppugnante: denique carne aduersus Spiritum insurgente: in quo certamine duris profectò transfigimur aculeis Matth. 13. 22. Gal 5. 17. Rom. 8. 23. hæc est igitur sors corporis Ecclesiæ & singulorum eius membrorum, vt probat perpetua omnium ætatum experientia: qua de re nos admoneri necesse fuit, ne putemus nos esse posse Liliū cuius odore mundus delectetur: sed vt è contrario, subductis omnibus rationibus, statuamus futurum, vt quò magis ad naturam huius Lilij odoratissimi accedemus, eò magis in odium canum & porcorum quibus nihil sapit præter sordes, incurramus, quandoquidem perpetuum est inter Deum ac mundum dissidium Iac. 4. 4.

Hoc vtinam inprimis animaduertant sapientes isti & circumspecti, qui rationem quandam Lucis cum tenebris conciliandæ inuenire se posse sua sagacitate sperant: stultissimè id quidem, quoniam fieri non potest

*Falluntur qui
inuenire se
posse somniant
rationem conciliandarum
tenebrarum
cum luce.*

vt duobus tam disparibus Dominis quisquā placeat. Si Liliū esse cupis, omnino necesse est inter Dumeta sic verferis vt cum illis nunquam te coniungas, nisi cum illis perire sit tibi constitutum. Cæterū neque vapores inhibere possunt solis ortum quo dies à nocte discernatur: neque nocturnæ tenebræ efficere possunt quominus Luna & stellæ sint id quod sunt: quamuis interdum nebula fulgorem syderum nobis in inferiore mundi parte constitutis adimant. Itaque nos inter mundanas tenebras filios lucis esse decet, vt legimus terræ Gozen illuxisse Solem quum cætera Ægyptus densa operiretur caligine Exod. 10. 13. Filios, inquam, lucis esse nos decet, vt sceleratis quibusuis etiam renitentibus, innotescat luminum Pater, Matth. 5. 16. & redarguatur à nobis prauus & corruptus mundus Philip. 2. 15.

*Quod sit
piorum of-
ficium inter
impios.*

Esto igitur & maneat mundus quandiu volet, ager itæ Dei denotus, pro quo Patrem Christus nō est deprecatus, Ioh. 17. 9. dumis & sentibus oblitus, quorum aculeis venenatis cauendum est ne lethaliter vulneremur. Inter illas igitur deprehensi, ne cum illis persistamus, commercium habentes cum infrugiferis operibus 1. Cor. 5. 9. Eph. 5. 11: sed simus & maneamus arbores frugiferæ, robustę Palmę, Cedri Deo gratum & suauem odorem fundentes, magis ac magis in diēs ad ipsius gloriam florentes. Hanc gratiam, Fratres, supplices à Deo nostro flagitemus: vt illo suum

in nobis opus quod ipse incœpit perficien-
te , vitatis feliciter omnibus huius mundi
blanditiis , veram in ipso vno quietem quæ-
ramus & inueniamus:& fidelis Dei serui Mo-
sis exemplum sequuti , pluris faciamus Chri-
sti opprobrium quàm Ægyptiarum om-
nium diuitiarum ingentes aceruos Heb.ii.24
denique vt in hac etiam media mundi cama-
rina collocati , fructus edamus & dulcedine
& suauitate gratos illi qui nos ex hoc mundo
in sanctam illam domum suam transtulit. In-
terim verò nostræ segnitiei & ingratitude
nobis conscij, veniam ac clementissimi

Patris misericordiam sequenti-
bus precibus inuocabimus.

Omnipotens
Deus &c.



IN CANTICVM CAN-
TICORVM HOMILIA
DECIMASEPTIMA.

Auxilium nostrum sit à Domino, &c.

Quod sequitur extat in Cap. 2. vers. 2. & 3.

2 Qualis est Pomus inter Sylvarum arbores: talis est Dilectus meus inter iuuenes. Eius umbram expetiui, & (*sub ea*) sedi: & (*fuit*) fructus eius palatio meo suauissimus.

3 Introduxit me in domum conuiuij: Vexillum eius super me est Dilectio.

*Cur Sponsus
quoque com-
paretur cum
Pomo.*

Præcedente versu Sponsus, & sui status egregiè gnarus, & conditionis suæ Sponsæ apprimè intelligens, testatus est tum suam præstantiam, tum quem in Sponsa sua ornatum decentem ac sibi gratum habeat. Nunc illa vicissim prædicat quæ bona in tanta sui Sponsi præstantia obseruauerit simul & in se receperit. Eum itaque confert cum Pomo fructibus suauissimis onusta, quam agrestium plantarum ac planè arbori dissimilium sylua circumfideat: in qua similitudine ardua sanè & recondita mysteria continentur. Primum igitur, verum quidem est si vitæ spiritualis qualis sit in sese alimonia spectetur,

vel

vel vnica rosæ, vel alterius cuiuslibet suavis
 floris simplici odore, expressiùs & conue-
 nientiùs illam nobis repræsentari, quàm vlla
 cibi solidioris materia, veluti Pomi, Pyri, aut
 huiusmodi generis fructuum substantia. Sed
 vt certiores siamus eorum quæ ad æternam
 illam vitam necessariò requiruntur, fidei no-
 stræ infirmitas postulat vt doceatur ratione
 quadam nostro captui accommodata. Quo-
 niam igitur homines neutiquam odoratu
 nutriuntur, sed esu & potu indigent: idcirco
 Dei Spiritus eundem Sponsum quem paulò
 antè Rosæ atque Lilio similem dixerat cum
 Pomo vel eiusmodi generis arbore compa-
 rat. Vocabulum enim quo vsus est Solomon
 sua lingua vulgari, vt & Pomi appellatio a-
 pud Latinos, comprehendit vniuersim arbo-
 res omnes, quarum fructus cedunt mortaliũ
 alimento, cuiuscunque generis illæ sint: siue
 ex acinis, siue ex nucleis nascantur. Haud ali-
 ter sub legis pedagogia visum est Deo Spon-
 sum istum & quidquid ex illo percipimus,
 sacrificiis & oblationibus solidiorum, ac ma-
 gis, vt ita dicam, corpulentarum creaturarũ,
 Ecclesiæ suæ representare. Immodò etiam idem
 in nouo fœdere ab ipso factum videmus, aquã
 in Baptismo, panem & vinum in sacra Do-
 mini Cæna nobis ordinante, vt sint earum
 rerum exteriora signa, quas ipse spiritualiter
 in nobis efficit, idque vsque ad consumma-
 tionem huius seculi.

Arbori igitur pomiferæ assimilatur Spon-

in mundum suis à Sponsa, sed inter nemorum saltus, & a-
innecta per lias arbores ipsi prorsus dissimiles plantatæ.
hominis lap- Vnde conspiciere licet quæ sit conuenientia
sum compari- & cognatio inter Ecclesiam, quæ Rosæ inter
tatio: & in- spinas enatæ assimilatur, & illius Sponsum
ter hanc Po- cum arbore suaues fructus edente, sed inter
munum & cæ- nemorum arbores fata, collatum. Caterùm
teras arbo- ante lapsum hominis longè aliter sese res ha-
res quantum
interfit.

bebant. Omnes quippe res conditæ, & illarum
fructus cum Deo creatore conspirabant: nec
quidquam erat quod ab ipsa Hominis natu-
ra dissideret, idcirco conditi ut hæc inferiora
regeret, & in illis secundum Deum impera-
ret. Sed spinis & tribulis per hominis pecca-
tum enatis Gen. 3. 18: mirum non est tantam
immutationem mundi consequutam. Sed est
potius cur admiremur tantam esse potuisse
Domini bonitatem, ut aliquam orbis terrarum
particulam sustineat repurgare, & in qua ip-
se sese ut arborem ipsius æternæ vitæ fera-
cem repræsentet collocare, sub cuius umbra
certos aliquos diuinitus electos pascat. Apud
Danielem (Daniel. 4. 20.) legimus quidem po-
tentissimum illum regem Nebucadnezerem
cum arbore procera & patula conferri, cu-
ius umbra maxima pars mundi regeretur.
Sed fuit hæc potestas temporaria duntaxat,
& parum diuturna. Sunt enim huiusmodi ar-
bores non tantum succisioni, sed etiam ex-
tirpationi, atque adeo consumptioni obno-
xiæ. Sed Pomus illa de qua hic agitur, illum
nobis repræsentat cuius regnum est æter-
num,

num, vt ei promissit Pater à quo est plantata: cæteris agrestibus plantis suo tempore excindendis, ac in ignem æternum coniciendis. Hic est igitur furculus ille ex Isai trunco proditurus, sub cuius ramis populi orbis terrarum omnes erant quietem innensuri, Esa. II. I. & IO. Hæc illa est arbor vitæ, per illam in horto Edem satam adumbrata Gen. 2. 9. ex qua quisquis edit non moritur. Apoc. 2. 7. Sed obseruemus diligenter quod addit Spōsa. Quorsum enim nobis hanc arborem qua nō vtamur? Beata sunt vbera quæ suxisti, inquebat illa muliercula Luc. II. 27. & beatus vterus in quo gestatus fuisti. Immò, respōdit ei Dominus, beati sunt qui verbum Dei audiunt, & illud obseruant. Et hoc illud est quod hīc ait Sponsa, sese vdelicet sub arbore illa consedisse, & ex eius fructu edisse, cuius suauitate sit mirum in modum delectata, quæ singula ipsius verba sunt diligenter expendenda.

Expetiui, inquit, *eius vmbra*. Est igitur *Unde oria-*
nobis hæc appetitio, quam etiam vulgato *tur appeti-*
proverbio vocant omnium ciborum condi- *tio vescendi*
mentum, imprimis necessaria. Sed illa, quæ *huius arbo-*
so, an ex nobis est? Minimè profecto vt expe- *ris fructibus*
rientia demonstrat. Tantū enim abest vt *opposita illi*
mundus hunc cibum appetat, vt contra vix *arbori quæ*
ex centum hominum myriadibus vnus inue- *fuit primis*
niantur, qui aures ad audiendum, pedes ad *illis nostris*
ambulandum, manus ad hunc cibum peten- *parentibus*
dum & recipiendum habeat: quamuis iam *mortifera.*

olim Sponsus per illum Prophetam suum
 vociferatus, Adeste (inquebat) ad aquas qui-
 quis sitit: & quibus deest pecunia, adeste, cō-
 parate, comedite, venite, comparate absque
 pecunia, & absque prætio vinum & lac I. Cur
 expenditis pecuniam pro eo quod cibus non
 est, & laborem vestrum pro eo quod non fa-
 tiat? Quin potius mihi auscultate vt comeda-
 tis bonum & in pinguedine oblectet se a-
 nima vestra? Erigite aurem vestram, & ad me
 venite, audite & viuet anima vestra: feriam
 enim vobiscum fœdus sempiternum, miseri-
 cordias Dauidis certissimas. Esa. 55. 1. Sed &
 ipsemet postea in medio templo stans, & suo
 iptius ore inclamans, Si quis sitit (inquit) ve-
 niat ad me, & bibat. Qui credit in me flumina
 aquæ viuæ ex eius ventre promanabunt. Ioh.
 7. 37: & alibi, Venite (inquit) ad me omnes
 qui fatigati estis, & onerati, & ego faciam vt
 requiescatis, Matth. 11. 28. Quinetiam quàm-
 plurimi alij ex inuitatis ad hoc epulum, planè
 illud aspernantur. Alij (quod planè miserrimi-
 mum est) tantum absint ab eo vt cibum re-
 ceptum & mansum concoquant, sicut oport-
 uit, vt illum etiam euomant. Agite igitur,
 Fratres, quum ita simus ex naturæ nostræ
 corruptione comparati, vt nihil appetamus
 nisi quod est nobis noxium vel etiam lethife-
 rum: sedulò Deum precemur vt in nobis cō-
 trariam appetitionem creet, quæ nos ad hu-
 ius pulcherrimi simul & suauissimi fructus
 consi-

considerationem & fruitionem allicitat. Legimus Euam primam generis humani parentem, serpentis veneno afflatam, cupiuisse illo interdicto fructu vesci, qui aspectu pulcher esset, & bonus ad vescendum. Neque sanè in eo fallebatur quod illū aspectu pulchrū esse iudicaret: sed, si mentis compos fuisset, nunquam aptum esse ad vescendum existimasset, cuius esum sibi interdictū esse ex ore ipsi s. Dei intellexerat. Eadem fraude Satan etiamnum hodie vtitur, cupiditatibus nostris nos adoriens, exteriore specie nos pelliciens, ac tandem in transgressionem vsque præcipites agens: grauius sanè quàm olim peccantes. Arbor enim illa quam pulchram esse Eua iudicauit, erat sanè perpulchra, quamuis minimè esculenta. Nos autem non modo pulchritudine & bonitate rerum conditarum abutimur, Eux exemplum sequenti: verū etiam ea obruimur mentis caligine, vt sæpius nobis honestiora videantur quæ turpissima sunt, & suauiora videantur quæ sunt amarissima: donec Deus pro immensa benignitate sua, sensus nostros instruat ad veram boni & mali dignotionem Heb. 5. 14. Denique hæc illa arbor est ex cuius fructu quisquis edit, mori non poterit: illi ex diametro repugnans quam antingere citra mortis periculum non licuit.

Quum autē huius interdictę arboris degustatio appetitum hac altera vescendi in nobis *Non satis est illam ar-*

*borē ut pul-
chrā specta-
re & lauda-
re: verū est
sub illius
umbra con-
sidendum.*

extinxerit, quæ tamen præsentaneum est ad-
uersus mortem remedium: quid potius face-
re nos oportet, quàm vt à Deo efflagitemus
vt nos donet vera bonorum istorū fructuū
notitia, quæ desiderium in mentibus nostris
excitet, sub huius arboris umbra considendi,
quod est vnicè à nobis expectandum: Nam
inter commoda quæ nobis arbores stappedi-
tant, istud non est infimum, quòd aduersus
æstum, locis præsertim calidioribus & Sole
exustis, gratissimum præbeant umbraculum
& saluberrimum. At qualis est ardor, qualis
cum eo conferendus quo totus hic mundus
æstuat, & quem in sinu circumfouemus quasi
inferorum fornacem? vbi ardet ignis ille nū-
quam extinguendus? Hoc tamen verum est,
infelicitis illius suæ conditionis immemores
homines (vt diues ille epulo de quo Luc. 18.)
aliquod etiam refrigerium in istis mundanis
commodis sibi videri sentire, vsque adeò vt
nullos habeant magis exosos, quàm illos à
quibus ad auram illam temperatissimam re-
trahuntur. Sed tandem miserrimos illos tan-
ti neglecti boni serò pænitet, quàm ab illo suo
in quo sibi tantò opere placebant æstu, in ar-
dentissimam & immedicabilem febrem inci-
derunt. Hæc demum igitur arbor illa est, cu-
ius vnus umbraculum quietem conscientis
præbet, ideòque summè expectanda: quòd nos
ipsemet inuitat Matth. II. 24. His autem quæ
diximus adiiciendum est quod ait Sponsa, se-
se videlicet sub hoc umbraculo Pomi sub sti-
tisse.

tisse. Quid enim profuerit aliquò venire vt inde mox discedas? Huius inconstantia pœnas luunt hodie, non pauci leuissimi & volatitides homines, quorum speciosa inuita turpissimos habent exitus. Dum scilicet alij in vtramuis partem claudicant, incerti quò se vertant: quod sui temporis hominibus exprobrat Elias I. Reg. 18. 24: alij fluctuantes, quouis vento abripiuntur Ephes. 4. 14. Iac. 1. 6: alij denique retro pedem referunt quales sunt hodie tot perditissimi apostatae, quibus bonum foret nunquam extitisse. Hos autem omnes arguit Sponsa, testificans quòd sub eius umbra confederit: neque istos solum, verum etiam curiosos illos qui ad arborem quidem accedunt, sed spectandi duntaxat causa, aut illic confidentes annotandi: & negotiosos nonnullos qui ab hac quidem umbra neque discedunt, neque recedere cogitant, sed huc & illuc discurrentes ita perpetuò fatagunt vt vix vllum inde solatium solidum percipiant. In hoc certè peccauit Martha tantopere de hoc ipso hospite suo opiparè excipiendo sollicita, vt vero immortalitatis cibo pene neglecto, Mariam sororem suam interea sedere ad Christi pedes, ipsius doctrinae audiendae totam vacare, indignaretur. Quid autem illi Dominus? Martha, inquit, sollicita es de multis. Atqui vna re opus est: Maria bonam partem elegit, quae non auferretur ab ea. Utinam verò nos ista Christi verba seriò tandem apprehensa, sicuti par est,

meditemur. Sic enim vera inter nos pietas vi-
gebit, pro iis quæ passim maximo nostro cū
dolore videre cogimur. Hinc enim illa turba
otiosorum deambulantium, & de nouis re-
bus, Atheniensium illorum instar, curiosè in-
ter se rogitantium de quibus Lucas Act. 17.
21. Hinc ganeones mentis totum diem alli-
dentes. Hinc alij in suis recensendis & ven-
dendis totis animis occupatissimi. Alij vndi-
que ad sua debita exigenda vel fœnera po-
tius properantes, tum maximè eo ipso tem-
pore quo nos Dominus ad se audiendum, &
ad saluberrimum illud opacum suum frigus
captandum tam benignè inuitat: quibus de
rebus iam pridem conquerimur, & singulos
etiam corripimus. Sed frustra. Nam à filiis
denuin suis iustificatur, Sapientia Mat. 11. 19.

*Non solum
captanda est
umbra hu-
ius arboris,
sed etiam e-
ius fructi-
bus vescen-
dum est. &
eorum sua-
uitate foun-
dum.*

Sponsa igitur nostra non sic: immò con-
trà profitetur sese sub hac umbra confedis-
se: & quidem minimè otiosam, sed vt sedens hu-
ius arboris fructibus vesceretur, quorū sua-
uitatem mirum in modum commendat. Cæ-
terùm hæc Dei domus in quam deducta est
hæc Sponsa, vnicum videlicet Ecclesiæ per-
fugium, nō est certè ædificium aliquod cer-
to quodam spatio circumscriptum, vel instar
Basilicæ, cuius tum cōcamerate porticus lon-
gua serie columnarum protendantur, tum
atria varij ac peregrini marmoris incrusta-
tionibus, & auro vel argento refulgeant: ne-
que vbi symphoniacorum inanes concentus,
vel organorum sonj solas aures demulceant.

Sed

Sed locus ille est in quo purus Dei sermo, cunctis adstantibus & audientibus, personat: adiunctis exhortationibus, consolationibus, admonitionibus, reprehensionibus opportunis, & ad salutem necessariis: vnde nullus inanis, sed optimè vero solidoque cibo pastus digreditur, quod ad illos quidè attinet, quorum animabus suauitas illius cibi incomparabilis sapit. Hic enim est cibus ille cuius dulcedine capti Petrus & alij Iesu Christi veri discipuli, ceteris abeuntibus, cum præceptore suo permanētes, voce Petri responderūt, Domine ad quem ibimus? Verba vitæ æternæ habes, Ioh. 6. 68: vt etiam Psal. 19. 8 hisce verbis describitur, Præcepta Iehouæ recta sunt, & cor exhilarantia: testimonium Iehouæ verax, illuminans oculos. Timor Iehouæ syncerus, permanens in seculum. Iudicia Iehouæ sunt vera, & pariter iusta, & desiderabiliora quàm aurum vel purgatissimum, & dulciora melle & fauis stillantibus.

Ostenfura præterea Sponsa quàm liberè à suo Sponso non tātum cibo, sed etiam potu sit refecta, testatur se ab eo introductā fuisse in penum vinariam: nisi potius ita significari malimus, ipsum locum nuptialibus sumendis epulis destinatum. Est autem hic in primis animaduertendum Sponsam minimè dicere se illuc yltrò profectam, sed à suo Spōso fuisse illuc introductam: nempe vt mentionibus nostris istud perpetuò infixū maneat: quemadmodum à gratia salus nostra initium habet, rectam voluntatem in nobis creante,

Ab hac arbore cur Spōsa in Basili-cā epuli deducatur: quæ nobis etiam hodie in Sacramētorum ac præsertim sacre Cene administratione Verbi prædicationi adiuncta representatur.

ita necesse esse vt eadem gratia voluntatem illam dirigat, alioqui statim aberraturam, & ad ingénium redituram: nobis, si ea destituamur, simulatque pedem mouerimus, turpiter corruituris. Sed vt Sponsus Sponsæ præit, sic Sponsæ partēs sunt, præeuntem ducem subsequi. Itaque non satis est priuatim illo fructu vesci, sed ad conuiuium est accedendum. Fratribus, inquam, adiungere se oportet, & coram hominibus palàm præclarā edere confessionem: ad quem finem ab ipso mudi initio dies septimus fuit à reliquis separatus: & sub Lege tres illi Festi dies solennes instituti. Talia fuerunt etiam initio Christianæ Ecclesiæ conuiuia illa quorum fit mentio in Actis Apostolicis, & 1. Cor. II. 20. & Iud. 12. coniuncta cum Cœnæ Domini celebratione. Quid igitur fiet nostri seculi Pseudonicodemitis, & iis omnibus, qui hominum metu perculsi, latebras quarunt: & sibi persuadent non esse necessarium huic Epulo, id est sacris cœtibus, interesse? Immo verò vult quidem Dominus, vt ad hanc arborem assidentes, sigillatim pro se quisque verbum ipsius meditetur, & preces concipiat: sed idem etiam requirit, vt in cœtum ipsum ingressi, in communi, hoc cibo vescamur, Matth. 10. 32: quamobrem etiam peculiari promissione sanciti sunt cōmunes Christianorum cœtus, Matth. 18. 20. & 24. 18. discretè quoque secessiones istiusmodi damnante Apostolo Heb. 10. 25: quem contemptum in

quàm

quàm plurimis feneriffimè Dominus vindicauit iam olim; & etiamnum hodie vlciscitur. Sed & hinc difcamus oportet, gratiam gratiæ superaddi, bene vtentibus prioribus donis, vt in parabola talentorum docemur, Matth. 25. & hoc loco declarat Sponfa, quum ait fefe quum apud hanc arborem antea federet, eiusque fructibus auidè vefceretur; postea fuiſſe interiùs, nempe in Baſilicam vſque ſolennis epuli deductam: vbi copioſius fuerit paſta: vſque adeò vt tanta comitate tamque beneuola exceptione quaſi extra ſefe abrepta, animo pene deficeret. Denique obſervatione digniſſimum eſt quod breuiter paulò antè attigimus: nos videlicet à Chriſto non modo cibo ſed etiam potu refici: vt certi ſimus in illo vno quærendū, & ex illo vno ſumendū quidquid ad alimētū & vitā ſpiritualē requiritur. Nam hoc quoque apertè nobis quaſi oculis ipſis vidēdum ac manibus palpandum tradidit, partim in Pane illo ſacræ Cœnæ, vt certo teſtimonio cōmunicati corporis pro nobis traditi: partim in Vino illo, quod eſt ſanguinis eiùſdem preciōſiſſimi, noſtræ ablutionis cauſa effuſi, ſacramentum: minimè id quidem vt corpus illud & ſanguis ille, Chriſtus ipſe denique & ipſius beneficia in illa ſacræ Cœnæ noſtris oculis oſtententur, quum non niſi internis animi in cœlum vſque ſubuecti oculis, cerni poſſint: ſed vt nobis ad ſpiritualē æternāque vitam in-

de ratione itidem spirituali hauriendam, per fidem communicentur. Idem statuendum est de ordinaria verbj Dei administratione: in qua idem Iesus Christus totus integérque nobis sese offert, fidei nostræ veluti manibus excipiendus.

*Quæ & ubi
sit hæc Ba-
silica, &
quomodo se-
se in illa ge-
rere debeat.*

Quocirca (Fratres in Domino charissimi) memores nos esse decet, hoc ipso, inquam, in loco, & ubicunque congregantur Christum profitentes, (etiã si duo vel tres duntaxat conuenerint) illic, inquam, esse penum illam vinariam, & huius nuptialis epuli Basilicam, cuius sit mentio Luc. 14. 16. Ecquis est autem vsque adeò impurus & impudens, vt ad capiendũ cibum ab aliquo potentissimo Principe inuitatus, turpe & sordidum quidpiam sciens prudens eò importet? Itaque muneris officijque nostri foret, ad tubæ Domini sonitum, tinnitum scilicet campanæ, quo ex more ad sacras conciones conuocamur, non modo illuc concurrere, sed etiam aduolare: idque non temerè, nec incogitanter, sed præeunte vera cordis contritione, & consideratione, tum mortis illius qui nos insigni sua misericordia præuentos inuitat, tum illius incorruptibilis thesauri, cuius nos in illo ipso conuentu participes efficere vult: vt ita affecti, coram ipsius facie animos afferamus dociles, & huius cibi sumendi auitos: denique vt desiderium longè maximum tam pretiosum cibum excipiendi, comedendi, gustandi, concoquendi afferamus: huius tam prætiosæ

prætiolæ alimonix effecta foris & domi,
procul & proximè, omnibus corporis & ani-
mi actionibus, omnibus sanctis testaturi. Sed
quorsum & quibus ista? Mirum certè non est
paucissimos istius liberalitatis immensæ fru-
ctum nullum percipere: quum plerique il-
lam prorsus aspernentur, alij leuiter & dicis
causa illam delibent: paucissimi denique ci-
bum illum concoquant vt eo nutriantur.
Res, Eheu, miserabilis, & quæ caro nobis cõ-
stabit, nisi melius nobis caueamus,

Cæterum quænam est (obsecro) Basilicæ *Collatio hu-*
istius epulis consecratæ conuenientia cum *ius veræ ba-*
fædissimis illis lustris idolorum, quæ vocant *filicæ cum*
idiotarum, siue plebeiorum hominum, li- *lustris falsæ*
bros? vbi prætiolissimi honoris illius loco, *Ecclesiæ.*
aures quidem vano boatu complentur, men-
tes verò mille mendaciorû veneno inficiun-
tur? vbi, pietatis pretextu, & quasi animæ
piorum in Ecclesia per procuratores cibo
vitæ pascantur, non modo priuatorum do-
mus, sed etiam sceptræ & coronæ deuoran-
tur? vbi pro vero Iesu Christo, panaceus mi-
seris populis spectandus & adorandus pro-
ponitur? vbi denique ne quid ad summum sa-
crilegium deesset alterum ex Sacramentis sa-
cræ Cænæ Domini penitus sublatum est, al-
terum in horrendum idolum est trasmuta-
tum? quod si grauissima condemnatione dig-
ni sunt, vti sane sunt, qui tantis sceleribus te-
nètur: quid nõ merètur qui ad hoc epulû ritè
instructû, & administratû, indignè accedunt?

*Descriptio
vexilli dile-
ctionis, sub
quo quiescit
Ecclesia.*

Ceterum leuiter prætereundum non est quod adicit Sponsa: nempe Spōti vexillum quo ipsa regitur, seu ad quod se recipit *Amoris* aut *Beneuolentia* nomine esse insigne. Quemadmodum in re militari signis distinguuntur cohortes, & manipuli, & singulis militibus quæ signa sequatur attributa sunt: sic Amor quo nos Christus prosequitur, vnus ille est quo singuli fideles in vnum corpus, quod est Ecclesia, congregati coalescunt: quo alij cum aliis firmissimo charitatis vinculo conglutinantur, quo in omnibus periculis & grauissimis pugnis sustentantur ac protegentur. Quo enim hominum merito Deus ille Opt. Max. ille ctus orbis huius machinam in hominum gratiam creauit? Annon sola sua voluntate adductus, creaturam eiusmodi efformare ab æterno constituit, in qua singulare dilectionis & amoris testimonium demonstraret? & quam donis singularibus ornatam eò vsque extolleret, vt in omnes inferiores res creatas imperium ipsi attribueret: atque adeò cui, tanquam sibi solis reservatis cœlis, in inferiora omnia dominatum concederet? Sic Psalm. 115. 16. Propheta exclamat, Cœlum cœli Domino terram autem dedit filiis hominum. Maximum certè beneficium, imò tantum vt illius magnitudinē nemo facile possit mēte complecti. Sed tamen quantulū illud est, quæso, præ eo beneuolentiæ testimonio quod in miserrimæ, abiectissimæ, perfidiosissimæque istius

istius creaturæ redemptionis mysterio apparuit? Quis enim humana mente assequatur immensam illam bonitatem qua effectum est ut æternæ mortis supplicio dignus homo, non modò tamen non interierit, sed culpæ etiam suæ interuentu, ad tantum dignitatis fastigium euehatur, ut supra ipsos Angelos in Filio Dei emineat? Ephes. 1.3. & 4. Inde fit ut optimo iure nobis exclamare liceat, (minimè quidem ut id quod malū est laudetur, sed ut omnem illi laudem deferamus qui lucem è tenebris educit,) ô bis tēque felicem lapsum qui tam altè nos sublato euehis! felices tenebras, sine quibus verissima illa lux nunquam fuerat nobis apparitura! Nam futurus quidem erat homo, nisi tanto hoc lapsu ab ingentibus & eximijs illis dotibus excidisset quibus à Deo fuerat exornatus, velut pulcherrima inuisibilis creatoris spectanda omnium oculis imago. Ex lapsu verò quo brutis animatibus similis effectus est, occasionem sumpsit Creator, non tantum ad illum propius accedendi, sed etiam hominis sibi adeò stricto & indiuiduo nexu vniendi, ut Homo & Dei Filius æternus, vnica sint persona, Homo Deus, & Deus Homo. Ecquid verò Deū ad istud tātū opus impulit certè sola ipsius bonitas & dilectio, ut Propheta exclamat, Psal. 8.5. & 144.3. Et quis contra sentiat? Quare denique adactus est Deus Opt. Max. ut, quod in consilio & mente sua æterna sic proposuerat, tam noua, tam inaudita,

tam admiranda ratione perficeret, vt Angeli
 ipsi in totum hoc mysterium penitiùs intue-
 ri auidissimè expetât: hoc iam olim indicante,
 figura duorum Cherubim qui Propitiatorio;
 id est, arcae operculo insistentes, aduersis fa-
 ciibus in ipsam arcam intuebantur? Exod. 25.
 20, & 1. Petr. 1. 12. Hoc profectò non aliunde
 quàm ab eadem illa immentà dilectione pro-
 manauit, qua nos in Filio suo gratos habuit,
 Ephes. 1. 6. Ioh. 3. 16. Æternum porrò Dei Fi-
 lium quid excitauit ad tam miseram istam, &
 omni sordium genere fœdatam puellam (Ec-
 clesiam videlicet) sibi desponsandam, Ezech.
 16. 8, & tot illi adulteria condonanda? Ierem.
 3. 1. Quid amplius? ecquid illum ad Patris sub-
 eundam maledictionem, vt pro illa fieret e-
 xecratio? Gal. 3. 13. ad semetipsum pro ea mor-
 ti exponendum? ad peccata illius in corpore
 suo super lignum, lignum, inquam, crucis
 perferenda, impulit? 1. Petr. 2. 24. Philip. 2. 8.
 Sola illa nimirum eius Beneuolentia, cuius
 profunditatem, sublimitatem, latitudinem,
 longitudinem allèqui humanarum non est
 virium, Ephes. 3. 18. En fidei nostræ firmum &
 immotum fundamentum, fiducia videlicet
 huius summæ Dei erga nos dilectionis. Quî-
 nam verò in illum sperare, quînam illum in-
 uocare auderemus nisi Spiritus sancti nos
 doceatis, & in nostris cordibus tantum Dei
 erga nos amorem ob signâtis testimonio ni-
 teremur? Rom. 8. 15. Gal. 4. 6. 1. Cor. 2. 12. Iacob.
 1. 6 Denique vt rem in pauca conferâ, Sponsa
 verbis

verbis istis testatur sese vnico illo Amore quo Sponsus eam complectitur fretam, & hoc vno Vexillo tectam, ad Deum vt ad asy- lum suum confugere, ab illo solatium in re- bus afflictis petere, illius ope se ab omni me- tu liberam, & à mundi colluue discretam. Neque mirum est huic Vexillo nomē Amo- ris attribui, quum longè adhuc significantius Deus ipse Dilectio dicatur, cuius ipse sit ori- go, vt ad nos inde profluat. Est enim Deo ve- lut insitus hominum Amor: eorum quidem quos in Filio suo elegit, iustificauit, sanctifi- cavit, tandem in eodem glorificandos, Rom. 8.28. Hic autem Dei in nos Amor alium in nobis Amorem gignit, quibus datur, vt eum cuius tantus est erga nos amor, vicissim re- damemus, quod ex hoc toto Cantico con- stat. Idcirco adiicit Sponsa se præ istius amo- ris mutui magnitudine deliquiū animi pas- sam: quorum verborum explicationem in a- liam concionem reiciemus.

Hoc autem superest, vt hanc doctrinam tam suauem & tam pretiosam minimè asper- nati, suauissimos ex ea fructus referamus: id est diuinitus in hanc ædem huius epuli quo- tidie inuitati, exterioribus istis omnibus ca- ducis & planè vanis neglectis, tam opiparo & lauto conuiuio perfruamur: mundi (in- quam) huius deliciarū & nostri ipsius obliti, res istas terrenas præ se nescio quid splēdoris & voluptatis ferentes, vanissimam esse vani- tatem ex altero libro Solomonis discamus:

*Inuitatio ad
hoc epulum*

Vinum illud mentes instaurans in hoc con-
uiuio bibamus, dulces fructus vitæ æternæ
comedamus. Cor denique nostrum supra
omnes cœlos attollamus, in quibus à Domi-
no panis vlnis amplectendi, & sinu ipsius
fouendi expectamur: futuri, inquam, cohæ-
redes & consortes regni cœlorum cum eo
cuius in nos Amor & hætenus fuit singula-
ris, & est deinceps ad omnem æternitatem
duraturus. Quoniam autem hætenus officio
nostro neglecto tam pigri, tam negligentes,
tam mundo isti dediti, tam nostri studiosi,
imò & tam contumaces tamque præfracti,
tamque ingrati fuimus, vt nihil suprà: agite,

Fratres, supplici mente, singuli miseri-

cordiam Dei nostri verbis istis

deprecemur. Domi-

ne Deus, &c.

* *

*



IN CANTICVM CAN-
CORVM HOMILIA
DECIMAOCTAVA.

Auxilium nostrum sit à Domino, &c.

Quod sequitur extat in Cap. 2. vers. 5. 6. & 7.

5 Fulcite me phialis: stipate me pomis. Nam amore langueo.

6 Læua eius sit sub capite meo, & dextra eius amplexetur me.

7 Adiuro vos, filiæ Ierufalei, per Capreas vel Ceruas agri, ne fuscitetis, & ne euigilare faciatis amorem hunc meum, donec velit.

Sponsam in Basilica conuiuij in statu longè optatissimo reliquimus: At contrarium nūc ex eius verbis colligendū videtur, haud aliter loquentis quàm si, viribus deficientibus animā ageret. Est igitur ex istis generis humani agnoscēda imbecillitas, qua fit vt mortales neque res secūdas neque aduersas, si vel tantillò quàm ferant vires eorum maiores ingruerint, tolerare queant. Idem enim hīc euenit quod in reliquis humanis rebus, vbi saepe accidere conspiciamus, vt nimia tristitia corde coarctato, vel contra nimio aut nimis subito gaudio dilatato, homines repentē exanimentur. Ita plerisque locis sacrae historiae videmus sanctos illos Patres ad temporis momentum aliquod deliquium

Nemo ne ex integerrimis quidem satis capax est suauitatis epularum huius conuiuii: sed non est propterea abiicienda horum ferulorum appetentia.

passos, si fortè splendidiùs & illustriùs solito, diuinę præsentis Maiestatis signū ipsis appareret. Sic etiā Apostolus, quum Deus illi ineffabilia patefaceret, ita se abreptū asseuerat, vt ne nouerit quidem an cum ipso corpore, an verò extra corpus sola mente illa conspexerit, 2. Cor. 12. 2: quod etiam Prophetis accidisse, aut non absimile, quum Dei Spiritu afflaretur, ex primi Sam. cap. 19. 24, & aliis ple-
risque locis apparet. Hæc etiam causa est, cur hoc loco Spōsa, tā lauto tamq; splendido excepta conuiuiō, & immēsum in se Sponsi fauorē persentiens, & tam Mali istius dulcedine, quā Potus fragrantia & sapore delinita, penē se exanimari dicat, quòd de repentiē tāti beneficij capax esse nequeat: nō tamen quòd eius cibi appetitum amiserit. Nā è contrario Vinū istud & hæc Poma sibi præberi requirit, sed ita sibi paulatim subministrata, vt ipsius vires quæ alioquin præ nimia abūdantia penitus defecturæ videbantur, paulatim instaurētur ac reficiantur. Ergo, inquit, *fulcite me vino illo, & mihi poma substernite quorum odore recreer*: vt moris esse videmus ægros deficiētes non cibo aut potu ampliore reficere, sed vini guttulis & odore recreare.

*Expositio
aduersus
harum epu-
larum con-
tempores.*

Sed, proh dolor! quid hoc loco aliud elo-
quar, nisi quòd iam ante multos annos nulla
penē ampliùs vt ita dicā in terris Ecclesia esse
videtur. Nostro enim, nostro, inquam, tem-
pore, quo Deus per immensam suam miseri-
cordiam nō modò huius conuiuij basilicam
instaurauit, sed nos etiā in eā traduxit, & eun

dē in ea cibū, eundēmq; potū, tanto cū apparatu vt addi ei nihil possit, nobis quotidie præbet: vbi cōspicias nō dico quos præ tā immēsa bonitatis & liberalitatis apprehēsiōne vires deficiant, sed qui ad hanc mēsam assidere, qui, si assederint, cibum hūc depascere, degustare cum appetitu & concoquere dignētur? An non cōtrā nobis idem quod Israelitis accidit, quos cibi cōlestis Mannæ statim fastidium cepit, quam tamen ab initio tantopere laudauerāt? Exo. 16. 16. Num. 11. 6. Vtinā igitur Dominus in nobis hūc sanctū appetitum accuat, nostri gustus stuporē tollat, efficiat denique vt vera simus hæc ipsius Sponsa.

Est istud præterea obseruatione dignum *Quod sit discrimen vini*
 Sponsam nō de quolibet vino hic agere, sed *ex puris domiliis hausti,*
Vinum ex lagenis Sponsi haustum flagitare. Nā *ex seu vap-*
 est quoddam vinum mixtum, quale illud fuit *pa, seu acidi*
 quod potandū Pharisei populo propinabant. *ac etiam*
 Est & acidū & vappa, imō & venenatū: quā *veneno in-*
 le illud est quod à meretrice illa super septē *fetti vini:*
 Mōtes sedēre propinatū, Reges & terrę inco- *ex qua*
 las inebriat, Apoc. 17. 2. & ad infaniā redigit, *arbore de-*
 vt de altera Babylone loquitur Iere. 51. 7. Quā- *cerpantur*
 obrē summopere cauendū est ne hac in parte *poma, quæ*
 decipiamur: est enim hæc ætas feracissima, si *vires defi-*
 vnquam alia vlla, istiusmodi cauponū vinum *cientes in-*
 adulterantiū, id est Dēi doctrinam deprauan- *starena.*
 tium & adulterātium, quā tamen simplicē &
 synceram proponi iubet Dominus, per Apo-
 stolū, testificans, 2. Cor. 2. 17. & alibi fidelium
 gregem admonens, vt omnia explorent, &

quod bonū fuerit, retineant, 1. Thes. 5. 21. Sunt igitur Beræenses imitandi qui vt ex Act. cap. 17. 11. liquet, priusquàm sibi ab Apostolo, licèt fidei Domini ministro, vinum propinatum reciperent, diligenter scrutati sunt an benè illi cum vino veterum doliorum aut phialarum, scriptis inquam Prophetarum, cōueniret: quod vbi compererunt, tum demum illud exceptum summa cum alacritate voluptate permixta biberūt. Ideò dicit Dominus, Matth. 13. 52, Omnem Scribam edoctum in regno cœlorum, similem esse prouido patri-familiàs qui profert è thesauro suo noua & vetera: quò etiam illud est referendum quod Sponsa Cantici huius capite septimo v. 13. de fructibus veteribus & recētibz commemorat. Nec est minore rursus diligentia & cautione fugiendus hac in parte Satanæ & ministrorum eius astus, persuadere nobis nitentium, Vinum omne vetus sine discrimine recipiendum & laudandum: falsò id quidem. Vetera enim multa vina non minùs quàm noua permixta & adulterata, adde & veneno infecta reperiās: quod est summa diligentia præcauendum. Vt autem vel ex eo nunquam bibamus, vel si fortè bibere contigerit illicò euomamus, hic tenēdus est modus. Primùm, vt diligenter animaduertamus an ex veris phialis penus Domini depromptum sit, quas vocamus scripta Prophetarum & Apostolorum siue Vetus ac Nouum Testamentum, & quicquid aliunde haustum fuerit, sine discrimine

mine procul à nobis reiiciamus. Deinde, quoniam cauponum istorum tanta est veritas, ut mero etiam ex ipsis Domini phialis deprompto venenum misceant: rursus hæc est adhibenda cautio, ut non tantum colorem, quem scitissime fucare norunt, sed etiam saporem & gustum diligenter obseruemus antequam vel guttulam inde in ventriculum traiciamus. Sic enim fiet ut verum an mixtum sit facillime percipiatur. Dico, inquam, attendendum & scrutandum esse an doctrinæ illi, quam isti obtrudunt, bene & per omnia cum fidei nostræ symbolo conueniat, quandoquidem fidei nostræ capita ex ipsis sacræ Scripturæ fontibus sunt certissima fide deprompta. Quod si factum erit, subito verane sit an falsa loci alicuius interpretatio patebit. Eadem est etiam eius ratio quod non simpliciter Sponsa optat sibi stratum ex Pomis subterni, sed ex Pomis demum illis, id est, ex vera Pomo collectis, quæ est vitæ arbor, ex qua quicumque comederit, nunquam morietur, sed in æternum viuet. Ioan. 6. 51.

Attende porrò Sponsæ tanto beneficio non acquiescentis maius etiam alterum desiderium. Expetit enim à Spōso, ut suū caput ipsius læua, dextra verò reliquum corpus fulciatur, idque duabus de causis. Omnis enim illa vis & facultas quam vinum istud, & hæc Poma, (id est prædicatio verbi & administratio Sacramentorum) habent ad nos reficiendos & instaurandos, non aliunde manant

Vis illa quæ vim nutriendi cibis istis conciliat, penes unum Deum residet: quæ in re grauissimè a nonnullis peccatur, tum in simplici

verbi præ-
dicatione, tñ
in Sacramē-
tis.

quàm ab illa virtute & energia Spiritus sancti, nobis donati; sine cuius vi destitutum exterius istud verbum nihil aliud est, nisi sonus aures feriens, ac minimè penetrans: & Sacramenta ipsa, quidquid in suis scholis garriant Sophistæ, absque illo nihil aliud sunt nisi signa inania, quarum tamen cōtemptus, indignè ad eas res, ad verbum putà & Sacramenta, accedētes, reos mortis coram Domino peragit. Magorum enim & incātatorum est aliquā vim nudæ ac simplici verborū aut syllabarū, siue intellectarū & probatarū, siue secus, pronūtiationi attribuere: nō secus atq, etiā non solū superstitio, sed infanda idolomania, docere signis Sacramentalibus vim quandā ac sanctitatē inhærere quæ in nobis operetur, quod ne de Angelis quidē dici potest. Tota enim ista vis intrinsecus in nostris animis operandi, ita Deo propria est, vt ad nullū alium possit traduci, & nobis per verbum & Sacramenta sua Deus tanquā per notas & symbola duntaxat repræsentat ea quæ solus ipse in fideli anima, vñica sua vi & potentia perficit, quod dum ex vulgo petita similitudine, vt ne amplius ad planè magicam hanc incantationem impingamus, notū facere conor, quæso, attēdite. Quū de corporis alimēto quæritur, quoniam iam inde ab initio sic Deo visum est, vt animalia omnia vitā terrestre & animalē, (sicut eam Paulus vocat 1. Cor. 15. 43.) iis omnib⁹ quæ terra produxerit tolerēt, extra controuersia est, Dominū simul
etiam

etiam pani indidisse vim quandam quam Ezech. 4. 16. vocat baculū panis, id est vim naturalem, robur & vires eius qui comederit & concoxerit sustentandi, & vino pariter vim & proprietatem occultam fouendi & exhilarandi modicè illo vtentes Psalm. 104. 15: quod etiam est de cæteris omnibus rebus creatis intelligendum quæ mortalibus vtendæ fruendæ cū gratiarū actione datæ sunt ab illo suo Creatore, 1. Tim. 4. 3. Idē etiā dictū esto de infinitis plantis & creaturis ad variis morbis ferēda remedia destinatis, quibus facile quiuis animaduertat vim inesse à Deo inauditā aduersus varia morborū genera, sibi tamē reseruato iure & potestate exerēdæ aut coercendæ illius facultatis ex suo vnus arbitrio: vnde non immeritò panem nostrū quotidianum ab illo petimus, panem agnoscentes vim nutriendi ab eo à quo & originē habet accipere, quantā & quò vsq; illā fuerit dimēsus, ac proinde à solo illo tanquam prima omnium causa & ortum nos ducere, & in solo illo subsistere: sed quod ad æternam vitam attinet, sic eam totam in vno Christo vero & solo pane vitæ inesse agnoscere nos oportet, vt nullā vnquam rem creatam nec fuisse nec futurā esse fateamur in qua vel minima scintilla huius vis & virtutis in æternam vitam verè viuificantis inhæreat. Quemadmodum enim Christus solus quicquid ad salutem nostram requirebatur, adimpleuit, sic totam vim & facultatem tum qua disponitur anima hominis ad percipiendum &

apprehendendum quicquid pro nobis effecit, tum qua per fidem sibi hæc salus applicatur in illius solo spiritu residere confitendū est per quem in nōs ab illo defluit, qui & ipse est virtus Essentialis Patris & filij, & de quo idē dixit Christus, De meo accipiet, quod renuntiabit vobis. Io. 16. 14. Quodnam igitur est Angelorum opus in nostra promouenda salute? Vt superioribus potestatibus, sic iubente & ordinante Domino, resistent, vt videre est multis apud Daniele locis: fideles instar agminis circumcingant: Gen. 32. 2. Psal. 34. 8: vt sint denique ministratores spiritus, qui ministerij causa salutis heredibus mittantur. Act. 10. 3. Heb. 1. 14. non quod in sese vim ullam habeant qua nos ad Deum trahant, Ioh. 6. 44. aut corda nostra lapidea in carnea conuertant. Ezech. 36. 26. vel aures ad audiendum tribuant, Psal. 40. 7. siue nostrum cor aperiant. Act. 16. 14: multo minus qua nos aut sanctificent aut iustificent. Rom. 8. 30. Istud enim omne Dei patris nostri proprium est, per Spiritum Sanctum suum in Iesu Christo nos sibi gratos facientis. Hominum verò quos ad hoc ipsum opus eligit ac mittit, quæ partes sunt? Vt Christi nomine legatione fungantur, voluntatem eius nobis annuntiantes. 2. Cor. 5. 20. vt serant plantent rigent aruum quod illis est colendum traditum: verbum videlicet Domini prædicando, & signa seu symbola Sacramentalia administrando. 1. Cor. 3. 6. At quis aruum istud natu-

ra sua petrosum & infæcundum, ad semen
 istud excipiendum præparat & idoneum red-
 dit? quis crescendi, germen educendi, flores
 emittendi, fructificandi vim confert? Vnus il-
 le Sol iustitiæ, quem solum Deus dextra sua
 euectum constituit principem ac seruato-
 rem, vt det resipiscentiam Israeli & remissio-
 nem peccatorum. Act. 5. 31. Verbi igitur vsus
 quis est? Vt ea animis hominum per aures re-
 præsentet ad quæ significanda in quouis i-
 diomate adinuenta sunt verba, nec quidquã
 amplius: adeò quidem vt quod ad eos attinet
 quibus idioma illud ignotum fuerit cuius so-
 num audiunt, & eos qui idioma quidem
 intelligunt, sed id percipiendi quod eorum
 aures pulsat, discernendi & approbandi ca-
 paces non sunt, maioris non sit momenti
 vel efficacix, quàm si mortuo verba fiant.
 Quanam verò Sacramentorum erit vis? Ea
 videlicet mysticè oculis exhibendi quæ Sa-
 cramentales promissiones auribus: & am-
 plius nihil. Quanam igitur est aquæ Baptis-
 matis in eius administratione vis & efficacia.
 Vt testetur oculis & cæteris sensibus eius qui
 baptisatur quum adoleuerit, sic iis qui cre-
 diderint omnia peccata morte & passione
 Christi deleri, & eosdem à corruptione nobis
 naturaliter insita, tandem aliquando in vita
 illa æterna glorificandos, repurgari, vt aqua
 communi fordes corporis eluuntur. En quid
 aqua illa repræsentet, tantùm, aio, repræsen-
 tet: tantùm abest vt illorum aliquid in nobis

inchoandi, ac multò minus perficiendi vim
 vllam habeat: Nam eadem etiam ratione Sā-
 cta siue sacra vocatur, non quòd aqua com-
 muni sanctior aut purior sit in seipsa, sed
 quòd, Deo sic ordinante, sancto illi fœderi,
 cœlesti & spirituali nobis repræsèntando sit
 consecrata. Idem prorsus de Sacramentali-
 bus in S. Cœna signis nempe de hoc Pane &
 hoc vino, vt sacris testibus, sentiendum: id-
 circo videlicet à Deo institutis, vt res inui-
 sibles & quæ sola vi & potestate Spiritus
 Sancti in Iesu Christo intra nos perficiuntur,
 oculis nostris exhibeant: nempe, quod que-
 madmodum corporali modo panem & vinū
 sumentes succum & alimoniā huius vitæ inde
 trahimus, & vires nostræ ex illorum vsu au-
 gesunt sic iubente & ordinante Deo: ita e-
 tiam, Christus Dominus noster, verus Deus
 & verus Homo, nō fucata fide, spirituali mo-
 do siue mente receptus, sit noster, & nos vi-
 cissim illius: adeoque arcto nexu illi vnimur
 & conglutinamur per spirituales hanc per-
 ceptionem, vt ex eo solo verum succum vitæ
 spiritualis & æternæ trahamus, & sic tum
 corpore tum anima, quum vltimus ille opta-
 tissimus dies aduenerit, in ipso vitam æternā
 viuamus. Rursum igitur aio, non modò ma-
 nifestam esse ac detestandam superstitionem,
 sed etiam idolomaniam, vim vllam intrinse-
 cam verbis ore prolati & demurmurati, li-
 cet à Deo ordinatis, aut verbi, Sacramento-
 rum-ve administris, aut denique signis Sa-
 cramentalibus, tribuere.

Hoc,

Hoc, vt ad nostrum contextum redeamus, *Cur Sponsa*
 agnoscens Sponsa, *utraq; spō-*
 ac vires Sponsi sui requirit, quibus tum isto *si manu pe-*
 Vino tum his Pomis vtiliter frui possit, & ita *sat sustenta-*
 refocillari. Deinde istud ipsum postulat, vt
 probè edocta nihil in nobis perfici posse, imò
 fore vt cibum & potum, summo licet appe-
 titu degustatum & depastum turpiter euo-
 mamus, & ita fiat cōditio nostra vltima prio-
 re deterior Luc. ii. 26, atque adeò tādē om-
 nibus viribus deficientibus, in mortem præ-
 cipites ruamus, nisi primam gratiam secun-
 da, & secundam tertia & sic deinceps co-
 mitetur. Itaque si in illa vera Ecclesia cen-
 feri cupimus, cauendum ne ipsi nobis ali-
 quid esse videamur, néue in fide nobis etiam
 liberaliter admensa, simpliciter acquiesca-
 mus, ac si ampliore non indigeremus: sed o-
 pus est vt perpetuò aliquid amplius appeta-
 mus, & quod iam habemus in nobis augeri
 postulantes, singulis momentis nouas vires
 acquiramus: Deinde vt hoc à Deo sedulò &
 obnixè petamus ne nos in tentationem in-
 ducat, sed vt altera manu caput nostrum lan-
 guidum fulciat, altera verò cor nostrum &
 voluntatem deficientem imò & rebellem
 amplectatur, vt in omnibus animæ & cor-
 poris actionibus fortiores effecti, stadium
 nobis propositum ita decurramus vt coro-
 nam gloriæ nobis præparatam assequamur.

Caterum isto Vino & Pomis istis refocil- *Cibus in*
 lata Sponsa, iam nobis quasi alto soporata *hoc epulo*
communi

*sumptus,
priuata me-
ditatione cō-
coquendus
est ac dige-
rendus.*

somno proponitur, non quidem vt sanctarū deliciarum quibus in hoc conuiuio per fusa est, fruitione priuetur, sicuti videmus naturalem somnum esse quandam mortis imaginem, omni sensu nos priuantem, etsi Deus somno tanquam bono maximo ad imbecilli huius nostri corporis vires alterna requie reficiendas, & ad diurnum laborem instaurandas vtatur: sed per Somnum istum Sponsæ, dulcis illa & tranquilla quies intelligenda est, in qua fidelis anima ab omnibus terrenis curis sciuncta conquiescit: totum suum studium in iis quæ in hoc conuiuio comedit bene concoquendis, & in suam substantiam conuertendis, id est, in iis meditandis quæ in Dei Ecclesia & corporeis & mentis etiam auribus percepit: tum verbum summa attentione audiendo, tum Sacramenta participando: non secus ac cibo corporeo benè pastus aliquis, corporis actionibus inrermis, dat se quieti vt benè concoctus cibus in eius substantiam & naturam conuertatur. Ista ergo quies, meditatio illa est cuius meminit Propheta Psal. 1. 2. & 16 7. 9. & cuius præstantissima nobis exempla in sacris canticis proponuntur, putà in Cantico Annæ matris Samuel. 1. Sam. 2. 1. Dauidis. 2. Sam. 7. 18. Zachariæ, Virginis Mariæ & Simeonis apud Lucam 1. & 2. cap.

*Satanæ ip-
sius serui toti
in eo sunt vt
hanc conco-*

Tantum igitur abest vt hic Somnus sanctis loquendi facultatem adimat vt è contrario, ipsorum os maximè aperiat, non vt ægrorum somnia

somnia occinant, sed vt diuina mysteria, velut in cælos rapti, diuinitus eloquantur, quemadmodum infra cap. 8. videbimus. Illud ipsum est quod diuo Petro accidisse legimus quum in trasformatione Domini nostri Iesu Christi, tantæ gloriæ apparitione fuit obstupefactus. Marc. 9. 6. Cæterum, sicut homines quietem & pacem istam dare loan. 14, 27, sic nec illam abrumpere possunt. Nam sæpe quidem, fateor, illam omnibus viribus interturbare & prorsus abolere nituntur: sæpe ipsis ad hoc perficiendum multæ operæ præstosunt, imò nos ipsi sæpe aduersum nos non desumus. Sed aio nihilominus in illorum potestate situm non esse, vt illam Ecclesiæ quietem possint abrumpere nisi quando & quòvisque Deo visum fuerit. Istud nos docet Sponsus Hierosolymitanas obtestans tam expressa adiuratione, *Ne amice somnum & quietem interrumpant, sed requiescere sinant, donec illa velit.* Vbi primùm aduertendum est perpetuam eius providentiam de quo canēs Propheta Psal. 121. 3. Custos Israelis (inquit) nunquam dormit, ac ne dormitat quidem. Istud ergo sit vnicum nobis perfugium: hic vnus sit nobis asylum, vt verè dicamus cum Dauide, Cubabo & obdormiam, & euigilabo, quia Iehoua sustentat me. Psal. 3. 6. Idque non tunc solùm quum inuito Satana & omnibus ipsius ministris, quietam & tranquillā vitam degimus; (quod beneficium nobis, nobis, inquam, in hac Ecclesia ab hinc annos

Etionem & digestionem impediunt: sed Sponsus eorum cohibet, conatus prout ipsi visum est.

pênè quinquaginta, summa Dei clementia & misericordia, concessum est: & tanta quidem copia, vt meritò cum Dauide nobis gloriari liceat, Dominum cœlestibus cibis abundè mensam nostram opiparè adornatam, iplis videntibus veritatis hostibus, instruere.) sed etiam tum maximè quum nos Satan maioribus procellis & tempestatibus aëtos mergere conatur, ita vt cum eodem Dauide meritò exclamemus, In adyto ipsius tentorij ingruente tempestate delitescam. Istis etiam verbis Dominus Ecclesiam suam per Prophetam solatur, Eia (inquit) popule mi, ingredi in tua cubicula, occlude super te ostia tua, absconde te ad temporis momentum, dum pertranseat indignatio. Vnus igitur Dominus suæ Ecclesiæ tranquillam pacem & vitam donat, solus eandem, prout expedit, conseruat.

*Necesse est
summopere
ut Deus in
primis coer-
ceat intesti-
nos Ecclesiæ
turbatores.*

Sed quasnam, esse Hierosolymitanas istas dicemus? Eas esse nonnulli volunt Virgines huius Sponsæ comites, ac si Reginæ cuiuspiâ Virgines Dominam suam excitare prohibeantur. Sed istiusmodi certè personis hæc obre-
statio parum conuenerit, ad eos potiùs spectans quos certissimum sit quietem & tranquillitatem Sponsæ pro viribus alioqui fuisse nisi prohiberentur, turbaturos. Sponsus igitur per Hierosolymitanas istas intelligit easdem illas quas superius cap. 1. 6, hæc Sponsa non Sorores suas, sed suæ matris filias appellauit, eos, videlicet, qui sunt quidē in Ecclesia,
sed

sed de Ecclesia nō sunt. Ita etiam Paulus maximum discrimen inter externam & internā circumsionem statuit Rom. 2. 28. & filios Abrahamæ esse negat eos omnes qui ex semine Abrahamæ sint oriundi. Rom. 9. 7. Isti sunt igitur quos hic Sponsus obtestatur tanquam propinquiores atque idē magis metuendos Ecclesiæ hostes ac perturbatores: quod non frustra fieri quotidiana experientia demonstrat. Quis enim hac tempestate Dei regno maximē reluctatur? quis maximē illud remoratur? quis denique Ecclesiæ pacem & tranquillitatem interpellare nititur? Iudæos sanē ac Turcas in minimis aduersariis esse habendos dixeris, si eorum qui se Catholicos, imō & Ecclesiæ columnas esse prædicant rabiem, & aliquot nefarios apostatas ac Schismaticos, è nobis egressos, quodd re vera ex nobis non essent, 1. Ioh. 2. 19. inspexerimus. Quid verò interea Dominus? Furorem illorum, sicut hīc docemur, quando & quatenus expedit cohibet & frænāt.

Et quod ad *Capreas* vel *Cernas* attinet, per quas istas Hierosolymitanas obtestatur, præterquā quod ista loquendi formula est huius Cantici propria, in quō pastores velut in agris inter se colloquentes introducuntur, Domino & eius seruis istud nouum non est, vt res creatas in testimonium aduersum homines aduocent, veluti Cœlum & terram Deut. 32. 1. boues & asinos, Esa. 1. 2. Grues, ciconias & hirundines, Ier. 8. 7. montes etiam ip-

Deo sub seruiūt res omnes conditæ; ad exercenda seuera sua iudicia aduersus Ecclesiæ amensur turbatores.

fos mundi fundamenta Mich. 6. 1. quum reuera ex omnibus rebus creatis nulla sit neq; in cœlis, neque in inferis, neque in media mundi regione constituta, quæ vindictam aduersus inobedientes & rebelles à Domino non experat, Rom. 8. 12: & qua Dominus, quoties sic illi visum est, ad sua exequendâ iudicia non vtatur. Huius rei testes idonei sunt, immanes illæ feræ quarum fit mentio 1. Reg. 13. 25. & 2. Reg. 17. 25. ipsæ etiam ranæ & culices, Dei aduersus Aegyptios carnifices, ita vt horrendum sit in viuientis Dei manus incidere, Heb. 10. 31. Hoc illud est quod hîc Sponsus perturbatoribus Ecclesiæ suæ, idest vnctorum Domini Psal. 105 15. & eorum qui Sponsi huius amore flagrant, hostibus minatur. En amorem, en blanditias Sponsi suam ad se Spôsâ allicientis, O miseros igitur, ô tēq; quātēque infelices, qui tam amicis vocibus nec mouentur, nec duci se patiuntur, hoc præsertim seculo, quo Filius nobis, non vt seruis, sed vt familiarissimis suis, totum Patris arcanum patefecit, Ioh. 15. 15. & immensum illum ac ineffabilem erga nos amorem, sanguinis sui pro nobis quasi repetita effusione, sanciuit & ratum effecit.

*A medita-
tione ad a-
ctionē pro-
grediendum:
qua in re
table sunt
hallucinati*

At quorsum hæc verba, *De se se velit exci-
tari.* Contrarium enim Petri fuisse votum in Domini transfigurationis historia constat Matth. 17. 4: perpetuò videlicet in illo monte permanendi cum iis quos in tanta gloria conspexerat. Agnosco igitur & lubens concedo,

cedo, ipso Dauide Psal. 63. 6, & 7. teste, istius- *falsum Mo-*
 modi meditationem &, vt ita dicam, recess- *nachisimum*
 sum animæ fidelis, rebus omnibus terrenis *amplexi.*
 esse anteponendum. Sed quoniam singula
 Ecclesiæ membra non sibi solum, sed etiam
 in vsum reliqui corporis totius aluntur: di-
 co non esse huic meditationi perpetuò va-
 candum, sed ad actionem esse reuocandam:
 ita vt singuli, in sua quisque vocatione, no-
 ctu & interdiu, operâ suam ad totius Ecclesiæ
 corporis ædificationem conferant. Hinc li-
 quet eorū qui vitam vniuersam meditando &
 contemplando extra cæterorum hominum
 consortium vsque adeò huic vitæ renuntia-
 runt, vt nec sibi, nec aliis vsui fuerint, non le-
 uem fuisse, ne quid grauius dicam, errorem &
 culpam. Nam contra, legimus Christum ip-
 sum, verum & vnicū Christianæ vitæ exē-
 plar, sæpe quidem in secretiorem locum sub
 noctem meditationi & precibus vacaturum
 recessisse, vt tam suauis de qua hic agitur re-
 quie frueretur, sed ita dies totos eundo, re-
 deundo, docendo, tantoque ardore & stu-
 dio miracula edendo consumpsisse: vt cibi
 sæpe eum caperet obliuio Mar. 3. 20. Ita
 Paulum dubitantem vides vtrum eligat,
 an hinc, quod expetebat, emigrare, an verò
 diutius hinc commorari, Phil. 1. 22: vt tum pu-
 blicè, tum priuatim, & domatim, summa cura
 summoque studio docendis fidelibus Christi
 membris inseruiret. En igitur cur Sponsus
 suam Sponsam quiescere quidem patiatur, &

vt ita dicam, alto se sopori ad fatietatem vsque dare: nullo somnum eius interturbaturo: donec ipse voluerit eam excitari. Vnius enim est Sponsi illam excitare, sicut vicissim Sponsa diuturniore frui somno non desiderat quàm illi Sponsus concesserit.

*Conclusio &
usus superioris
orationis.*

Itaque ex pulcherrimo isto loco, & singulari doctrina pleno, discamus in solo & vnico Deo perennem beatitudinem & summum bonum quærendum, sacrum eius verbum dies noctesque meditari ab eius providentia & patrocinio toti pendere, vsque dum in illam felicitatem æterni regni colligamur, in quo matrimonium istud sanctum & æternum est penitus tandem consummandum. Qua-

propter Deum Opt. Max. vt nobis hanc

gratiam largiatur & ore & cor-

de singuli mecum verbis

istis precantor. Do-

mine Deus

&c.



IN CANTICVM CAN-
TICORVM HOMILIA
DECIMANONA.

Auxilium nostrum sit à Domino, &c.

Quod sequitur extat in Cap. 2. vers. 8. 9. 10.

8 Vox (est) dilecti mei. Ecce ipse venit saliens super montes, subsiliens, super colles.

9 Similis est dilectus meus Capræ, & Hinnullo ceruorum: En, ipse adstat post parietem nostrum, prospiciens è cancellis, ostendens sese per cancellos.

10 Loquutus est dilectus meus, & dixit mihi, Surge amica mea, Formosa mea, & veni.

Sponsam in meditationis suæ solatio velut extra se positam reliquimus, nunc eandem à Sponso excitatam, nec tamen eam ista expergefactione turbaturo, sed veluti ex voluptate in voluptatem aliam traducturo, intueamur. Idem enim hic euenit quod in corporeo & naturali somno, quo si quis vsus fuerit modico & temperato, instauratur, & quodammodo vitam resumit: contrà si immodico, segnescit & tardior efficitur, & tandem inde vitiosum corporis habitum contra-

Tres gravissimi errores admissi in vita quam contemplatiuam appellant.

hit: ita etiam Spirituali isto somno anima apud se ipsam collecta summa voluptate fruitur, si quas à Deo dotes accepit meditetur, & in conclaui isto Matth. 6.6. diu & interdum, Davidis in plurimis psalmis exemplum secuta, incubuerit. At si hæc meditatio in vitam contemplatiuam, quam falsò dicunt vitam Angelicam trasformetur ac desinat, duplici errore istiusmodi contemplatricis vitæ admiratores impellit, & tandem in exitium trahit. Ita enim primùm à vero Christiani hominis officio disceditur, in ea re sito vt proximo suo quisque ex vocatione sua pro viribus inferuiat. Nam istud certe ab iis qui sic ab omni hominum consortio secedunt, & animum ad peculiare & priuatas actiones penitus applicant, præstari non potest: quum tamen ex Christi mandato id omne proximorum ædificationi debeamus quod in rerum seu diuinarum seu humanarum cognitione sumus à Deo consequuti. Ad hoc accedit, quòd istiusmodi perpetuis meditationibus plus æquo intenti, præsertim si victus ratio parior & strictior accesserit, tandem paucis exceptis aut nullis, in melancholiæ morbum incidunt. Tandem verò istiusmodi phantasias & opiniones longè deterius malum pedetentim, vt umbra corpus, sequitur, non modò videlicet damnanda illa Meriti, sed etiã Perfectionis opinio: quam ita se tandem attigisse isti gloriantur, vt dignos sese existimēt qui longè supra omnes cælos ipsos euehantur.

Hypo-

Hypocrisin omitto quæ Paupertatem ementita, & Precum amicta pallio, & Religionis nomine velata, illis tandem è suis lustris prodeuntibus, & pagos ac vrbes sordibus inquinatissimis ac fædissimis complentibus, ingentes diuitias & opes cumulauit. Huius rei testes idonei sunt nugæ illæ & phantasmata quæ tum in vitis (quas Legendas dicunt) istiusmodi venerandorum patrum conspicua sunt, tum in scriptis quorundam doctorum Contemplatiuorum : Et vt paucis dicam vnde prodierint hæc monstra, testantur tot errores quibus vniuersum orbem & præsertim Christianum fex ista & sentina infecit : idque tanta cum audacia & impudentia, vt ipsi Papæ nequis amplius Monachorum ordo innouaretur prohibere coacti sint : cuius rei fidem facit Lateranense Concilium ad hoc ipsum fanciendum sub Innocentio Papa tertio coactum anno Domini 1215. En tamen nihilominus nouum Locustarum genus Capucinorum videlicet, & eorum qui intolerabili sacrilegio societatis Iesu, id est Ecclesiæ totius appellationem sibi vendicât, qui annis ab hinc plus minus quadraginta, ex abyssi puteo prodeuntes tam paruo spatio terrarum orbem fornicarum instar compleuerûnt, dignum profecto qui ab istis impuris infectis voretur & erodatur, & vniuersum orbem nihil minus sanè meritum multitudine sua opprimentium & depopulantium.

*Sola Sponsi
vox gignit in
nobis desy-
derium inee-
dendi in no-
stræ vocatio-
nis via.*

Sed age, ex hac cloaca emergentes, ad Sponsam reuertamur, quæ à suo Sponso excitata, ad Christianæ vitæ partem alteram inuitatur, id est ad alteram cum Sponso conuersationis speciem, & eorum quæ meditando didicerat vsum & praxin. Nam quid aliud est, Surgere, & Sponsum versus gressum dirigere, quàm vitæ cursum ad normâ Dei mandatorum, pro suâ vocationis ratione institueret? Verbum tuum, (inquit, Propheta, **II. 119. 105**) lucerna est meis pedibus, & lumen semitæ meæ. Ideò diuina monent nos oracula, vt in Domini semitis ambulemus, & suos discipulos olim hortabatur Christus, vt quâdiu luce potiebantur, in ea incederent. At quomodo ingressuri sunt, quibus pedes nulli sunt? nempe per eum qui cæcis dat oculos & incuruatos erigit, **Psal. 146. 8:** à quo doceri se Dei statuta idem rogabat Propheta. Hanc ob causam Sponsi sui vocem, nã autem à seipsa, excitatam se Sponsa profiteretur. Nam, obsecro, si quid precemur vt oportet non nouimus, **Rom. 8. 26.** quomodo à nobis ipsis & velle & facere habituri sumus? **Phil. 2. 13.** Vox enim hæc est audienda, & corde excipienda per Dei gratiam, cuius vnus est cor ad attendendũ aperire, **Act. 16. 14.** Id ipsum hic Sponsa testatur, ita se verã esse Ecclesiam ex Christi verbis demonstrans, oues suas vocem Pastoris, at non peregrini audire asseuerantis, **Iohan. 10. 3. & 5.** Denique, vt rem in pauca conferam, tanta est hominum segnities, vt nisi prior

prior ille nos sopitos excitaturus accesserit, & in nobis sequendi sui desiderium inflammarit, & (quod longè adhuc maius est) nisi priorem illam gratiam, id est sequendi desiderium, noua gratia, perficiendi videlicet & implendi illius desiderij facultate cumularit, ne illius quidem meminerimus vnquã: tantùm abest, vt priores ad illum simus venturi, vt ita in nobis Prophetæ dictum adimpleatur, Esa. 65. 1. Curaui me ab iis inuentũ à quibus minimè requirebar.

Quò verò ad huius doctrinæ confirmationem recurremus? potius quàm ad nos, qui in hũc locũ, partim indigenæ, partim ex plerisque nationibus, ab Oriente, Meridie & Septentrione coacti cõuenimus? Num enim ausi fuerint indigenæ prædicare à se prioribus Christum istum Sponsum, quæsitum & inuentum? An non contra prior ad illos accessit? An non eum illos ingenuè agnoscere & fateri conuenit. Sponsi huius planè admirando aduentu, sese in auream hanc libertatem tum temporalem, tum maximè spiritua-lem assertos & vindicatos: in qua maximo cum omnium gentium stupore, sub illius auspiciis, & Vexillo conseruetur? Quòd ad nos autem attinet, qui ex quatuor totius orbis cardinibus hũc appulimus, si attenta mente quisque nostrum considerauerit, ex qua nos abyssò, quando, quibus mediis extraxerit, an non meritiò nobis erit in hæc verba erupendum, Tibi soli Domine, gloria, non nobis,

*Applicatio
huius doctrinae
ad Ecclesiam
Geneuensem.*

Pfal. 115. Sed, proh dolor! quid miseris illis fiet, qui quum Dei mandatum audiuerint, & in vineam Domini ituros se dixerint, atque adeò reuera profecti sint, nihilominus tamen in surdos & prauos operarios euaserunt? illis nimirum, nisi seriò resipuerint hæc parata est sententia, Abite, operarij iniquitatis, Ego vos non noui, Matth. 7. 23.

Inenarrabili sollicitudo huius Sponsæ in quærenda & excitanda sua Sponsa.

Porro, si quòd gratis Sponsam excitans, illam quod sit in mariti ædes inductæ officium edocet, tantum est beneficium, vt illud mente consequi nequeamus, quid de inaudita sedulitate quam in hoc efficiendo adhibet, dicturi sumus? *Transiluit enim montes, & saltitat supra colles, similis Caprea, vel hinnulo Ceruorum.* Ecquæ verò mens humana tanto meditando beneficio par fuerit? Sponte sua oues aberrarunt: insequitur sedulus pastor, cui non colles, non torrentes, non montes, non valles obstant, quominus omnia saltu transiliat, & errantem ouem repertam in suum gregem reducat, Luc. 15. 4. At quas oues? Peruicaces & rebelles, & lupum istius Pastoris odio requirentes. Quis verò est iste Pastor? Cui nullis ouibus opus est, quarum nec lana vellitur, nec carne vescitur, utpote quæ de suo nihil præter sordes afferre pastori suo possint, quas sordes nihilominus requirit, ubique terrarum Sponsus, quamuis neque iis indigeat, neque si qua re indigeat vllū ab iis expectare possit emolumentum. Nam quid obstat quominus quod hîc de Sponsi sedulitate

rate in Sponsa suauiter quiescente excitanda dicitur, de alio etiam somno quàm de quo hætenus meminimus intelligatur? Etenim, vt rem paucis cõplectar, nisi Deus opẽ suam acceleret, quis dubitat quin simus millies perituri priùs quàm cum Propheta exclamemus, Deus accurre ad liberandum me: Ierhoua, prospera ad opitulandum mihi, Psalm. 70. 1. Non immeritò itaque nobis stuporem ac veternum nostrũ per Prophetam exprobrat Dominus his verbis. Locutus sum ad vos mane confurgens, & loquens, & non audiistis, & vocaui vos, & non respondistis. Ier. 7. 13. & 11. 7.

Hac autem expositulatione de quibus *Comparatio huius sollicitudinis cum nostra segnitie.* potius quàm de nobis ipsis quæritur Dominus, quos ab hinc annis quinquaginta frustra monere & hortari non desinit? Quum enim omnes iam pridem vigilare oportuerit Apostoli exhortationem sequutos, Ephes. 5. 14. Eheu, quàm multi tam alto somno sepulti iacēt, vt nec Dei iudiciis, nec fidelium Christi seruorum crebris monitis & adhortationibus locum vllum relinquunt? Et tamen si Sponsa Domini non tantũ haberi, sed esse volumus, omnino est quod hoc loco docemur præstandum, vt videlicet, Sponso loquẽte dicamus, *En Sponsi vocem*, & nostris læpadibus instructi obuiam illi occurramus, sicut in Virginum parabola docemur, Matt. 25. imò celeri pede curramus, vt tandem in nuptiarum ædes ab illo introducamur priùs

quàm iratus iuravit, Si vnquam isti promissæ
quietis hæreditatem cernant. Psalm. 95. 11.

Qui sunt primi Montes illi altissimi quibus nixitur Satan Sponsam à sui Sponsi congressu prohibere, quos omnes tamè Sponsus in-explicabili celeritate transiliit.

Vt verò nos segnitiei ac veterni noltri magis pudeat, propiùs hanc similitudinem attendamus qua Sponsus hic noster *Caprea* vel *Hinnulo* confertur, miræ celeritatis ac pernecitatis animantibus, si præsertim vocem qua vsus est Salomon, non de capreolo, sed de I-bice intelligamus, quod est animal tantæ velocitatis & audaciæ in desultandis rupibus, vt illas peruolare potiùs quàm transilire videatur. Hic igitur Sponsus Sponsam suam petens montes & colles transilire dicitur. Quid autem aliud, obsecro, sunt isti montes, quàm quod inter Deum & nos est interval-lum, quo Deus ipse, si posset, ad nos propiùs accedere prohiberetur? Sunt porrò montes isti duplices. Primùm enim per Satanam eiùs-que ministros & satellites non stat, quominus Sponsus & Sponsa nunquam alter in al-terius conspectum veniant. Nam quam tan-dem sæuitiem & immanitatem nõ exercue-runt, quas fraudes quas technas & dolos non struxerunt, vt istud coniugium dissolue-
rent? Istud ita esse sacræ omnes historiæ uti-que testantur. Sed ne longiùs exempla repe-
tamus, quid non moliti sunt nostro tempore Reges & Imperatores ab illa meretrice Ro-mana fascinati, & sub iugum missi? quod ge-nus inauditæ & immanis sæuitiæ & crudeli-tatis omiserunt? & quid aliud quotidie mun-dus machinatur? Relegantur omnes supe-
riorum

riorum temporum & antiquarum persecutionum aduersus Ecclesiam notarum historia, Nulla similis reperietur, illi quam est Ecclesia nostris temporibus experta. Haussit ignis, aqua, mare, aer, terra, ultimos animam exhalantium fratrum nostrorum halitus. Nullo non horrèdi supplicij genere in illos innocentes sæuitum est. Neque excruciantis innocētissimis fratribus, sunt duntaxat delassatæ carnificum manus: sed inuitata, incitata, adacta plebs est ad placidorum & innoxiorum sanguine, nullo seruato sexus, ætatis, ordinis discrimine, & omni diuino & humano iure violato, cruentādas manus, & huius horrendæ carnificinæ cuis facta est licentia, non alicuius vel dissidij vel belli tempore, sed in media publicæ paris securitate. Quas verò techuas, Deus bone! quos dolos non commenti sunt, quas insidias non struxerunt? Sed omnia hæc tam multa & tanti momenti obstacula cælo clausum Sponsum non retinuerunt, immò ne remorata quidem sunt. Adfuit enim suis semper omnibus superatis montibus & impedimentis. Nec sunt vlla tam atroce tamue sæua tempestate sui colluctati, quin eos, etsi prorsus deseruisse videbatur, adiunxit, & manu sua aliisque protexerit, felicique exitu miseriam ipsorum, clausit, siue illos quos admirabiliter è cruentis manibus hostium eripuit spectemus: siue quostāto dignatus est honore, ut vitam apud eum inuenerint, cuius apud homines

iacturam fecerunt : ipsorum autem hostibus
 & persecutoribus funestum & exitiosum fi-
 nem attulerit , aliis quidem mox iusta &
 terribili pœna affectis , alios autem vt tri-
 ste spectaculum suorum spectandos propo-
 nens iudiciorum , quamuis tolerans , (quod
 multos fallit) tandem intus diu à conscien-
 tia sua excruciatos desperationi tradens , vt
 horrenda morte pereant, sicut sceleratè vixe-
 runt : alios quosdam etiam seruans , vt
 sint illius summæ patientiæ testes , qua Deus
 etiam sceleratissimos ad resipiscentiam ad-
 ducit , vt in ipso Paulo apparuit , alioqui
 tantam & tam diuturnam patientiam pœ-
 næ gravitate compensaturus , Rom. 2. 3.
 At irrisorum quibus hoc seculo redundat
 mundus quispiam dixerit tardè ista euen-
 tura. Contrà, aio, si quid sit tarditas sine So-
 phistica consideres, Tardare non esse simpli-
 citer diu subsistere, sed seriùs quàm par sit
 aduenire. **Exempli gratia.** Num Sol propter-
 ea retardare anni tempora dicetur, quòd nō
 nisi duodecim mensibus ad idem suum pun-
 ctum redit ? Ab insanis fortasse qui altiùs
 quàm ipse Deus suo iudicio sapiant : at non
 à prudentibus, quibus hoc est satis comper-
 tum , ea sapientia cœlorum motus & anni
 tempora Deum réperasse, vt in ea nihil pos-
 sit desiderari , vtpote quæ vniuerso mundo
 gloriam & Maiestatem Dei prædicet, Psalmi.
 19. & alibi, Ecquis verò ita est audax, vt dicat
 Dominum qui anni tempora tum malis tum
 bonis

bonis temperavit, prout Genes. 8. 22. docemur, nullum tempus domui suę regēdę præfixisse. Istud igitur ratum & fixum esto quod ab Apostolo Petro 2. Pet. 3. 9. docemur, Dominum nunquam tardare, sed in ipso necessitatis articulo omnibus superatis & procul amotis impedimento adesse suis consuevisse. Is enim vnus est, à quo tempus est conditum, quod omne prout necesse est metitur & cuius administrationi nemo iustiùs obloquatur, quam si contendat Solem, aut die iam medio aut iam occidētem, oriri tunc demum debuisse.

Cæterum ista de quibus hactenus egimus, *Alii asserunt montes peccatorum nostrorum à Sp nro separati.* non sunt præcipua impedimenta Domini accessum prohibentia. Quis enim ignorat, nullum dolum, nullam esse vim quæ Dominum vel ad momentum cohibeat? Sed si nosse volumus quibus altissimis & horridissimis Montibus à Deo disiungamur, En paucis aperiam. Peccata, flagitia, immensa facinora, illa sunt quibus à Deo verè separamur. Esa. 59. 2. Nec est quòd nobis hac in parte indulgeamus: nam proculdubio peccata illa nostra, scelera, flagitia, & facinora iam inde à tot seculis alia aliis imposita, in Mōtes altissimos euaserunt. Quid verò ab omni æuo præstitit Dominus? Annon suorum electorum misertus Montes istos omnes transiit? Quis & quàm horridus Mons fuit Adæ peccatum? quàm immensa rupes fuit inter Deum & homines interiecta confusio illa quæ diluuium

mundo peperit? Et si vlteriùs perrexerimus, & tempus illud quod sub Lege fuit inſpexerimus, quid aliud comperiemus, quàm quod Daniel in eximia illa ſua precatìone, Dan. 9. 4. diſertis verbis cõfitetur? Quid verò tunc tẽporis à Sponſo eſt præſtitum? Vix tanto lapſu corruerunt Adam & Eua (quorum lumbis continebantur quotquot fuerunt vel futuri ſunt Dei Filij in Sponſam allegendi dum Electorum numerus impleatur) quin omnibus ſuperatis montibus præſens laturus auxilium accurrerit. Nunc, Nonne eadẽ illa nõcte qua completi ſunt anni illi quadraginta Deus ex Ægypto ſuum populũ, ad eius liberationem cœlo ſimul & ſolo commotis, eduxit? Annon idem prorsus in captiuitate Babylonica euenit, in qua ſeptuageſimo exeunte anno præſto fuit populo ſuo Dominus? Eſt enim Dominus Deus noſter non ex parte tantũ, ſed vbique & ſemper verax. Si premimur, En illum omnibus armis inſtructum quibus vim hoſtium repellat, & procul à nobis arceat. Ad iram prouocatus, & pœnas de nobis ſumpturus, aſſumpto quidem verbere accedit, ſed ſuum figmentum nouit, ſæpe ſic illi indulgens, vt vix vellicãdo illud attingat. Sin exarſit in iram, & in ſuos eſt ſeridũ animaduerſurus, ſic tamen ſuos præuenit, vt remedium vulneri præponat, ſic Eſa. 26. 20. ipſe ſuum Iſraëlem compellans, Vade popule mi, (inquit) ingredi in cubicula tua (illa eſt captiuitas Babylonica) oſtia tua ſuper te recludẽ,

de, ad temporis momentum illic dum furo-
ris mei indignatio præterierit, delitescere. Sed
longè præstantius & longè maius attendite
Spõli beneficium, Vbi auctum est peccatum,
ibi superabundauit gratia, Rom. 5. 20. Quan-
tum verò istud est quod nostro seculo, & in
nostram gratiam perfecit, & quotidie adhuc
perficit? Omnibus, inquam horis, omnibus
momentis, annon istis collibus ac montibus
superatis, ad nos accurrit?

Quoniam denique ipsi ad suos accurren- *Sponsus ad*
ti, in media via obstabat horrenda illa Dei *nos seruan-*
iustissimè aduersus mortales irati maledi- *dos accurrens*
ctio, qualem hic sese Sponsus præstitit? O *insulit etiã*
immensam bonitatem, ô infinitam chari- *in humeros*
tatem! Ipse vnus in suo corpore Montem *suos immen-*
istum peccatorum super lignum crucis sustu- *sum illud*
lit, 1. Pet. 2. 24: ipse vnus in profundam illam *maledictio-*
abyssum maledictionis Dei aduersus pecca- *nis Dei Pa-*
tores in eorum vindictam armati pro nobis *tris onus, quo*
sese totum immergit, Gal. 3. 13: adedò vt excla- *iacebamus*
marit, Mi Deus, Deus mi, cur dereliquisti *oppressi.*
me? Matth. 27. 16. Ipse vnus licet mortuus,
mortem ipsam in ipsa vsque domus ipsius
penetralia, id est in sepulchrum persecutus,
de illa pro suis triumphum solus reportauit,
Oscæ 13. 14. 1. Cor. 15. 55. sibi que tandem per
medios hostes viam faciēs, ad miseram istam
& languentem Sponsam accurrit, quam è
densissimis tenebris in admirabilem suam
lucem euocatam, 1. Petr. 2. 9. ex inferis tan-
dem supra cœlos ipsos euexit. En quam vera
comperiantur quæ de sui Sponsi nunquam

fatis prædicanda velocitate Sponsa hic prædicat, à quo excitatur, regitur, & quum maximè vrget necessitas, liberata metu omni soluitur.

*Discrimen
veteris &
noui fœderis
similitudine
murim &
cancellorum
nobis repræ-
sentatum.*

Sed ne istud quidem leuiter est prætereundum quod adiecit Sponsa, Sponsum videlicet *post murum sterisse*, scèqueduntaxat *per cancellos* videndum præbuisse, quibus verbis *discrimen* inter Vetus & Nouum fœdus ostenditur. Et si enim extra omnem controuersiam est, nullum vnquam alium iam inde ab æuo fuisse præter hunc vnicæ Sponsæ, quæ est Ecclesia, Sponsum, Mediatorem inter Deum & homines, & Christum, quod ad effectum attinet, iam inde à mundi primordio passum, Apoc. 13. 8. ac proinde non aliam esse patrum ac nostram fidem, Heb. 11: ratione tamen modi & mensuræ qua fuit hæc salutis scientiæ diuinitus patefacta, duo fœdera numerantur: Vnum vetus quod defuit, eo iure institutum, vt ad realem vsque Seruatoris aduentum, & plenam exhibitionem alterius nempe noui fœderis quod per Salutis doctrinam id est Euāgelium impletum, perduceret. In veteri igitur fœdere, Dominus multis vicibus multisque modis locutus est, non diuersam doctrinam aut substantiam proponens, sed alio modo & alia mensura Patriarchis ante Legem, & sub Lege rursus aliter per vmbras & figuras Legis, quæ arum corpus erat Christus, Hebr. 11. & 10. 1. Colos. 2. 17. 1. Cor. 10. 4. & 11. Gal. 4. 24. Sed in temporum pleni-

plenitudine Deus per Filium suum vnigenitum loquutus est, qui Frater noster effectus, re ipsa nobis exhibuit & adimpleuit, quæ Patres per Ceremonialis Legis umbras eminus conspiciabantur, Heb. 11. 13. Sub illo igitur veteri legali fœdere Sponsus ad suam Sponsam accessit, non sic tamen ut eam oris sui osculis, altero huius matrimonij expressiore pignore sit deosculatus, sed adhuc post murum istum stans, & Sponsam sic affatus, En adsum tui non oblitus, sed suo tempore promissa adimpleturus, & quæcunque tempestates ingruerint, nunquam tibi defuturus; cuius rei nobis historia sacra, ante Christi aduentum conscripta plenissimam fidem facit. Itaque per hunc murum in primis intelligamus oportet quod Veteri fœderi decrat, si cum Nouo comparetur, idque duplici etiam respectu. Nam præterquam quod effectum fidei veterum Patrum ab eo penderet quod erat re ipsa per incarnatum Christum nostris seculis demum temporibus præstandum & exhibendum, ut absque nobis non cōsummarentur, ita docente Apostolo, Heb. 11. 40. istud etiam mysterium ipsis per varios tantum Legales ritus adumbrabatur, quos Montis instar transilire oportuit eos qui propius ad hanc Sponsam accedere cupiebant. Præterea, quod diuinitus planè ab Apostolo tota epistola ad Galatas explicatur, quo tempore nondum erat re ipsa adimpleta omnis iustitiæ impletio, & nostrorum pec-

catorum expiatio, et si Deo & oculis credentium illud beneficium erat præsens, Hebr. II. 1. densissimus tamen adhuc inter Sponsam & Sponsam veluti murus extabat, Denique Deus vnico Israël sibi in peculium delecto, reliquas omnes Nationes abiecerat, siue id quod est præcipuum spectes, fœdus videlicet salutis, siue quæ ad Israël Rempubicam pertinebāt, à quibus summotas fuisse reliquas gentes docet Apostolus, Ephes. 2. 12. Erat autem hic intergerinus paries duraturus donec eo diruto Iacobi Testamentum impleretur, quo Messias, id est Sponsus iste Gentium expectatio nuncupatur: Genes. 49. 10. qualis etiam à Simeone, Prophetico spiritu impulso, tota sacra consentiente Scriptura, prædicatur, Luc. 2. 32. Mirum igitur non est Sponsam status sui præsentis, & ad Sponsi incarnationem vsque duraturi, habita ratione, murum istum commemorare. Attendamus *Cancellorum* quoque appellationem, quo vocabulo significatur non fuisse tam solida huius muri materies, quin foris adstans Sponsus ab interiore parte cerneretur: neque hoc loco murum illam significari quo à Domino separatur impij, sed qui fenestratus & veluti cancellis apertus fuerit. Tale fuit vetus cum Abrahamo iectum fœdis, & deinceps Moisis Ministerio additis innumeris Ceremoniis & figuris auctum, sic tamen vt per eas nihilo-

lominus penetrantes Patres diem Domini
sint contemplati, & cum summa voluptate
intuiti. Iohan. 8. 56. Et sanè extra omnem
controuersiam hoc est, Solomonem à quo
templum ædificatum est, hac loquendi for-
mula vsum, muros illos respicientem, id
est aulæ & cancellos quibus non tantùm
infima plebs ab acerio Sacerdotum, sed e-
tiam ipsum atrium Sacerdotum à Sancto
Sanctorum dirimebatur: quod velum à sum-
mo vsque ad imum in morte Domini discis-
sum fuit, Matth. 27. 51. vt diruta macerie quæ
Israëliticum populum à reliquis gentibus
dirimebat, & qua stante nondum imple-
ras esse promissiones, ac proinde populo
meliolem expectandam esse conditionem
significabatur, omnes Nationes in Abra-
hami familiam adscitæ, benedictionem in i-
pso adipiscerentur, iuxta promissiones ipsi
Abrahæ factas, Fore vt in eo omnes terræ
nationes benedicerentur, prout Paulus in
Epistolis ad Galat. & Ephes. falsissimè doctri-
nam istam persequitur.

Sponsus itaque dicitur sese exhibuisse spe-
ctandum, & ipsam etiam Sponsam allocu-
tus. Nam verus Christus non est mutum
idolum, neque ligneus lapideusue aut in-
panatus crucifixus, nec Deus in penu reclu-
sus, nunquam in hominum conspectum,
nisi circumferatur, venturus, aut à tineis
muribusue arrosus, opem sibimetipsi ad-
uersus illorum iniuriam minimè laturus: sed

*Sponsus iste
nunquam
fuit mutus:
& quantum
hac in re sit
error falsæ
Ecclesiæ.*

verus est ille Deus, iam tunc per Legis figuras
 & per os Sacerdotum officio suo defungen-
 tium populum suum alloquens, Matth. 2 7.
 per Leuitas & Legis doctores per singula
 Sabbata in Synagogis, Matth. 23 2. Act. 13. 27.
 & 15. 21. per Prophetas quoque in compitis
 passim tum verbis tum scriptis, Esa. 40. 6.
 Zach. 1. 24. Ierem. 36. 2. 1. Pet. 1. 11. Denique iam
 tunc Sapientia vocem suam in plateis exau-
 dire fecit per os eius à quo est istud Canticum
 decantatum, idem etiam reliquis eius scriptis
 confirmantibus, Prouer. 1. 20. At nequaquam
 per imagines siue Idola quæ tãdem illi libros
 idiotarum dixerunt, ad eos videlicet nihil nisi
 falsum docendos, & vt Prophetę monent, ad
 eorum adoratores in Idola transformandos,
 Psal. 115. 8. & 135. 18. quod sic euenisse & quo-
 tidie euenire, satis idoneo & locupleti Ido-
 lolatrarum testimonio confirmatur. Vera i-
 gitur & sola Ecclesia ea est quæ de se hoc ve-
 rè profiteri potest, *Dilectus meus est me allo-*
quutus, quod nunquam de se prædicasset nisi
 arrectis auribus attentè illum loquentem
 audiuiisset, & religiosè ipsi adhæsisset, nihil
 illius dictis neque detrahens, neque adii-
 ciens, nec etiam in iis immutans. Falsò enim
 hoc nomine adulterina Ecclesia gloriatur,
 quòd sit eam Spõsus allocutus, quam tamen
 si roges, ecquid Spõsus sit loquutus, tum se se
 dolus summa cum impudentia iunctus facil-
 limè prodit. Nam plebei quidem se in hære-
 sin incidisse arbitrantur, si fortè in verbum
 Domini

Domini communi & materna lingua interpretatum inciderint. Et quòd ad eos attinet quibus tota est hæc cura commissa, an, obsecro, multis è millibus vnum reperiās qui vel semel cura hæc incubuerit, vt sacras Scripturas euolueret, imò à limine salutarer? Reliqui sunt nescio qui mendicantes, quorum alij donec illis ora, velut iniecta, quam captant offa, occludatur, garrire soliti sunt: alij claustra sua seu lustra commendare, & ita simul omnes rem suam facere consueuerunt. Vox autem Spōsi vbi interea? Aut nusquā est, aut cum vlulatu, suffitu, & gesticulationibus, centones ex variis hinc inde discerptis scripturæ locis confuti, peregrina lingua, certis anni temporibus, ad eorū gustum quos tales nugæ iuuant compositi, & prophanissimis additionibus adulterati recitantur. O modis omnibus miserum & deplorandum statum! Sed talibus certè Prophetis dignus est mundus.

Cæterum paulò antè dixi vocem Sponsi *Vox Sponsi* minimè sufficere, nisi aliū audita radices in *nihil nos in-* nobis agat, & ad vsum applicetur. Quid autem Sponsus clamat? *Surge amica mea.* Vera *uat, nisi an-* ergo Ecclesia ea non est quæ terrenis rebus *diatur, &* inhæret, & ita sibi sapit vt sibi quidpiam vel *illa audita* in solidum: vel in parte tribuat: vel, Pharisei *expergesia-* illius exemplo, merita sua cum Domini gratia permisceat, Luc. 18. *mus.* multò verò minus quæ ab aliis mutuatur aut redimit falsò vocata merita quæ nunquam extiterunt: sed

sola illa quæ totam suam iustitiam & vitam in sola gratis parta dilectione quærit, Philip. 3.9.

Cur hæc Sponsa vocetur formosa: & eius cum Sponsa fucata collatio. Eandem vocat Sponsus, *Formosam suam*: idque optimo iure. Sola enim hæc Sponsa vel ex illa quam à Sponso desumit pulchritudine & forma conspicua est: ac proinde adulteræ illi, quam hominum figmenta, & inuentiones deturpant, vt docet Apptolus, Coloss. 2.2 longè absimilis. Multò minùs veram dixeris Ecclesiam, hypocritas dealbatis sepulchris simillimos, extrinsecus quidem speciosos, interiùs autem fœtore & immunditia refertos. Matth. 23. 27. Christianos (inquam) nomine tenus reformatos, sed vitiis inquinatos: qui Papam quidem vnà cum eius figmentis & hypocriticis Ceremoniis ac superstitionibus exuerint, Christum verò & sincerum eius cum charitate cultum non induerint: qui aurea quidem, & lapidea vel lignea idola deturbarint, at non intrinseca & maximè omnium metuenda, quibus noctes dièsque toti inferniunt, auaritiam dico, luxum, & reliqua istiusmodi, Coloss. 3.5. Philip. 3.19.

Vera Sponsa sicut à suo Sponso vocatur, sic ad nullum aliud sese conuertit. Adiicit Sponsus Sponsam acclamans, & *Veni*, ad me videlicet, non ad vllum alium siue in cœlum intueare, siue in terram. Nullum enim ad latus aut riualem patior. (Quid autem faciunt aliud qui nouam Cœli Reginam adorant.) Immodò, ne inferiorem quidem

dem inter me & te Mediatorem: multò verò minus superiorem tulerim. Hoc ipsum autem summa cum huius Sponsi contumelia factitari ab istis Mariæ Virginis cultoribus satis supérque demonstrant boatus isti quos in antris suis Idololatricis edunt, Roga Patrem, Iube natum, Iure Matris impera? Est enim Sponsus iste vnicus inter Deum & homines Mediator, siue Redemptionem siue Intercessionem spectemus, licet superstites hac vita sancti pro se & fratribus non inanes preces fundant. Et ita sensit ac docuit omnis Ecclesia Prophetica & Apostolica iam inde à mundi initio, vsque ad huius vniuersalis defectionis tempus, quæ sensim pietatis obentu vires accepit.

Sed forsan quærat aliquis, quânam hæc inter se cohæreant, vt qui Sponsam excitatum venit, eam ad se venire iubeat. In promptu causa est. Nec enim vnquam accessuri sunt ad Christum homines, eius vocem siue audituri, siue ad vsum applicaturi, nisi quemadmodum prior ipse nos amauit, sic etiam prior nos ad se sequendum trahat. Nam si ad nos accederet, vt nobiscum in hoc mundo mansurus, esset regnum eius mundanum. At ipse contra crebris admonitionibus & adhortationibus, hoc agit, vt nos ab istis terrenis rebus abstractos, in cælum ad se transferat, Colos. 3. 1.

Prior Sponsus ad nos accedat oportet vt ad ipsum veniamus.

*Sponsus nū-
quam Spon-
sam suam
vocat ut in
terris cum ea
permansu-
rus, sed illā
semper in cæ-
lum ad se ac-
cessit. Et
quantus sit
eorum error
qui Christi
corpus in
terris qua-
runt.*

Ecquid igitur Sponsus agebat per veteres Prophetias & Legis ceremonias nisi quod sic homines compellabat, Venite ad me, ad-
ste, ne terrenis istis rebus caducis inhærete:
sed in eum intenti estote qui est ipsemet ad
vos suo tempore venturus quod quam nec
ab hypocritis nec ab ignaris esset animad-
uersum, ut qui suæ salutis spem in ipso tem-
plo & sacrificiis collocarent, meritò passim
à Prophetis reprehenduntur & acriter ob-
iurgantur. Immo, (quod est etiam atque etiā
animadauertendum) ne tum quidem Sponsus
quum ipsemet in terris sese videndū & pal-
pandum in carne præbuisset, (quod meritò
vocat Apostolus ingens mysterium secretum
Ephes. 5. 32.) suos voluit diutiùs in illa sui cor-
poris præsentia hærete: sed contrà, Confert
vobis (inquit) ut ego abeam. Nam Pater ma-
ior me est, Ioh. 16, 17. Hoc est quādiu me cor-
pore præsentem abiectum conspicietis, &
humana omnia in me cernetis, futurum est,
ut mente vestra nunquam assequamini quor-
sum venerim, & quam auctoritatem ac po-
tentiam à Patre habeam, cuius possessionem
tunc demum inibo quum in caelestem glo-
riam vnā cum Patre meo fruēdam ingrediari:
& alibi, Proficiscor (ait) paraturus vobis locū
in domo Patris mei Ioh. 14. 2. Vbinam verò
illam domum, quum Deus sit vbique? Sanè
vbique esse agnoscimus, ut est Deus infini-
tus. At in solis sui sanctis ac proinde in sola
sua Ecclesia dignus cum inhabitare, quum

de solo suo populo dicat, Habitabo in medio eorum. Ezech. 43. 7. & 9. Ephes. 3. 17. Immo tantum abest ut Sponsus iste in mundo habitet, ut contra Apostolus ex mundo migrare summo ardore expetat ut Christi presentia fruatur, Phil. 1. 23. alibi etiam testatus nos quandiu hic repimus, procul ab ipso peregrinantes abesse. 2. Cor. 5. 1. ac proinde cum suspiriis reditum eius avidissime expetere, non ut hic diutius hæreamus, sed ut ad illū sursum rapiamur, & in requie illa sempiterna, ad quam prior conscendit, inde ad nos supra cælos efferendos rediturus, cum eo in æternum regnemus. 1. Thess. 4. 17. nihil præterea curiosè de illius gloriæ ratione & modo inquirentes. Quod igitur sese nobiscum ad mundi consummationem usque fore dixit, Matth. 26. 20. de corporis eius presentia nequaquam intelligi potest, neque debet, (quū verè & re ipsa sit à nobis sursum in cælum receptus, & inde ultimo demum die iudicii venturus, Act. 1. 11.) sed de spiritali eius in cordibus nostris habitatione, quatenus videlicet illa & potentia diuina suam Ecclesiam regit & fouet tantisper dum pugnae exitus & læta victoria tandem appareat. Nam alioquin, si hic in terris reali sui corporis presentia nobiscum versaretur, neque hinc verè diceretur excessisse, neque etiam huc rediturus, & nobis cum Petro obstupefacto, ac quid diceret olim ignorante, dicendum esset, Bonum est nos hic esse: faciamus hic taber-

macula, Luc. 9. 33. Et sanè mirum est eos qui & ipsi versantur & alios fouent in hoc tã crasso errore, quo salutis nostræ fundamenta, putà fidei nostræ articuli quibus domini nostri Iesu Christi vera Incarnatio, Ascensus in cælos & futurus ex cælis reditus funditus conuelluntur, non animaduertere quod ipsimet in Missâ sua clamitant, nempe, *Sursum corda*, quod dictu foret absurdissimum, si Christi corpus in eius quem nostris oculis cernimus homuncionis sacrificuli manibus versaretur, & in illis esset quærendum.

*Hæc vocula
Veni, est no-
stræ adipi-
scendæ salu-
tis epitome.*

Itaque, vt rem totam in pauca conferam, hac exigua vocula, *Veni*, tota salutis nostræ inuenturæ ratio continetur, in his duobus sita, vt quandiu fragilem hanc & caducam vitam agimus, altiùs ad meliorem assurgamus: ad quam vt perueniamus, omnibus istis blanditiis & illecebris quibus irretiti homines decipiuntur renuntiemus, & Pauli præceptum secuti I. Cor. 7. 31. & Gal. 6. 14. sic præsentem mundo vtamur, vt & non abutamur, & ita nostrum quisque in eo statu & vocatione quam à Domino sortitus est recto pede incedens, ad Sponsum nostrum, mandatis eius obsequuti, pergamus, nulla nos regentes excusatione, vt solent hypocritæ de quibus Dominus agit. Luc. 14. 18. Hi sunt enim qui suauissimâ illam Sponsi vocem non audient, *Venite, dilecti patris mei*, sed horrendo illo tonitru prostermentur nunquam erigendi, Abite maledicti in ignem æternum. Faxit ve-

rò Dominus Opt. Max. vt tam suauem tãnq;
salutarem vocem læti tandem aliquando au-
diamus, & ab illius terribilis & audiendæ pe-
riculo penitus liberemur : quod vt i-
dem ille nobis donet, sic vnani-
mes ab ipso postulabimus,
Omnipotens æterne
Deus.



IN CANTICVM CAN-
CORVM HOMILIA
VICESIMA.

Auxilium nostrum sit à Domino, &c.

Quod sequitur extat in Cap. 2. vers. 11. 12. 13.

11 Nam ecce, hyems transit, pluuia præterit, abiit.

12 Florentia conspiciuntur in terra, tempus cantilenarum (*auicularum*) aduenit: turturis vox audita est in regione nostra.

13 Ficus ipsa protulit grossulos suos, & vites ipsæ prima vua edunt odorem.

Et perturbata sit in hoc mundo per hominis lapsum omnis illa harmonia celi & omnium elementorū.

SI primus ille noster parens à Dei conditoris sui mandatis nunquam recessisset, ea perstitisset inter calum & terram mutua temperatura & harmonia, vt non modo nullam ab illis lætionem, nullum incommodum, nullam mutationem fuerit homo passurus, sed etiam per illa fuerit in ea vita quam Paulus I. Cor. 15. 45. animale[m] vocat tandiu conseruandus, & quandiu Domino visum esset permanens. At quum homo tā turpi tamque fædo lapsu sese polluerit, meritò illum Dominus morti subiecit Rom. 5. 12. ac proinde totam eorum intemperiem, tum quæ in homine ipso insunt, tum quæ ex-
trin-

trinfecus accedunt, secum lapsus illæ inuexit. In his porro non vltimum locum obtinent tempestatum mutationes, quæ quum secum immensa frigora, violentos æstus, siccitates & humiditates trahant, nobis præconum instar peccatum hominis exprobrant, immò sunt iusti Dei iudicij meritò heminibus infensi non iniqui exequutores. Nihilominus tamen hîc miram, immò immensam Dei bonitatem admirari nos oportet, qui istam intemperiem (de qua Moyses loquitur, quum Genes. 3. 17. Deum dicit propter hominis peccatum terræ maledixisse) ita temperarit vt per illam mûdus foneatur, & quadripartitis illis temporum commutationibus sibi succedentibus continuetur: quam etiam ob causam Genes. 8. 23. inter alia beneficia quæ ex speciali grâtia Deus in homines post diluuiû contrulit, istud præcipuè recêsetur, quòd Veris iucunditate frigoris asperitas, non secus ac si mortem vita fugaret, terminetur, & Autumni temperatura immodicus æstatis atdor temperetur, prout Sol lucis & caloris arbitèr propius ad nos vel procul à nobis recedit. Admiradum sanè, immò summi & immensi artificis opus immensum & incomprehensibile.

Porro sicut mûdus iste aspectabilis & ad *Spiritualem* interitum vergens, tot tantisque mutationi- *mundum,* bus, annorum, temporum, mensium, atque *idest Eccle-* *siam, suas* *quadripar-* *itas habere* dierum est obnoxius ita quoque, & quidem multò magis mûdus ille spiritualis, etsi ad

tempestates, ipsius Sole vel accedente, vel recedente, quas occulta Dei prouidentia regat & moderetur.

immortalitatem comparatus, illis commutationibus subiicitur, vt res ipsa demonstrat, non quidem circa duo illa puncta, quæ Poles Astrologi nominant, rotatus, sed quòd axe Prouidentiae diuinæ insertus feratur, occulta plerunque & nobis inscrutabili gubernatione, & certis quibusdā motibus actus, qui minimè possunt in sensus nostros incur-rere, nisi quatenus aliqua nobis priuatim & peculiari gratia patefacere dignatur. Mundum verò illum intelligo cuius tollit peccata agnus ille immaculatus Ioh. i. 29. propter quem Deus vnigenitum illum filium suum misit in hunc mundum Ioh. 3. 16: illi alteri mundo prorsus oppositum pro quo se Christus orare negat Ioh. 17. 9. & à quo etiam separamur. Ioh. 17. 16. Iste denique mundus Ecclesia est cuius hic fit mentio, quæ, quando in his terris agit, ver suum, ætatem suā, autumnum suum & hyemem suam experitur. Sed has illius temporum commutationes, non astrorum cursus, sed vt ante dixi, peculiaris eius qui cælos terramque condidit Prouidentiae motus regit & temperat, vt & earum inde ducatur initium, & ibi finis sit, vnde voluerit Dominus, quando, & qua ratione visum illi fuerit. Nihilominus tamen quum ex hominibus constet Ecclesia, ex carne & ossibus compositis, itidem vt ceteri homines, humanæ conditioni, non eatenus eximuntur, vt elementaris huius mudi varia incommoda, æstus dico, frigus, & quæ ex illis oriun-

oriuntur, putà, sterilitatem, famem, pestem & alia id genus non itidem experiatur, & quidem sæpe multò plura quàm alij vlli mortales patiatur incommoda, sicut ista fusissimè Psal. 73. Propheta persequitur. Verùm, non esse de Ecclesiæ temporibus iudicandum ex naturali ista rerum dispositione dico, quum sapissimè istud præter rerum humanarum naturam accadat, vt illa tunc sui veris amœnitæ ac iucunditate fruatur, quum cæteri mortales cum frigoris asperitate luctantur: & contrà vehementiùs hyemis suæ frigore perstringatur, quum cæteris mortalibus omnia quali vere nouo arident. Habet enim illa Solem suum seorsim, cuius ad eam benignus accessus, non vrenti ardore vehemens, sed grato calore viuificus, tum illi gratum ver aduehit, quo non tantum commodam sementem faciat, sed etiam germinet, & flores educat: tum æstatem temperatam vt fructum ferat: tum lætum autumnum quo fructus maturi colligantur: hyemem denique ad fructuum collectorum fruitionē & nouam sementem faciendam accommodatam. Contrà verò quò longiùs ab ea Sol eius recedit, vel lucem suam, calorēve suum, vt ferunt eius necessitates, non impartitur, eò maiore etiam videas rerum omnium perturbationē. Nullus enim tunc sationi, nullus messi, nullus vindemiæ locus est, sed vbique sterilitas, vbique fames, vbique lues tristissima, hyemis denique vbiq. tristis facies inhorrescit.

Nullus ibi decor, nullus viror conspicitur
 et si totius reliqui orbis incolæ summa cum
 pace & lætitia rerum omnium terrenarum
 abundantia perfruantur. Sol iste, Sponsus est,
 Sol, inquam, iustitię, in cuius alis radiat san-
 ctas Malach. 4. 2. planta illa ex alto prodiens,
 Luc. 1. 78. Lux splendescens us quos vmbra
 mortis premit, Esa. 9. 2. suam Ierusalem illu-
 minans. Esa. 60. 2. Quoniam igitur mundus
 iste spiritualis à suo Sole, eo quem ipse stabi-
 liuit ordine regitur, (pura videlicet verbi ei-
 us prædicatione, & suorum Sacramentorum
 administratione, Spiritu S. per illa efficaciter
 in electis agente, prout vel propius Sol iste
 ad mundum suum accedit, vel longius ab il-
 lo recedit,) inde necessariò consequitur, non
 esse ex mundi istius inferioris statu læto vel
 prospero, de Ecclesiæ serenitate, comoda
 vel aduersa conditione, sed ex sacri huius mi-
 nisterij vi & efficacia, in hominibus vel feli-
 citer aliquid operante, vel contra nihil effi-
 ciente, iudicandum: siue ad tempus Verbum
 istud eclipsin aliquam patiatur, siue etiam,
 quantumvis terram irradiet, in hominibus
 tamen tenebras luci præferentibus, illius o-
 mnino fructus nullus, vel saltem perexiguus
 appareat. Nonnunquam tamen etiam con-
 tingit, quoties Deo sic visum est, vt Sol Ec-
 clesiæ cum mundi istius Sole coëat, ita vt
 quodammodo inter se coniurēt, & ita Deus
 modis omnibus suæ Ecclesiæ indulgeat: v-
 tróque etiam contra nonnunquam simul re-
 ceden-

cedente, ita ut calamitosissimæ Ecclesiæ durissimam ac penè lethalem hyemem, iste recessus creet.

Huiusmodi temporū diuersorū ac etiam contrariorū exēpla passim in tota scriptura ^{ιστοριῶν} ^{temporū} ^{exēpla.} occurrunt, & hoc nostro seculo nimis nota sunt. Paucis tamen insignioribus contentus, ad quæ etiam non immeritò fortasse Solomonem respexisse dixeris, rem totam hanc expediam. Tempora, igitur Iosue & seculi illius gubernatorum & Magistratuum (si qua unquam fuerunt felicia Ecclesiæ tempora) nō fuisse serenissima & felicissima, quū tunc Israëlitis populus in terram promissam ab ipso Domino introductus, verum & officiosum Deo cultū tribueret; cuius extat Ios. 24. 35. luculentum testimonium. Quæ deinde secuta sunt Iudicum ad Samuelem usque tempora, talia sanè fuerunt, ut si qua ipsis serena Lux affluis, eam annus turbarum & procellarum plenus exceperit. Qualis verò & quàm horrida illa hyems fuit, quo tempore capta fœderis arca, eversa que Silo, rebus omnibus afflictis & prostratis, tristis & confusa rerum ubique facies apparuit? Postea verò discussit eundem Deus atras illas tempestates, misso Samuele suo, qui Prophetarū etiam scholas instituit: sed vis ista Lux oculis Ecclesiæ affluserat, quum ecce à Saule horrendæ illæ inuectæ tenebræ, longè latèque grassantes, ipsis etiam sacris cæsis sacerdotibus, veneficis, & incantatoribus in integrum restitutis.

& quum ipse populus sine duce, tanquam sine capite truncus iacens, hostium suorum esset ludibrio & despectui, omnia vehementer perturbarunt. Hanc tantam caliginem discussit Dominus. Deinde post sequissimas tempestates in solio stabilito: cuius demum tempore cœperunt istæ tempestates ponere, & tranquillitatis latus dies apparere, qui ad plenum suum Meridiem Solomonis demum temporibus peruenit. Huic enim Dominus istud ex singulari gratia concessit, ut ipsi templum magnificentissimo apparatu intus & foris adornatum ædificaret: & Ecclesia, quandiu ipse regnavit, alta pace, cum temporalium rerum omnium ubere & abundanti benedictione, in longos annos frueretur. Hanc autem felicem rerum in melius commutationem hic videtur Sponsus oculis Sponsæ suæ proponere, quam à somno excitatam ad illius pacis fruitionem alliciat. Eandem esse nostrorum temporum annis ab hinc septuaginta rationem possumus & debemus agnoscere, quibus Dominus pro immensa sua bonitate fugauit dissipauitque ex maxima orbis parte funestas tenebras horrendæ illius idolomania, qua meretrix Romana, tanta cum spiritus erroris efficacia, totum orbem fascinarat, ut etiamnum hodie maxima eorum pars qui sibi nomen Catholicorum & Christianorum vindicant, illius fascino demerata detineatur. Redditum itaque & denuò è cælo demissum fuit mundo ver illud benignum,

num, nostro seculo hinc quidem à Domino excitatis ad sacrosanctum suum ministerium insignibus illis luminibus, inde verò præstātibus Heroibus in Magistratum solio collocatis, qui instar optimorum illorum Regū, (Ezechiā dico, Iosīā & reliquos istis similes) viriliter & animosè novos istos Baalim & Astaroth profligarunt, ac penitè destruxerūt.

Quid porro aliud fecerūt insignia illa Ecclesiæ lumina: & in quam magis curam & sollicitudinem incubuerunt, quàm vt Sponsam excitatam & ad Sponsi obsequium præparatam Sponso sisterent, eamque in amœnissima viridaria plena solidarum deliciarū, quarum Prophet. Psal. 22. & 36. meminit, deductam comitarentur? Et à nobis ipsorum successoribus, quid aliud quotidie vestris auribus, ipsius Sponsi nomine inculcatum auditis, quàm, Adeste: Expergiscimini: hyems præterit: clara dies illuxit: ecce tempus adest acceptū: ecce tempus salutis? 2. Cor. 6. 2. Sed, proh dolor! surdis & alto veterno sopitis frustra canitur: Vobis, inquam, quibus, quia longa requie prorsus torpentibus, & crebras monitiones nostras aspernantibus, metuendum sanè est ne breui, longè aliis nuntiis, à vestro torpore excitemini. Interim magnificam descriptionem istius amœnissimæ tempestatis cuius meminit David Psal. 118. 24. perpendamus, vt qui aures habent, audiant quid hîc noster Sponsus dicat, & ad eius vocem excitati, reficiantur & refocillentur.

*Qua ratio
ne Sponsus
fugatis
aestatis ar
dore, &
hyemis a-
speritate
Sponsam
suam ad
veris frui
torem
inuitet.*

*Verne
tranquil-
litas Ec-
clesia de-
scripsio.*

Hyems, inquit Sponsus, *transiit, pluvia pra-*
terit, abiit. Satis hoc est cuius notum, hye-
mem, præterquam quod frigora, & nubibus
obuelati aëris obtecuritas, hominibus cœli
lucisque vsum eripiūt, esse instar mortis qua
mundus ipse interire videatur. Ecclesia verò
contra est regnum lucis Ioh. 5. 6. & 1. Thessal.
5. 5. & quum Iesus Christus sit ipsa vita, Ioh.
11. 25. imò vitam in se ipso habeat Iohan 5. 26.
inde sequitur solam Ecclesiam habere vitā,
mundo in morte prostrato: & idcirco non
immeritò cum sylua crebris arboribus de-
cora, non illis quidem emortuis & aridis,
moxque in ignem abiiciendis, Matt. 3. 10. sed
virentibus, florentibus & crebro fructu, Psal.
1. 3. in ipsa etiam extrema senectā onustis,
Ps. 92. 14. comparari. Additur autem eius rei
ratio Psal. 1. 4: quòd nimirum secus lenes a-
quarum riuos plantatæ sint. At quales aquas?
Aguas, inquam, in vitam æternam salientes
Ioh. 4. 14. non autem puteales illas ex terrarū
antris emanātes, sed quales, inquit Sponsus,
ego do, è supernis scaturientes, & quas
Sol iste nequaquam ex terræ cauernis attra-
hit, sed quæ ab eodem Sponso ebullientes in
terras distillant: quamobrem etiam dicitur
Ecclesia ex rore istius auroræ nasci, Psal. 110.
3. regenerita videlicet aqua supernè effusa quæ
Dei Spiritus est. Ioh. 3. 5. Multò minus igitur
aquam aliquam palustrem aut è limoso lacu
haustam intellige, sed purissimam & limpi-
dissimam Iere. 2. 13. non ab hominibus effol-
tam,

lam, sed cælitus à Domino demissam, ad quã
 potendam suos Dominus inuitat Esa. 55. 1.
 Quæ si nos omnia ritè perpenderimus, ex iis
 cognoscemus qua ratione verã Ecclesiam à
 falsa, viuentem à mortua discernamus, Apo-
 calyp. 3. 1: verum Dei verbum è cælo in Pro-
 phetas & Apostolos effusum vt illud in mun-
 dum spargerent, Ephes. 2. 20. Apoc. 22. 2. à fal-
 so & ab hominum manante cerebro, variis-
 ve ipsorum commentis adulterato, Es. 29. 13.
 & Colos. 2. 22: ac proinde verum & sincerum
 Christianum, tam à superstitioso quàm fuca-
 to & hypocrita distinguamus.

Quæ de floribus subiicit Sponsus, quibus *Quibus
 floribus
 Ecclesia
 suo tem-
 pore deco-
 retur.*
 tanquam rapetibus instrata terra decoratur,
 eòdem quo superiora sunt referenda, vt per
 eos Spiritus sancti in Ecclesia fructificantis
 efficacia denotetur, Deo seruorum suorum
 laboribus, prout vult, benedicente, vt ita Do-
 mini aruũ totũ sit floribus stratum: & quidẽ
 tantũ odorem spirantibus vt ipsum cælum
 pertingant, Deo gratias in Christo Iesu, si-
 cut docet Apostolus 2. Cor. 2. 15. non autẽ in
 seipsis, ne quis hĩc sibi nescio quæ merita con-
 fingat, ex illa florũ, quos hortos noster, licet
 supernè benedictus, protulerit, quantumuis
 pulchrorum suauitate & fragrantia: tantũ
 abest vt is ager quem pestilentes venti ex ip-
 sis terrarum antris etumpentes vndique per-
 flant, eos flores de quibus hĩc agimus pro-
 creet, licet illa fœtida hominibus sua mirari
 solitis, bene & suauiter oleant, sibi persua-

dentibus nimirum suorum somniorum sordes, tum vetustas tum recentes, ipsi Deo suavissimum odorem effundere. Hi sunt demum flores quos Deus ipse in aruo suo ferit, 1. Cor. 3. 9. eorum usus ministerio, quibus plantandi & rigandi onus imposuit. 1. Cor. 3. 16. quam etiam ob causam Paulus Philippenses suam coronam vocat, Philipp. 4. 1.

*Deus suavis-
simis
floribus
agrius Ec-
clesia sue
per sacros
suos con-
serit agri-
colas.*

Quis porro alius nisi vnus Dominus floribus istis agrum suum conserit, cælitus illis instillans per pretiosissimum suum verbum, eo quem ipse præscripsit ordine administratum? Esa. 5. 2. sub Lege quidem in templi & illius apparatus omnis structura: & in illo instructissimo ordinatissimoque Sacerdotum ac Levitarum exercitu, ea magnificentia insigni quæ nobis velut in tabella, 1. Reg. & 1. Paralyp. spectanda proponitur. His adde Solomonis Sapientiam in extremas usque orbis terras diffusam & refulgentem, cui præterea fuit adiuncta terrenorum omnium bonorum tam abundans copia, vt propterea Dei populum reliquæ gentes etiam procul remotæ (teste Sabæorum Regina) suspicerent. Et tamen florum istorum excellentiam, nullam vel sanè perexiguam fuisse fatendum est, si conferatur cum Evangelici ministerij Margarita, Matth. 13. 46. Hoc autem quum ab initio Dominus Apostolis & Evangelistis commisisset, illi vt fidissimi & diligentissimi plantatores & satores, 1. Cor. 3. 6. huius mundi aruum quam diligentissime

exco-

excoluerunt & expurgarunt, ut verè tunc
 fuerit in nouum Paradisum transformatum,
 & ipsorum tempore non modò crebris flo-
 ribus fuerit decoratù, sed etiam præstantissi-
 mis quibúsque super cœlestibus thesauris lo-
 cupletatum, qui primum sine mensura in ca-
 put nostrù effusi, ab ipso deinde liberalissi-
 mè, imò profusissimè in suos Apostolos die
 Pentecostes, & deinceps in alios redunda-
 runt, id quod Apost. facta illorum enumera-
 tione ostendit, 1. Cor. 2. maximè verò Ephes.
 4. 11. quum de vocationibus merè Ecclesia-
 sticis loquitur, quæ sunt Ecclesiæ decen-
 tissima ornamenta. Hæc autem tanta noui fœde-
 ris beneficia non est quidem terrenarum o-
 pum affluentia consequuta, sicut olim quum
 Solomonis templum & regum stetit, sed alia
 tantò pretiosiora quantò caducis præstant
 merè Spiritualia & incorruptibilia: inter
 quæ ipsa Crux veluti flos præcipuus super-
 minet, indicans Ecclesiam non esse ex hoc
 mundo: sed mundo quidem exosam, & à
 mundo affligi solitam, capitique suo quem
 mundus est persecutus conformem, Iohan.
 17. 14. & 16. sed cui sicut in cruce conforma-
 tur, sic etiam tandem aliquando in gloria ve-
 ra & sempiterna conformis euadat, Rom. 8.
 28. & 2. Timoth. 2. 1.

Veræ itaque notæ Ecclesiæ Christianæ
 non sunt campanilia, non altæ turres, non a-
 lia operosa & sumptuosa ædificia, non tiara,
 non lituus aureus argenteusve, non aureus

*Compara-
tio florũ
istorũ cū
Ipsenda-
ecclesiæ
suo.*

394 IN CANT. CANTICORNUM
 pannus, non gemma, non margarita, non
 cruces autem vel gemmae: quorum omnium
 fuit olim usus, ut mundi essent rudimenta, &
 eorum figurae quorum Christus est verum
 corpus & substantia, Colos. 2. 8 & 17. & Heb.
 10. 1 quae nunc autem sint meretricis illius
 ornamenta de qua Iohannes Apocalyp. 17. 4.
 Verum itaque & proprium suum ornamen-
 tum habet Ecclesia, quod ad Deum attinet,
 sacri ministerij institutum ordinem & cultum
 suae puritati restitutum: quod ad se verò, cer-
 titudinem intelligentiae, siue *ἀληθοφροσύνην* my-
 sterij nostrae salutis. Col. 2. 2, & à Spiritu san-
 cto editos fructus, quos pluribus recenset A-
 postolus, Gal. 5. 22: flores, inquam, Deo, ex
 pura pura ipsius misericordia gratos & ac-
 ceptos.

*Querela
 super va-
 ritate isto-
 rum florum
 in omni-
 bus Chri-
 stianorum
 statibus.*

At quemadmodum quod attinet ad illa
 quae ex Dei bonitate recepimus, cogimur
 singularem ipsius gratiam agnoscere & præ-
 dicare, Eheu, quam multa sese hic nobis of-
 ferunt, quod ad nos ipsos contra attinet, deie-
 ctionis argumenta, & coram ipsius facie nos
 accusandi? Vbi enim apud nos, obsecro, fru-
 ctus istos reperias? Quod si qui exant, (nec
 enim unquam Dei verbum inane est & sine
 aliquo effectu. Es. 55. 11.) an tam multi sunt,
 ut ex ipsis vel Rosculum componere, & Spō-
 so nostro odorandam exhibere possimus?
 Vix ego quidem illud in hac veritatis cathe-
 dra sedens ausum affirmare. Nam enim istius-
 modi flores multos nobis mercatorum ra-
 bernæ

bernæ suppeditarint? Minimè gentiū, quum
 istiusmodi hominibus nihil nisi lucrum sa-
 piam. Num ergo id compensabunt fora iuri-
 dicundo huc & illuc in orbe Christiano dis-
 persa? Vah! vt incuriam omitram, Deo tam
 ingrati: vt præteream personarum acce-
 ptionem tantopere Deo foetidam: quis in
 ista litium, clamorum, & rixarum patria, in
 qua falsitas longè latèque peruagatur, vbi ve-
 nalis est fides, vbi dira vindictæ libido, &
 ex alienis litibus commodorum priorū
 turpis captatio, & vstrum aucupium aperte
 grassantur, vel vnicum inueniat suavis odo-
 ris flosculum? Istis ergo relictis ad opifices &
 mechanicos trāseamus. Quid illic autem re-
 periemus? in vnīs omne fraudis genus: in a-
 liis, ac præsertim in peritissimis quibusque
 artificibus, ignauiam, etiā in iis qui in diem
 vitam trahunt. Testantur hæc nobis vrbes
 compita, & celebriora exiit vrbem loca, lu-
 dentium otiosorum pedibus attrita. Testan-
 tur quoque caupones quibus lōgè quæstuo-
 sissima est istorū desidia. Testes sunt etiam la-
 chrymæ & gemitus, miserarum vxorum va-
 pulantium, & liberorum fame pereuntium
 eiulatus. Sed fortassis, istis relictis, apud ho-
 nestiores & opulentiores ciues, quos alunt
 annui redditus, odoratum aliquod tertum nā-
 ciscentur. Multò verò minus. Vestibulum e-
 nim illorum est, *Adfer*: ingressus reperies
 fructum, *Accipe*, progressus interius occurret,
Dissidentia & inexplebilis Avaritia. Conueni

cum ipso, si potes, transige. Tota enim est illi domus administratio commissa. Et, ut nihil ibi geratur gratis, ipsis laniis à miseris ouiculis agenda sunt gratiæ, à quibus incruento vulnere sunt iugulatæ. Sed vxores fortasse quum corollis & flosculis delectentur, flores quos quærimus nobis supeditauerit. Nihil minus. Vnum est omnium studium, qualis herus, talis hera. Imò amplius quiddam inuenias in mulieribus quod culpes, vanum videlicet luxum, à vertice ad talos: quem neque positæ à Magistratu leges, nec toties à nobis Pastoribus inculcatæ monitiones & increpationes: non ipsæ denique Dei animaduersiones cohibere possunt. Ecquem verò tandem vos quidem peccandi, nos verò comminandi finem faciemus?

Addit Sponsus, *Tempus adesse cantillan-*

*Cantica
quibus*

Christia-

norū tem-

pla perso-

nā, impu-

dicis illis

& impu-

ris poeta-

rum car-

minibus

& mun-

danis can-

tionibus

opposita.

tium autum, & esse vocem Turturis exauditam.

Quis verò nobis hic cantiones narrat? Certè

non impura illa & obscœna poëmata, (tantè

quidem spurcitæ plena, ut nullam vnquam

caiusuis fœdissimi lupanaris putidissimam

clacā tantū fœtorē euomere potuisse cre-

dari) quæ tamen aliunde summo nostro do-

lore hūc vsque importantur. Non etiam

inanes voces, lingua, tum ipsi cantori, tum

auditori peregrina & incognita, in aërem

iactatas, 1. Cor. 14. 15. Non infames illos ido-

lolatricos hymnos, siue, quas barbarè vocant

sur-

furdīs suis idolis magno boatu à cultoribus idololatricis decantatas, I. Reg. 18. 16. Non illos ex sacris literis temerè decerptos & malè confutos centones, quibus garrula modulatione demulceri stultorum aures solent. Nō denique ineptas illas futilēque cātiunculas, quibus messis, aut vindemiarum tempore, aēr ipse totus personat. Sed eas hic cantiones memorat, quas ipse saos Dominus docet, & inspirat ipsorum cordibus, orique indit, Pl. 40. 4. quales sunt Psalmi, immò & hoc ipsum Canticum, à Spiritu sancto dictatum. In hac igitur harmonia ipse Sponsus Canticum præcinit, & eo Sponsam inuitat, ut secum illa paribus modis modulatos concentus obseruet.

Ecquam verò aliam Sponsi vocem, & inuitationem esse dixerimus, quàm sacrosanctum illud Dei verbum quo vniversus orbis personuit, & quo diuinitus Deus suam Ecclesiam excantauit, primùm per prophetas, deinde suo tēpore sua ipsiusmet voce, mox per Apostolos, deniq. per Pastores & Doctores, qui etiamnum fidelem hodie ipsi operam in hoc ministerio impendunt? Ego sum Deus tuus, tuīque seminis, cecinit ille Abrahamo, Gen. 17. 7. Et, in semine tuo benedicetur omnes nationes terræ, Gen. 26. 4. quē diem Domini ipse Abrahamus vidit & gauisus est, Ioh. 8. 56, Surge, (dixit Dominus per Esaia) Ierusalem, & esto lucida, quādoquidem aduenit lux tua, & gloria Iehouæ super te orta

*Cantus
Sponsi in-
uitantis
Sponsam.*

est. 60. 1. Gaudium magnum quod erit toti populo vobis annūtiāmus, dixere quondam Pastoribus Angeli, Luc. 2. 14. Ipse verò Sponsus ore sanctissimo suo, Venite, inquit, ad me omnes qui laboratis, & ego vos reficiam, Matth. 11. 28. Quid item Apostolus? Gaudete in Domino semper, rursus inquam gaudete Phil. 4. 4. Ne verò Cruce, perpetua & indiuidua Euangelij comite, gaudium istud perturbare posse putemus, sic per Petrum Apostolum loquitur, Immo in eo quod consortes estis afflictionum Christi, gaudete, 1. Petr. 4. 13. Id enim Petrus à Præceptore suo didicerat, Matth. 5. 12.

Cantus

Sponse

conuenietis

Sponsus suo.

En igitur tempus de quo Spōsus agit hoc loco: En illam vocem turturis parem suam aduocantis, qui vicissim illi respondere pari affectu non cunctatur, quemadmodum ex sanctorum canticis omnibus videre est, quò nos etiam inuitant quodammodo ipsæ aui culæ, appetente suorum amorum tempore, ad quas ob hanc ipsam causam non sine graui obiurgatione reuocamur Ierem. cap. 8. 7. Sed istud etiam est hoc loco animaduersione dignissimum; quum de cantionibus agitur quas in Ecclesia exaudiri oportere diximus, nō haberi potissimam vocis rationem, (etsi eorum quæ corde credimus ore confessio fiat ad salutem) sed hoc primum requiri, vt illud intus sentiamus quod foras præferimus, & idem sit cordis & otis concentus: ne nos illud Prophetæ perstringat,

Popu-

Populus iste me ore suo & labiis honorat,
cor autem eius à me procul abest, Esa. 29. 13.
Et Propheta Psalm. 50. 16. Tene verò (inquit)
enarrate decreta mea, & assume te fœdus
meum in ore tuo? Quamobrem etiam alibi
idem Propheta non simpliciter dicit laude
dignum esse Deum, sed addit laudationem
eius decere rectos, Pl. 33. 1. Deinde, fidelẽ to-
tum esse oportet vt ita loquar, ex oribus &
linguis compositum, & nihil cogitare dice-
re, facere, in se denique nihil habere quod
non testetur eius gloriam, cuius ipse, est no-
uum opificium ad eius gloriam conditum,
Ephes. 1. 12. & 1. Cor. 10. 31. Sin minus, quale sit
verum illud tempus ignoramus, Domini e-
nim terra, terra est, sacris cantibus personans
Psalm. 118. 15.

Idcirco Sponsus vt reliquas veris notas *Dulcissi-*
indiceret, addit, *Ficum protulisse grossos suos* *mos etiã*
& *vices racemos edidisse*, vt ita doceat vetẽ *fructus in*
piis in Ecclesia Dei, non solum hanc à Deo *horto Spõ*
gratiam concedi, vt velint, quod est floris in- *se cum flo*
star, sed etiam vt faciant, quod est fructus, *ribus in-*
fectum videlicet voluntatis, Philipp. 2. 3. E- *ueniri.*
phes. 2. 2.

Selegit autem sibi Sponsus ad hanc simili- *Differẽtia*
tudinem duas fructuum suauissimorum spe- *inter horri*
cies, vt nos doceat quanta sit dissimilitudo *quẽ Spon*
inter illa virtutum simulachra quas Morales *sus exculis*
vocant, & quales in non regeneratis appa- *fructus,*
rent, in quibus Deus quadantenus naturale *& virtu-*
visum frangat (quas omnes nullius esse grati *tes quas*
Morales
vocant.

gustus nec saporis, vel ex eo liquidò constar; quòd quicquid sine fide sit, peccatum est, Rom. 14. 3. & extra Christum nihil ad salutem Deo placere potest) & opera filiorum Dei, quos Spiritus regenerationis in ipsis habitans regit, Rom. 8. 9. quam etiam ob causam dicitur fides quæ sine operibus est, esse mortua Iacob. 2. 26.

*Arum
Ecclesie
non denuò
cõseri post
præteritã
hyemẽ sed
iam inde
ab initio
constitum
permãsis-
se, & per-
manere:
& quan-
tum deci-
pian-
tur
qui No-
uum pro
Vetere
contra Ve-
tus pro
Novo ac-
cipiunt.*

Nec istud etiã est leuiter prætereundũ, Spõ-
sam de Sponsa non agere tanquã de plãta re-
cens enata, sed tanquã de agro incuria colo-
norũ inculto, quòd sit postea diligẽti cultu-
ra purgatum, & frugibus ferendis rursus ap-
tatam. Veram enim Dei Ecclesiam falsa illa
longè esse antiquiorem vel ex eo quivis de-
prehendat, quòd nemo nescit priorem esse
mendacio veritatem, & prius esse integrum
quàm corruptum. Sic prius est Adam ad Dei
imaginem creatus, quàm à peccato deforma-
tus. Post lapsum autem Adamo & Eva salu-
tis promissiones amplexis (nam alioqui nul-
lam tunc in mundo Ecclesiam fuisse dicere-
mus) cœpit esse Ecclesia quæ Dei ciuitas est,
prius quàm Satanica illa à Caino & eius si-
milibus ortum habens adhuc extraret. Ve-
rùm quoniam iam pridem multi Antiquita-
tem iactitant, cuius obtentu plurimos fal-
lunt, ex quorum ignorantia maximum quæ-
stum faciunt: inde accidit, vt qui nec ipsi
docti sunt, nec se ab aliis doceri patiuntur,
Novum pro Vetere, & contra Vetus sæpe
pro Novo accipiant. Istius farinæ iam olim
fue-

fuerunt ij quos Petrus 2. Pet. 3. 4. suo iam tem-
pore, quum Apostoli secundum illum filij
Dei aduentum summa grauitate non resi-
piscantibus denuntiarent, quem adhuc ho-
die futurum expectamus, testatur solitos
fuisse cum risu & sannis minas istas exci-
pere, quòd omnia, sicut erant primorum
patrum temporibus, ita dicerent perma-
nere: quos redarguens Petrus, Inmò, in-
quit, scire vos oportuit, mūdum non esse ta-
lem ab initio creatum qualis nunc est, &
Deum prioris mundi corruptionem graui &
horribili iudicio vindicasse. Non aliter etiam
Iudæi quum abducerentur captiui in Iere-
miam reiiciebant omnium istarū calamita-
tum suarum causam, & quasi esset ipse illius
desolationis auctor præteritum tempus illi
exprobrabant, quo & patres suos antequam
concionari inciperet feliciter vixisse, & sibi
omnia prosperè successisse prædicabāt, quū
Reginæ cœli libamēta offerret, Ier. 44. 17. Et,
quòd non hominū audacia progreditur, quum
ipsum Christum concionantem audientes
dixerint, Quæ doctrina noua hæc? Marc. 1.
27: quibus cōtrà Christus respondens, Scr-
utamini (inquit) Scripturas, nam illæ de me
testantur, Ioh. 5. 39. Reginæ autem cœli no-
mine illis hominibus Solem fuisse designa-
tum constat ex lingua Hebraica. Iam verò
nostrum istud seculū quid habet ab illo diffi-
mile, nisi quòd Reginam cœli, non Solem
quidem adorat, sed eius loco Virginem Ma-

riam statuit, quasi nos in cœlis Reginam aliquam matrem agnoscere oporteat. Reginam aio matrem. Nemo enim negat aliquam esse Reginam, sed huius Regis Sponsam videlicet iam nunc ex parte cœlos tenentem, ex parte verò adhuc in terris certantem: Ecclesiam nempe, Christi sui Sponsi cohæredem, & à Propheta Psalm. 45. 10. Reginæ nomine insignitam: non tamen ut adoretur: quod absit ut vnquam Ecclesiæ veræ in mentem venerit, nedum ut beatissima illa Virgo, vna ex præcipuis huius Sponsæ membris sibi vnquam vindicarit, aut etiam appetierit, quæ vni Christo Filio ipsius simul & Domino propriè & in solidum conueniunt, aut iis blasphemiiis (si modò illos exaudiret) delectetur, quibus, ab istis scilicet eius cultoribus, ornatur, quum Mediatrix nostra, mater misericordiæ, vita nostra, spes nostra, magnis clamoribus vocatur, atque adeò Filio suo iubetur imperare, quæ blasphema voce quid dici possit horribilius? Et tamen ista reprehendere, vel leuiter damnare, maius apud istos, qui se Catholicam Ecclesiam esse volunt, scelus habetur, quàm si quis millies Deum abiurasset. Ecce enim (inquunt miserè decepti homines) nūquam Mariæ inuocatione caruit Ecclesia Christiana, nec vllum fuit tempus quo sancti cœlitres istis honoribus non colerentur. Immò ridiculè sibi vltro persuadent, quàm plurimi omni tempore Missis fuisse litatum, & nunquam

quam nō extitisse Papam vices scilicet Christi in terris gerentem. Ergo, inquit, quale istud est nouum Euangelium? Vbi gentium erat ante annos quinquaginta vestra Ecclesia? Sunt autem isti miseri ad hunc cōtextum nostrum reuocandi, vt nos cum Sponso respondentes audiant, illam ipsam esse vineam, quæ ex Ægypto transplantata, in manus non colonorum sed perfidiorum prædonum animas negotiantium inciderit: quibus iam per ipsius Dominum errepta, longè melioribus aliis colenda & instauranda traditur: fuisse hanc vineam à feris depastam, sed nunc à Domino restitui, cui & sepem circumdet, & in qua torcular ædificet, Psalm. 80. 15. Matth. 21. 33. Nostros ficus esse illas ipsas antiquas ficus, quæ quum incuria colonorum obsoleuissent, nunc opportuna cultura reuirescunt, & ficus edūt, quemadmodū & vites racemos producant. Talis etiam fuit olim Ecclesiæ conditio post Saulis tempestates, cui instaurandæ quum Dauid variis remediis incubuisset, non tamen hoc efficere potuit, vt suæ puritati Ceremonialem cultum penitus redderet, & Domino templum ædificaret: quod quum filius eius Solomon perfecisset, istam instauracionem hoc loco comparat cum agro cuius ficus onustæ sint grossis, & vites multis vuarum rudimentis graues, quæ magnam vberrius vindemiæ spem faciant.

Et quid amplius? Grossos istas & racemos *Grossos istas*

& nascentes adhuc duntaxat inchoatos, ad maturitatem
racemos ad excrefcere oportet, ficut infans non in eum
maturitatē finem lactatur, vt ſemper ab ubere matris
peruenire. pendeat, ſed vt tandem à lacte depulſus, &
 ſolidiore cibo uſus, adoleſcat, 1. Cor. 3. 2. De-
 nique in Chriſto regeniti ſumus, vt in ipſo
 ſenſim creſcamus in virum perfectum ad
 menſuram ſtaturæ adulti Chriſti, Eph. 4. 13: &
 ſtadium ingreſſi ſumus, non vt in medio cur-
 riculo curſum abruptamus, ſed vt decerte-
 mus donec coronam vitæ apprehenderimus,
 1. Timoth. 6. 12.

Gravis ex- Hæc itaque ſunt noſtri muneris & officij,
hortatio ex ne ſimiles infelici illi ficui ſimus, quæ miſeræ
ſuperioribus Iudæorum gentis proximum excidium deſi-
maxime ve- gnauit: cuius meminit Euangelista, Matth.
ro ex ficus 21. 19. narrans Dominum quum ad eam ac-
aridæ, cui ceſſiſſet, & in ea nullas ficus, ſed ſola folia re-
Dominus ma- reperiſſet, ipſi maledixiſſe, licet tum nō ad-
ledixerat, ſi- ueniſſet ficuum legendarum tēpus. Cūnam
militudine id verò? Nempe vt hoc ſigno Dominus Iu-
deducta. dæis denūtiaret quæ damnatio illis immine-
 ret, quoniam tempus gratiæ quod ignauiter
 contemplerant præteriſſet, quemadmodum
 ipſos præmonuerat, Luc. 13. 6. Idè diſcipu-
 los ſuos fidelis magiſter admonēs, Sicut, (in-
 quit) noſtis adeſſe æſtatem quum ficus ger-
 minat, ſic quum videritis ſigna aduentus
 mei, ſcitote me prope iam & ad fores ad-
 eſſe, Matth. 24. 32. Ad hæc verò quid de
 noſtris temporibus ſentiemus? feliciffimis
 illis, ſi modò viſitationem illam ex alto
 noſſe-

nossemus, Luc. 1. 68. & 78. & 19. 44. Sed quæ tamen infelicissima nobis reddit indomita mundi durities & contumacia, Esa. 5. 24? An non enim hoc ipso nostro seculo cœpit Dominus iacentem & desertam vineam suam redintegrare, & ficus suas ablaqueare? Nonne nostra memoria ficus istæ grossos, & vineæ botros produxerunt? Sic est profectò: imò & aliquid amplius ausim dicere, nempe, quæ Dei laus est, ficus istas & vineam Domini, non tantùm grossos vel rudimenta racemorū, sed plurimas pulcherri-
mas & optimas ficus & maturissimas vuas produxisse. Sed proh dolor! Præterquàm quòd tempestates, & grando, quas peccata nostra inuexerunt, arbores & vites excussas grauiter afflixerunt, adeò vt vineæ Dominus vindemiam suā maturare sit coactus, quis est hodiernus miserè iacentis istius agri status? quot enim ficus? quot vites à radicibus suis reuulsas? quot etiam grossos, quot racemos diffluxisse conspiciamus? Et quam nobis spem melioris status facit in posterum iuuentus? Sanè perexiguam, vt illud potiùs aduenisse tempus videatur de quo loquens Esa. 5. 2. Dominus, Expectabam (inquit) à vinea mea vuas & ecce labruscas protulit: Quid igitur aliud superest, nisi vt arida amputata sarmenta, & congesta in fasciculos, in ignem abiiciantur? Matth. 3. 10. & Ioh. 15. 6. Nam, obsecro, adeò ne cæcutimus, vt non animaduertamus quid Orienti, quid Occidenti, quid Meridici &

Septentrioni acciderit, & in dies adhuc accidat? an vsque adeò obſurduimus, vt necdum audiamus ingētes ſecurium ictus, quarum crebris ictibus domus Domini inſignia laquearia confringuntur? Pſal. 74. 5: necdum ad noſtras aures immanis Leonis rugitus, & inflati maris fremitus peruenit? Eſa. 5. 29. Quod ſi Dominus naturalibus ramis non pepercit, an ſylueſtribus & inſititiis parciturum eum eſſe arbitramur? Rom. 11. 21. Vnum igitur iſtud reliquum eſt, vt apud ad audiendum à Domino petamus, & ſupplicibus eum votis precemur, vt nobis Spiritum conuerſionis largiatur, & nobis Eccleſiæ reliquiis, quas etiam nō hodie tam admirabili patientia ad pœnitentiam præſtolatur, magis magiſque benedicat: nos, inquam, tueatur & conſeruet, vt tandem aliquando veros Juſtiæ & Charitatis fructus, ipſi gratos, ad nominis ipſius gloriam & noſtram ſalutem proferamus. Amen,

IN



407

IN CANTICVM CAN-
CORVM HOMILIA
VICESIMA PRIMA.

Auxilium nostrum sit à Domino, &c.

Quod sequitur extat in Cap. 2. vers. 13. 14.

13 Surge, amica mea: formosa mea,
& veni:

14 Columba mea (*quæ es*) in rimis
rupis illius, in latibulis ascensionis:
ostende mihi vultum tuum: fac vt au-
diam vocem tuam. Vox enim tua
suavis est: & vultus tuus venustus.

QUæ extremo versiculo decimotertio
continentur, ea paulò antè fuerunt
explicata quum versiculum decimum in-
terpretaremur: hîc verò non sine causa re-
petuntur. Docet enim huiusmodi repetitio,
dignum istud esse quòd attentius à nobis &
sæpius expendatur: & nos erudire quotidia-
na experientia debet, quanta sit hominum
naturalis tarditas & quanto post regene-
rationis quoque beneficium veterno la-
boremus: quum alij medium iter abrum-
pant: alij, quos sublimè volare oportuit,
vix humi repere possint: alij denique ad
carceres, vnde cursum inceperant, reuol-
uantur. Itaque nobis maximè opus est assi-
dus admonitionibus & stimulis: Deo, qui
nos vnica voce misericordie sua excitare

*Inuitatio
Sponsi ad
Sponsam
excitandam
toties itera-
ta, ostendit
quantus sit
alacriorum
etiam torpor
naturalis:
qui tunc de-
mum emen-
dari potest
quum Spōse
vox exaudi-
tur.*

potest, hac in re, vt & in cæteris omnibus, admirabili erga nos patientia vtente, &, vt ad se nos euehat, auribus nostris perpetuò insonante, quemadmodum graui cum exprobratione clamauit olim sese annos quadraginta tolerauisse antiqui populi mores corruptissimos Act. 13. 18. & Psal. 95. 10: quæ de re conqueritur etiam Ezech. 22. 30: quod & similitudo vineæ apud Matthæum 21. 23. luculentissimè demonstrat. Sed quid opus est vt exempla tam longè accersamus. Quid enim aliud egit Dominus annis ab hinc amplius sexaginta, ex quo sacrosanctū os suum aperuit? Quid verò aliud agit quotidie? Annon exclamat, Surgite, surgite, surgite? Eph. 5. 14. Quis verò exaudit? quis expergiscitur? quis aggreditur viam? Contrà, plerosque Dei verbum sannis excipere quis non videt? obgannientes alii tacere ipsum iubent: alij genere omni crudelitatis ipsum abigunt. Auari, ambitiosi, mœchi, helluones, voluptuarij confertim respōsantes: est aliud (inquiūt) quod agamus: Sinite vt rationes pecuniæ subducamus: nostris commodis operam demus: hac vita fruamur: receptis moribus vt cæteri viuamus: id est, vt paucis dicam omnia, Sinite vt ipsi nos demus ad inferos precipites, quod nullo tuo damno fiet. Quod si quis vnus est inter multos qui Deo vocanti respondeat, Ibo Domine, ferè fit vt eum egregiè imitetur cuius fit mentio Matt. 21. 30. Quis verò tandē istorū finis erit? nempe qui

describitur Psal. 95. 11. vbi, Iuravi (inquit Dominus) in ira mea si introibunt in requiē meam: & quod Dominus Sophon. 1. 12. Erit (inquit) tempore illo, scrutabor Hierosolymam, adhibitis lucernis, vt animaduertam in istos homines increpitos in fœcibus suis, dicētes apud se, Nō benefacit Iehoua, neque malefacit. O infelicē miserāmq; conditionē! Itaque vos per Deū obtestor, Fratres, vt maiore salutis nostræ curā habeamus. Satis superque sint præterita, 1. Petri 4. 3: Ne quod superest, iram Dei capitibus nostris accumulamus in diē iræ, Rom. 2. 5: & quoniā nobis adhuc istud, *Surge*, ingeminat, patrem nostrum Abrahamū iuitemur, qui simulatque Deus illi præcepit vt egrederetur Heb. 11. 8. egressus est: necnon Matthæum, qui apud suam mensam deprehensus audita voce illa Domini, Sequere me, ne numerata quidem vel collecta pecunia, immò neglectis omnibus, euestigiò vocantem sequutus est, Matth. 9. 9. Cæterum, vel his solis Sponsi Sponsam suam expergeficientis verbis, annon oportuit ipsos quoque pigerrimos quosuis excitatos, ad respondendū & accurrendum incitari? Quàm enim magnificum est amicam dici optimi maximique illius Dei filij, qui nos seipso chariores habuit, vt qui suæ nos vitæ prætio à morte redemerit Ioh. 10. 15. 1. Petr. 1. 19. sibi que etiam cohæredes effecerit Rom. 8. 17? Quæ verò pulchritudo cum ea gloria quæ nos expectat conferri potest? 2. Cor. 14. 17.

1. Cor. 2. 4: & chiùs etiã nunc habemus arrhabonẽ, 2. Cor. 5. 15. videlicet cognitionẽ profunditatum Dei, 1. Cor. 2. 10. & opus sanctificationis, quam vt in nobis inchoauit, ita etiã sanctissima benignitate sua plenissimẽ ad finem vsque perducturus est, 1. Ioh. 3. 10. Valeat igitur mundus à quo seiuncti sumus. Valeat offa illa Esau, cuius gratia benedictionem repudiavit, quam postea nunquam adeptus est, Gen. 25. 32. Heb. 12. 16. Valeat imago, inquã, illa decepatrix, quæ instar somnij euanescit, vt idem Solomon in Ecclesiaste suo vberrimẽ nos docet, atque adeò Apostolus, 1. Cor. 7. 31. Quò nos igitur euocat? Ad se, ad se, inquamus: ad lucem illam gloriæ, 1. Petr. 2. 9: ad hæreditatem quæ corrumpi non potest, 1. Petr. 1. 4: ad regnum illud quod est nobis apparatus ante iacta mundi fundamenta Matth. 25. 34. Quisnam igitur adeò infelix fuerit vt hic velit iacere diutiùs: & non potius cum Dauide conquerens dicat, O longam molestãque inter Kedarenos & Mesecitos commorationem! Psal. 120. 5. & cum Paulo, Cupio dissolui & esse cum Christo Philip. 1. 23. & , O me miserum, quis me liberabit à corpore isto mortis? Rom. 7. 14. Neque hîc excusanda est nostra naturalis surditas. Nos enim ad se vocãs Dominus, nobis etiam aures ad audiendum tribuit: quum vt veniamus præcipit, nobis quoque largitur pedes: quum vt in se intueamur imperat, nobis oculos præbet Psal. 40. 7. & 146. 8. Et hæc causa est cur dulcissima illa

formosa

formosæ suæ appellatione utatur, nempe ut nos doceat præberi ab ipso nobis, licet ipsius inimicis, quidquid à nobis efflagitat, nempe ut pro modulo Spiritus ipsius & velimus, & Faciamus, Sed quemadmodum primus ille generis humani parens nondum deprauatus, verum ea præditus natura quam à creatore habebat integerrimam, sponte sua, sese illa mentis atque intelligentiæ luce & puritate voluntatis exiit: ita eius ferè omnis posteritas, eadem improbitate, quæ nunc est ipsi facta naturalis, tum medicum tum medicinam auersatur.

Sed audiamus quo sermone Sponsus uti *Sponsa* impergat, suam Sponsam quæritans. *Columba* re frequenter percellitur adeò ut coacta locum hostibus cedat: *Columba* nihilominus semper manet, illibatamque sanctitatem custodit. *mea*, inquit, *gens in fissuris istius petra, in latibulis ascensus.* Vah, quæ & quanta hîc latent mysteria! quæ utinam Deus ipse nos edoceat, Paulò ante diximus ita nobis hoc in loco exhiberi ac describi Ecclesiam, ut quamuis ope & præsidio Sponsi nunquã destituatur, modo tamè eius desiderio languescat, modo ipso fruatur, sed ut in Sponsalibus: idque interdum propiùs, interdum longiùs: interdum Sponsum vicissim quærens, interdum à Spõso quæsitæ: quas circumstantias necesse est omnino ut probe obseruemus, ne nos fucata illius Ecclesiæ larua incautos decipiat: qualem videlicet sibi nonnulli confingunt, quibus hoc in animo sedet, semper ab Ecclesia Catholica splendorem illũ suum inuiolatũ retineri, quos tum historiæ sacræ series, tum

ea quæ postea conſequuta ſunt ad hodiernũ
 vſque diem, fortiffimè refellunt. Stulti certè
 homines, ac cum papilionibus planè compa-
 randi, qui ardentis ellychini j ſplendore pel-
 lecti alas ipſi ſibi exurunt: aut etiã cum auicu-
 lis, quæ luce flammæ capiuntur, quam Solem
 eſſe exiſtimant. Iſta igitur falſiſſima & in pri-
 mis cauenda eſt opinio, in qua libenter ho-
 mines acquieſcunt, vt qui ſibi Euangelium
 tranquillum pacatũque, & Eccleſiam ho-
 loſerico præfulgentem exoptent: quum ſpi-
 nis demum coronatus in cruce Sponſus tri-
 umpharit, nec ratio pati poſſit vt alio atque
 Sponſus veſtitu ac cultu viſenda Sponſa in-
 cedat. Itaque ſupra verſiculo vndecimo, Spõ-
 ſum de hyeme cum Sponſa colloquentem
 audiuiſimus, & ver amœniſſimum ipſi prænũ-
 tiantem. Eam ergo nunc affatur, veluti co-
 lumbarum more prius perterritam, & extra
 peristerotrophium, in editi alicuius ſcopuli
 cauernis commorantem. Hac autem in re
 digniſſimum eſt in primis quod in eiufmodi
 temporum articulis annotetur, eos videlicet
 qui verè ſunt fideles natiuam columbarum
 indolem exhibere: neque fraudi fraudem, ſed
 malitiſis mundi artibus natiuam genui-
 nãque ſimplicitatem, patientiam ſuperbiæ
 opponere, Luc. 16. 18. & quæcunque tandem
 occurrat periculi facies nunquam puræ &
 rectæ conſcientiæ, quemadmodum Dauid
 toties tum verbis tum reipſa teſtatus eſt, o-
 blitos: Deo viciffim illis mirè optulante

Pfal. 125. 3. & 1. Cor. 10. 13. dum, quoad eius fieri potest, furori hostium cedunt & Dei manum in silentio & patientia expectant. Luc. 21. 19. Hæc illa igitur Columba est quæ in cauernis commorata, exacta tempestate sæuissima, inuitatur à Sponso, ut in amœnam planitiem descendat.

Non alia fuit afflictæ & humilis Ecclesiæ conditio, quum sæpenumero, tum Iudicum temporibus, ac præsertim Heli pontificis Maximi, arca ipsa fœderis in hostium potestatem redacta, deploratissimoque rerum omnium statu. Samuelis autem ætate, spatiū quidem respirandi nacta est, sub initium regni Saulis. Sed mox & in primis, exorta in Dauidem persequutione crudelissima, & cæde sacerdotum patrata, & post interfectum Saullem, inter Dauidem & Iphibosetum civili flagrante bello, ubi quæso delituerunt pusillæ fidelium copię, ipso Deo longè latèque ludæam totam castigante? quænam tum erat illius peristerotrophij conditio & facies? quæ tabernaculi? quæ totius diuini cultus? quum æquata solo esset Silo? arca fœderis in priuata domo viseretur, nempe Abinadabi, 1. Sam. 6. 22. à tabernaculo seiuncta quod in Nobe custodiebatur, 1. Sam. 21. 1. & inde Gabaonem postea fuit asportatum? 2. Chron. 1. 3. Nec prius desit hæc separatio, quàm ipse Solomon (huius Sponsi figura) pulcherri-
 mum illud templum tanquam columbarium erexit, ad quod hæc Sponsa nunc euo-
 catur.

*Exempla se-
 cessus Eccle-
 siæ sub vete-
 re fœdere.*

catur. Nec dubium est quin hac iste referri debeat contextus, præsertim sacra historia duobus in locis 1. Sam. 6. 22. & 2. Sam. 6. 3. differtè commemorante domum Abinadabi, vnde arcam David hierosolyma deduxit, in colle sitam fuisse: quod & ipse fortasse Solomon expressè significatum voluit, scopuli concaui mentione facta, vbi dum hæc sæuieret tempestas, hæc Sponsa delituerit. Nihil tamè impedit quominus hæc allegoria longiùs etiam trahatur. Etenim hoc ipso regnante Solomone, idolis ab eo passim collocatis, ànnon è suo columbario rursus penè omnino exturbata fuit hæc Columba? Quid verò accidit postea? Hic enim nobis spectanda proponitur Ecclesiæ conditio, qualis non semel aut bis, non ter quateruè extitit, sed qualis esse plerunque consuevit: semper tamen, suo tempore, in planitiem à suo Sponso euocata. Mortuo igitur Solomone, ad idololatriam conuersis decem tribubus, quot columbaria, synagogæ videlicet prostratæ, Ieroboami vitulos recepère? Cuiusmodi tunc fuga fuit Leuitarum & piorum omnium ad hierosolymitani templi rupem gregatim conuolantium? 2. Chro. 11. 14. Et qualis, obsecro, tunc ille ipsius templi nidus fuit, à Roboamo ad Sedechiam vsque, sub plerisque Iudæ regibus? Nidus certè prophanus, & idolorum stercore infamis, quemadmodum & ipsa testatur historia, & sigillatim luculenter narratur Ezech. 16. Ecquid tunc igitur aliud agere piorum reliquiarum

reliquiæ potuerunt. quàm, columbarum in-
star, in suis latibulis gemere? Non ab simili ra-
tione propheta in deserta refugerant sub E-
lia & Elizæo 2. Reg. 4. 38. Imò fuerunt etiam
ista illorum latibula grauitè ab impia Ieza-
bele affecta, & penè funditus deleta, vsque
adeò vt centum prophetas in duobus antris
latitantes, quidam, pietate singulari prædi-
tus, pane & aqua pauerit 1. Reg. 18. 13. Ipse
quinetià Elias in eas angustias est reductus, vt
in vastissimo deserto à coruis 1. Reg. 17. 6, &
Angeli ministerio aleretur. 1. Reg. 19. 6. Tri-
stissimis verò captiuitatis temporibus misera
hec Colūba horrèdo triplici turbine septen-
trionali, tam procul, templo demum & vrbe
solo æquatis, annon tunc fuit in suis latebris
velut impresso sigillo occultata? Sic enim hac
de re loquitur Esaias 26. 20. Et vbi rursus ver-
sata est Duce[m] Matathiam sub Antiochi ty-
rannide sequuta? 1. Mach. 2. 17.

Quid autem deinceps? Incipiamus ab ipso
Christo, id est ab hoc Sponso de quo hic agi-
tur. Annon ipse vixdum in lucem editus, pe-
ne toto orbe terrarum eiectus est? Vbi na-
tus? in stabulo, destinato pecudibus domici-
lio, siquidem illius matri nullum patuit ho-
spitium Luc. 2. 17. Quid? annon inde in Ægy-
pti latebras illum transferre oportuit? Matt.
2. 14. Vbi educatus? in paupere fabri domo
Marc. 6. 3. in oppido Nazareth petrae impo-
sito Luc. 4. 29. loco tam nihili habito, vt que-
ratur an inde boni quicquam oriri posset

*Exempla e-
iusdem re-
cessus sub
nono federe:
initio facto
ab ipso Chi-
sto.*

Ioan. 1. 46. Hinc profligatus quò se contulit? in rupē vrbis Capernaum, Luc. 4. 31. & 10. 15. vbi ne locum quidē habuit in quo caput reclinaret, Luc. 9. 58. Ad extremū, quā abreptus est crucifigendus? in mōte Caluariae: vbi post mortem est conditus? in excelsa rupis spelunca Luc. 23. 53. Ita hic ipse sponsus in terris agens non destitit velut à scopulo in scopulum volitare, donec tandē in cœlum euolarit. Hoc idem iter ingressa est praeunribus Apostolis prima illa verē Apostolica Ecclesia in mundo peregrinans 2. Cor. 6. 5. Heb. 11. 38: quæ conditio ad extremū vsque diem perdurabit, Ioanne teste Apoc. 12. 14.

Vultur Romanus hanc Columbam expulit ex planitie, ex qua cepit nostro tempore Sponsus illam euocare.

Nec aliam sortem vetus Ecclesia post Apostolorum excessum experta est, & quidem Romana in primis, ad Siluestrum vsque Romanum Episcopum, magno imperante Constantino, quum hæc colūba, quæ in cryptis & speluncis tot annis delituerat, sic capta est verna planitie iamcœnitate, vt dum ibi non tantum quiescit, verum etiam soporatur, rapax interea genus auium columbarū speciem eumentum, illecebris adulationum & præstigiarum, Romanam Aquilam vsque adeo demētavit, vt ad extremū Vultur quidē Romanus ipsi aquilæ coronam re ipsa eripuerit, quam capiti suo triplicem imposuit, ipsius Aquilæ pennis ornatus, & ipsius vrbis primariæ occupato folio, eò vsque nunc euectus, vt quod imperij Romani superest vel extrema pati vel bestiam adorare cogatur.

Itaque

Itaque imago illa imperij Romani, (scortum illud nimirum septem Romanis collibus insidens) eius cuius ipsa est imago naturam & ingenium retinens, eodem sibi scopo proposito, pro viribus in eo tota est ut colubaria subuertat, & iniectis in ipsas illarum latebras ignibus, ferro & flamma pavidas columbulas perdat, sicut semper factitauit & adhuc factitat. Quid autē ad hæc Dominus? nempe hyemis tempora semper circumscripsit, quemadmodum perpetua seculorum omnium experientia comprobauit. Quinetiam subito quantas libuit tempestates & procellas cohibuit, ut legimus Psal. 65. 8. & ut reipsa Christus suis discipulis demonstra- uit. Matth. 8. 26. Hæc autē à me (Fratres) potissimum nostri causa dicuntur, qui regionē incolimus quam meritò quispiam nidū appellare possit, editis montium fastigiis affixum: in quem Dominus tot pavidas refugiētes columbas exciperet, nidum profectò singulari &, omnium populorum admiratione dignissimum, diuina bonitate ac misericordia contra omnes Satanæ ipsiusque mancipiorum insidias adhuc conseruatum: cuius liberationis Deus faxit ut perpetuò memores esse nos & verbis & reipsa testemur.

Cæterum hoc etiam obseruatione dignum est, Columbam istam nō dici à Sponso ad rupes, sed ad rupem refugisse: nimirum ut rupem quandam certam hic significari intelligamus. Eorum enim demum est qui ab hoc

Columba sic exagitata nō descendit, sed sursum arolat ubi turris habet recep- tum.

seculo dependent, in aduersis huc illuc incertos animi vagari: quemadmodum superstitiosis vsuuenit, vt sanctum quisque suum, & quasi domesticam habeat sacrorum religionem. Quos verò Deus pro filiis agnoscit vnicam habent petram in qua secari acquiescunt, quæ Dauidi solennis est ac trita in psalmis loquendi formula. Contrà verò infideles, & quibus Deus infensus est, serò tandem se falli ira Dei ipsos persequente, sentient, illo tandem indignationis die dicturi montibus, Cadite super nos, & abscondite nos à conspectu eius qui insidet throno Apoc. 6. 15. Ita se se quondã in cauernis abdiderunt quinque illi Chananæi reges, vt, qua digni erant, mercedem reciperent Iosu. 10. 16. Petra autem ista siue rupes non est certè vel Petrus ille vnus ex duodecim, quantumuis ex audaci & imprudente, per Dei gratiam, fortissimus & constantissimus tandem euaserit: ac multò minus vrbs illa septicollis, noua Babylon à Iohanne toties in Apocalypsi, & ab ipso Petro, vt veteres volunt interpretes 1. Pet. 5. 13. appellata: nec etiam illa Antichristiana cathedra, Petri nomen e mentita. Sed vnicum illud fundamentum quo Ecclesia nititur, 1. Cor. 3. 11. ab ipso Patre positum Esa. 28. 16. licet Prophetarum & Apostolorum, non autem vnus Petri ministerio collocatum Eph. 2. 20. Apoc. 21. 14. Deus igitur ille qui sursum est, nobis per vnicam illum mediatorem reconciliatus, & noster ille seruator ad dexteram patris

patris sedens, & Spiritus ille Sanctus nos docens clamare Abba Pater, vnicum est piorum perfugium: qui quandiu in his terris permanent cum asperimis tempestatibus luctantes, quietem non alibi inueniunt quam in Sanctorum cœtu: inter quos suo Spiritu habitans Sponsus iste inuenitur, etiam si duo vel tres duntaxat in ipsius nomine conuerint. Ibi verò hæc Sponsa, in veræ Sionis arce collocata, terras infra se iacentes & Satanam sub pedibus conculcatum cernens, quantumuis mundus ipsam studeat deprimere, semper sursum caput erigit, non quidem per superbiam vt ille Phariseus Luc. 18. 14. verum sancta fiducia, quam ipsi gratuito largitur Dominus, & qua sanctè confidens, suos omnes aduersarios, omniâque impedimenta certa cum spe victoriæ laceffit. Rom. 8. 35. Heb. 4. 16. Quin & occasionem arripit ex ipsis hostium conatibus sese ad Deum magis ac magis erigendi Rom. 5. 3. quod & ipsa Sponsi verba demonstrant, vt qui non in descensu sed in ascensu collocet rupem illam suæ Sponsæ perfugium, quamuis diuerso respectu, qua parte in montes ascenditur, etiam descendatur.

Sed audiamus quid præterea Sponsus efflagitet, *Ostende mihi vultum*, inquit, *tuum*, *Fac vt audiam vocem tuam*, id est, *Fac vt te videam* & audiâ. Quid hoc autem rei est? an qui omnia videt & cognoscit Dominus: qui cogitationes antequam in mentem venerint, per-

Sponsæ ex hac rupe ubi tamdiu occultata & missa latuit euocata officium est sese clarè

*Sponſo ſpect-
andam præ-
bere.*

ſcrutatus nouit: qui verba intelligit nondum ex ore emiſſa Pſal. 139. 4: qui ſolus corda rimatur Ier. 11. 20: qui peculiariter hanc intuetur Columbam Pl. 34. 6, an illam aliquādo in cōſpectu non habet? Nequaquam proſectò. Sed hac in re Dominus facit quod præſtantes ſolent artifices, qui quum opus aliquod præſtantiffimum ediderunt, quamuis ipſi illius effectores optimè intelligant quānam illud ratione & ex qua materia ſit cōpactum, gratiffima tamen operis cōtemplatione gaudent, & eius admiratione delectantur. Itaque Dominus, quum initio mundum creaffet, contemplatus ipſe dicitur ſuum opus, & quoniam bonum illud eſſe vidit, ei benedixiſſe. Nullum autem ſub cœlo extat præſtantius Dei opus (illo excepto cui datus eſt Spiritus abſque menſura) quàm hæc Sponſa, utpote quam regenitam ad imaginem filij ſui conformet, in quo etiam concorporata naturam ſpiritualem ſortitur: utpote quæ non ſit illius opus aliquod ſenſus & motus expers: ſed cuius cordi inſpirat ipſe quid credere oporteat, & cuius ling. & dictat quæ loqui oporteat Phil. 1. 19. Pſal. 40. 4. Eſa. 57. 19. Eſa. 51. 17. quod myſterium excellentiffimum copioſè Apoſtolus Rom. 6. 7. 8. Eph. 5. 30. Col. 3. & aliis pluribus in locis explicat.

*Exortatio ad
huius doctri-
næ uſum.*

Hic ergo ab inducta Sponſæ perſona, quæ vniuerſam fidelium aggregationem designat, fideles ſinguli quibus hoc datum eſt, ut & bene uelint & bene faciant, benignè compellantur,

lantur, vt sese, Sponso ostendere, & ipsum
 verbis audeant conuenire: idest vt interiùs &
 exteriùs Christo exhibeant illorum benefi-
 ciorũ effecta, quibus in hunc vsum eos affecit.
 Hoc etiã sub legali figura designatũ est, præ-
 cipiente Deo vt omnes masculi ter quotãnis
 apud ipsius ædem conuenirent: quasi Deus
 qui vbique est, atque omnia contemplatur,
 ita cum illis ageret, Vos estis tota regione
 dispersi in compluribus synagogis. Itaque se-
 orsum abestis à me qui hanc mihi sedem
 collocaui: & quum velim conspectu vestro
 & vestra voce frui, iubeo vt Vos patres fami-
 lias ter quotannis me domi inuisatis, & mihi
 clientelari fide præstita, mecum cibum hila-
 riter capiat. Quis verò tantam bonitatem
 admiratus in istas voces non erumpat? Tibi
 parum est Domine, quòd me tot beneficiis
 cumularis, me, inquam, istis indignissimum,
 imò dignissimum quem execreris, nisi e-
 tiam (meæ tarditatis non inscius, ac proinde
 futurum vt nisi gratiæ gratiam adiungas, &
 tui agnoscendi voluntatem intra me excites,
 miserrimus ego torpescens, quæcunque in
 me contulisses beneficia effluere mihi patiar)
 tu me excitatum inuites vt coram te compa-
 ream, tibi que ea ipsa exhibeam quæ in me
 congeffisti: & quæ, tertio quodam beneficio,
 quasi te non indigna dignaris approbare: illa
 nimirum considerans, non quatenus à me
 contaminatissimo promanant, sed quatenus
 illa vt nouæ creationis tuæ opus agnoscis.

Quod hic ergo dicit Sponsus, idem est atque illud quod habetur Psal. 50. 23. Nam, inquit, bat Dauid Psal. 116. 12, Quid vicissim offeram Deo pro tot tantisque beneficiis præter gratiarum actionem, præeunte cordis agnitione & subsequente oris confessione, constantem? Neque verò nos huc illuc vagari oportet, quod hierosolymitanis erronibus illis accidit, Christum etiamnum hodie in sepulchro ridiculè quæritantibus: sed quum is vbique suis adsit, & terra omnis nunc illi sanctificata sit 1. Cor. 10. 26. ideo quibuscunque in locis vexillum erexerit, oportet vt puras manus attollentes, nos ei videndos audiendosque præbeamus 1. Timot. 3. 8. hic enim agitur de comparitione & inuocatione publica, cuius etiam gratia Sponsus è rupe Sponsam, velut è deserto in platitiem, verna reuecta amœnitate, euocauit, vt annis ab hinc sexaginta peculiari ipsius benignitate mundo contigit. Quid nos interea? Tot buccinatoribus excitationis promulgauit Dominus annum illum gratiosum qui nobis verus est Iubilæus: orbi etiam restituto illo decore de quo loquitur Esaias 61. 2. & Luc. 4. 19. Immò (fratres) hoc ipso in loco iam pridem his ipsis penè verbis nos compellauit & compellat, Columba mea, egredere è deserto, ostende mihi faciem tuam, fac vt illam tuam mihi gratam vocem ex audiam.

Reprehensio Sed, Eheu, quanta facta est rerum mutatio!
sum segnis Zelus enim initio magnus exitit, cōcurrentibus

tibus etiam procul turmatim plurimis, & *tum ingrati*
 Christianorum officio fungentibus, vt de iis *animi quo-*
 traditur qui duce Iosue Chananæam sunt in- *rundam.*
 gressi, & de illius Reip. Israëliticæ præfectis

Ios.24.3. Priores autem illi nunc in suum il-
 lum portū appulsi, videri sanè possunt quic-
 quid erat inter nos zeli, solidæque virtutis
 secum asportasse. Seruorum suorum ministe-
 rio vociferari non desinit Sponsus, Venite ad
 me, vestram mihi vocem audiendam præbe-
 te. Ad hæc verba multi auribus carent: mul-
 ti quid dicatur audiunt, sed non percipiunt,
 immò despiciunt: multi quoque, præsertim
 dum cætus solemnes coguntur, & publica
 concipitur inuocatio, spatiantur, cōiuniis &
 ludis tempus terunt, mercium rationibus
 subducendis vacant, in compitis ac vestibul-
 is ædium fabulantur. Nōnulli cætui quidem
 intersunt, num verò vt sua vox à Sponso e-
 xaudiatur? Id est, vt attentè Sponsi oratione
 audita, & inuocatione Pastoris comprobata,
 illud Amen Christianorum corde & ore
 succinant? I. Corinth. 14. 16. Minimè profe-
 ctò. Nam res ipsa istud loqueretur. At è
 contrariò, alij quidem Psalmos modulantur,
 sed ore duntaxat, corde procul ab iis quæ
 cantillant remoto. Esa. 29. 13, Alij in cætum
 veniunt vt obdormiscant molliùs: Alij ne-
 que os neque aures aperire dignantur: Quod
 si quis roget vnde istud nouerimus, respon-
 deo partim ista me ex hoc ipso pulpito ocu-
 lis meis cernere: partim autem nosse ex iis

carnis fructibus, quos recenset Apostolus, Gal. 5. 19. Et huc necesse est ut vos reuocem contemptores & hypocritæ, proposita vobis, nisi resipueritis, ea mercede, de qua Deus ipse loquens, Esa. 57. 16. Ego iudicabo (inquit) iustitiam tuam, & facta tua, quæ non profutura sunt tibi: & rursum Psal. 50. 21. Hæc te faciente (inquit) quoniam agebam surdum, cogitas me prorsus esse similem tui, Arguam te & ordine obiiciam ista oculis tuis. O quam horribilis res est incidere in manus Dei uiuentis & irati. Itaque (Fratres) obtestor per ipsius Dei nomen: resipiscamus dum licet; consideremus quanta sit, & quàm infinita hæc Dei nostri bonitas, qui nos perterritas suas columbas è latibulis deserti: & ferarum crudelissimarum lustris: ex illius denique immanissimi Leonis vnguibus eripuit, & ut coram ipso comparere possimus, tam potenter nos conseruat. Properemus, inquam, ad illum (Fratres) vera freti resipiscentia, & illud cordis contriti sacrificium offerentes, Psal. 51. 19. & 19. 32. ut data nobis ab illo venia, in numero frugiferarum arborum habiti, gratuitis ipsius beneficiis magis ac magis ad ipsius nominis gloriam cumulemur. Omnipotens Deus, &c.

IN CANTICVM CAN-
TICORVM HOMILIA
VICESIMASECVNDA.

Auxilium nostrum sit à Domino, &c.

Quod sequitur extat in Cap. 2. vers. 15. 16. 17.

15 Capite nobis vulpes, vulpes paruas, quæ perdunt vineas, dum vineæ nostræ germinant.

16 Amicus meus est meus, & ego sum illius, pascentis (*suos*) inter Lilia.

17 Donec spuiet dies, & fugiant vmbraë, reuertere, similis esto Capræ, & hinnulo Ceruorum, super montes anfractuosa,

EX iis quæ nobis explananda sunt, apparet Columbam ad inuitantem Sponsum euolasse, à quo benignè suscepta est, quem admodum suo loco videbimus: quod & historia ipsa indicat, omnibus videlicet tribus tandem ad Christum Domini coactis, nempe ad Dauidem, exinde verò ad Solomonem, qui ambo Sponsum hunc nostrum adumbrarunt. Cæterum ne sibi Sponsa videretur illa compellatione & suo ad Sponsum accessu ad quietem peruenisse, suis omnibus numeris absolutam, opportunè monetur

*Sponsi vinea
obnoxia est
vulpium va-
stationi.*

hanc vineam superioribus ereptam procel-
lis, non tamen omni periculo vacare: quibus
tamen monitis nequaquam vtitur Sponsus,
vt illam perterrefaciat, sed potius, vt eam
mirificè consoletur. Nec enim dicit fore, vt
vulpes vineam deprædentur: sed esse potius
intercipiēdas: quasi diceret, Adsumt quidem
vulpes & vulpeculæ, nostram vineam vastat-
uræ: sed de capiendis illis constitui. Vt au-
tem ad nostram vtilitatem hæc omnia reuo-
cemus, in primis obseruandum est, eos gra-
uissimè labi, qui se visuros opinantur ita cō-
positam Ecclesiam, vt internis aut externis,
aut vtrisque simul exercitiis careat: quæ o-
pinio seculorum omnium experientia con-
uieta est.

*Exempla hu-
ius deuasta-
tionis cum
sub Vetere,
cum sub No-
uo fædere.*

Hic ergo primùm annotemus, hoc in lo-
co nequaquam mentionem fieri Leonum &
Tigrium, à quibus constat aperta vi Eccle-
siam oppugnari: quales Israelitarum tempo-
ribus Edumæi, Moabitæ, Ammonitæ, ac tan-
dem Chaldæi atque Babylonij extiterunt.
Christianæ autem Ecclesiæ vastatores fuerūt
Romani & Sarraceni, ac deinceps hodie sunt
Persarum & Turcarum gentes. Nulla hic fit,
inquit, illorum mentio, sed eorum qui quum
versentur in sinu vineæ, vulpecularū instar,
vindemiam alioqui futuram deuastant, qui-
bus bestiis hæc vinea, licèt optimè consita &
exculta, nunquam caruit. Tales fuere dum
in terris Moses ageret, Coré, Dathan, & A-
byran, qui sicut scriptum est Num. 16. quum

in

in hac media vinea honestissimo loco versarentur, illam malitiosè diruere funditus conati sunt? eo prætextu quòd totus ille populus esset fundus Domini, conantes confusionem horrendam, qualem hodie Anabaptistæ cogitant, abrogato Moïsis & Aaronis ministerio, inuehere. Tales quoque fuerunt Pseudoprophetæ plurimi falsam quietem Israeli spondentes, de visionibus etiam diuinis gloriantes, quemadmodum sigillatim exemplo tristissimo Sedechiæ contra Micheam liquet, 1. Reg. 22. & Haniaæ aduersus Ieremiam vers. 28: cui sceleris operam in primis accommodarunt, quibus hoc præsertim munus impositum erat, vt vineam Domini vulpeculis istis liberarent: Sacerdotes nimirum, vt omnis sacra historia abundè testatur. Quales autè fuere vulpes Pharisei, Scribæ, Saducæi, Essæi, Herodiani, aliique, toties ausi tam malitiosè tamque fraudulenter ipsummet vineam Dominum tentare? Dominum, inquam, illum vineam qui vt eam vastatam instauraret, è cælo descenderat: & quorum tandem improbitate coactus, ereptam illis potente manu vineam, aliò, vt erat comminatus, transtulit? Ose. 2. 23. cuius comminationis executio, Ephes. 2. 11. copiose describitur. Quæ deinde consequuta sunt tempora, egregios quidem ac felices nacta sunt harum vulpium venatores, qui hanc quoque vineam diligenter atque laboriosè consitam & excultam tenuerunt, eò vsque

excreſcentem, vt ab Oriente ad Occidentem fuerit propagata: ſed horum temporum hiſtoria nihilominus declarat, plus illis ſemper fuiſſe negotij aduerſum vulpes iſtas, quemadmodum etiam magnus ille Paſtor prædixerat, Mat. 7. 15. licet nomine rapacium luporum illos ſignificans, quàm contra reliquos omnes aduerſarios, quibuſcum externo internoue bello decertandum apertè fuit. Hæ ſunt enim vulpes illæ quæ Moſen cum Chriſto coniungere nitebantur, quarum pernicioſiſſimus error patefactus eſt ac damnatus Act. 15: contra quos etiam Paulū diutiſſimè accerrimèque dimicare oportuit. Iſtos turmatim ſequutæ omnis generis hæreticorum comæ: aliis diuinitatem, aliis humanitatem huiuſce Domini vineę oppugnantibus: aliis, vtraque illa conceſſa, Chriſti perſonam diuidentibus: aliis (horreſco referens,) monſtrum quoddam eius loco, qui neque Deus, neque Homo ſit, conſtantibus: aliis ſuū illi Mediatoris officium abrogantibus: aliis multipliciter noſtræ fidei capita oppugnantibus: aliis denique mille erroribus non tantum falſis, ſed etiam monſtroſiſſimis, Chriſtianam pietatem adulterantibus.

*Vulpes iſtæ
quidnam ran-
dem euadāt
in Lupos &
Leones, gre-
gibus nō par-
centes, ac
ſeipſos etiam
mutuò deuorantes.*

Sed inter cæteras, vulpes illæ inprimis, quæ nonnullis fidelibus Eccleſiæ Romanæ paſtoribus ſucceſſerunt, authoritate vrbiſ Romæ ſubnixi, quam naſcentis Eccleſiæ temporibus hic Sponſus ſingularibus donis fuerat dignatus, tam inſigniter vulpinam aſtutiam

stutiam exercuerunt, vt paulatim, atque adeò (quod mirum est,) dum etiam pro virili vulpes alias ex hac vinea eiiciunt, tyrannidē ipsi sibi in illam vsurparint: & exuta pelle vulpina, quam tamen, quoties ipsis libuit, repetierunt, leoninam apertē induerint & vnguibus exertis greges adorti, fœdum in modum dilaniarint. Certum enim est istud axioma in hoc quidē argumēto, vulpeculas istas si adolescere sinantur, in Leones & Tigres mox degenerare, de quibus loquitur Mich. 3. 5. Hoc satis supérq; testatur præsens orbis Christiani status calamitosissimus: & confirmât etiā Paparū vitæ, ab ipsorū etiā amanuēsis conscriptæ: inter quos monstrū illud hominis emicat Bonifacius octauus: aduersariorum quoque testimonio dictus, vt Vulpecula ingressus, vt Leo regnasse, vt canis mortuus. Quia vero differēs (Fratres) de istorū moribus obscœnissimis non ago, quarum pœnas à Deo efflagitat ipsa rerum omnium conditarum vniuersitas: sed precipuè ad falsam illam & execrandam ipsorum doctōrinam respicio. Nulla est hæresis, quæ quidem ad officiū Domini nostri Iesu Christi pertineat, (qua veritate sublata, quæcunque de ipsius persona & Christianorū symbolo nobiscum fatentur, ad nihil aliud prosunt quàm vt ijs tanquam fūco ad tegendas suas falsitates illito, Satanam illum patrem suum imitati, abutantur, quem Dominus tacere iussit Luc. 4. 34.) quæ in istarum vul-

pium scholis cōcepta, non tandem ibi sit edita, & quæ etiamnum hodie foueatur & enutriatur in istarum Vulpium lustris, vel luporū potiùs: quos iure vocauerim ingentis illius Romani monstri vngues & dentes, qui, seruata sibi sceptrorum & coronarum præda, facile quoduis illos quod ad doctrinam attrinet audere sinens, cuius nimis curam à se abiectam illis strenuis ut inde prædam capteñt, eius deprauatoribus & interpolatoribus futuris, commendauit. Tales sunt, inter ceteros, quatuor illi medicantium prædonum ordines, quos initio scola Parisiësis dixit, & scripsit locustas illas esse ex Abyssi puteo emergentes, & in Apocalypsi Ioannis cōmemoratas. Sed quo loco sunt omnes istę vulpes quantumuis in lupos euaserint habendę, præ infelicibus & contaminatissimis istis, quę sacrū nomē Iesu omnibus Christianis commune (tam enim idem est Christianus atque Iesuita, ut idem est Christus qui Iesus) ausi sibi vendicare, suas illas sordes, quas sese gratis & liberaliter, largiri dicunt, tam carè iis diuendunt quibus istæ merces sapiunt, ut quadraginta plus minus annis vberiore prædā in cauernas suas inde coegerint, quàm vulpes aliæ lupique omnes, qui etiam mira temporis opportunitate sunt vñ, quingentū annorum spatium aceruare potuerint. Testes sunt reliqui mendicantes monachi, quibus nihil penè præter cucullatum verticem & caudam pendulam

dulam, nouum istud monſtrorum genus reliquit, quorum. iſti offa deuorata grandes, pingues & nitidi haud aliter nunc cernuntur, quàm ſerpentes, aiunt phyſici, aliis deuoratis ſerpentibus in dracones euadunt.

Cæterum omiſſis iſtis qui nunc perſeque-
 riones flabellorum inſtar accendunt & ipſi-
 met aperta ſæuitia in Domini gregem graſ-
 ſantur, quantumlibet zelum religionis præ-
 texant, videmus, quod etiam diligenter eſt
 nobis obſeruandum, ſimulatque vineam ſuã
 Dominus caput hoc noſtro tempore reſpi-
 cere, Anabaptiſticas & Libertinas vulpes à
 Satana emiſſas irrepſiſſe, varij inter ſe gene-
 ris, in quibus ſœdiſſimi & maximè infames
 hæretici ab inferis ſunt reuocati, quos tamen
 non pudet, perfectionem Angelicam obtene-
 dere. Alia ex parte Arriani, belli ſcilicet vnita-
 tis naturæ diuinæ patroni, rurſum emerſerūt:
 Alij, veriti ne Chriſti humanitas cœlo capti-
 ua teneatur, vel cum Neſtorianis, perſona
 Chriſti diſcerpatur, niſi, vt aiunt, eam creda-
 mus realiter & ſua eſſentia vbiq; eſſe, ac præ-
 fertim in terris cum illo pane & illo vino ſa-
 croſanctæ cœnæ Symbolis: neue horū Sacra-
 mentorū vis & efficacia pereat, niſi ore quo-
 que & dentibus ipſis realis caro Chriſti mā-
 ducetur, & eſſentialis eius ſanguis hauriatur,
 tum alteram filij Dei naturam, nempe hu-
 manam, in Marcionis ſpectrum à cōſequēti
 transformant, tum proſus repugnantia in
 Chriſtianam religionem inuehunt. Alij etiā

*Exempla
 vulpis quæ
 vineam Do-
 mini inſtan-
 rari noſtris
 temporibus
 captam in-
 uaſerunt.*

orti sunt , gloriæ humanitatis Christi , tum acres scilicet defensores , vt in naturis quidem duabus segregandis , Nestoriani : Eutychiani verò in essentialibus proprietatibus confundendis , euaserint. Denique , nescio an vlla vetus sit hæresis quam non in mediam Ecclesiam Satan interpolatam reducere conetur : neque noua vlla , quæ quidem excogitari possit , quam ipse non fabricetur , vt hanc vineam denuò non ita pridem instaurari cceptam opprimat , ne suos vnquam fructus ad maturitatem perducatur.

Harum vulpium prehensio Pastoribus ac Senioribus in primis est commissa.

Quid autem hic opus est factò ? certe quod Sponsus ipse noster & vineæ Dominus præcipiens , *Prehendite* , inquit , *vulpes & vulpeculas quæ perdunt vineas*. Quos autem alloquitur ? eos nimirum quibus huius colendæ vineæ munus imposuit , vt sint , tū in fodiendo , tum in omnibus quibus lædi potest vinea auerruncandis , summè diligentes ac industrij : diuina propterea potestate ipsis , vt Dei ministris attributa , partim commentitiam doctrinam vera opposita veritate redarguendi , partim etiam à reliquo sano corpore putria membra rescandendi. Et si enim illi quoque membra sunt Ecclesiæ , quam hoc in loco generaliter Sponsæ persona figurat : peculiaris tamen sui muneris habita ratione , quo iubentur cauere ne quid detrimenti Ecclesia capiat ipsis commissa , à corpore reliquo distinguuntur , qua etiam de causa illis speciatim præcipitur , vt istas vulpes veniatur.

Huius-

Huiuscemodi quondam fuere & hodie sunt,
 & erunt ad consummationem usque mundi,
 eximij doctores illi, quorum Sponsus ope-
 ra usus est, sanctæ voluntati suæ patefacien-
 dæ, quapropter etiam os ipsius appellantur:
 nempe quod illos afflante sancto Spiritu sint
 loquuti, 2. Pet. 1. 22. ideoque sigillatim in sa-
 cris illis Scripturis homines Dei, Videntes,
 Prophetæ, Speculatores, Architecti domus
 Dei, Pastores, Doctores, Legati à Deo, Amici
 Sponsi, Proxenetæ nuptiarum Christi atque
 Ecclesiæ, vineæ Domini Custodes, Dispensato-
 res mysteriorum Dei appellati, cognomen-
 tis certè & titulis tam apud Deum magnifi-
 cis, quàm apud homines vilibus ac despectis:
 sed qui tantum secum pondus trahant, vt si
 summo iure Dominus cum seruis suis agar,
 nullus ei perferendo par esse possit, 2. Cor. 2.
 16. Itaque munus istud Apostolus non digni-
 tatem sed Opus appellat, contrà quàm illi so-
 lent, qui præclaram illam nobis, Apostati-
 cam certè, nō Apostolicam hierarchiam sunt
 fabricati, 1. Timoth. 3. 1. Opus autem siue mi-
 nisterium istud interdum generalibus voca-
 bulis Vigilandi & Pascendi designatur: inter-
 dū distinctiùs declaratur precandi & etiā ha-
 bendi Sermonis munere. Act. 6. 4. Aliquando
 etiam functione docendi verbi definitur, re-
 fellendi, instituendi, corrigendi, 2. Timoth. 3.
 16. necnon plantandi rigandique, 1. Cor. 3. 6.
 His autem duabus vocibus tota ista functio
 continetur, nempe vt attenta perpetuèque

providētia, bonū promoueatur, malum profligetur: quod tum demum fit, quum dextra sinistrāque prout opus est, vibrato verbi Diuini gladio, gregi toti atque singulis ouibus, recte Verbum Veritatis secatur ac dispensatur, quemadmodum scriptum est, Act. 21. 31. & 2. Timo. 2. 15. Ergo hoc in loco Sponsus, *Agredum* (inquit) *ô vinea mea custodes*, ac coloni, diligenter venandis pessimis istiusmodi feris incumbite, neque prius desistite ab hoc labore quam ab illis vineam liberaueritis. At qua tandem ratione? nempe rite expansis quibus intercipientur Diuini verbi retibus, quo etiam verbo, tanquam ignis fumo paleam falsitatis atque mendacij consumente in suis lustris & latibulis suffocentur, id est, 1. Timoth. 1. 20. nisi se victas confiteri malint, & deposita ferarum natura, cicurari, & in oves transmutari, quo relinquantur Dei iudicio, qui de extraneis illis statuet, 1. Tit. 3. 20. 1. Cor. 5. 13. Eadem penitus est conditio cætarum vulpium, quæ variis offendiculis & deprauatis moribus, isti quoque vineæ perniciem afferunt: & alio nomine dicuntur oves scabiosæ, fermenti similes, quo massa tota acescit, de quibus agit Apostolus in persona incestuosi, 1. Cor. 5. 5. & 11. Et hæc quidē dicta sunt de primariis & præcipuis istarū vulpium ac vulpecularum venatoribus. Nam propriè hæc vinea sicuti Spiritu oris Domini feritur, sic etiam ab eodem colitur & conseruatur.

Præter

Præter istos tamen, quibus hoc onus maximè & directè incumbit, alios vinea Domini venatores habet, quos minus segniores illis non esse oportet: Magistratus videlicet tum supremos, tū his inferiores, seruos etiam Dei specialiter vocatos, & Dei auctoritate ac balthæo communitos, Iob. 12. 18. Rom. 13. 1. atque aded institutos diuinitus, vt non tantū pacatè sed etiam piè viuamus, recto videlicet Dei cultu ex ipsius præscripta voluntate constituto, cuius custodes sunt, vt & posterioris tabulæ mandatorum, pij Magistratus, 1. Timoth. 2. 2: hos igitur illa omni quā à Deo acceperunt auctoritate ac potentia, tueri sacrum ministerium, Deique cultum oportet: qui tum puritate doctrinæ, tum Ecclesiastica disciplina cōtinetur, idque ex Dei verbo integerrimè obseruato, sicut est in vtriusque fœderis tabulis diuinitus perscriptum. Non dubium est ergo quin pro viribus in sua ditione compescere teneantur veræ pietatis perturbatores, ac etiā si sit opus pro ratione criminis pœnas de iis sumere, qui destinata malitia, quæ aliter frangi non potuerunt, euertere societatis humanæ præcipua fundamenta, puram nempe sinceramque pietatē studuisse comperiantur: sic tamen vt res tota prout Deus ipse ordinauit, administretur, illibato videlicet Pastorum & Seniorum, sanctique aded ministerij iure, Matth. 20. 25. Luc. 12. 14. contra quā fecisse rex Vhas dicitur, 2. Chron. 26. 19: sicut vicissim

minimè fas est Pastoribus sese politicarum rerum administrationi immiscere. Abstineat autem inprimis Magistratus, à legibus conscientiiis imponendis, neque pro sua prudentia Dei domũ regere præsumat: quod ne Pastoribus quidem ipsis licet. Imperium enim istud solius Dei est, prout suas Leges in sanctis literis noui fœderis obsignauit, ad cōsummationem vsque mundi permanſuras. Quæ res si olim, vt oportuit, accuratè fuisset obseruata, aut si etiam hodie instauraretur, tum demum videre fas esset Ecclesiam rectè constitutam. Hac autem potestate vſos fuisse constat quondam sanctissimos reges, præsertim Dauidem & Solomonem sapientem, os Dei percontantes, & in sui iuris finibus permanētes, quorum etiam vestigia sequuti sunt, Aſa 2. Chron. 15. 12. & Iosaphat 2. Chro. 17. 7. & 14. 11. Ezechias & Iosias, vt ipsorum historia testatur.

*Vinea tandē
ista conser-
uata, pereū-
ribus vulpi-
bus perſtat.*

Sed obiiciet aliquis, an sufficit dixisse *prehendite*, quum tam multæ sint & tam multiplices istæ vulpes, & ij quos venatores vulpium esse oportuit, sæpe sint vulpes & lupi, longe omnium teterrimi? Mich. 3. 3. Act. 23. 29 Respondeo satis superque vocem illam *Prehendite* sufficere, propterea quòd ex eius ore prodit, cuius efficax sermo vim simul largitur, & facultatē agēdi suis suppeditat, quæ ad modum ipsa rerum experientia docuit. Et enim, neque malitiosa istarum vulpium cal-
lidas

lidity, neque fœua tigrum ac leonum violentia impedire vnquam potuit, quominus tēpore suo hæc vinea instaurata conseruaretur: illa, inquam, hæreditas huic data Sponso in æternū, Esa. 10. 4. ad mūdi vsque fines propagata: cuius Sponsi proinde regnum immortale esse oportet, hac vinea comprehensum. Licet enim interim dum illa dies aduenit, in qua demum ipsi Angeli penitus hanc vineam repurgabunt, & congesta omnis generis offendicula in ignem abiicient, Matthæi 13. 41. eritque Deus omnia in omnibus, 1. Corinth. 15. 25, diu multūque ab hostibus vexanda sit, eo tamen euentu vt nulla vi, vel vnica vera & germana huius vineæ vitis vnquam inde extirpari possit, Ioh. 17. 12. & 18. 9.

Idcirco addit Sponsa quæ continentur *quantus sit* sequenti versiculo, cuiusdam incomprehensibilis consolationis pleno, *Sponsus* (inquiens) *hic thesaurus quem* *meus est, & ego sum illius.* Quis enim & quantus hîc thesaurus latet? nenpe filius ille Deo *sum esse* *Sponsa præ-* *dicat.*

Patri coessentialis & coæternus quatenus Deus est: ac quatenus homo est, longè perfectissimus, in quo pater acquiescit: in quo thesauri omnes scientiæ sunt absconditi: qui nomen habet supra omne nomē, & potestatem in cœlo & in terra. Quis autē eo melior? maior? opulentior? liberalior? Nos verò quales sumus? in peccatis concepti: ne ad cogitandum ea quæ Dei sunt, & ad nostram salutem pertinent idonei: sed meritò æternæ maledi-

ctioni obnoxij. Quis verò tantam queat liberalitatem animo complecti, siue donans siue donum ipsum spectetur? vel ij quibus illud donatur? Donator donatarium odifse meritissimè potest: quod donatur est ipsemer donator, donatarius non tantum indignus est hoc dono, sed contra dignissimus cui contrarium obtingat. Ista verò singula si, vti par est, diligenter considerentur, quis est tam hebes & præfractus vt cum tam immensa bonitas in admirationem non rapiat? & quem sui non pudeat si tam excellentem gratiam illecebris propositis cōtemperit: Quid enim cōferri potest cum eo thesauro quem gratuito largitur Deus? quæuè homini dabitur pro anima sua compensatio? Matth. 16 25. Si commodum aliquod querimus vel animi vel corporis, quis illud tribuet nisi qui supra infraque dominatur? & tum hanc animam tum hoc corpus condidit & conseruat? & quomodo beneficium vllum hic donator ei denegauerit, cui seipsum donatione irreuocabili donauit? Itaque quando nobis eiusmodi commoda petentibus non obtigerint, nouerimus id ideo fieri, vel quòd Deus ipse optimè sciat quid nobis expediat vel quod malè petimus quæ alioqui nobis essent vtilia: vel etiam quod bonum sit aliquando nos repulsam pati vt in nobis acrius inuocandi Dei desiderium accendatur. Psal. 40. 1. His enim exceptis, verissimam esse oportet pollicitationem istā, Pulsate, & aperietur

rietur vobis, petite & dabitur vobis. Hoc autem axioma in eiusmodi rebus memoriæ mādandū est: nimirum, quod ad benedictiones temporales attinet, nullam à Deo factam nobis esse specialem eorum promissionē, qualis illa fuit peculiaris & expressa de regno Dauidi facta promissio: qua de causa, Dauid illud speciatim quoque petiit & accepit Psal. 2.6. & 4.4. & sæpæ aliàs: Sic etiam exactis septuaginta annis peculiariter concepit preces Daniel pro reditu Dan. 4.2. Sunt igitur nobis ista temporaria vel generaliter tantum sicut non nisi generaliter nobis promissa sunt, vel si specialiter & definite à nobis petantur, non nisi addita conditione postulanda, Si modò nobis expediant, & Deo placeat illa nobis concedere. Quum autem ab illo misericordiam, quæ gratuita peccatorum remissione continetur, corde contrito petimus, sancta præeunte fiducia, quæ ipso Deo innititur, illa petere debemus. Heb. 4.16. exemplo etiam Apostoli aduersariis omnib⁹ prouocatis Rom. 8.37. Nam (inquit ille) qui suo filio non perpercit, sed cum ad mortem pro nobis tradidit, quānam eum eo nobis omnia non gratificabitur? Audiamus igitur Sponsam, aut simus potius ipsi hæc Spōsa quæ ait, *Meus ille amicus, meus est, & ego sum illius*. Quānam ergo Satan, nobis obfuerit quum Sponsus iste noster sit vnā cum opibus suis? cur ad peccatorū sensum obstupescamus, quæ super lignum ille pertulit & expiauit? (1. Pet. 2. 24.) qui agnus

est tollēs peccata mūdi, & id quod passus est nobis imputat? An illius iustitiæ atque perfectionis defectus, qua coram Deo opus est, trepidare nos coget, quum ille qui pro nobis perfectissimè legem implevit, noster sit, cum sua omni obedientia? Gal. 4. 4. & Rom. 5. 19. Nostrāne corruptio naturalis nobis desperationem iucutiet, quum ille in quo plenè natura humana sanctificata est pro nobis, noster sit cum sua omni sanctitate & integritate Rom. 8. 3? An mors denique nos suis vinculis constrictos detinebit, quum ille qui vita ipsa est, & qui mortem morte sua superavit, sit noster? Quis igitur sanctam in hoc nostro Sponso sitam securitatem euerteret?

*Hæc donatio
propter nup-
tias, est reci-
proca & ir-
revocabilis.*

Sed & ut nostra sit certior fiducia, nō tantum dicitur *Hic dilectus esse noster*, verū etiam *nos dilectos esse illius*. Mutua igitur est hæc donatio. Sed ecquid ei nos attulimus, peccato tantum & sordibus inquinati, quum sese nobis omni delictorū genere coopertis adiunxit? minimè id quidem ut sese illis pollueret, immò contrā ut illis omnibus delectis, sua illa puritate & pulchritudine suam Sponsam exornaret, ut testatur ipse Ezec. 16. Agnoscamus ergo ingenuè, quod ad initiatē ipsius in nobis gratiam, nos nihil prorsus ei contulisse, sed, solius nobis etiam gratuita data fidei manu, ea quæ ipse nobis largitus est recepisse. Eph. 2. 8. Phil. 1. 29. Principem verò illam gratiam, à nobis receptam mox reliqua dona consequuntur, quæ nos illi postea,

stea, vt & nos ipsos offerimus Rom. 12. 1: ipsi quidem grata, sed ex mera rursus gratia, quā multis adhuc nēuis scateant, nec vllam inde vtilitatem ipse percipiat. Psal. 16 2. Luc. 17. 19. In summa quis ei quicquam donarit à quo prius omnia bona proficiscuntur? Rom. 11. 35. & cui proinde nihil offerri possit nisi prius ab ipso nobis donatum? Sumus igitur illius, quod sese ipse nobis dederit, & sui ipsius pretio nos acquisiuerit, 1. Pet. 1. 18. non autem quod vllam mercedem ex nostro soluendam vicissim cum illo pacti simus, quum ab eo cuncta gratis habeamus. Inanes tamē, fateor coram Domino apparere nos non decet, quum ipse nobis largiatur quicquid à nobis postulat Exod. 23. 15. Itaque si volumus fieri infiniti illius thesauri participes, vere simus illius toti, nec illas sorores duas, quæ meretricio more vixerunt, imitemur, de quibus idem Ezechiel Propheta meminit Ezech. 23. Aliàs enim effundentur quæ acceperimus omnia & posterior nostra cōditio priore peior erit. 2. Petr. 2. 2. Idcirco additur *Hunc Sponsum pascere inter lilia*, hoc est sedere & Sponsa sua delectari inter lilia: quibus puritas ac integritas fidei & morum notatur, & reliqui fructus quorum enumerationem longam instituit Apostolus, Gal. 5. 22. fatidis illis & mortiferis plantis in nostris cordibus satis oppositi, donec eas Deus ipse radicitus euellat.

Opponet aliquis fortassis Sponsum non- *Ecclesia*

*Israelitica
& Christiana
na una sunt
& eadem
Sponsa: &
qua ratione
sunt intelligē
de veteris
faderis um-
bra.*

dum hic venisse in terras quum ita Sponsa in hoc cantico loqueretur. Res verò ista sic accipienda est. Fides nunquam sine illo esse potest, ad quem vt ad scopum fertur & qui fundamentum fidei est, formās illam in suis. Is autem est Iesus Christus, verus Deus, & simul verus Homo, non autē Homo tantum aut tantum Deus. Vicissim, Ecclesia etiam sine fide esse nequit, quæ ipsius essentialis forma est. His verò positis efficietur, nisi statim atque Adamo facta est promissio, Iesus Christus verus Deus & verus Homo, in Ecclesia fuisse dicatur, nusquam aut fidem, aut Ecclesiam extitisse. Attamen (inquies) Christi humanitas non prius actu in rerum natura extitit, quàm virtute S. Spiritus in vtero beatæ Virginis concepta est. Fateor, Sed adde cum scriptura, Iesum Christum (cuius nomen cum Mediatoris vnici officio denotat id quod est omnino necessariū, nempe vt illum fides consideret apprehendatque verum Deum atque Hominem in vna tantum persona) non modo extitisse, verumetiam oblatum fuisse ab initio mundi: quum Ecclesia ab æterno electa, in eo solo seruata sit Apocal. 13. 8. Quæ facillimè cōciliari possunt, si repetamus ea quæ dicuntur Heb. 11. 1. nempe fidem (hoc est donum illud Dei, quo singuli fideles de salute sua certi sunt, propter solum Mediatorem, qui verus est Deus & verus Homo) efficere, vt quæ fidelis spe duntaxat percipit, ea tamen iam vt sibi præsentia

con-

contempletur, ac si re ipsa in rerum natura
 existerent, & offerre credentis animo ea
 quæ sub sensum oculorum minimè cade-
 re possunt. Humanitas ergo Iesu Christi
 (qua sublata noster Mediator non esset,
 neque verum & efficax nostræ fidei ob-
 iectum) non extabat quidem in rerum na-
 tura tempore Solomonis, neque pluribus
 seculis postea consequutis: fidei tamen ocu-
 lis verè & efficaciter præsens aderat ipso
 quoque Paulo teste, qui Christum vocat eū
 quem Patres in deserto tentarunt 1. Cor. 10.
 9: & Patres in deserto eundem atque nos e-
 disse spiritualem cibum, & ex eādē Spiri-
 tuali petra bibisse, quæ erat Christus. Chri-
 stus autem venturus, & Christus qui venit:
 Christus nasciturus & impleturus ea, quæ vt
 salui esse possemus erant implenda, & qui
 suo tempore natus est illaque omnia imple-
 uit, nequaquam duo sunt Christi: vt nunquā
 fuit neque futurus est nisi vnus Deus, & vna
 fides, vnāque Ecclesia. Differentia ergo sita
 est in varia dispensatione & manifestatione
 Iesu Christi, non autem in ipsa eius persona:
 quum istius Sponsi atque Domini diem A-
 braham videre nequiuerit, nisi oculis fidei,
 quamuis actu nondum extātis, Ioh. 8. 56. Hoc
 ipsum autem vltimo isto versiculo Sponsa
 intelligens, precatur Sponsum *vt redēat: do-
 nec aspirauerit dies ille, & fugerint umbra ista.*
 Vmbra enim vocat conditionem illam in
 qua tunc erat, quum ei Sponsus nondum

nisi umbris & figuris ceremonialibus re-
ctus, obscure sese fide spectandum præbe-
ret, (Heb. 10. 1.) quarum corpus & substan-
tia (Christus nimirum) emimus tantum ap-
parebat Heb. 11. 13, Nec tamen hæc adombra-
ta præsentia sic est accipienda, quali patri-
bus satis lucis non præbuerit pro mensura
ipforum, qua possent ad æternæ salutis glo-
riam perducī, quum illa ipsa gloria in Abra-
hami sinu à Domino collocetur Luc. 16. 22.
Sed hæc Christi manifestatio vocatur Vin-
bra, quatenus cum eo die clarissimo confer-
tur, quæ suo nobis aduentu Sponsus attulit,
exhibito re ipsa & explicato sigillatim no-
bis, Dei Patris omni de nobis seruandis con-
silio, Ioh. 15. 15. Matth. 13. 17: quod Apostolo-
rum ministerio postea fuit toti mundo pa-
tefactum, & patefiet illorum verbo scripto
nascentibus hominibus ad consummatio-
nem usque mundi: legitimis Pastoribus at-
que Doctoribus ad illud annuntiandum di-
uinitus excitatis, Eph. 4. 11. distinguenda igitur
est huiusce noctis umbra, ab ea quæ
mortis umbra dicitur, de qua loquutus est
Esaïas 9. 2, & in qua omnes nascimur Ephes.
2. 1.

*Quis sit ven-
tus ille ori-
ense Euan-
gelii luce
exortus.*

Hic etiam loquendi modus est inprimis
animaduertendus, *Donec aspirauerit dies ille,*
formula loquendi ab eo quod naturaliter
vsuuenit desumpta. Solet enim ferè orientis
Solis ortum aura quædam lænis radiis illius
excitata, luci nimirum cedētibus nocturnis

vapo-

vaporibus, comitari. Hæc igitur aura cum illa maxima & incomprehensibili efficacia sancti Spiritus confertur, mundo rursus quodammodo incubantis, vt illum accensa Euangelij luce illustraret, & nouum illum mundum crearet de quo loquitur Esa. 65. 17. vento nimirum illo qui primum in Apostolos emissus, flabit ad finē vsque mundi Act. 2. 2. Matth. 28. 20. & Act. 20. 28: sicut in huius mundi visibilis & corruptibilis creatione dicitur idem Spiritus sese super illam terræ & aquarum molem agitalse, vt ad res inde creandas massam illam quasi sua incubatione foueret & fœcundaret: qua virtute & diuina potētia, naturā suam mille mutationibus obnoxiam etiamnum hodie conseruant, vt legimus Psal. 1. 1. 24. & 30.

Cur autem Sponsa *redeundi* verbo vtitur? hac enim voce comprehenditur antecedens *Quo sensu*
reditum discessio. Idcirco nonnulli perinde *dicatur Spō-*
sunt interpretati, ac si ad hanc Sponsam *sus ad Spō-*
dire idem significaret atque illam non relin- *sam reuerſi,*
quere. Sed præstat geminam huius quoque *quum tamē*
dictionis significationem retinere, quadam *eum nunquā*
nihilominus adhibita declaratione. Nun- *deseras.*
quam enim certē Sponsus hanc Sponsam
penitus deserit, ne tum quidem quum gra-
uiter lapsa est: idēque sæpe apud Prophetas
in vna eadēque Prōphetia, & correctionis
vulnus & gratiæ medicina occurrit: quo-
niam nimirum Sion à Domino nunquam
ita tractatur vt Sodoma & Gomorriha Esa. 1.

9. Sed propterea quòd aliquando Sponsus propiùs aliquando longius abest à Sponsa, interdum quòd Sponsa aliquantulum ab eo recedat, interdum quòd velit illam exportare, vt Psal. 44 8: denique quoniam Domino placet interdum splendidiùs, interdum obscuriùs splendorem veritatis fucò diffundere, prout apud se ab æterno temporum spatia definiuit, vt antiqua testatur historia, & præsertim à Iosue ad Davidis ætatem: ideo precatur Sponsa, vt ad se propiùs accedens, quodammodo redeat, quòd illam veluti deseruisse videri possët: vt ab illo semper suo tempore fuit benignissimè factum, quamuis maxima pars hominum tam excelsus beneficium magis ac magis sit aspernata. Hæ sunt igitur nobis pro ipsius accessu propiore perpetuò concipiendæ preces, idque nunc præsertim, quum Dominum iure optimo videamus paulatim à nobis ob ingratitudinem nostram, paucissimorū annorum spatio, tot clarissimis luminibus quibus indignus erat mundus extinctis, valde procul recessisse.

*Qui sunt
prærupti &
confragosi
montes, quos
videt Sponsa
ut Sponsus
transiliat.*

Denique illud, quo vtitur, epitheton, istos montes *Confragosos & intercisos* appellans, nempe cauernis scopulisque præruptos, in quibus ibiges, aliæque id genus animantia vagantur, pernecitate mira & pene incredibili raptum vertices superantia: Istud igitur epitheton ardorem huius Sponsæ, declarat, exoptantis vt nulla prorsus difficultas ad-

uentum

uentum Sponsi remoretur, & cœlorum faciē
 unde illū expectat : quodammodo reprēsen-
 tat: non eam quidem planam & nitidā qua-
 lis per sudum nobis apparet, sed potius qua-
 dam congerie nubium oppletam quas me-
 ritò quispiam oculis intuens montibus edi-
 tissimis & miris rupiū anfractibus similes esse
 dixerit: vt Esaias hunc versiculum interpreta-
 ri verbis istis apertissimè videatur **Es. 64. 1.** O
 vtinam diuideres cœlum & descēderes. Spō-
 sa igitur exoptat vt , quemadmodum feræ
 scopulis non impediuntur quominus descē-
 dant, & quò libet tanquam euolent, ita Spō-
 sus ex nube in nubem saltitando ad se pro-
 pius accedere dignetur. Quamuis enim Deus
 vbique sit, eius tamen in cœlis palatium dici-
 tur speciatim collocatum. Sed peculiariter
 magnum illud mysterium, & angelorum etiā
 captū exuperans, nēpe quod filius ille vnicus
 Patri æqualis, & talis absq; rapina qualis De-
 us est, id est verus Deus, formam serui accepit:
 immò sese ad mortem vsque, & quidē mor-
 tem crucis exinanivit , dici commode potest
 quædam cœlorum sectio per quam ad mundi
 infima descenderet **Phil. 2. 6.** **Eph. 4. 9.** & **5. 32.**
 Itaque talis etiam quæpiam visibilis fissura
 cœlorū Iohanni Baptistæ exhibita fuit quum
 Christum Baptizaret, vt qui cœlis ipsis aper-
 tis Sanctum Spiritum Columbæ forma in
 Christum descendere conspexerit. Quod si
 mōtes istos & rupes præruptas in terra quàm
 in cœlo quærere malimus, statuendum est

quum peccata nostra Deum à nobis seiungant, Sponsam istud in primis à Sponso flagitare, vt illa, licèt in cælum vsque accumulata, impedimenta nihil moretur, & more caprearum altissimos etiam scopulorum vertices transilientium propiùs ad nos accedere dignetur.

*Exortatio ad
huius doctrinæ
praxin.*

In summa, quemadmodum antiqua Ecclesia spiritualis huiusce matrimonij arrhabonne accepto, quo in omnium ipsius bonorum communitatem recipitur, Sponsum orat, vt discussis antiqui fœderis vmbreis, & tot peccatorum veluti speculosis montibus superatis, propiùs ad ipsam accedat: ita nos quibus seculum istud fœlix (si bona sua nosset) oblatum est, quo Sponsus iste in carne apparès, plenissimam salutis lucem mundo exhibuit, licèt pleno ipsius promissionum complemento ad vltimum suum aduentum prorogato, ardentius ab eo petere debemus, vt regnum eius adueniat: & in nobis interea verum illud obedientiæ desiderium accendat: & speciatim quidem vt sancto illo suo Spiritu tum Magistratus tum Pastores induat, vt animosè ad repurgandam Domini vineam eiectionis eius vastatoribus incumbant: cunctis nobis denique ad nominis sui gloriam cumulatè benedicat. Omnipotens Deus, &c.

IN CANTICVM CAN-
TICORVM HOMILIA
VICESIMATERTIA.

Auxilium nostrum sit à Domino, &c.

Quod sequitur extat in Cap. 3. vers. 1.

i In lectulo meo quæsiui in nocti-
bus eum quem vnice anima mea dili-
git, quæsiui eum & non reperi.

INtelleximus superiore capite quàm co- *In maxima*
miter Sponsæ suæ Sponsus occurrerit, & *sua quiete*
quibus exceptam blanditiis in felicissima *Sponsa som-*
quiete collocauerit, tantisper dum ipsa lon- *no torpescēs,*
gè propinquiorem eius ad ipsam accessum *sua ipsius*
præstolatur: tempus illud videlicet quo ven- *desolationis*
turus erat tanquam Sol cœlitus ad hūc mun- *causa est.*
dum collustrādum exoriens, quo decem Le-
gales vmbrae finem erant accepturæ, vt Esa.
9. 2. perspicuè fuit prædictum, quod etiam
clarius expressit Zachariæ Ioannis Baptistæ
Patris Prophetia, in insigni illo cantico, Luc.
1. 78. Tunc igitur rerum omnium felix vide-
batur esse conditio, quum Domino sacra-
ti templi, quod tanta Solomon ædificauerat
magnificencia, structura esset absoluta: cul-
tus denique diuini tam pulchrè esset tota ra-
tio composita, Regnūque tāta cum sapien-
tia Rex ipse Solomon administraret. Et sanè
omnibus constare potest ac etiam debet ma-
ximum fuisse tunc Ecclesiæ splendorem, &

totius populi summam tranquillitatem. Idem etiam dici potest de Ecclesiæ statu qualis Iosue temporibus extitit, quibus Israeliticus populus est veluti in ipsam Domini requiem introductus, prout ipsemet testatur Dominus, Psal. 95. 11. Ah ecce, minimo momento maximæ factæ sunt temporum mutationes, vt fuerat olim à Mose prædictum, Deut. 32. 15. quod apprimè nobis describitur, & diuinissimè velut oculis depictum subiicitur hoc in loco, qui necessariam omni tempore doctrinam continet, ne cum salutis nostræ summo periculo decipiamur. Ecclesia siquidem Christiana paulatim cò miseriæ est redacta, sicuti narratur, Matth. 13. 25. vt ea nimia sua quiete abutentè, & consopita, hostis illius interea dum securè dormit, sedem suam in medio Dei domus, quemadmodum erat ab Apostolo prædictum, collocarit, & ita fixerit, vt quantumlibet hodie Dominus homines excitare studeat, plerique tam diuturna lippitudine laborent, vt oculos aperire nec possint nec velint: alij verò ita somno grauentur, vt licet excitati crebris flagellorū ictibus, in puluinar caput reclinent. Nam, vt paucis absoluiam, vbi feruet olla, ibi demum sancta mater & Catholica Ecclesia censetur: & si garritus istorum audias, facile tibi persuaserint inauratum Romæ Diui Petri templum, & cathedram in qua istic ipsum Petrum sedisse mētiuntur, essentielles, immutabiles, necessarias & minimè fallaces esse veræ

Reli-

Religionis, & Ecclesiæ Christianæ notas, quam Romanam simul & Catholicam, id est particularem & vniuersalem appellant. Hæc autem omnia si intueamur, quomodo sint euecta, comperiemus nata ex nimia tranquillitatis securitate. Non desunt tamen istis speciosi prætextus quibus maiorem adhuc torporem inducant altum stertentibus & veternosis. Prædicatur videlicet excellentia D. Petri inter Apostolos, quam in Primum commutât, & insignis illa Romanorum fides, quam Diuus Paulus suo tempore tantopere commendat. Quasi verò nox sit alba, quoniam diei succedit. Addunt præterea Episcoporum Romanorum præminentiam, quam nemo nescit maxima ex parte ex vrbis ipsius dignitate, quæ caput erat Imperij, natam, tum postea à pietate & insigni constantia Episcoporum Romanorum, tum ab eximiiis martyrum exemplis maximum cepisse incrementum, ac tandem à primo Nicæno Concilio maximè confirmatam, quæ tamen ordinis erat, non superioritatis aut gradus, ne in Italicas quidem Ecclesias, nedum vt de Imperio in omnes Ecclesias, id est, de Christi inuadenda sede tunc ageretur: donec cessantibus persecutionibus, & ambitione vnà cum opulentia diuitiarum augescente, adedò sese hæc Sponsa, in hac quiete consopiuit, vt pro vera doctrina somnia inuecta sint, & vix tandem sentire ceperit expurgata in quàm miserum & calamitosum

statum sit prolapsa, in quo adhuc hodie gra-
uiter afflictâ premitur ab istius meretricis
ministris, quæ, dum illa veterno sopita iacet,
pedetertim sese in hunc gradum verè Satanicum
extulit. Et tamen illud ipsum tēpestinè & di-
sertè de Romana Ecclesia & à Paulo & à Io-
anne in Apocalyp. si credimus ipsis antiquio-
ribus tum Græcis tum Latinis interpretibus,
fuit pronunciarum. Immò (quæ Dei est infi-
nitis modis suspicienda prouidentia) ipsis I-
talis, testibus istud confirmatur, quorū rith-
mi hodie imprimuntur, & Romæ passim de-
cantantur, à quibus omnibus Roma dicitur
esse illa Babylon, avaritiæ & impietatis ple-
na, domicilium iræ Dei, templum denique
hærescos: quibus adde quotidianam expe-
rientiam quæ non prorsus cæcutientibus
omnium oculis istud subiicit. Ne verò pute-
mus nostro, nec etiâ patrum nostrorū seculo
Satanam cœpissè sic operari. Ecquid enim
gubernatores Ecclesiæ Iudaicæ, Aaronis suc-
cessores, vnâ cum fascinato populo, fidelibus
Dei seruis olim obiectabant, doctrinæ falsi-
tatem, & morum quam inuehebant corru-
ptionem acriter reprehendentibus? Templum,
templum, templum Iehouæ Ierem. 7. 4: non
minore clamore, quàm seditiosus ille Deme-
trius Magnam illam Ephesiorum Dianam,
inclamabat, eodem nimirum illos omnes im-
pellente Spiritu mendaci & homicida: hoc
unico excepto quòd Iudæi bono fundamen-
to freti abutebantur. Nam reuera templum
Domini fuerat ex eius præcepto cōstructum &

vero Deo cōsecrarum, quod de Dianæ tēplo
 dici nec debuit nec poterat, vtpote Satana
 impulsore fallē Deæ dicatū. Sed tamē error v-
 terq; nō admodū fuit dissimilis, quādoquidē
 sacratū Dei templū locus erat in quo nomen
 eius fœdissimè polluebatur. Et hoc docere
 nos hoc loco videtur ipsius Spōsæ confessio,
 quę experrecta Sponsū suū quæsiuit, nec
 reperit in lecto suo, in quo Spōsus illā, ab ipsa
 nō procul recedens, collocauerat, vt à nobis
 superiore capite dictū est. Et vndenā istud ac-
 cidit? Nō aliunde quā quod Sponsa in lecto
 suo sese totā somno dediderat, in quo tamen
 fuerat à Sponso non vt in eo sopiretur con-
 stituta, sed tantū vt in eo vigilans quiesce-
 ret: quum ne iste quidem status culpa omni
 vacare possit, vt posthac videbimus; cap. 6. 2.
 Quid igitur aliud euenit quā extrema de-
 solatio, quoties quiete concessa securè & in
 vtramque aurem dormitur, illis præsertim
 stertentibus quos sibi & aliis vigilare dece-
 bat? Matth 13. 25. At in quem tantorum ma-
 lorum culpam reiiciemus? Sanè non in Do-
 minum, sed in hominis prauitatem & mise-
 riam nescientis vti prosperis, neque aduersis,
 paupertate nec abundātia. Quod si duo hæc
 extrema inter se comparemus, tum rationi-
 bus certis, tum etiam experientia ipsa edocti,
 comperiemus viam quietis quam felicitas &
 rerum omnium copia comitetur, esse altera
 longè periculosiorem. Res enim aduersæ &
 egestas omnium rerum stupidissimos quos-

que mouent ac etiam cogunt ad quærenda
malis suis remedia, vt meritò dicta sit neces-
sitas artium ac scientiarum inuentrix. At se-
cundus rerum omnium successus, solertissi-
mos quosuis decipere, atq; in lethalem som-
num inducere sæpissimè consuevit. Testes e-
ius rei locupletes sunt Adamus & Eua ante
miserum ipsorū lapsum, Testis quoque So-
lomon licet tanta sapientia insignis. Testis
denique tota veteris verè Christianæ Eccle-
siæ Apostolicæ & Catholicæ historia. Flo-
ruit enim illa sub Petro & Ioanne, qui
quum nec aurum nec argentum haberent,
Act. 3. 6. tamen in tāta paupertate veras quas
ipsis Dominus cōmiserat diuitias liberaliter
dispertiebant, Act. 5. 21: & sub Paulo qui quū
suarum etiam manuum labore sibi & aliis
victum quæreretur, nocte diēque tamen cum
lachrymis euangelizare non cessabat. Act. 20.
31. & 34: At contra vbi primum pacis tran-
quilla libertas sub Constantino Magno fuit
Ecclesiis concessa, cum abundantia fœ-
cundissima, ambitionis & luxus matre, non
desiterunt Ecclesiæ ad nostrum vsque i-
stud seculum, quòd ad res cœlestes atti-
net, indies imminui, prout terrenæ ipsarum
opes adauctæ sunt. Luc. 18. 26. Quinam enim
conueniret mundi regno cum Domini im-
perio? Luc. 18. 26. quum tam sint hæc duo in-
ter se repugnantia? Iac. 4. 4. En igitur quan-
tum soporem adferat tranquillitas, non huic
aut illi tantum, sed etiam toti Ecclesiæ gene-
ratim

ratim considerata vt sese vel exiguo intercedente temporis spatio Sponsa à Sponso suo procul auulsam inueniat.

Sponsus tamen, vt qui suæ Sponsæ nunquam obliuiscatur, nē si quidem iusto suo illam iudicio in extimas vsque terras à suo conspectu procul ablegauerit, rationem semper aliquam eius expergefaciendæ inuenit, & desiderium redeundi in Sponsi sui conspectum in ea excitandi, quod docetur Deut. 32. 39. & I. Reg. 8. 46. & à Sponsa nobis hoc loco indicatur, quum inquit, Spōsum ab ipsa fuisset quæsitum. Quomodo verò quæsiuisset nisi post suam ab ipso digressionem, pœnitentia ducta, tandem ad se rediisset? virtute videlicet illius qui interiùs loquens sic eam cōpellat, Excitare tu qui dormis. Ephes. 5. 14. & Esa. 26. 19: sed ista excitatio electorū Dei propria, & à sola ipsius gratia nō minus promanans, quàm illud beneficium quo nos in viam à qua deflexeramus reducit, discernenda est ab illo purgante peccati aculeo, quo ad desperationem reprobī impelluntur: sicut etiam dicit Scriptura, nullam esse impio pacē, Es. 48. 22: & horrēdum illud Iudæ proditoris exemplum satis supérque demonstrat, Mat. 27. 4. Stimulus enim iste non aliunde quàm à peccato conscientia lethaliter sauciās, facit vt peccator ad exemplum Adami faciem sui iudicis refugiat. Genes. 2. 8: at ille peccati stimulus Dei gratia temperatus, tristitiam secundum Deum, id est salutare vulnus nobis infligit,

Sponsus nihilominus Sponsam suo tempore excitare solitum: & quantum discrimen sit inter istam excitationem, & eam quæ à stimulo peccati est.

quæ nos ad eum ipsum quem offendimus iudicem allicit, quo respiciens Sponsa testatur, sese à Sponso excitatam illum quæsiuisse.

*Inquam
multis pec-
cetur in
quærendo
Sponso, unde
fit ut non
quisquis eū
quærit, re-
periat.*

At quid sibi volunt hæc sequentia Sponsæ verba, nempe non esse repertum, licet quæsitum ab ea Sponsum? Et quinam cohæret istud cum toties reperita illa promissione & tot testimonijs comprobata, Pulsate & aperietur vobis, quærite & inuenietis? Matth. 7. 7. Luc. II. 9. & 10. Et si Deus inueniri se fecit ab iis qui ipsum non quærebant Esa. 65. 1. (pastor enim ouem quæ aberrauit prior quærit, non ouis pastorem Matt. 19. 12.) quomodo Sponsa non reperisse Sponsum existimabitur? Respondeo Sponsam hoc non dicere, quod ipsam non potuerit vsquam reperire, (quod suprà memoratis promissionibus ex diametro repugnaret), sed quæsitum in suo lecto non reperisse, nempe quod in eo lecto non esset. Certè ut quidpiam reperiās, non modò quærendum illud est, sed ibi quærendum vbi est. Mirum non est igitur à Sponsa non repertum in lecto suo Sponsum, quum in eo lecto non esset. Deinde, ut quod quæritur reperiatur, tempore opportuno quærendū illud est. Luseris enim alioquin operam, nisi te ad tempus quo aperitur ianua te ipsum steteris Esa. 55. 6: & pulsandum est ad fores prius quàm repagulis occludatur. Matth. 25. 12. Præterea quod petitur, ab eo demum petendū est à quo sunt omnia & qui se ludibrio haberi non patitur

1. Reg. 18. 27. Deniq; petere decet quod petitione dignum est, Matth. 20. 22. & ita vt petendum est. Iacob. 1. 7. & ad eum finem cuius causa peti oportet. Iacob. 4. 3. Ne miremur ergo, & multò minus culpam non in Deum sed in nos ipsos reiiciamus, si tam sæpe contingit vt quæ petimus non accipiamus. In nobis enim culpa inest. Quod si etiam nihil omnino in istis quæ modo recensuimus peccaremus, tamen hunc Deo nos honoré tribuere par est, vt eius arbitrio subiiciamus & tempus & media quibus quod ipse nobis largiri constituit impetremus, sic ab ipso omnia postulantes vt ipse nobis præscripsit. Credidit quidem Abrahamus Deo, & promissum filium, sed à promissione 35. dnum elapsis annis, impetrauit. Dauid regnum est assecutus, sed postquam expectando expectasset Psal. 40. 1. adeò vt oculos suos in altum suspiciendo dicat defecisse Psal. 119. 82. & vociferando se raucedinem contraxisse Psal. 62. 4: non quòd Dominus non sit infinitis modis promptior ad nos exaudiendos quàm nos ad ipsum inuocandum, quum ipsemet in nobis desiderium formet ipsum inuocandi, & nos doceat quid precemur. Rom. 8. 26. & labia nostra aperiat ad laudes eius annuntiandas Psal. 51. 17: sed quoniam expedit nobis vt Deus nostras preces quasi surdus procrastinet. quoniam alioquin parui facere solemus quæ nullo negotio & labore consequimur. Denique vnus ille est qui

tempora & opportunitates penes se sitas
habet Act. 1. 7.

*Maxima
Dei benedi-
ctiones tem-
porales &
spirituales
abusu sunt
instrumenta
perditionis
hominum.*

At hoc loco dicitur Sponsa eum quærere
quem quæri oportet, neque sanè peccat nisi
in eo quòd ibi eum quærit ubi non est. Vbi-
nam? In lecto suo. Ecquis verò Spōsæ lectum
istum donarat? ecquis ipsam in eo collocarat?
Sponsus ipse profectò quum eam tam ex-
pressè inuitasset, & tam amicè ad se pellexis-
set, sicut ex præcedentis capitis versu præser-
tim decimo cognouimus. Quî sit igitur ut
quasi profugus in eo ipso lecto non inuenia-
tur? Nimirum quòd obdormiscens Sponsa
donum ipsum pro donatore amplexabatur,
id est, huic quieti & tranquillitati sic totam
se se dederat ut in veternum incideret, Idem
vsuvenire plerisque videmus, quum in ipsis
siue corporis siue animi bonis illis fruendis
toti occupantur. Exempli gratia: Vita qui-
dem, Dei donum est eximium, in quo sumus,
mouemur & viuimus. Act. 17. 28: sed si dixeris
eum huius seculi filiis, Omnium optimum
esse ipsum Esse, Næ viuendo mortuus es. 1.
Tim. 5. 6. Nec aliter est de vitæ huius com-
modis reliquis indicandum, etsi quibus benè
ipsis vti concessum est, velut Abrahamo, Iob-
bo, & aliis nonnullis, magno verè sint bene-
ficio. Verum! quid putas mortaliû maximam
partem etiam eorum qui veram pietatem
profitentur, in votis habere? an non ut in le-
cto suo paradisum, id est pacatissimum & trā-
quillissimum Euangelium, inueniant, in quo
molliter

molliter recumbant, & cum uiuentibus in otio & tranquillitate uitā ducant? Necdum eos hic ego commemoro quos effrænes cupiditatum suarum libido raptos in quælibet præcipitia impellit, sed eos commemoro quos etiam modum adhibere in rebus istis certum est. Quicumque verò modus hic seruetur, si tuis commodis sic acquieueris ut in iis tuam felicitatem constituas, falleris miser, & teipsum priuas recto & præcipuo omniū illorum bonorum usu, ut qui sit in eo positus ut ea sic versēs ac si manibus spinas contrectares Matth. 13. 22. & recepti potius fideliter administrandi, quàm augendi curam habeas 1. Timoth. 6. 18. & ut Dauidicam illam protestationem pro viribus imitēre. Psalm. 16. 5, perscriptam.

Hæc, ut nobis specialiùs applicemus, & penitiùs scrutemur, fatendum certè nobis est Deum nobis hoc in loco, ut & in multis aliis locis, pulcherrimum lectum & quietem summam præparasse, siue quod primum & præcipuum est intueamur, nempe doctrinæ puritatem & aliquem Ecclesiasticum ordinem cum adiuncta bonarum omnium scientiarū & disciplinarum discendi facultate: siue ciuilem libertatem consideremus, & cum aliarum quàm plurimarum gentium miserrima conditione comparatam spectemus. En igitur lectum Deus paulatim nobis strauit, quē desiderabilem etiam annis ab hinc plus minus quinquaginta, aduersus quaslibet pro-

*Applicatio
doctrinæ hu-
ius aduersus
nostri seculi
dormita to-
res.*

cellas ac tempestates fartum tectum censeruauit: En, inquam, nidum hunc suum, vt ita dicam, halcyoneum, in medijs magni & irati maris fluctibus constructum. At si tanto freti beneficio in lecto nostro stertere ceperimus: si, concionaturū clamoribus pro nihilo habitis, solis istis terrenis & momentaneis commodis intenti fuerimus: si denique accessoria que vocant, neglectis precipuis summi boni loco habere pergamus, quid tādē futurū putamus, nisi quod iā accidisse quāplurimis cernimus, vt nēpe quod præcipuum ac summum est, nobis effluat? Ideò Dominus vt nos excitaret, anno superiore, leuissimis quibusdā plagis stimulauit, sed quis ista curat? quis melior efficitur aut diligētior? Quapropter metuamus, metuamus inquā, ne Dominus virgis superinducat flagrū, & tandē virgā illam ferream exerat, qua non dormientes excitare, sed stupidos & vternosos opprimere & cōfringere solet. Porro si in commodis etiam à Domino concessis occupari res est tam periculorum plena, qua in re nos Solomonis exemplum cautos facere debet: quid iis fiet qui non modò in illis occupantur, sed toti illis inhærent, adeò vt etiam ipsum omnium illorum largitorem obliuioni tradant? Vos ergo compello diuites, qui domos à maioribus acceptas, & omni rerum copia refertas possideris, vel quorum solertiæ ac laboribus benedixit Dominus: in opibus autem vestris spem ponitis, in hoc vnum in-

tenti

tenti ut tenaci parcimonia rem augeatis: tum etiā vos qui contrario vitio vestris opibus ad luxum abutimini, & quibus venter est Deus. Vos, inquam, omnes quibus Deus cumulatissimè benedixit, & quorum nihilominus postrema cura est ut acceptis beneficiis ad Dei gloriam utamini. Quādo tandem resipiscetis? non tangit vos vlla sollicitudo istius confusionis? non veremini ne vos ille tandem infensus deserat, cuius benedictionibus adeò turpiter abutimini?

Quid autem illis futurum putamus qui nō in lectulis à Domino sibi constrictis otiantur, sed in iis volutantur sordibus quas ex cupiditate & prauis artibus contraxerunt? cuiusmodi esse aio, malis artibus partas opes, omne quietæ & commodæ in speciem vitæ genus conscientia iactura redemptum: omne denique vitæ genus dānatum, in quo à scientibus prudentibus stertatur, siue in scortatione, cuius horrenda castigatio nobis tum in vna ex duodecim tribubus, tum in ipso Davide proponitur, qui in illo suo flagitio obdormiēs, mox ex adultero proditor quoq; & homicida euasit: siue in helluatione cuius crebra nimis exempla nobis isti lufores, ganeones & omne genus istud nepotū suppeditāt, quorum tristissimos & miserrimos exitus quamplurimos videmus. Nec enim datur omnibus pānitere, quod prodigo illi concessum esse in S. sacris legimus. Omiserum lectum, nō illum sanè plumeum, sed spinis rubisque con-

*Alia soporis
species quā
sepe lethale
veternum
sequitur.*

sitū & lethalibus aculeis pleni. O infelicem prosperitatem, quæ tecum æternam & immedicabilem calamitatem trahis! O somnum minimè somnum sed grauedinem lethargicam: qua verus omnis sensus & motus animæ in æternum consopitur!

*Quæ via sit
in his Chri-
stianismi
dissensionibus
insisten-
da.*

Sed vt ista nobis adhuc specialiùs applicemus, hoc præsertim infaulto seculo quo videmus quantis dissensionibus Ecclesia Christiana infestetur, ne (quæso) nos putemus pulchrè nostro defunctos officio, si horum curam omnem abiecerimus, vt solent plerique nihili homines, quos priùs è mundo videas excedere, quàm quid in eo facturi sint conditi cognouerint, omnium certe mortalium miserrimi: sed hanc potius Sponsam imitemur, scè in illa media sua tranquillitate non eòvsque sopiri passàm, vt ad suum quærendū Sponsum nō expergisceretur, rescire studens quo loco terrarum esset, vt ei sese adiungeret: Et istud est nobis primò diligenter considerandum. Meminerimus præterea, quum de loco in quo Sponsus inueniri possit ac proinde de vera doctrina salutari quæritur, non esse nobis intuendos qui cōmodiùs uiuant, quorum maior sit numerus, qui gloria & honoribus floreāt. (quod tamen videmus hodie maximam hominum partem sollicite inuestigare, vt iis sese adiungant) Nā è contrario Dominus, Si essetis (inquit) ex mūdo mūdus amaret vos. Ioan. 15. 19. neque mundanus hic splendor in iis inuenietur, quos Iesus
Christus

Christus vt beatos commendat Matth. 5. & Luc. 6. Immo qui diuitiis turgent, gracilescant oportet vt per foramen acus pertranseant, Luc. 18. 26. Angusta denique via est quæ ad salutem ducit. Meminerimus igitur Sponsum esse quidem à Sponsa in lecto quæsitum, at non inuentum.

Obstreperant hinc aduersarij, & ista in nos *Resposta aduersus eos qui nos paradysum paruo vendere calumniantur.* reiicient. Nos enim eos esse qui latam viam insistant, & carnis libertatem, sublata quadragesima, abrogatisque sacris ieiuniis & peregrinationibus, sectemur. Et quid amplius? licentiæ ludum à nobis aperiri, qua nos ex fide, non ex operibus sanctificari & seruari docemus. Ipsi contra carnibus abstinent bonam anni partem: indefesso labore paradysum lucrifaciunt: totus illorum Clerus virginitatem perpetuam vouit: tot religiosi homines seuerissimis religionis legibus se sponte subiiciunt: alij in perpetuum carnibus non vescuntur: alios cilicium perpetuo tegit: alij certatim seipso grauius castigant. O hypocritas! ô dealbato parietes! homines nequam, viduarum & orphanorum deprædatores, quos simulatum paupertatis votum in palatiis habitantes fouet, & alienis sudoribus lautos & luxu diffuentes sustentat, vos ego omnes ad Esa. 53. caput & Matth. 23. reuoco. Vos verò miserè fascinati homines, qui paradysum hac ratione acquirere nos posse somniantes, Christi sanguine partum negligitis, quò vsque tandem in cibo

& potu regnum Dei quæretis? quouique tã-
 de cœlorum regnũ in putidis cisternis ima-
 ginationũ & traditionum vestrarum repo-
 netis? quòvsque tandem ignorabitis Iesu
 Christi, & non suo ipsorum sanguine, veros
 Martyres ipsos fuisse seruatos? Hocceine verò
 est paruo pretio regnum cœlorum addice-
 re, miseras conscientias ad illum reuoca-
 re, & in eo vno docere ac quiescendũ, à quo
 nos tanto pretio esse redemptos nos docet
 Petrus, 1. Petr. 1. 18. non aqua certè lustrali,
 nec eorum indulgentiis qui falsissimè Petri
 nomen suis abominationibus obtrendunt?
 An verò nos veram & seriam resipiscenciam
 à peccatorum remissione separamus? An non
 in quoslibet excessus & in omnis generis lu-
 xum acerbè inuehimur? An non internam
 potissimum integritatem commendamus?
 sobrietatem? castitatem? omnem denique
 mutuã edificationẽ? Sed longissimi temporis
 fuerit ad ista sigillatim respõdere. Vno igitur
 verbo rem istã totam cõcludamus. Quòd ad
 controuersiam attinet de ipsorũ doctrina &
 nostra, ad eũ semper prouocauimus, & pro-
 uocamus qui ex Sacrosancto suo scripto ver-
 bo omniũ est iudex futurus. Quòd ad vitam
 autẽ ipsorũ & nostram attinet, vtrò agno-
 scimus, nimium multa adhuc in nostris ho-
 minibus superesse, valde pudenda & summa
 reprehensione digna: (hæc enim est Ecclesiæ
 conditio) sed tamen qualis sit istorum vita, &
 quàm egregia merita, cœlum & terrã testari.

Sed

Sed deant igitur illi inter ipsos & nos iudices.

Adiicit Sponsa quæ maximè hûc faciunt, quum sese dicit postquã Sponsum in lecto non reperisset in quo ipsum quærebat, *Sur-* *rexisse* vt eum quẽ tantopere diligeret, quẽ-
ritaret vbicunque terrarum esset. Sunt au-
tem ista penitus repugnantia, In lecto desi-
dere, &, è lecto surgere: nam certè non suffi-
cit malum reprobare, nisi etiam bonũ pro-
betur & faciamus. Quid igitur est ex lecto
surgere? Omnia nimirũ quibus impedimur
quominus planè Christum amplectamur, &
eo fruamur, sine disceptione abiicere. Est
seipsum abnegare, quæ sunt prima Christia-
norum rudimenta, Matth. 16. 24. Est sibi ocu-
lum alterum eruere & dextram excindere,
vt ingrediaris in istius Sponsi regnum, lu-
scus potiùs aut mancus, quàm, duas manus
aut duos oculos habens, in gehennam ignis
coniiciaris. Matth. 5. v. 29. & cap. 18. v. 8. Est
omnia abiicere, & Sponsum illis abiectis ex-
peditiùs sequi, quod fecisse Apostolos legi-
mus Matth. 19. 27. Est prudentem illum mer-
catorem imitari, qui reliquis omnibus suis
facultatibus vnicam margaritam prætulit
Matth. 13. 46. Est in aulam conuiuij se prope-
rè conferre diligenter præcauentem, ne sibi
quæ retardare tam multis solent, putà vel
hæreditas herciscunda, vel colendus ager, vel
nouum coniugium remoram vllam adferat.
Luc. 14. 16. Est amorem parentum, patriæ,
cognitionis, non modò non æquare sed e-

*Ex lecto sur-
gendum est
vt Sponsus
reperiatur.*

tiam amoris Dei postponere Genes. ii. 33. & Deut. 33. 9. non tamen certè ut monasticam vitam ingrediaris, (quod ex veteribus patribus quidam in hoc malè prudens censuit, licet quæ tunc fuerunt monasteria abhodie tam dissiderent quàm à terra Luna remota est, etsi fatendum est iam tunc temporis quiddam illis phanaticum & Lunare inhæsisse) sed ut Christum sequaris, idest Sponsus isti pro tuæ vocationis ratione adhæreas. Surgere denique ex lecto non est simpliciter locum mutare, sed uti diximus, omnia quæ nobis impedimento esse possunt in ijs quæ pacem conscientiæ, ac proinde nostram salutem spectant, abiciere, ut si rectam viam sumus ingressi, eam insistamus: sin verò aberrauimus, in viam redeamus non solum tritum in genere veris Christianis omnibus iter tenentes, quale passim apud Apostolum ac præsertim Philip. 2. 1. describitur: sed suam specialem quisque vocationem, quàm diligentissimè obiens, ut expressè præcipitur 1. Cor. 7. 20. Dauid nobis exemplo suo præeunte qui à Domino in mandatis habens, ut certum locum ædificio templi futuri quæreret, Et puniat me, inquit, Deus, si domus meæ tectum subiero, vel lectum meum petiero, vel meis oculis somnum dederò & palpebris meis nietauero, prius quàm fuero locum Domino consecratum nactus.

*Locustinus
combustio cū*

Omnes igitur Dei electos qui in falsæ Ecclesiæ sinu tam diu obdormierunt, in quibus postea

postea Deo visum est sanctum desiderium i-
 plius inueniendi creare, par fuerit ex hac
 Sponsa discere quàm studiose sit hæc doctri-
 na amplectanda & exercenda, & Christiani-
 ismi vorum quasi conceptis istis verbis re-
 nouādum: Nulla me terrena cōmoda, nulla
 vanæ quietis species à proposito dimouebit,
 quin istiusmodi cuncta impedimenta semel
 abrumpam, & ex isto Babylonis lecto me
 proripiam, vt eum in quo animus meus de-
 fixus inhæret reperiam. Eos verò quibus da-
 tum fuit Sponsum hunc reperire, diligenter
 caueant moneo & hortor, ne in temporali-
 bus benedictionibus occupentur, etsi pietas
 illarum etiam promissiones habet 1. Tim. 4.
 6. néue sibi persuadeant perpetuum & im-
 motum fore in Ecclesia rerum bene consti-
 tuarum statum, nec veram Ecclesiam ex vllō
 externo splendore diiudicent quantumuis
 hominum opinione firmo & stabili: sed vt
 maturè sibi quisque prouideat, ne hic Spon-
 sus, in quo vnico vera nostra quies omnis
 sita est Matth. 12. 29. ipsis perripiatur, sed vt
 viuā sese præstent veræ illius Ecclesiæ mem-
 bra, de qua canens Propheta, O beatum, in-
 quit, populum cuius Iehoua Deus est. Psal.
 44. 143 15. Tantum, verè istud beneficium vt
 obtineamus, agnita & detestata nostra corā
 Domino ignauia, vel potius ingratitude
 & rebellione in qua tot iam annos hæsimus,
 misericordiam ipsius istis verbis implorabi-
 mus. Domine Deus. &c.

IN CANTICVM CAN-
TICORVM HOMILIA
VICESIMAQVARTA.

Auxilium nostrum sit à Domino, &c.

Quod sequitur extat in Cap. 3. vers. 2. 3.

2 Iam surgam & obibo ciuitatem,
per vicos & per plateas quæram eum
quem diligit anima mea, sed quærens
eum non inueni eum.

3 Inuenientibus me custodibus qui
obeunt ciuitatem dixi, an eum quem
diligit anima mea vidistis?

*Quod Spon-
sus Sponsæ
statim non
occurrat in
mediis tem-
pestatibus
ideirco fit nō
ut illam de-
ferat, sed ut
sui querendi
desiderium
in ipso ma-
gis accendat.*

EX superiore cōcione didicimus Sponsam
à Dei Spiritu excitatam, qui Sponsi in-
ueniendi desiderium in ipsa accēderat, quem
abesse senserat à lecto in quo ipsa obdormi-
nerat, animum propterea non despondisse,
sed contrā surrexisse, testatam se illius absen-
tia magis ac magis ad eius inuestigationem
incitari. Et sanè, ut nuper dicebamus, hæc ra-
tio est qua Dominus à suis quælitus, nec sta-
tim occurrens, suorum fidem & spem accen-
dit, & patientiam quoque confirmat ut
ex plurimis passim per sacras literas sparsis
exemplis apparet. Sic Israëlitas tanquam
peregrinos annis quadringentis partim a-
pud Chananæos partim apud Aegyptios,
ober-

oberrasse, legimus: ac tandem apud Babylo-
nios annorū septuaginta seruitute penè op-
pressos. Non aliter Iosephum in vincula con-
iectum diuturnam calamitatem & Dauidem
fugæ suæ tempore multa perpeßum esse cer-
nimus, sic Dominū etiam alloquentem, Ex-
pectando expectaui, & Dominus exaudiuit
me. Ex istis verò exemplis discamus, si quan-
do nos fortè conscientia difficultates pre-
mant, si nos varia circumstet pericula, si de-
nique multa nos vrgeant aduersa, & se no-
bis interea Dominus subducere videatur, tã-
tò ardentius illum esse nobis prosequendum
donec inueniendi sui potestatem nobis fa-
ciat. Sed quis est vires istas & promptitudi-
nem suppeditaturus? Is proculdubio qui ex
Charitate qua prior nos diligit, in nobis e-
tiā amorē creat quo vicissim illū redamemus:
quod hīc Sponsa tertio repetitis verbis do-
cet, hoc est, nec simulatē amemus, vt solent
hypocritæ, nec quoquomodo, quod iis con-
tingit qui nec feruidi sunt nec omnino geli-
di, sed quum tepidi sint statim euomuntur
Apocal. 3. 16. quum contrā sancti inportuni-
tate violenti regnum cælorum rapiāt. Matth.
11. 12. Luc. 16. 16.

Sunt porrò attenta consideratione digna
quæ hoc loco Sponsa superioribus adiicit,
nempe. *Se quæsiuisse diligenter Sponsum suum
per plateas, & quærendo totam urbem lu-
strasse, nec tamen ipsum reperisse.* Nam con-
trā in parabola conuiuij Luc. 14. 21. iuberi

*Nec maiore
multitudinē,
nec receptam
à pluribus o-
pinionem esse
veram veræ
Ecclesiæ in-
ternoscendæ
notam.*

feruos videmus, potentibus & diuitibus accedere ad conuiuium recusantibus, in plateas & vicos vrbis egredi, vt ex iis pauperes & mancos, claudos ac cæcos in aulam introducât. Sed aliò sunt similitudinis illius quàm Sponsæ nostræ verba referenda. Nos enim docet illa parabola non esse in membris Ecclesiæ censendos eos qui conscientiae tranquillitati pacem humnam aut reliqua vitæ huius commoda anteponunt, qui si quando Ecclesiæ accensi sunt, postea tamen seipso amputât: quibus amputatis, Dominus eligit quos mundus vt pauperes & non magnæ æstimationis homines negligit, vt nos docet illud diuinum beatissimæ virginis canticum Luc. i. 52. Sic legimus Prouerb. i. 20, Sapientiam quidem vocem suam in plateis & compitis exercere vbi tamen sese nō exaudiri cōqueritur: & nimis verum est quod ait de Corinthiorum Ecclesia Paulus I. Cor. i. 26. Non absimili modo in satoris parabola mentionem Seminis fieri videmus, quod secus viam decidens, quum ob duritiem penetrare non possit, statim fit esca volucribus: qui locus ad huius interpretationem nos plurimū iuuat. Hic enim per plateas & vrbis circuitum cōmodissimè intelligitur recepta vulgò opinio. Et, vt vno verbo complectar, illa ipsa larua quæ hodie Catholicæ Ecclesiæ nomine regitur, non illa certa Ecclesia est cuius in Symbolo confessionis nostræ meminimus, sed monstrū illud à Spiritu erroris in ea conceptum

ceptum à qua reges & nationes terrę fascina-
tæ sunt, vt iam est à nobis supra demonstra-
tum.

Vt nodum igitur istum expediamus, quod
est vltimum aduersariorum nostrorum per-
fugium & anchora, quid sibi tandem vult
Sponsa, perinde exterrita quasi foret à Spon-
so derelicta dū in lecto suo consopita iaceret?
Inde profecto ista extitit percussio, vt mo-
do dixi & iterum inculco, quod eum quem
ipsa quærebat, ac per consequens veritatem
& salutem suam in recepta passim à populo
religione, repertum iri sibi temerè persuasis-
set. Quam autem habuit istud cogitandi oc-
casionem? Promissiones nempe huic specia-
tim populo ante aduentum Sponsi in car-
nem factas Act. 3. 25. non secus ac nostri Ro-
manæ meretricis mangones hodie iactitant
Ecclesiam errare non posse: vt ita quibusvis
erroribus apertæ fores pateant. In quo igitur
hæc Sponsa seipsam fefellit? In eo certè quòd
quemadmodum olim Ieremiæ obiiciebatur
Ierem 7, 4. & præsupposito (quod nostri e-
tiam Pontificij nobis libenter de Romano
suo Campanili persuaserint) veram reli-
gionem semini Abrahami tanquam clauo
deuinctam & fixam hæcere: nullo discrimine
facto inter genuinos Israëlitas & spurios,
(quod eis exprobat suo tempore Ioannes Bap-
tista) de vera religione iudicaret ex iis quæ
ipsa stertente fuerant in religionem inuicta
& paulatim ab omnibus recepta pro eo

*Veram, cer-
tam & per-
petuam ve-
ræ Ecclesiæ
uotam esse
doctrinam
Apostolorū
& Prophe-
tarum scrip-
tis compre-
hensam.*

quòd veritatē veram debuit in eo vno quod à Domino propositum & præscriptum erat inuestigare : in lege dico & testimonio , vt loquitur Esa. 4. 8. 20. Nam quum vera Ecclesia ne iudicet quidem de controuersis circa religionem ortis, nisi ex iis quæ Sponsus per os Prophetarum & Apostolorum docuit , consequitur neque ex opinionibus communiter receptis, etiam si magnos habeant auctores, neque ex maiore multitudine iudicium esse de veritate faciendum . quum in rebus etiam humanis vsuuenire istud videamus, vt plures sint fatui quàm sapientes, & plures improbi quàm boni Ier. 5. 31. sed ad Sponsum accedendum est vnicum vtriusque partis iudicē. Sed, inquires, vbi Sponsum istum reperturi sumus? Nec in cælum ascendas (inquit post Moysen Apostolus) vt eū ibi reperiās , nec mare traiicias. Nā prope te verbū est in ore tuo hoc est verbū illud fidei quod prædicamus. Rom. 10. 8. Et hæc ipsa vnica nota est ex qua discernendam esse veram Ecclesiam à falsa dicimus.

Veritas semper in vera Ecclesia permanet firma, quamuis nō pari semper splendore fulgeat, nec pari ardore recipiatur.

Quænam igitur, inquires , est Catholica illa Ecclesia, in qua & non alibi Iesus Christus inuenitur, & extra quam nulla salus est? Cœtus est omnium verè electorum & fidelium , ex variis populis & nationibus collectorum in vnitatem doctrinæ Propheticæ & Apostolicæ, quem cœtum nos in sua generalitate consideramus, & in quo verè dicimus Lucem veritatis extinguī nūquam posse, licet in huius corporis mystici membris & parti-

partibus distinctè cōsideratis multi sæpe defectus exoriantur, multæ quæstiones & maxima sæpe ignorantia subsit, vt omnium seculorum hystoria nobis fidem facit. Huic Ecclesiæ sic generatim considerata, cœtus omnes itidem generaliter cōsiderati opponuntur, quotquot se Christianos dicunt, & Baptismi notam externam adhuc retinent, sed sibi tamen religionem pro libidine confinxerunt, siue sua commenta regant Prophetarum & Apostolorum nomine & scriptis, perperam explicatis: siue etiam nouam omnino formam religionis inducāt prout ipsos sola voluntas & libido impulit: quam etiam ob causam Ecclesiam eiusmodi Hæreticam nominamus, id est suffultam & innixam doctrinæ priuato quopiam arbitrio excogitata & credulis obtrusæ, quæ nec cum Catholica nec secum ipsa cohæret, sed sæpe in tot partes scinditur & distrahitur quot sunt pertinacis cerebri homines, sibi placētes & suis opinionibus addicti: quibus tamen hoc est inter se commune, quod omnes à veritate Prophetica & Apostolica longè recedunt, Neque verò sum nescius omnia ista in nos ab aduersariis nostris hodie retorqueri, qui etiam propterea nostram Ecclesiam nouam vocant, & nos titulis ad libidinem excogitatis notant: non animaduertentes interea sese suo ipsorum sermone redargui, quum Ecclesiam suam vocitant Ecclesiam Romanam, nisi si forte hoc possunt euincere, Romam &

vniuersum orbem terrarum vnum & idem esse. Sed totam istam controuerſiam paucis componi iam pridem potuisse arbitror, si locus vllus rationi relinqueretur. Aio igitur prout Domino visum est aut in ingratum mūdum sua iudicia exerere, aut pro immensa sua misericordia mortalibus parcere, veram Ecclesiam Catholicam nonnunquam præ falsa & hæretica splenduisse, magnificè suis splendoris radios exerentem: sæpiſſimè verò contra fucatam illam & personatam meretricem passim in magna auctoritate fuisse, & castam Virginē & Sponsam Christi ita simulasse: vt à cuiusvis ordinis hominibus magno applausu recepta sit: miseram denique illam veram Sponsam in deserta compulisse, tantisper dū indignationis tēpus præterirer, Esa. 26. 20. Apoc. 17. 14. Hæc verò quin ita sint si quis audaciùs negare ausus fuerit, manifesti mēdacij tū à tota Ecclesiastica vetere historia, tū corū experientia quæ quotidie nostris oculis cernere, cogimur conuincetur. Hinc igitur concludo tum multitudinem, tum assecularum splendorem, falsissimam esse Ecclesiæ notam: itaque numerum maiorem minorēque missum facientes, hoc vno totā istā controuerſiā decidi sciamus, si dixerimus veram eā esse Ecclesiam & Catholicæ siue vniuersalis cognomētum verè mereri, quæ iure profiteatur solam doctrinam cœlestem Apostolorum voce & scriptis testatam, vt toti electorum cœtui sola hæc sit veritatis regula,

ex qua omnes controuersiae dirimantur.

Duo igitur ista cognomina doctrinae Apo-
 stolicæ & Ecclesiæ Catholicæ sunt insepara-
 bilia, & ita inter se coherent, ut vera Eccle-
 sia ex hac sola vera & essentiali nota discer-
 natur à falsa, & vicissim vera Ecclesia sese o-
 stendat ex illo vero Verbi semine conceptam
 I. Petri. I. 25.

*Doctrina
 Apostolica,
 & Ecclesia
 Catholica
 sunt insepa-
 rabiles, &
 testimonium
 de se mutuo
 perhibent.*

Nequis verò hinc excipiat fieri posse ut cœ-
 tus uterque eisdem locos Scripturæ pro se
 proferat, dico ego primum falsam Ecclesiam
 sibi diligenter cauere ne solo Scripturæ tex-
 tu nitatur: deinde Scripturam sui ipsius in-
 terpretem esse oportere, & quamlibet Scrip-
 turæ interpretationem, si ad analogiam fi-
 dei tanquam ad certam amissim referatur,
 quæ verum à falso discernere doceat, & quā
 totius esse Scripturæ epitomen nouerimus,
 facillimum fore in istis non decipi, nisi sese
 quispiam sciens prudens falli velit. Hæc igi-
 tur dicta sunt de communiter recepta do-
 ctrina & de maiore numero, qui etiam Chri-
 sti temporibus est vociferatus, Tolle, tolle,
 crucifige eum: & illi opponitur quem Chri-
 stus paruum gregem vocat, Luc. 12. 32. Sed vi-
 deamus an Sponsa sit meliorem aliquam
 viam sequuta,

*Scriptura
 sancta &
 textus est &
 interpreta-
 tio.*

In summa dicit sese, quum ita urbem lu-
 straret incidisse in Vigiles & ex ipsis quæsi-
 uisse an sibi posset ubi esset Sponsus indica-
 re: reticet autem an ab illis responsum acce-
 perit. Verum ex sequentibus satis patet, aut

*Spiritus ve-
 ritatis non
 fuit olim sine
 exceptione
 ministerio.
 Levitico af-
 firm.*

non expectato responso vltcrius esse progressam, aut illis nihil fuisse Sponsæ responsum. Quid ad hæc igitur dictari sumus? Ecquos verò per custodes intellexerimus, nisi quibus in Dei ciuitate vigilandi cura fuerat imposita? An non enim disertis verbis dicitur, Labia Sacerdotis seruire sciētiam, quum ipse sit Angelus Ichouæ, Malach. 2. 7. Et quos consuli iussit Dominus, quoties in Legis interpretatione difficultas aliqua inciderit? Sacerdotes, Deut. 17. 8. verum quos nonnisi ex Lege iudicare oportuerit, cui nec addere quicquam neque detrahere fas fuit. Et tamen hîc Sponsam cernimus non magis inter istos quàm in vicis & plateis vrbis Sponsum reperisse: cuius rei hæc est ratio, quòd longè sit aliud munus aliquod in sese considerare, & illud ex eorum fide & diligētia quibus commissum est expendere. Præterea quauis Dominus functionem aliquam instituerit cui sit benedictionem indefinitè pollicitus, est tamen propterea existimandum Dei Spiritu sine exceptione præditos esse, quicunque vel ordinaria vocatione sunt ad illam asciti, vel quotquot illā stationē occupāt. Quemadmodum enim Dominus dat Pastores, & Doctores ad coagmentationē sanctorum, ad opus ministerij, ad ædificationem corporis Christi, Ephes. 4. 12. ita etiam in ira sua mittit falsos Pastores cū efficacia Spiritus erroris, 2. Thes. 2. 11. hoc modo vindicās sacrosancti sui ministerij contemptū. Sic in communi hominum socie-

societate contingere etiam videmus, Deo nonnunquam bonos principes & gubernatores largiente, 1. Timot. 2. 2. & Psalm. 72. aliquando vero ad populos castigandos, Spiritum principum & gubernatorum vindemiantem, ut loquitur Propheta, Psalm. 76. 13: sacro interea ministerio permanente in eo statu in quo est à Domino constitutum, & vicissim manente Regum & Magistratuum integra auctoritate, qua tyranni plurimum abutantur, Esa. 3. 4. & 56. 10. Osee 13. 11. Ierem. 23. 11. & 14. 15. Denique in tota passim Scriptura occurrunt istiusmodi per Prophetas exprobrationes. Quod si qui rationibus istis certissimis non contenti exempla præterea requirant: quoniam fuerunt, quæso, verorum Prophetarum hostes infestissimi? Sacerdotes, & alij Prophetæ, & totus populus. Ier. 26. 7. Quoniam in Deum coniurarunt? Legem Prophanarunt? Principes in suis sceleribus fouerunt? Prophetæ & Sacerdotes, Ezech. 22. 25. 26. 28. Numerentur, obsecro, Sacerdotes qui ædificium promouerunt, quot destructores vni ædificanti videbis oppositos? A quibus est lapis ille angularis repudiatus? annon ab iis qui architecti vocantur, non quod reuera id agerent, sed quod eos id agere oporteret, Psalm. 118. 22. Matth. 21. 42. Quoniam, additis etiam minis, Euangelij prædicationem Apostolis interdixerunt & Deo tam contumaciter resisterunt? idem illi, Act. 4. 5. & 5. 21. Hic denique à Sponsa de malis illis agitur vineæ co-

Ionis, qui post seruos interfectos, ipsum heri Filium & hæredem neci dederunt.

Cur Sponsa non expectato vigilum responso sit ulterius progressa. Ne miremur ergo Sponsam nō minus incertā ab istis vigilibus, discessisse quā Spōsum frustra in plateis ciuitatis quæsiuisset. Est enim istud extra omnem dubitationem, miserā illam si in illis angustiis, in quas se demersam esse deprehendit, quum illi Sponsus inopinatō & præter spem suam sese subduxisset, istorū vigilum sententiam esset sequuta, incassum fuisse laboraturam, quum potius fedecant isti vigilēs, perdendis & in auia compellendis ouiculis intenti, quā iisdem consternatis docendis & in viam reducendis. Prudentissimè fecit igitur in eo Sponsa quod non expectato ab istis responso, ulterius est progressa. Sic enim Dominus noster de istiusmodi custodibus loquens, Omittite ipsos, (inquit) Sunt enim cæci & cæcorum ductores. Nam etiam ab ipsis postea verberibus cæsam fuisse Sponsam intelligemus.

Spiritus Veritatis nō esse magis affixum sine exceptione sedentibus in cathedra misterii Evangelici.

Iam autem age, perpendamus an hæc doctrina, nunc certè si vnquam aliàs Ecclesiæ necessaria, noui quoque nostri fœderis temporibus conueniat. Hoc enim vnicum hodie Sathan molitur, hoc cunctis suis satagit viribus, in hoc denique totus est vt miseris hominibus persuadeat, nunquam potuisse nec posse adhuc hodie cōringere vt ij quos Ecclesiam repræsentatiuam vocant (cuius ipsi postea titulos prout ipsis libet vel producant, vel contrahunt aliquando ip-

sam

ſam vocantes Romanam Eccleſiam , aliquā-
 do Catholicam Romanam , aliquando verò
 Catholicam & Apoſtolicam Romanam) vt
 inquam , cœtus ille potuerit vnquam aut a-
 dhuc poſſit hodie ſic deſeri , vt maxima illius
 pars palàm vel ſit ipſa ſeducta , vel aliorum
 ſeductrix. Quod ſi quæras cur hoc fieri poſſe
 negent , quum videamus illud veteri Eccle-
 ſiæ contigiffe , ſtatim ab illis audies , Petro
 chriſtū dixiſſe Rogari pro te ne tua fides de-
 ficiat. At negari certè nō poteſt quin poſt il-
 lam Chriſti pollicitationē grauiter fuerit
 Petri fides concuſſa. Iam ergo ſaltem fatean-
 tur oportet , (niſi ipſorū Eccleſiæ repreſenta-
 tiuæ maiores eſſe vires arbitrentur quàm il-
 lius quo ſe tāquā fundamēto niti nimis im-
 pudenter mentiuntur ,) poſſe ſaltem ſemel
 eò vſque concuti vt Chriſtum etiam tertio
 & quidem cum execratione abneget. Atque
 ô vtinam ter tantum ipſis iſtud facinus con-
 tigiffet. Sed qualis eſt iſta , quæſo , conſuſio ?
 Dominus ſpeciali gratia ſic eſt huius diſci-
 puli ſui miſertus , vt ſtatim agnito peccato ,
 antequam altiùs immergeretur , inde pedem
 retulerit , & quod amplius eſt , euis conuerſi
 deinceps vſus opera ſit ad alios confirman-
 dos & animandos. Ergo pōtifex Romanus
 & Eccleſia Romana non poteſt errare in fi-
 de. Immo quid iſtud ad urbem Romam , aut
 ſedem ibi deinceps erectam attinet ? Hoc ta-
 men excipe in quo Petrum nō conuerſū , ſed

abnegantem sequuntur, quod agnosco libens & fateor auctorem secutus vnum ex præcipuis ipsorum poetis, Petrarcha videlicet, (cuius quotidie poemata excudunt, & versus vulgò cantillant:) iam inde videlicet à multis seculis sedem illam Papisticam antiqua illa Romana Apostolica doctrina abolita, euassisse, quòd ad doctrinam attinet, in templum hæreseos, & quod ad mores, in alteram Sodomam & Gomorrhæam. Nunquid verò aliud magis appositum? Ter dixit Christus Petro, Pasce oues meas, Ergo Papa & quæ caput suum Papam agnoscit Ecclesia, errare non potest, imò ne quæri quidem ex eo potest si plenis plaustis animas in inferos detruserit, cur ita faciat. Deus bone! quàm inauditam impudentiam. Quasi Diuus Petrus, Sedes Romana, & qui in ea sedent vnum & idem sint. Fateor tamen multis ab hinc seculis eos qui sedem istam occupatam in solium regium erexerunt (quod etiam supra Dei solium libenter euexerint, siquidem sibi de ipso iure diuino dispensandi potestatem arrogant, & authoritatem nullius iudicium ac reprehensionem subeundi immo ipsis etiam Angelis imperandi sibi vendicant) à recta fide minime excidisse, utpote quam nunquam habuerint nec etiã vnquam magnopere curarint. Sed multas istiusmodi nugas omitto libens, quòd vel eas ipsi pueri per se diiudicent. Verùm quid hic accidit quod non sit à Christo & Apostolis disertis verbis prædictum

ctum, & iam illorum tempore cœptum?
 Matth. 24. 5. & II. Luc. 21. 8. Ieh. 5. 43. Act. 20. 30.
 Rom. 16. 17. Philip. 3. 2. 2. Thesi. 2. 4. 1. Timoth.
 4. 1. & 6. 3. 2. Timoth. 3. 1. 2. Pier. 2. 1. & 3. 16. 1.
 Ioh. 2. 18. Quod si nec tam expressæ prædi-
 ctiones, nec tota Ecclesiastica historia istis
 quæ diximus probandis sufficiunt saltē hoc
 tempore oculos aperiāt miseri mortales ab
 ista meretrice fascinati, vt istarū rerum effe-
 ctus ipsis pene montibus crassiores intueā-
 tur, effectus, inquam, in omnibus doctrinæ
 Catholicæ fundamentalibus articulis, id est
 doctrinæ à Deo diuinitus toti Ecclesiæ suæ
 iam inde ab eius primordio ad mundi con-
 summationem vsque præscriptæ. Nam ex
 superioribus saltem istud necessariò sequi
 hīc videmus: si non solūm cæcutire iis in-
 terdum contingit quibus super reliquis ex-
 cubandi cura commissa est, sed & cæcorum
 ductores esse: & eos quos clauem cognitio-
 nis habere oportebat, eam tollere immò re-
 ipsa toties iustulisse, atque adeo vt tū ipsi in
 regnum cælorum non introierint, tum et-
 iam alios ab ingressu prohibuerint Luc. II.
 52. nimis impudenter & præfractè conclu-
 dere nostros aduersarios, in iis quæ con-
 scientiam & religionem spectant, necessariò
 in eorum qui successionis Apostolicæ no-
 men sibi arrogāt, & illius in primis insignis
 scilicet Apostoli Romani, de quo iudica-
 re nulli fas sit mortalium, decretis & man-
 datis esse sine exceptione acquiescendum.

*Sacras scri-
pturas omni
tempore esse
omni exce-
ptione maio-
res testes, ex
quibus de ve-
ra Christia-
na doctrina
iudicetur:
quod Chri-
sti & Apo-
stolorum te-
stimoniis
pater.*

Sed age. Tam sit eorum origo Aposto-
lica quàm est Apostatica, annon Iesus Chri-
stus quàm sit ipsa veritas, idem sibi iure op-
tino, Ioàne Baptista de illo testimoniũ pet-
hibere, poterat arrogare? Ioh. 3. 33. at ille tamẽ
doctrinã suam ipse sacrarum scripturarum
examine subiecit, & id etiam ipse fieri iussit.
Ioh. 5. 39. Pari ratione Apostoli, quorum e-
rat irrefragabilis doctrina propter Spiritus
mensuram quam acceperant, huic tunc exa-
mini sese doctrinãque suam subiecerunt
Act. 17. 11. & ipsimet id præstiterunt Act. 28.
23. & disertè obseruari iusserunt 2. Pet. 1. 19.
Est enim omnino ex doctrina Apostolica,
quæ sui ipsius est interpretes, vera Ecclesia dis-
cernenda à falsa, vt illam quidem sequamur,
hanc verò refugiamus. Itaque ex istis etiam
constat quo Spiritu ducantur aduersarij, &
quàm nullius sit momenti præscriptio suc-
cessionis e mentita, quum sint ipsi prædones
potius, & pessimæ hæc possessores meritò
sint appellandi, quando quidem examen i-
stud refugiant ad quod roties à nobis fue-
runt inuitati, & quotidie inuitantur, sed fru-
stra, nisi quod omni iure tũ diuino tum hu-
mano iniquissimum est illis concedatur:
nempe vt ipsi in hac disceptatione & acto-
rum, & reorum, addo etiam iudicum partes
sustineant. Ad te verò, Deus æterne, de his
omnibus tandem opportuno tempore iu-
dicaturum, prouocamus.

Successio

Quid ergo, dicet aliquis, fiet in Ecclesia-
sticis

ficis controuersis, nisi qui in ea sedent An-^{personalis et}
 tistites de rebus controuersis statuunt, & ab^{si forma ser-}
 eorum decretis pendeat quæstionum dubia^{uetur exte-}
 rum decilio? omnia certè, fateor ordine fie-^{rior, non est}
 ri debent in Domini domo, 1. Corinth.^{per se suffi-}
 14. 40. Sed quis hîc est ordo? Is nimirum^{ciens ut ei}
 quem Dominus domui suæ per Apostolos
 præscripsit. Hunc igitur in primis ordini pe-
 nitus adhæreatur, ut quicquid illi additum
 detractum vel in eo immutatum fuerit,
 (de dogmatibus & ordinis substantia lo-
 quor) confusionem non ordinem esse noue-
 rimus: ac eum proinde qui sese confusio-
 ni in Ecclesiam inuectæ, quocunque tem-
 pore vel prætextu obrepserit, forti & stre-
 nuo animo opponit, minimè habendum esse
 ordinis diuinitus cõstituti perturbatorè, sed
 ut ab aliis violati instauratorem laudandum
 & audiendum. Deinde etiam si fortè forma
 exterior istius ordinis in aliquo conuentu
 Ecclesiastico seruetur, non tamen propterea
 Spiritus ille veritatis fuerit sine exceptione
 personis illic congregatis velut alligandus.
 Quàm enim hîc quoque grauiter peccatum
 sit plurimis perspicuis exemplis antea do-
 cuimus, Apostolo testâte peccata in quibus-
 dam vocatis vocationem non præcedere
 sed subsequi 1. Timot. 5. 24. In hoc autem Ec-
 clesiam sæpe fuisse deceptam probate licet ex
 non paucis etiam vetustioris Ecclesiæ syno-
 dis. Tutissimum ergo fuerit hac in re se-
 qui regulam quâ ipse Dominus & præscripsit

& multis exemplis cōfirmavit. Scribæ, inquit, & Pharifæi fedent in cathedra Moſis, vos igitur quæ docent facite, at non quæ faciunt ipſi, idelt, quatenus ſecundùm præſcriptum à Deo per Moſen ordinē veritatem in ſynagogis prædicant: neque vos ipſorum flagitioſa & hipocritica vita impediat quominus quæ rectè docent recipiatis & faciatis. Nec enim veritas vel in verbo vel in Sacramentis à docentis vel Sacramenta adminiſtrantis perſona pendet. Verùm quid alio loco dicit Dominus? Cauete vobis à fermento Pharifæorū. Matth. 16. 9. & alibi, Sinite ipſos, cæci ſunt & ductores cæcorum. Matth. 15. 14. Idem etiam re ipſa falſas ab illis traditas Legis interpretationes pluribus & palàm refutauit, Matth. 5. 6. & Marc. 7. 8. & excommunicationes ipſorum neglexit. Ioh. 12. 42. Quid igitur in his anguſtiis factò opus eſt? nimirum, inquit, dilectus ille diſcipulus, probādi ſunt Spiritus an à Deo ſint 1. Ioh. 4. 1. & Paulus, Omnia, inquit, explorate, & quod bonum eſt retinete. 1. Theſſ. 5. 21. Quibus autem iſta dicuntur? Cuius ſanè Chriſtiano qui ſciens prudens falli non vult, tum iuueni, tum ſeni, tum viro, tum mulieri. Gal.

Doctrina 3. 28.

*huius legiti-
mam praxin
nullam in Ec-
cleſiam con-
fuſionem in-
uehere.*

Nec propterea metuendum eſt ne hac ratione vlla in Eccleſiam inuehatur confuſio. Nam longè ſunt hæc inter ſe contraria, Non pati ſe ab vllò ſeduci, &, Arrogare ſibi docendi munus in Eccleſia, aut quot ſunt in Ec-
cleſia

clesia fideles totidem arbitrari esse Pastores, Apostolos & doctores, quod falsissimum est & omnino repudiandum. 1. Cor. 12. 19. Nec enim ipse Dei filius, quatenus patris minister fuit, in eius voluntate genti Iudaicæ prædicanda, Rom. 11. 8. sibi hunc honorem vsurpauit, vt fieret Pontifex, sed is ei dedit qui dixerat, Filius meus es tu Heb. 5. 5. Quilibet igitur Christianus quouis tempore sedeo præferim quo tenebræ tam densæ vt Luci suum splendorem eripiāt, caueat tum ne cuius temerè credat vel assentiat, tum ne ipse sibi pro arbitrio religionem comminiscatur.

Sed quid tum fiet quum non modò nullus viget ordo, sed quod longè deterrimum est, eò ventum est nefandæ impudentiæ, vt licet omnia sursum deorsum sint euerse, nihilominus tamen sibi omnis istius mali auctores ipsum Ecclesiæ Catholicæ nomē sibi arrogant? Quum pro iis functionibus quas ipse Dei filius ad domus suæ perpetuam in hoc seculo gubernationem instituit, typus bestiae illius profertur, veteris nempe Romani imperij imago? Quum eos demum ritè cenferi vocatos videmus, qui quum cæteros citato cursu anteverterint, antiquiorem diem diplomatis inscriptum proferunt? Vbi sola supersunt functionum Sacrosancti ministerij nomina? Vbi in Dei templum ingressu (id est Scripturæ sacrae lectione in qua vna continetur salutaris veritas) populo interdicitur? Vbi domus orationis non tantum conuerti-

Quàm horrendam confusionem introduxerit in Ecclesiam & introductam fouerit sedes Romana: & nihil minus quàm scismaticos aut hereticos esse qui se ab illa separarunt, per extraordinaria media quæ isti Deus sugges-

tur in apertam nudationem animarum, verum commutata cernitur in omnis falsitatis & abominandæ idolomanie officinam, quæ omnium prophanorum populorum abominationem longè latèque superet? Vbi vel res manibus in ipsam Iesum Christum reipsa transubstantiari creditur, vel certe in rem inanem còverti Iesum Christum, pedibus, capite, & omnis sensus & motus experte & quæ sibi nec à furum vncis manibus, nec à murium arrosionibus cauere possit? quæ denique per se statim dispereat nisi protinus deuoretur? Quis verò iudicabit equum esse ut rebus in tam miserum & afflictum statum redactis, oues famelicæ ad lupos ipsos accedant, & sese iugulandas excoriandas & vorandas ipsis vltro præbeant? ut fluctuantes conscientiae pacem ab iis petant, quos non aliudè quàm ex perpetua nūdiatione animarum tum mortuorum tum viuentiū viuere certū est? ut qui se mundari & purgari cupiunt, altius in omnis spurcitie ceno volutentur? an verò, expectādū ducimus donec porci vitæ puritate profiteantur, & scortatores lenonæ seu lupanaria reformet? At nos cōtrà rota docet Ecclesia & sedulò monet ut caueamus à falsis Prophetis, & nō solū idololatras sed etiā idola fugiamus 1. Ioh. 5. 21. Sic Lenitas & Sacerdotes ex regno Israël rebus in illo perturbatis excessisse legimus: & fuisse quidē aliquos Prophetarum cœtus, sed quibus nulla fuerit cum Baalim aut cum iis qui in ipsorum tēpla conuenie-

ueniebant communicatio. 2. Chronic. II. 14. 2. Reg. 4. 23. Et istud nos disertè monet Dominus inquitens, Relinquitte ipsos, cæci sunt & ductores cæcorum. Matth. 15. 14. At, (excipiunt aduersarij nostri) Christus ipse Hierosolymam venit, ipse in templo, ipsemet denique in Synagoga cum alijs interfuit. Concedo: iustis & necessarijs de causis. Primum enim Hierosolyma tum erat vnica ciuitas in orbe terrarum, in qua Dei cultus exterior eius præscripto publicè administrabatur. Deinde Sacerdotium Leuiticum adhuc erat integrum: Moses & Prophetæ in Synagoga legébantur, licet doctrina multo fermento interpretationum Pharisaicarum esset deprauata, in ipsa tamen multa manebant adhuc integra, & incorruptus perstabat exterior ceremonialis cultus. Deinde quis nescit Christum esse ingressum in templum vt ex eo videntes & ementes flagris deturbaret, & clara voce palàm fermentum Phariseorū, Sadduceorum, Herodianorū, & aliorū dānaret, & eādem etiam ob causam Synagogas frequentasse? At si templi tūc fuisset is status qui fuit sub Achazo, quum structū est altare illud ad Damasceni altaris similitudinē 2. Reg. 16. 11. & 2. Chron. 28. 23. quis nobis vnquā persuadeat Christū in eo fuisse sacris illis prophānatissimis cōmunicaturū? Idem autē interrogatus qua auctoritate faceret quæ faciebat, an sefotutus est Caiaphæ vel magni synedrij Hierosolymitani auctoritate? Nihil min⁹. Sic enim

factus fuisset Satan veritatis iudex: Sed, inquit, Scrutamini scripturas, Iohan. 5. 39. Iohannis testimonio credite, vel illum falsi arguit. Matth. 22. 25. Hoc ipsum verò nos & fecisse confitemur, & alios vt idem faciât docere & hortari, non vt altare aduersum altare erigamus, vt falsò nos calumniantur aduersarij, sed vt Dominj altare, idest Sacrosanctum eius ministerium, aduersus illud Damascenum altare instauremus: quo in opere quum Dominus hanc sit largitus gratiam multis principibus & Magistratibus, vt sese idolis euerfis, ad pij regis illius Ezechiae exemplum, composuerint, & idem nostro tempore suscitavit alios Helias & Eliseos, quid potius faciunt quam vt sese ab istis pollutionibus seungant, & quaecunque poterunt tabernaculum Domini subeant, qui non inter Pharisaici fermèti corruptelas simpliciter iam versantur, sed in medio Babylonice cõfusionis luto immerfi? Istud enim nomen iam Petri temporibus Romanæ vrbi datum videmus si credimus veteribus interpretibus 1. Pet. 5. 23. quo etiã cognomento plerique antiquissimi scriptores Ioannem Apostolum secuti, Romanam Ecclesiam sui temporis denominarunt. Nam obsecro, si Propheticæ scripturæ Christi tempore suffecerunt ad cognitionem Christi, & contrariæ doctrinæ confutationem, an putamus Apostolicas illis vim istam detraxisse, ac non fuisse clarissimi orientis solis instar, dilu-

diluculum Moſis, & Ioannis auroram conſequuti? Si Ioannis Baptiſmus, quæ fuit tantum diei Aurora, iis docēdis ſufficiebat quos ipſe ad ipſum Chriſtum remiſit Matth. 11. 3. & 19. 3. an alias ſcripturas requiremus & interpretationes, non contenti tam magnifico teſtimonio, tot miraculis obſignato, & à tam fidelibus Chriſti ſeruis tã bene perſcripto, quod nos Fædus nouum appellamus?

Denique quiſquis ſciens prudens falli non *Concluſio docens quid ſit in his anguſtiis opus fæcto.* vult, eo tempore quo denſa tenebrarum caligo lucem mortalibus eripit, ſciat non eſſe de rebus iſtis conſulendos falſos illos doctores, ſed vlteriùs progrediendum, & ad Dominum, mediis ordinariis deficiētibus, quâquâ licet conſugiendum: à quo tanquam in deſerto ſuſtenterur. Iſtud non obſcurè docemur in Eliæ hiſtoria quem ſiccitatis anno primo coruus in deſerto paut, 1. Reg. 17. 4. & deinceps vidua illa Sidonis aluit, qui tãdem etiam vnius cibi vi ipſum ſuſtentante, quadraginta dierum & quadraginta noctiũ iter confecit 1. Reg. 19. 8. His enim exemplis interea docemur tēporibus illis calamitoſis à Domino ſuos ali & foueri licet nonnunquam ita diſperſos, vt alij alios ignorent. 1. Reg. 18. 13. & 19. 18. id eſt Eccleſiam Dei foueri in ſuis latibulis tãtiſper dum indignationis eius tempus tranſierit, Eſa. 26. 20. (interrupto videlicet ordinario miniſterio, ſicut accidiſſe liquet noſtrorum maiorum tēporibus tum in Oriente tum in Occidente)

donec Dominus excitata Sponsa sua, rursus
notum facit quantum distet Sodomorum
extextinatio à Sionis visitatione. Es. 1. 9. cu-
ius memor Dominus rudera semper resti-
tuit. Psal. 102. 14. Hæc sunt igitur quæ seculi
nostri experientia docuisse nos & docere de-
bet quotidie, immensa illa Dei miracula per-
pendentes, quibus annis ab hinc sexaginta
testatus est suam erga Ecclesiam misericor-
diam, vt nullum finem dies noctesque pre-
candi faciamus, donec Deus populi sui liber-

rationem propter nomen sanctum

suum consummarit, cui sit ho-

nor & gloria in omnia

secula seculorum A-

men. Domi-

ne Deus.

&c.



IN CANTICVM CAN-
TICORVM HOMILIA
VICESIMAQVINTA.

Auxilium nostrum sit à Domino, &c.

Quod sequitur extat in Cap. 3. vers. 4.

4 Paululùm præteriueram ab illis,
quum inueni eum quem diligit ani-
ma mea: prehendi eum, non futura
eum vsque dum introduxero eum in
domum matris meæ, & in conclaue
genitricis meæ.

Quantam diligentiam Sponsa in per- *Non quicquid*
quirendo Sponso suo adhibuerit quæ *que vigiles*
ipsa sibi deperitum arbitrabatur, & *haberi voluit*
quomodo in plateis quæsitu non reperit, *propterea*
nec à vigilibus vbinam esset reperiendus re- *boni sunt vi-*
giles.
scire potuerit, proximo sermone copiosè sa-
tis exposuimus. Subest tamen adhuc quædam
difficultas in eo quod diximus per Vigiles
intelligi falsos pastores in ciuitate Dei, quæ
est Sponsæ domicilium, idest in Ecclesia ver-
santes: cui expositioni videtur prorsus re-
pugnare quòd hoc versiculo custodes isti nō
dicuntur fuisse à Sponsa reperti in priuatis
ædibus somno sopiti (neque enim in ipsos
incidere potuisset, nec somno sopitos esset
percontata) sed vnusquisque sterisse in statio-
ne sua excubans prout fidos custodes decet

ciuitati tuendę dispositos. Hoc enim vix euenit falsis pastoribus, quos potius in cubilibus suis torpentes, vel in lustris ac popinis, vt amicas luto sues hærentes, quàm in speculis suis ad gregis sui custodiam vigilantesprehendas. Nodum hunc vt expediamus, aio Pseudoprophetarum duo esse genera. Vnum eorum quorum vita sceleribus est insignis, adeò vt fronte perfricta omnem pudorem abiecerint: quorum alios videas (ditiores videlicet) sacrilegos, venatores, ganeones, heliiones, ebriosos, scortatores, adulteriis infames, Deum ventrem suum colentes: tales denique qualem Bernardus Eugenij Papæ curiam describit: quam ab illo tempore non esse in melius immutatam, ipsi quatuor orbis cardines testantur quos longè latèque virus suum effundens contaminare non desinit: alij verò (tenuioris census homines, cuiusmodi sunt miselli illi missificatores, Capellani, magnatum eleemosynarij) palàm lenocinium faciunt, & omnis se turpitudinis administratos præbent, vel ditiorum familiarum procuratores agunt, coqui sunt, equorum curatores, sectatores denique potentiorum, vt eorum feruentis ollæ iusculo reficiantur. Intererea pannosi sacrificuli vicariam operam subeuntes vrbes & pagos circumeunt, ad membranas dies noctesque vlulant, viuos & mortuos sedulò negoriantur: hanc conductitiam mercaturam, licitatione, quam minime tamen possunt pretio, adepti, miseras ouiculas

uiculas cantionibus delinitas deglubunt, hoc diligenter cauentes, ne qui alij lupi in suam prædam inuolantes eam sibi præripiant. Talis est eorum hodie erga Domini nostri ouile cura & sollicitudo, qui tamen Ecclesiæ Catholicæ columnas & cultus diuini custodes & defensores haberi volūt: quæ si falsò à me dici respondeant, cælum ipsum & terram testes ipsis fero, atque aded ipsas eorum conscientias, si quæ illis supersunt. Alterum Pseudopastorum genus est planè personatum, & huic dissimile eo excepto, quòd vtrisque est hoc commune quòd nihil minus sunt quàm id quod haberi volunt, veri nempe & fidi Pastores, quum seipsos & cæteros variis modis ludificentur. Alios enim ex istis videas, quorum pectus est prorsus impium, eos ipsos aperte deridere, à quibus maximè suspiciuntur: alios verò vana superstitione fasciatis, sicut ipsi falluntur, ita etiam alios fallere, & sibi & aliis persuadentes, suis commentis quantumuis falsis ac ridiculis, iræ Dei flammam posse restingui, nec corpori nec animæ suæ parcentes, quos Apostolus ipse disertè notat, Colos. 2. 22. & 23. De his autè postremis duabus istorum speciebus Sponsam hîc propriè loqui certissimum est, quos cernere licet infinitas alias suas (quas vocant) deuotiones, in templis ac sacellis, à crepusculo matutino ad vespertinum solidos dies vorando suo crucifixo intentos, alios quidem ex mera hypocrisis cultum Dei simulantes, alios verò zelo

sine scientia impulsos : qui omnes, si quando in Ecclesiæ persecutionem est coniuratum, statim vnanimes & alacres, excusso somno, relictis suis delubris & cellulis, cultûq, omni ordinario, ex insidiis in miscellas oues quotquot se ipsorum vnguibus subducere conatur, impetum faciunt: summi illius nimirum Hierosolymitani consilij exemplum secuti, quod insomnem duxisse totam noctem legimus, vt Iesum Christum Dominum nostrum interciperet, & quæstione habita, innocentem condemnaret, quum tamen Petrus & reliqui eius cõdiscipuli tam alto somno premerentur, vt ab eo excitari non possent. Itaque non satis est vigilare: (vigilat enim etiam Satan, & excubant ad malum omnes eius emissarii) sed in bonum vigilandum est. Sunt enim omnium nocentissimi qui ad malum sunt quàm expeditissimi.

Non statim
occurrrens
Sponsus in-
dicas se vel-
le ut eum
queramus.

Verum vafros istos negociatores & conscientiarum mangones missos faciamus, & ad expositionem verborum Sponsæ transeamus. Dicit itaque se *paululum ultra custodes illos prætergressam, in dilectissimum illum suum incidisse, quem protinus arctè complexa sit, neque dimiserit quoad illum introduxerit domum, immò in ipsam cõclauem matris suæ.* Hic autem paucis repetendum videtur, quod iam antea dignum esse obseruatione indicauimus, Dominum nempe non ideò suorum velle sanctum desiderium à se in cordibus ipsorum

pforum excitatum frustrari, quòd aliquando
sui conspectum ipsum quærentibus deneget,
sed istud ab ipso fieri, vt ita nostra in quæ-
rendo diligentia exacuatur, & vt inuentum
eum tanti faciamus quanti par est, vt sit no-
bis inuentus charior & pretiosior. Est enim
apud homines rerum earum quas nullo ne-
gotio sunt adepti nimium frequens cõtem-
ptus: cuius rei nobis hîc luculêtum exhibe-
tur testimonium. Nam quomodo Deus con-
stantem ipsum quærentium perseverantiam
despiceret qui perditam ouem ultro requi-
rit? psal. 119. 176. Luc. 15. 4. qui fugientem Ada-
mum persecutus est? Gen. 3. 8. & 9. qui se de-
nique ab iis inueniri fecit qui ipsum nō quæ-
rebant? Esa. 65.

Quam igitur idoneam excusationem præ-
texent, qui etiamnum hodie licet conscien-
tiæ propriæ testimonio & cruciatu coarguā-
tur, tempori tamen seruiunt, dum alij decre-
tum Concilij cui assentiantur, alij pacis con-
ditiones certissimas expectant, antequàm a-
pertè suam sententiā profiteantur, & gregi
Christi annumerêtur? Quod si interea fores
occlusæ fuerint, quis illas est aperturus? Mat.
5. 10. & Esa. 22. 2: Si tempus reperiendi Spon-
sum interea præterlabitur, quis illius deinceps
inueniendi potestatem faciet? Matth. 25.
10. & Ioh. 12. 10. Esa. 55. 6. At enim, (excipiunt
nonnulli,) sumus indocti & idiotæ. Esto.
Cur igitur discendi studio non accenderis,
vt doctus euadas. Quorsum enim Deus nisi

*Quid iis qui
nostro adhuc
seculo tem-
pori seruiunt,
& directè
nostre huius
Sponsæ dili-
gentiæ repu-
gnant, varias
sum Scriptu-
ræ interpre-
tationes, tum
doctorum o-
piniones ob-
iicientes sit
respondendum.*

ad sui notitiam hominibus est ingenij sagacitatem largitus: Accede cæce ad eum qui oculos finxit, & cæci eos largitur. Psalm. 140. 8. Vbi te cæcum esse agnoueris, viam tibi ad obtinendū lucis vsum itrauiſti. Ioh. 9. 39. Excipiūt alij, terreri se tot variis imò etiam inter se contrariis Doctorum opinionibus, inter quas incerti fluctuent. At nōne idem prætexere potuerunt qui Christum secuti sunt, quum in multas sectas esset Iudæorum populus diuisus, Phariseos dico, Sadducæos, Essenios, Nazaræos, Herodianos & Samaritanos? Quid igitur facto opus est? Nempe quod hîc à Sponsa docemur, vt forti & præſenti animo vlteriùs progrediamur, futurum enim eſſe vt tandem Christus ipsum quærentibus occurrat. An verò (inquies) descensurus est è cælo conſpiciendus? Neutiquam. Semel enim ex cælo descendit, & in illos denuò ſublatus est, quibus illum contineri ad vltimum vſque diem oportet: ita tamen vt licet corpore abſens, ſuis tamen ad conſummationem vſque ſeculi diuina ſua virtute præſens adſit. Vbi ergo ſe tandem conſpiciendum præbet? nempe in ſcripturis, ad quas nos ipſe reuocat, ſicut ſuperiore concione fuſiſſimè docuimus: & nos Abrahamus etiam in illa parabola docet, in qua infelicem illum diuitem pro fratribus intercedentem, ad Moſen reuocant. Luc. 16. 29. & Eſa. 8. 20. Qua in re omnino fatendum eſt meliorem eſſe noſtram quàm Sponſę hu-

ius conditionem, si temporum quibus ipsa locuta est rationem habeamus, quum scripturarum Apostolicarum lux sit infinitis modis clarior scriptis Propheticis, teste ipso auctore epistolæ ad Heb. & idem designante Apostolo Coloss. 2. 17. in illa Corporis & Umbrarum insigni collatione. Atqui, excipiunt, citat pro se scripturas istas quilibet disputatium. Quid ergo nobis inter hæc dissidia faciendum? Tu, quisquis es, primum diligenter scrutare an quæ testimonia proferuntur ex Sacris verè ac syncerè sint petita. Ausim enim ego istud audacter sine fraude aut villo mendacio asseuerare, innumera loca in nostrorum aduersariorum scriptis reperiri quæ falsò & fallaciter ex scripturis exscripta dicuntur, nullibi in sacris libris reperta, & quæ non facilius in libris sacris quàm paradisum in inferis reperias. Deinde istud expède, non minùs fallaciter eos citare scripturas, qui ad veritatis confirmationem aliunde quæsitis vtuntur testimoniis, quàm ex iisdem illis solis Propheticis aut Apostolicis libris, quibus minus non prohibetur quidquã addi, quàm detrahi, vel in ipsis aliquid immutari, quandoquidem complectuntur solæ omne Dei consilium quod ad nostram salutem attinet. Ioh. 15. 15. & Act. 20. 25. Quòd si quis excipiat non quæcumque Apostoli docuerunt fuisse ab ipsis perscripta, in hoc putidum commentum primum regerantur quæ habentur. 2. Tim. 3. 17. Vbi Paulus nominatim dicit, Scri-

pturam esse sufficiētem vt perficiatur homo Dei. Deinde conferantur illæ istorū non scriptæ traditiones cum Scripturis sacris, tū apertè superatis tenebris Lux eminebit. Tertio etiam loco istud cōsideremus, quum varię in aliquem locum occurrunt interpretationes, id fieri tum quòd non omnes parem Spiritus intelligentiæ mensuram acceperint, tum etiam quòd Scripturæ tanta veritatis omnis abundant copia, vt ex vno & eodem loco plures non à veritate alieni sed ædificationi seruientes sensus exprimantur, ex quibus quilibet fructū queat percipere. Verūm quoties ita sibi contradicunt quæ ex illo loco eruuntur sententiæ, vt necessariò altera alteram arguat mendacij, tum ex collatione locorum sacre scripturæ dignoscēda est veritas, vt sui ipsius interpretes ipsa sit scriptura, & exēplū Domini nostri Iesu Christi, Mat. 4. 6. & 7. ac veterum etiam conciliorum sequendum est, quibus hæc vnica vera & certa fuit regula qua fallas omnes hæreticorum allegationes explorarēt & coarguerent. Præterea omnes omnium opiniones ad analogiam fidei quam Symbolum Apostolicum vocamus examinandæ sunt: quod si sedulò absque præiudicio fiat, nemo decipi poterit, ne ex ipsis quidem idiotis & ignarissimis hominibus, nisi spōte decipi velint, sibi que ipsis laqueos ponāt, modò animum præbeant docilem & puro discendi studio afficiantur, quod esse verissimum testatur

Psal. 119.

Psalm. 119. 8. & Esa. 55. 6. Et hæc quidē est via quam si huius Sponsæ exemplum secuti tēnuerimus, idest si Iesum Christum domi suæ quæsierimus, ipsum nullo aberrandi periculo Sponte occurrentem nanciscemur..

Verūm quid nobis profuerit inuentus Sponsus, nisi apprehēdatur? quid apprehensus, nisi eò vsque retineatur vt ipso frui liceat. Non sanè magis quàm cibus optimus inuentus iuuat si non attingatur, nec in os assumptus nisi in stomachum ingeratur, nec ingestus denique prodest nisi bene concoquatur. Eheu verò quàm est ingens istiusmodi conuiuarū numerus. Nam vt de iis nihil dicam qui diuinū hoc epulū aspernātur, & eos etiam missos faciam, qui quum ipsi ad hoc epulum non ingrediantur, alios etiam vt ab ingressu deterreant nullum fraudis & violentiæ genus inexpertum relinquunt: Matth. 23, 13: istis (inquam) omisissis, quo loco censebimus eos qui in aulam quidē conuiuij ingrediuntur, & in ipso vident & exaudiunt eum qui & cibus est ipse & conuiuij dominus, Iesum videlicet Christū Dominū nostrum: sed ad mensam assidere dedignantur, & os etiam aperire detrectāt, quo præbitum sibi iam præmansum cibum cōficiāt? Quot sunt præterea contemptores? quot helluones, qui pasci quidem volūt, sed ex illo minimè auferunt quod ad interiorē hominem attinet, quorum vita plus satis testatur ipsos nullū adhuc sensum neque mo-

Non satis est Sponsum quæsitū diu inuenisse, nisi apprehendatur & retineatur, & quàm variè hac in parte peccetur.

tum eius Spiritus habere, in quo omnes verè Christiani viuunt, sicut etiam ipse viuit in ipsis? Gal. 2, 20. Hinc illa Israël & Iudæ perditio, cuius adhuc perdurantis testes nostri sunt oculi. Hinc illa Ecclesiarum Asiaticarum extincta & sublata candelabra, quam cladem Dominus in Apocalypsi tot antè seculis fuit comminatus. An verò putamus aliunde quàm ex hoc fonte manasse diluuium illud quo Mahumetes cum suo commilitone Antichristo Romano quatuor orbis regiones inundauit? Et nos videmus quidem ista, sed quotusquisque hæc attendit? Quis illà Apostoli de Gētium plenitudine Prophetiam attentius considerat? Rom. 11. 25. nempe vt idem nobis quod diebus Noë contingat. Matth. 24. 37. Oro vos itaque, Fratres, ad ista mecum mentem aduertite, ne somno sopiti reperiamur, Luc. 12. 37. &, quod absit, extra conuiuium in tenebras exteriores proiciamur. Mat. 21. 22. ac tādē extra Dei templum vt scobes ac sordes putidę summo nostro dedecore deturbemur.

Sponsi charitas Sponsæ prais ut se quæsitum reperiat.

Sed singula tam sedulę huius Sponsæ verba, sunt etiā diligentius expendēda. *Ego, inquit, eum reperi quem amat anima mea.* Sponsus enim is est qui fecit vt ab hac sponsa quā prior dilexit inueniretur, præeuntem videlicet sibi tanquam ducem, hunc ipsum amorem Sponsi sequuta.

Vera fides sola manus

Apprehendi eum. At quibus vlnis! Fidei nimis mirum. Ipsa enim sola vas est ad recipiēdum aptum

aptum, & sola illa manus qua apprehenditur. *est qua Spō-*
 Sed fidem istam firmam esse oportet, vt se- *sus reperitur*
 mel apprehensus nunquam dimittatur. Nam *& retinetur.*
 alioquin hæc non esset vera fides, quæ Dei
 donum est electorum proprium & inuaria-
 bile, Rom. 11. 29, sed inanis quædam opinio,
 ad leuissimum quemque venti flatum eua-
 nescens, & quadantenus quidem degustan-
 dum bonum Dei donum, non autem deglu-
 tiendum & concoquendum recipiens, Heb.
 6. 5.

Sed quomodo in nobis fides illa fouetur, *Quo sensu*
 atque adeò per illam Christus in nobis reti- *dicatur Spō-*
 netur? Paucis verbis hoc declarat Sponsa, *sa matrem*
 quum ait, se introduxisse Sponsum domum, *habere, apud*
 atque adeò in conclaue genitricis suæ, quo- *quam una*
 rum verborum, vt sensum percipiamus, ob- *cum Sponso*
 seruadum est Ecclesiam variis modis in Scri- *se recipit.*
 pturis cōsiderari. Proponitur enim aliquan-
 do vt cum suo capite corpus vnum efficiens,
 adeò quidem vt nonnunquam ipsius Christi
 appellationem fortiaur, 1. Cor. 12. 12, quasi sit
 Ecclesia ipsius Christi complementum, vt
 loquitur Apostolus: Eph. 1. 23. quo respectu
 Ecclesia matrem nullam habet, sed vnicum
 illum patrem cœlestem. Aliàs verò sumitur,
 nulla quidem ratione habita circumstantia-
 rum, temporum vel locorum, sed à Christo
 suo tamen distincta: qua etiam ratione, nul-
 la est illi mater, sed vnus Pater cœlestis, iti-
 dēque primogenitus vnicus frater & Spon-
 sus, Christus. Nonnunquam verò ratio tem-

porum & locorum attenditur, quo respectu Paulus dicit se Galatarum Ecclesiam genuisse, Gal. 4. 19: & Corinthiorum patrem sese vocat. 1. Cor. 4. 15. Et hoc sensu forsitan Ierosolymitanam Ecclesiam (non autem Romanam) non absurdè dixerimus reliquas omnes Ecclesias peperisse, quòd ex ea sit egressum Dei verbum, semen illud incorruptibile, 1. Pet. 1. 23. Esa. 3. 3. Zach. 14. 8. Hoc ipso etiam respectu, hoc in loco, Sponsa quæ, si generatim & vniuersaliter eam cõsideres, vna & perpetua est, distinguitur (prout alij alios gignunt Domino) in veterem Ecclesiam sub Lege, & in Ecclesiam Christianam quæ illi priori successit: ex qua loquendi formula, nostra quæ nunc est Ecclesia, matrem habet Ecclesiam illam primitiuam, quam vocant. Hæc igitur Sponsa (quam vt Davidis & Solomonis temporibus vigentem consideramus) verbis istis ostendit sese, post illas tempestates & horrendas cõfusiones, quibus plena fuerunt illa Iudicum & Saulis calamitosissima tempora, quum tandem Sponsum velut ex improviso reperisset, se cum ipso apud matrem suam recepisse, id est gausam Sponsi sui agnitione & fruitione, sese ad formam veræ illius antiquæ Patriarcharum Ecclesiæ, cui postea lata Lex normam dedit, & quæ ipsam Domino genuit, composuisse. Nam in Ecclesia Dei, in hac, inquam, sola regnat Sponsus, beneficiis eius fruens, interea dum reliquam mundi partem sæua tyrannide in densis tenebris & maledictione

etione premit is qui sibi mundi imperium vindicat.

Definant itaque nobis obloqui aduersarii nostri quasi nullum honorem Ecclesiæ deferramus. Absit enim vt non vtrò agnoscamus & profiteamur Ecclesiam Apostolicam matrem nostrā esse, in qua nos Spiritus sanctus suo tempore genuit & lactauit, vt adhuc hodie nos eiusdem nutricis alumnos fouet. Non est itaque in eo posita nostra disputatio, An sit aliqua extra Ecclesiam salus, neque An Ecclesia sit piorum omnium mater, in cuius conclauis nos permanere, & vt genuinos liberos educari necesse sit. De his (inquā) minimè ambigimus. Sed de hoc inter illos & nos cōtrouertitur. An ipsi sint vera Ecclesia, ac non potius adultera illa & scortatrix, quæ matrem suam, subductis eius liberis, in desertum compulit, quos mater ipsa iam reposit, & Sponsus ipse noster quotidie ad se reuocat.

Doctrina superioris ad nostra tempora applicatio.

Verūm ex hac loquendi formula duplex hīc rursus oritur questio. Nā primò si Sponsus non reperitur nisi in Ecclesia, & ista Ecclesia mater nostra est, quā extra eam Sponsa Sponsum reperire potuit. Nam quomodo diceretur à Sponsa in domum introductus, si iam erat in domo, & in ea erat repertus? Ad hæc itaque dicimus verè quidem dici Sponsum habitare in hac domo, id est virtutem & efficaciam suam salutarem in ea potissimum exerere: Sed hoc tamen non impedit quominus foras, vt ita dicam, prodeat, liberos

Quomodo Sponsus à Sponsa sua extra domū reperiatur.

suos, in ipsius meretriciæ & perfide matris sinu quæsiturus, & in libertatem asserros domum suam deducturus, quod clarissimè nostris tēporibus patuit, quibus Sponsus quam plurimis ex cloacinis illis ministeriorum cauernis ereptis, quodammodo triumphauit. Non ablimili modo ex Ierusalem exiuit, missis in Orientem & Occidentem suis Legatis, ad nos vocandos & ad se adducendos, nos, inquam, miseras Gentes quæ sine Deo eramus, & nihil minus quàm eius populus, vt in lucem admirabilè nos educeret, Ephes. 2. 12. Hac igitur ratione Sponsa foris reperit Sponsum suum, à quo aliquatenus aberrarat, sicuti supra pluribus exposuimus.

*Quo sensu
Sponsa dicitur
in matris suæ
domum Spon-
sum introducere.*

Altera quæstio ex iis verbis oritur quibus Sponsa dicitur Sponsum introduxisse in suæ matris domum, quum è contrariò nos prior Sponsus quærat, inueniat, & inuentos domum suam introducat. Sapè istud est extræ omnem controuersiam, & nos hunc decet honorem Deo tribuere, vt agnoscamus ac fateamur ipsum vnum esse qui ex infinita & immensa sua bonitate, quemadmodum in Filio suo nos destinauit ad salutem ante iacta mūdi fundamēta, ita etiā suo tēpore nos per auia vagantes quærat, ipsum fugientes inueniat, inuentos domum suam, quæ est bonæ nostræ & sanctæ matris domicilium, introducat. Sed ista non sic agit in nobis, vt interea trunci vel stipites simus, quos sine interiore nostro motu & sensu hūc illuc impellat.

Deus

Deus ergo quærit nos, creans in nobis desiderium ipsum quærendi: nos reperit, efficiens in nobis & media & vires quibus ipsum reperiamus: inuentum ipsum amplectimur, ipso in nobis fidem qua apprehēdatur creāte: denique nos in matris nostræ domum introducit. hanc etiam nobis tribuens gratiam, vt velimus in veræ Ecclesiæ numero censerī, apud eam perpetuò mansuri. Pulchrè ergo hæc inter se conueniunt, si modò vnum hoc addiderimus, Quòd quemadmodum Deus in nobis, producit effectus naturales per causas naturales quas in nobis creauit, ita etiam quum de donis illis supernaturalibus quæstio est, (quandoquidem caro & sanguis ista nobis non reuelant. Matth. 16. 17. & nostra aded naturalis sapientia inimicitia est aduersus Deum. Rom. 8.) fatendum esse puritatem intelligentiæ & rectitudinem voluntatis, merè gratuita dona esse ab eo profecta qui mentis nostræ oculos illustrat Ephes. 1. 8. & in nobis creat velle & facere, Philip. 2. 13. aded vt quàm hoc enunciatum verum est, Mundum à se ipso non exitisse: & Mortuum cadauer excitare seipsum nō posse, tam istud sit certum, quum de animæ Luce quæritur, siue in intelligētia, siue in rectitudine voluntatis, Nos Dei opus esse ex mera & vnica eius gratia. Ephes. 2. 11. & 5. 19.

Vnum porro quiddā adhuc superest hoc loco obseruandum, quod hic dicitur, tum de *Quàm necessariū sit ut*
primò in do-
mo, tum de matris huius conclauī. Grauis e- *mum, post in*

*ipsum con-
clauē intro-
ducant.*

nim in ipsis later admonitio in quam seriō
intueri debent quotquot sanctos publicos
conuentus negligunt , à Domino ab omni
seculo in Ecclesia institutos , & sine quibus
(quid est enim aliud Ecclesia nisi cœtus extra
mundum conuocatorū) aio Ecclesiam quo-
dāmodo speciem , externā Ecclesiæ ad tem-
pus amittere , sicuti grex ouibus penitus dis-
persis , vix gregis nomen retinet. Neque his
obstat quod de externis Ecclesiæ notis in-
terdū interruptis alibi diximus. Aliud enim
est, quoniam in solitudinem iusto Dei iudi-
cio redacta sit ecclesia , priuatim sese domi
continere , quàm cœtus communes hominū
metu vel per superbiam , vel alio finistro af-
fectu aspernari. Certè ne sub Iezabelis qui-
dem tyrānide , nisi in ipso persecutionis fer-
uore desuisse cōmunes in Israelis regno con-
uentus ex Eliæ & Esaïæ & regum illorū hi-
storijs liquet. Immo ne in ipsa quidē captiui-
tate penitus destiterunt delectis etiam se-
nioribus conuenire , vt apparet ex plurimis
Ezechielis locis. Contemptores igitur sacra-
rum cōcionum hic appello , quorum vni bis
duntaxat hebdomadatim , alij singulis tan-
tum Cœnis Christianissimum suum publi-
cè profitentur : alij denique prorsus ista
nō curant, deplorati homines & coram Deo
& hominibus detestabiles. Denique non de-
sunt nimis multi quibus nulla est religio in
medias idololatararū sordes, Lothij exemplū
secuti, recurrere: Aliis deniq; nunquā visum
fuit

fuit sese cœtibus Ecclesiæ aggregare, quos si increpes quòd Christianismū suū apertè nō profiteātur, statim suas priuatas meditationes & secretiores preces obtendunt, quibus speciosis excusationib⁹ diffidētiā & auaritiā suam quas vltro cōfiteri deberent occultāt, sibi tandem ipsis persuadentes pulchrè satis secum agi. Sed longè aliter de his iudicat Apostolus Heb. 10. 25. his verbis grauitè fideles obtestans, Ne deferatis (inquit) aggregationem nostri mutuam, sicuti mos est quibusdam. Et sanè si quis ipsi excusationi locus esset, an non ita Prophetæ & Apostoli, aliique priuati in Ecclesia homines, fideles Domini, martyres, infanīe & furoris damnarētur, vt qui sibi tam malè cōsuluerint? Ista est igitur insignis Satanæ versutia, sic corpus istud, cuius nulla satis arcta esse potest coniunctio, in partes varias secare conantis. Annon verò tandē nos huiusmodi priuatorū & sui arbitrij Christianorū exitus satis docet, quibus in rebus sese domi in suis familijs exerceant? Neque id sanè mirari nos oportet, quum in ijs etiam quos frequenter concionibus interesse videmus, & quos frequētib⁹ reprehensionibus, admonitionibus, consolationibus, documentis excitamus, tātam segnitiam ac socordiam, summo nostro cum dolore, animaduertamus. Itaque, Fratres, per Deum immortalē oro & obtestor vt hæc penitiùs cordibus nostris infigamus quòd hoc in loco Spōsa de se testatur: quòd

se nimirum cum Sponso domum receperit, & in ipsum quoque matris suæ conclaue. Quid ijs igitur futurum putamus qui hanc domum ne à limine quidem salutare volunt, & sese somniant foris vltro permanentes, Christo commodiùs fruituros? Immo verò ne istud quidē sat est domū ingressum esse, sed intra ipsum vsque cōclaue est penetrandum. Multi enim domum ingrediuntur, qui in illa non censentur, quū eam ingressi sint statim exituri. At in matris istius cubiculum introiisse, est in quietis eius locum peruenisse, vbi se illa spectandam & audiendam exhibet & verò pane vitæ suos sustentat.

*Exhortatio
ad doctrinæ
huius præ-
xin.*

Quum igitur Deus noster pro singulari sua erga nos bonitate, nobis istud donum largitus sit, vt inter tot procellas totque tēpestates quibus mundum sursum deorsum ferri videmus, & quibus cernimus paucis ab hinc annis tot florētes Ecclesias prostratas corruisse, tuguriolum istud aduersus tot ferarum latratus rectum sartumque perstiterit, an illius obliti, diuturnam eius clemētiā pedibus calcabimus? Absit à nobis, ō vtinam, tantum flagitium. Tu verò potiùs, Deus optime, frigidus inflamma, recedētes, reducito, pigros impelle, debiles confirma, nobis denique istud clementer largire vt secundum Apostoli exhortationem Col. 3. 16. sermo tuus in nobis copiosè habiter, vt eximix & proceræ simus in viridarijs tuis, & fructiferæ arbores, donec ex terrestri & corruptibili

ptibili hac domuncula, in cœleste illud palatium perueniamus, vbi tecum regnemus in æternum. Quum verò in his omnibus rebus hactenus Deum grauissimè offenderimus, gratiam eius & misericordiam his vnà mecum omnes verbis supplicibus deprecemur. Domine Deus, &c.



IN CANTICVM CAN-
TICORVM HOMILIA
VICESIMASEXTA.

Auxilium nostrum sit à Domino, &c.

Quod sequitur extat in Cap. 3. vers. 5. 6. 7. & 8.

5 Obtestor vos, filiæ Hierosoly-
mitanæ, per Capreas siue ceruos a-
grorum, ne excitetis néue expergef-
ciatis dilectionem donec velit.

6 Quæ est ista quæ ascendit è de-
serto quasi columna fumi, delibuta
myrrha ac thure, omnique genere
pulueris pigmentariorum?

7 Ecce, lectus ipsius, (nempe) qui
Solomonis est, sexaginta Heroës cir-
cunstāt illum: strenuissimi inter Isra-
ëlitas.

8 Vniuersi enses tractantes ac
bello assuefacti: quisque gladium ad
femur habens, aduersus noctis terri-
culamenta.

*Tantam esse
Ecclesie au-
ditoriatē ut
nullus eam
sic inquam* **D**lu sese Sponsa in perquirendo Sponso fa-
tigauerat, itaque tandem inuento ipso,
apprehenso, & domum matris suæ perducto,
tam felici sua conditione iam læta prefruitur,
non

non quòd Sponsus ipse sit sopitus quum cu-
 stos Israëlís nunquam dormitet. Psal. 121. 4. *additur quin-
 malè cum il-
 lo sit actum.*
 sed quòd ipsa in eo quiescat, ipsum in corde
 fouens; & inenarrabilem illam pacem inde
 hauriens, quæ animarum vera quies est
 Matth. 11. 19. & Ro. 5. 1. Ipsa porrò non ignara
 multos hinc piorum quieti aduersari quos
 etiam media ipsa Hierusalem foueat, id est ex
 iis potissimum qui nihilominus præcipua
 Ecclesiæ membra videri volunt, graui cum
 interminatione ipsos obtestatur, Hierosoly-
 mitanarum filiarum nomine, ne Sponsi cum ipsa
 Spōsa quiete interturbent, quasi denuntians
 alioqui se effecturam vt ipsos facti pœniteat.
 De quiete autem ista & obtestatione etiam
 multa iam diximus in cap. 2. 7. vbi totidem
 ferè verbis vicissim vtitur Sponsus, Ne Spon-
 sæ quies interturbetur, quædam tamen spe-
 cialiter hinc sunt nobis annotanda. Posset e-
 nim certè sic loquens audacula videri, quum
 hæc obtestatio Sponsum potiùs deceat penes
 quem summa auctoritas residet, & in quem
 Sponsa potiùs reicere istius custodiæ curam
 omnem & sollicitudinem debeat. Agnosco
 verò Iubens Sponsam grauius hoc loco &
 magnificè loqui. At quidni sic loqueretur?
 Nam quum pro se, & apud se, imò in sese ma-
 ximum illum & potentissimum Regem ha-
 beat, ecquis impunè tam proiectæ fuerit au-
 daciæ vt in eam insurgat, quem ipsa vltro
 non prouocet? Infinita sanè huius rei exem-
 pla nobis cum suis effectis coniuncta sacræ

literæ suppeditant. Iosue Soli imperat, cuius Sol obsecutus mandato cursum suum sistit. Ios. 10. 12. & quid viris suis Dominus in ipsam rerum naturam polliceatur notum est ex Matth. 17. 20. minimè id tamen vt donum miraculorum perpetuum in Ecclesia stabiliatur, sed vt nouerimus Ecclesiam non frustra minis istis vti aduersus eius quietis perturbatores quam ei Sponsus concedit, vt pote quæ sibi expositam habeat huius Sponsi potentiam, qui potestatem omnem habet in cælo & in terra. Dona verò temporalia, idest quæ ad huius vitæ communem vsum spectant, quæ Dominus Ecclesiæ suæ largitur, parua sunt & exigua, si cum thesauro illo spirituali conferantur Ecclesiæ proprio & peculiari. Sed tamen ne iis quidem bene cessit qui Dei filios in his terrenis offenderunt, Deo inclamante, Ne tãgite vnctos meos, Psal. 105. 15. vt qui sacrilegia vindicet in prophanis etiã & idolorũ cultoribus vt plurimæ gentiũ illarũ historiæ testantur: neq; diu inulta māsūt Ægypti & Babylonis aduersus populũ Dei sãuitia. Deniq; nõ temere caput de mēbris suis loquens è cœlis clamauit, Saule, Saule cur me persequeris. At hic potissimũ agitur de bonis spiritualibus, & proprio Ecclesiæ thesauro, nēpe de Sponsi fruitione, & tota domus ipsius œconomia. Pharaon quidẽ tantum bonũ Israelicæ Sponsæ inuidit, conatus primò sine vlla exceptione, deinde certis conditionibus impedire quominus Sponso potiretur: sed

quam

quā istud feliciter ei cesserit notius est quā
ut hic repeti sit necesse. Non alia fuit Assy-
riorum & Chaldaeorum conditio, qui tem-
plum urbemque solo adæquarunt. Nec al-
iter cum iis actum est, qui templi ædificium
pro viribus impedire sunt conati. Contrā
verò magno illi Alexandro, licet prophanō
& ambitioso mundi prædatori, videmus Deū
in terrenis istis benedixisse, quod se longe
aliter in Israëlitas gessisset. Huius successores
tum in Syria tum in Aegypto nobis in vtram-
que partem plurima diuinorum iudiciorum
suppeditāt exempla, prout vel mutuam quie-
tem Sponsi & Sponsæ fouerunt, vel illam
perturbare conati sunt. Duorū illorum Ro-
manorum Imperatorum Crassi & Pompeij,
quos primos in ea gente legimus Dei tem-
plum aggredi ausos (licet eo iam tempore
fœdissime à propriis custodibus profanaren-
tur) tam fuit calamitosus, tam infelix & tur-
pis vitæ exitus, ut eum cæcum esse oporteat
qui Dei gladium in illos districtum non ani-
maduertat. Nec diu potitus est imperio Titus
quāuis iræ Christi gladio armatus. Romanū
autem Imperium, ex quo Sponsæ isti bellum
inferre cœpit, Deo sic & ingritudinem po-
puli sui vindicante & in huius Sponsæ pa-
tientia triumphante, non destitit esse sui ip-
sius carnifex, suis sese conscindens manibus,
donec frustulatim laceratum corrueret.

Porro bestia aduersus quam hodie decer-
tamus, ad typum illius veteris Imperij Ro-

*Hæc anas-
tasia nulla
ratione cen-*

*venit falsæ
Ecclesiæ.*

mani effigiata sese Sponsæ loco substituens libenter illud in nos retorserit. Sed duobus potissimum argumentis freti illam repellimus. Nam è cōtrario omnes historiæ (Si modo de hac re iudicium feratur non ex initio prosperis alicuius arridentis successus, sed ex earum familiarū exitu quæ bestię isti maximè fouerūt) testātur horrēda Dei iudicia semper illis omnib⁹ adhēsisse, nō Constātinū Magni, nō Phocē, nō Caroli Magni, nō Ludouici pij, nō Andegauēsiū ducū domibus exceptis. Deinde, fateor iusta Dei permissione non semel euenire, vt huius mūdi princeps fidē suis mācipiis præstet, quib⁹ quotidie mōstratis istius orbis regnis pollicetur fore vt illorum domini euadant, si modò ipsum adorauerint, quæ quidē promissio cupidissimè ab illis arripitur, prorsus aliter affectis quàm Christus Matt. 4. 9. Et certè tandem bonus iste mundi princeps digna mancipiis stipendia persoluit. Hæc vt ita se habere comperiantur non opus erit altius repetitis exēplis inuestigare, si modo velimus oculorū aciē intēdere in ea quæ in totius Christianismi potentioribus magnatibus maximè sunt conspicua & illustria, tū in Oriente, tū in Occidente, Meridie ac Septentrione. En ergo quàm non inanis iactantia, sed quàm sancta sit huius Sponsæ confidentia, in cuius persona quum loqueretur Apostolus, quibus (obsecro) modis Elymam illum excepit? Act. 13. 10. quàm intrepidè res omnes creatas, sublimes, medias & infimas

firmas prouocat. Rom. 8. 37. vt suprà omnem
sublimitatem assurgit, quæ aduersus Deum
extollitur? 2. Cor. 10. 5. Et reuera quæ tanta
est Imperatoria dignitas vt, excepto Roma-
no Antichristo, istud sibi arrogauerit, Quic-
quid in terra ligaueritis, ligatum erit in cœ-
lis? Matth. 6. 19. Quod dictum intellige nō vni
cuiquam personæ, non vni Petro sed legiti-
mæ Ecclesiasticæ gubernationi tributum:
Matth. 18. 18. & 1. Cor. 5. 4. cuius idem est au-
ctor & vindex.

Sequitur in nostro contextu, *Quæ est ista* Cur Sponsa
quæ ascendit è deserto quasi palma sine columna isti nubi con-
fumi. feratur si-
Hic verò quæri in primis solet quenam mili colum-
Persona hoc loco loquens introducatur. Pu- næ altæ &
tant enim filias esse Hierosolymitanas quas rectæ.

compellarat Sponsa: quæ sententia meo iu-
dicio, fundamento caret. Sponsus igitur hic
loquitur cum sua Sponsa verba commutans,
in matris suæ cubiculo prædicans & magni-
faciens quod ipsemet erat ei largitus. Et est
admodū venusta mutatio illa personæ, Spōsi
de Sponsa sua quasi tertium aliquem scisci-
tantis, etsi ipsam suam Sponsam compella-
ret. Caue autem putes hæc verba esse rei ali-
cuius dubiæ, quasi Spōsus de re quapiam sibi
cōperta ex aliquo percontetur. Potius enim
hæc verba sunt Sponsi, leporem & venusta-
tem Sponsæ demirantis. Cōparat ergo Spon-
sam columnæ altæ & rectæ, cuiusmodi sunt
in illa regione palmæ, columnæ, inquam, va-
poris ex deserto versus mōtes sese euehentis

quem vaporem ait etiam procedere ex eò quòd Sponsa ista omnis generis vnguentis & aromatibus ita perfusa est, vt eorum odore & fumo, cœlum ipsum, vt ita dicam, subtexatur: quod deinceps fusiùs exposituri sumus. Ista ergo est similitudo, inde fortassis etiam petita quòd turba quæ iter faciens & ad locum aliquẽ confertim accedẽs procul conspicitur, quandam præ se ferat nubis speciem, vt etiam loquitur. Apost. Heb. 12. 1. Nā quòd Sponsa loquens in hoc Cantico velut persona vna introducitur, non impedit quominus per eam tota credentium multitudo repræsentetur, in vnum corpus coadunatorum, & vno eodẽque Spiritu viuẽtium, qualis nobis Ecclesia describitur. Act. 4. 32.

Quale sit istud desertum ex quo columna hæc egreditur.

Si quis verò quærat, cur hic fiat *deserti* mētio, Aio sic ortum istius populi designari, qui ante peregrinationẽ in desertum nica dūtaxat fuit familia, & cœpit in deserto primum esse populus, quum ibi primum Dominus politiæ normam ei præscripsit. Sed addo nō esse vel in isto Arabiæ deserto, vel nominatim in mōte Sinai, vel Pharan subsistendū. Nam præterquàm quòd Ecclesiam in genere Dominus ex mundo sibi eligit, non tantum illius seculi, sed omnium succedentium seculorum ratione, prout vnis morientibus alij succedūt: verè dici potest Ecclesia educta esse & educi quotidie ex desertis maximè horrendis: quòd etiam respiciens Iosue sedulò monet populum vt memori mente repetat Abrahamum

hamum ipsum & Thare eductos esse ex mediis idololatriæ desertis. Ios. 24. 2: quod etiam disertis vebis vnumquodque caput familiæ in Israële fateri & agnoscere oportuit, coràm Domino, quotannis oblatis primitiis, quæ fidem & honorem quem Domino debebant restarentur. Deut. 26. 9. Eòdem respexit Dominus pollicitus se lapidea nostra corda, (quæ sunt horrèdum illud desertum in quo nos reperit) in carnea commutaturū. Ezech. 36. 26. id est mollia redditurum & eorum capacia quæ in illis Spiritus eius inscribit, ex noui fœderis formula, Iere. 31. 33. & Esa. 54. 13.

Annon verò nos qui frequentes hūc conuenimus, vel saltem maxima huius cœtus portio, istud palàm cognoscere testarique possumus ac debemus, quos Deus pro infinita sua misericordia ex horrenda ista idololatriæ & superstitionis spelunca, in qua patres nostri diu nimis hæserunt, tam clementer extraxit? Verùm, (proh dolor) quàm multos videre cogor qui, vt locum mutarint, tamen vel ex vno deserto in aliud trāsierunt, vel suū secum desertum transtulerunt, non quòd, Deo laus sit, locus iste in quem Deus nos coligit sit desertus, si respexerimus ea dona quibus est à Deo liberaliter hic locus consitus, missis etiam fidissimis colonis, qui diligenter eum excoluerunt: sed quoniam desertum ex quo est exeundum, vt istius Sponsæ membra censeamur, illud ipsum est in quo nati sumus, & quod intra nos gestamus, quocunque

Ex deserto isto quidem esse exeundū, sed tamē cauendum ne in aliud incidamus.

terrarum loco sumus, in eo recipientes & fouentes malignum illum Spiritum qui dicitur loca sicca & arida peragraré, Matth. 12. 49. Quisquis igitur ex superstitionis & idololatricæ deserto incidit in baratrum impietatis: ex deserto pauidæ conscientiæ omnia metuentis, in horrendum illum gurgitem conscientiæ stupidæ & prorsus nihil sentientis: ex luxuriæ deserto in auaritiæ vastitatem: denique ex stultitia in improbitatis præcipitiū corruit, hoc certo sciat nihil esse sibi cum Sponsa ex deserto ascendente commune.

*Comparatio
instituta in-
ter deserta
veterū Mo-
nachorū &
palatia no-
stri seculi
Pseudoreli-
gioforum.*

Frustra verò ex hoc loco heremitæ, aut monachi illi claustris suis reclusi, aut illi superstitiosi religiosi per antiphrasin sic vocati, quibus non deserta, sed vrbes vndique complētur, patrocinium sibi sunt quæsituri. Nam si de priscis heremitis agendum est (id est desertorum incolis) magnus est istiusmodi hominum delectus adhibēdus. Alios enim persecutiones in syluas & deserta cōpulerunt, in eo Prophetarū Elię & Elisei vestigia secutos, in quibus nihil minus ipsos quàm desides ac otiosos, tēpus inanibus somniis & specularionibus cōsumpsisse, labores nonnullorū testes sunt locupletissimi. Secesserunt alij ad tēpus, quietē illā ab externis huius mundi negotiis, remotam crebris exercitationibus ad omne bonū opus meditandū cōparatis tribuentes, & precibus ac studiis intenti, vt si fortè vocarentur, Ecclesiis maiore fructu prodesse. Et tamen hac in re fateri conuenit, multos,

nec

nec in solitudine, nec in vitæ austeritate, modum nullum tenentes, neque sibi ipsis neque Ecclesiæ sicut oportuit consuluisse. At quid istis habet simile cloacæ illæ Sodomorum & Gomorrhæ? quid haræ illæ omnis superstitionis & impietatis? quid spurcissimæ latrinæ omnis perditæ otij, cuius fœtidissimis vaporibus cælum ipsum & terra inficiuntur? Sed quorsum venerandorum istorum Patrum deserta commemorem? Intueamur illorum fastigiata templa, turres, claustra, capitula, dormitoria quæ vocât, hortos, ac præsertim istorum quos vltimos Satan crepuit, & qui nobis Iesuitarum id est Christianorum nomen suffurantur, quænam Regum palatia dixerimus cum desertis istorum conferenda? Quo quæso labore, quoue in publicæ utilitatis gratiam exantlato munere, quisquâ, dum vixit tantum potuit lucri facere, ut ad centesimam partem opum accedat, quas isti scilicet paupertatis sectatores, exiguo spatio corraserunt & quotidie corradunt, dum omnia GRATIS, & Dei amore facere videri volût?

Sed age, prædonibus istis animarum in suis desertis relictis, Deum precati, ut misericordius viatores ab illis auertat, ad Sponsam nostram redeamus, quæ ascendit ex deserto, ut Palma, inter reliquas nimirum deserti arbores conspicua, & omnes supereminens. Talem fuisse dicimus Ioannem Baptistam, qui ex tota Iudæa ac præsertim ex ipsis Hierosolymis quàm plurimos ad se pertraxit. Est au-

*Cur Ecclesia
cum Palma
conferatur.*

tem ea Palmæ natura, vt depressa fiat valentior, & in altum fortius feratur, Psal. 92. 13. sicut Dei virtus qua suam Ecclesiam tuetur, in eius infirmitate magis ac magis elucet, 2. Cor. 12. 9. adeo vt dicere audeat, Omnia possum in eo qui me corroborat. Phil. 4. 13. Quod enim vera hæc Sponsa, Sponsi sui virtute non assurgit? Eius conuersatio est in cœlis, Phil. 3. 6: iam sedet in locis cœlestibus Ephes. 2. 6: iam est in regnum filij dilecti & Sponsi sui translata, Colos. 1. 13. Magnum sanè mysterium, vt inquit Apostolus, Ephes. 5. 32: idè huc Spôsus introducit, admiratus ipse sui operis excellentiam, vt de ista Sponsa loquitur Apostolus, 1. Cor. 3. 9.

Quam speciosa sint istius Sponsæ unguenta & unde proficiantur.

Vt autem istam Sponsæ excellentiam ex indubitatis effectus fieri quam maximè conspicuam pateat adiicit Spôsus ad superiora, Sponsam oblitam esse totam omnis generis vnguentis summa suauitate conditis, quorū etiam fragantia quasi nubem odorum suauissimorum effundat. Cæterum res est omnibus nota, calore partim extrinseco Solis radiorum partim intrinseco in terræ visceribus cōcluso in humorem agente, temperari, & coqui eorum quæ ex terra gignuntur semina, & inde vapores ex humo excitatos rursus in aere percolari & eò redigi, vt eos tandem instillatos terra in sese recipiente, & co quasi fermento quodā intumescente, tandem inde plen⁹ partus erūpat vt istud nobis oculis subiicit diuinissimus ille Physicus Psal. 65.

Hac

Hac autem similitudine quàm appositissimè nobis repræsētatur quod Dei spiritus suo tēpore disponit, præparat, & efficit in electorū suorum intelligentia & cordibus, vt in illis procreet & tandem producat fructus veræ scientiæ, gratiarum actionem, preces & opera charitatis quæ in Dei vsque conspectum ascendāt. Act. 10. 4. Apoc. 5. 8. & 8. 3 Phil. 4. 18. Itaq; primū à gratia Spiritus S. materia omnis istorum vnguentorum proficiscitur, nec vlllo modo à nobis esse dici possunt. Deinde accenduntur ab eadem gratia, & vapor gratus ex ijs elicitur. Tertiò, quemadmodum adeps bestiarum qui in sacrificijs adolebatur, & ex se nihil nisi sordidum ac graue olēs effundere poterat, suauissimi tamē odoris fiebat permixtione illius suffitus qui super aureo altari incendebatur : non aliter optimi quique motus & præstantissimæ quæque sanctorū actiones, licet à regeneratis, quando hic in terris degimus profectæ, et si nullius per se pretij coram Deo, nec vlla compensatione dignæ, tamen Deo gratæ sunt, atque adeo coronæ gloria ab eodem coronantur. 2. Timot. 4. 8. quatenus ipse nos & nostras actiones, ad quas ipse nos formauit cōsiderare dignatur, non in nobis, sed in eo in quo solo gratos nos habet. Eph. 1. 9. & qui tradidit semetipsum pro nobis vt esset oblatio ac victima coram Deo in odorem bonæ fragantiæ. Ephes. 5. 2.

* Sponsa nihil morata laudes quæ de ipsa prædicantur quantumuis veras in eo tota est vt Sponsum apud quosuis laudibus offerat.

* Ad hæc verò Sponsa veris illis laudibus

quibus exornabitur à Sponſo minimè immorata, & à ſe in illum tota cōuerſa præſtantiam eius & effecta in ſuorum gubernatione deſcribit, ducta primùm à lecti ſimilitudine, deinde etiam à lectica, & quidem ſermone ad Hieroſolymitanas puellas conuerſo, vt ex poſtremo capitis huius verſiculo liquet. Erat namque gens illa quidem ſpecialiter diuinitus ſelecta quam Deus fœderis ſui participem faceret, quæ tamē vberiore veritatis cognitione & inſtitutione egeret inter tot corruptelas, à quibus nunquam ita munda fuit ac repurgata Eccleſia, quin plurima in permultis deſiderarentur, vt ſacræ hiſtoriæ, & omnium Prophetarum cōqueſtiones teſtantur. Neque vt ſit quiſpiam verum Eccleſiæ membrum ſatis eſt in ea natum eſſe, ſed hoc requiritur vt in ea veritatem edoctus adoleſcat, denique vt doctrinam in Eccleſia cunctis indefinitè propoſitam ſibi applicet.

*Qualis iſte
fuerit lectus
Solomonis,
qui veri il-
lius Solomo-
nis & verè
paciſici ty-
pns fuit.*

Sponſa igitur illas compellans, primò inſtituit allegoricam deſcriptionem lecti magnificentiſſimi regij, & nuptijs iſtis deſtinati. Eſto igitur nobis hic primùm tota illa terra Chanaanæ, in qua tunc Deo viſum eſt peculiare ſuum collocare domicilium, cæteris gētibus abiectis & in exitium ſuum ruentibus. Act. 14. 16. deinde ſpecialiùs intelligamus hoc nomine templum, urbem Hieroſolymorum, Synagogas, vrbes, pagos illius regionis, fidelem denique quēlibet, quatenus
in

in eo Dominus per Spiritum suum habitare dignatur. Deinde Solomonis nomine non tantum hæc vox intelligatur quæ Pacificum significat, verum in primis promissio illa Dauidi facta de filio illi in æternum succeduro, ijs verbis concepta quæ omnia ista simul complectantur, nempe & figuram siue umbram quæ est filius iste Dauidis, & illius figure & umbræ veritatē & corpus, cuius ille fuit figura, qui est Iesus Christus 2. Sam. 7. 13. & 1. Chronic. 17. 12. Solomonis igitur nomine, sciamus hinc nobis designari verum illum & solum inter Deum & dilectos suos Mediatorem, diserte propterea pacis Principē, elogio illi proprio nuncupatum, Esa. 9. 6. cuius hodie lectus est mundus vniuersus ubique Dominus in suis electis quos à quatuor mundi plagis vocat, agnoscitur & colitur, vt Petro significatum est visione illa insigni, vasis cuiusdam instar lintei descendentis è cælo, quatuor extremis deuincti. Act. 10. 11.

Vt autem certi fiamus ibi tantum & non alibi vsquam veram quærendam esse quietē nobis promissam Matth. 11. 29. & extra hanc quietem nihil esse tutum sed ubique terrarū plena omnia, Sponsa subiicit, lectum illum stipatum esse sexaginta fortibus Israelitis, qui præter robur animi, calleant armorum vsum, eos diligentes excubitores, sedulo cauentes ne quid de nocte contingat, quo dulcis huius quietis fructio interturbetur. Quam autem

Quam tutus sit lectus in quo solo vera quies reperitur,

doctrina ista sit non utilis modò nobis, sed etiam necessaria, quotidiana nos docet experientia. Quam enim veram esse ac præcipuâ, causam dixerimus cur tam multi vel quietè istam subire abnuant, vel ex ea sese statim ultro proripiât? An non quòd isti lecto tuendo nullū adhibitu esse presidium suspicâtes vereantur ne in ipso ex improviso deprehensi iugulentur? At contrà menti nostræ penitiùs istud infigitor, miseros istos carnales, auculis esse simillimos quæ in caueis inclusæ, ad felis conspectum perterritæ, quum subsistere potiùs debuerint hûc illûc sese agitantes, in hostis sui yngues ultro incidunt. Quisquis enim extra Ecclesiam egreditur, sine dubio in Leonis illius voracis fauces incidit 1. Pet. 5. 8. In eo igitur peccant homines quòd solis oculis corporeis præditi, id tantùm credunt quod in oculos ipsorum incurrit, nec sibi possunt illud persuadere, quod solis cernitur Spiritus oculis, inuisibilia, quoque perspicientibus. Heb. 11. 27: nisi fortassis ex peculiari Dei gratia visio quædâ specialis ipsis cõcedatur vt Iacobo Genes. 32. 2. & Prophetæ seruo 2. Reg. 6. 17. At contrà quid ait Dominus? Thomas, credidisti quia vidisti, beati verò qui crediderunt & nō viderunt. Ioh. 20. 29. Fatemur igitur quod omnes Dominū esse omnipotentem, inò etiam quæcunque potentia est vilius, ab illo esse, sicut Pilato non obscure Dominus indicauit. Ioh. 19. 11. At cur non addimus, quod non minus certum est, eum vi-

delicet

delicet istam suam potentiam verè & potenter in sua demum asserenda Sponsa. exerere? Nempe quod pauci seriò sibi persuaferint, Deum esse omnipotentem & suorum in primis fautorem & defensorem: denique fieri non posse vt vllus pereat ex iis quos Pater dedit filio. Iohan. 18.9.

Numerum porrò sexagenarium anxie inuestigare nihil opus est: quamuis non ignorem eos qui de numeris scripserunt specialem aliquam huius numeri & insignem perfectionem obseruasse, vnde peculiariter ab Astrologis vsurpatum volunt, quò faciliore instituerent suorum graduum & minorum supputationem: quòd videlicet sine fractione vlla numeri dimidiam partem habeat triginta: tertiam, 20: quartam, 15: quintam, 12: sextam 10: quos omnes numeros sigillatim notatos licet obseruare in templi à Solomone ædificati structura, excepta quinta parte, quæ est 12. Præterea si distinctè libros Canonicos tum Veteris tum Noui testamenti numeremus, duabus exceptis posterioribus epistolis Ioannis & quas reuera priuatas literas dicere possumus, nobis sexagenarius occurreret numerus, qui sanè sunt veri & legitimi custodes veri & non typici Solomonis, vt mox plenius dicetur. Sed vt ista simplicius à nobis explicentur, verisimile est totidem ordinarios fuisse excubitores dormienti Solomoni adhibitos ad quem numerum alluferit Sponsa.

*Cur Solomon
sexaginta le-
cti sui custo-
des dicat.*

*Qui sine ve-
ri defensores
salutis fide-
lium, & in
primis ad-
uersus hostes
inuisibiles.*

Sed quónam, istos custodes esse arbitramur? Primùm omnes Angelos, qui castrametantur circa timentes Dominum. Psal. 34. 8. Ad sunt deinde reliquæ omnes res creatæ, quibus Deus utitur ministris quū sic ei visum est, aduersus hostes suos etiam potentissimos: Sic videmus in Paraonis historia, rannas, muscas, pediculos Sponsæ istius causam egisse, & magni illius tyranni rabiem cohibuisse. Quoties verò Dauidem à Saulis rabida persecutione Philistæi liberarunt? Cæterum caro & sanguis id est hostes visibiles non sunt hostes Sponsæ præcipuè timēdi, ut nos monet Apostolus Ephes. 6. 12. sed Leo ille rugies quivorare nos expetit. 1. Pet. 5. 8. & quotquot nobiscum prauæ & damnandæ cupiditates nascuntur, aduersum quas singulis momentis lucta nobis est, Dei virtute fretis, ut tandem ad requiem istam æternam perueniamus quam huius lecti allegoria representat, & quā nunc non nisi per spem possidemus. Itaque aduersus violentos istiusmodi hostium insultus nobis firmiore præsidio, nimirum spiritualibus illis & inuictis armis opus est. Quónā igitur esse hoc respectu dixerimus sexaginta istos cataphractos milites? Nimirum veteranos illos strenuissimos belatores, tot triumphis ex Satana & eius satellitibus insignes, omnes suis ad femur gladiis accinctos, imò exertos manu vibrantes, quibus quicquid moliri nostros aduersarios contigerit facillimè confringāt. Abrahamum dico,

co, Isaacum, Iacobum, totque denique Legionibus fortissimorum bellatorum quorum omnium gesta ac triumphos Apostolus Hebræ. ii. pluribus persequitur. Fidos etiam illos aio, & imperterritos Duces, quos non Satan ipse, non philosophorum falsa sapientia, non doli, non fraudes, non denique totius mundi furor & sæuitia vel tantillum remorata est quominus frustra repugnante mundo passim trophæa sua statuerint, insignia tot victoriarum & monumēta, & ciuitatem illam ædificarent, positis eius fundamentis quæ iam erat à Prophetis præparata. i. Cor. 3. 10. Eph. 2. 20. At dicet aliquis, iam pridē illi mortui sunt, Quomodo ergo nos hodie aduersus hostium impetus tutaturi sunt? Optimè & tutissimè: non tamē meritis ullis suis, (nam ut præclare scripsit quidam doctus & pius Episcopus Romanus, Sancti acceperunt non autem dederunt coronas iustitię) nec suis in cœlis intercessionibus: in illis enim vnicum habemus Mediātorē Redemptionis & Intercessionis Dominum Iesum Christum i. Timoth. 2. 5. Hebræ. 1. 25. i. Ioh. 2. 1. ac proinde omnia illa merita, venias, indulgentias, præces, præsentē numerata pecunia venales ab istis animarum negociatoribus positas, scēdissimam esse & putidissimam coram Domino nundinationem dicimus. En igitur qua ratione nos adhuc hodie strenui illi Duces tutantur. Primum exemplis suis, Rom. 15. 4. Heb. 12. 1. quam etiam ob causam vnus inter illos strenuissimus bel-

lator, ausus est apertè dicere, Estote mei imitatores, sicut ego sum imitator Christi 1. Cor. II. 1. & alibi, complere se dicit quæ afflictionibus Christi desunt, pro ipsius corpore idest Ecclesia Coloss. I. 24. Deinde scriptis illis suis. Etenim per istos sexaginta custodes intelligimus eos potissimum quorum usus est opera Deus ad istud extruendū armamentarium in quo reperiuntur, & vnde sumuntur omnia arma spiritualia quibus tanquam *τα-υοπλία* Paulus suum cataphractum militem instruit, Eph. 6. 13. Scripturas, inquam, sacras, quas Spiritus sanctus primū dictauit Prophetis, 2. Pet. I. 21. & postremò vberiore copia & efficacia suis Apostolis, in quorum scriptis arma hæc ordine omnia disposita & expedita reperiunt omnes Christiani milites, accepto illorum usu à fideis illis gladiatoribus, nēpe Pastoribus & Doctōribus. En igitur custodes, en arma, quibus quicumque se tutatus fuerit, Satanam sine dubio, mundum, carnem peccatum denique pedibus victor Dei virtute conculcabit Rom. 16, 20.

Conclusio & doctrinae huius verus usus.

Sed age, robur omne nostrum petamus in primis & insolidum ab illo in quo vnico situm est, magno illo nimirum Solomone, cuius ceteri omnes sunt duntaxat instrumēta. Quum autem is adueniens in ipsa cruce omnes hostes nostros, quatenus patiēdo pro nobis pugnabat debellarit: & etiam nū quotidie eosdē illos hostes adhuc in nobis subsilientes virtute sui Spiritus domet, quid est quod

quod nos perterrefaciat? Ad quē igitur omni tempore tāquam ad asylum perfugiemus? Nimirum ad huius Sponsi nostri robur & fortitudinem, de quo David glorians, Spero, inquit, in te: nunquam confundar. Psal. 31. & Mille me circumstantes hostes non perterrebunt. Psal. 3. 7. Iste est igitur vere fortis ille, à cuius par tibus nobis standum est. Dominus verò qui nos è tenebris in hanc lucem veritatis eduxit 1. Pet. 2. 9. & in Ecclesia sua collocatos tā benignè & tā mirificè in hac sancta pace cōscientiæ conseruauit, faxit dū interea plenā illam promissionum eius præstationē expectam⁹, vt animis nostris penitus hæreat infixā firma illa potentiæ ipsius in nostram salutem propensæ, certioratio, vt nulli nos Satanæ & eius ministrorum insultus perterrefaciant: sed cōtrā indefesso cursu in sanctissima professione veritatis ipsius tum ore tū puritate vitę ac Christianis moribus perseueremus, donec re ipsa frui nobis liceat omnibus iis bonis quæ nobis credēda sperādaq; in illo certissimo verbo suo proposuit: quod vt ab ipso impetremus, ignauia nostrā & infinitas alias offensiones nostras apud ipsum ex animo professi misericordiam eius his verbis supplices inuocabimus. Deus omnipotens &c.

IN CANTICVM CAN-
TICORVM HOMILIA
VICESIMASEPTIMA.

Auxilium nostrum sit à Domino, &c.

Quod sequitur extat in Cap. 3. vers. 9. & 10.

9 Lēcticam sibi fecit Solomon, ex
lignis libani.

10 Columnas eius fecit argenteas,
stratum eius aureum, & operimētum
eius purpureum & interius est cōstra-
tum amore filiarum Hierosolymita-
narum.

*Carpentum
thoro adiun-
ctum indicat
Ecclesia non
quam certā
& sine ex-
ceptione per
petuam fu-
turam sedē,
fuisse assi-
gnatam.*

Superius de Thoro Soni verba fecimus:
nūc verò magnifica proponitur Lēctica
seu Carpēti descriptio & tota eius structura:
quum de thoro & thori custodibus in genere
tantū fuerit loquuta Sponsa. Quies enim
illa Ecclesiæ cuius duntaxat notitiam habet-
mus ænigmaticam vt loquitur Apostolus, 1.
Cor. 13. 12. per thorū illum designata & in qua
Sponsus etiamnum hodie Sponsam expectat,
vt ea fruantur ambo in æternum beati 1.
Thess. 4. 17. nobis adhuc velati incognita est,
atque adēdō incomprehensibilis, cuius tantū
arrham tenemus. Carpentum autem, quo
Sanctum ministerium verbi veritatis & vitæ
figuratur, perspectū nobis esse debet, vt pote
quod

quod inter nos stabilitū vigere quàm efficacissimè debeat. Præterea Thoro Carpentum adiugitur vt sciamus Spōsum sub vetere fœdere ita in templo suum Thorū cōstituisse, & regni sedem Hierosolymis collocasse, qua in vrbe domicilium figere se velle prædicarat Psal. 132. 13. & 14: vt interea in animo haberet totam Iudæam discursare, dispersis idcirco regionatim sacerdotum oppidis & Lenitarū familiis, quasi totidem huius Carpēti stationibus, vt sacra docet historia. At nouo demū fœdere, per expressum Sponsi aduentum, confirmato, verè peragrauit primū quidem ipse totam Chananæam dies noctesque hūc illuc properans, & felix illud nuntium prædicans, quo promissionum omnium adimpletio continetur Act. 10. 38: verum, inquā, illum annum Iubilæum, quo in possessionē mittimur hæreditatis nostræ Esa. 61. 2: Euectus super omnes cælos, missis Apostolis, ac deinde Pastoribus & Doctoribus ad cogendū singulis sæculis electorum gregem, per quatuor mundi cardines sic meritò dicitur incessisse, quatuor Euangelistarum veluti quadriga vectus Eph. 4. 11. Ministerio autem illo compluribus ab hinc sæculis paulatim intermisso, quum Sponsi Carpentum in thronum eius meretricis abiret, quæ septem collibus insidet, tanto post interuallo Carpentum illud, nostra demum ætate Sponsus instaurandum curauit, coactisq; sub iugum equis, cepit orbem terrarum rursus cūmetiri vt oeu-

lis cecorum lucem infunderet : quemadmodum Solem fabulantur poetæ , curru delatum ab oriente in Occidentē, mundum vniuersum illustrare. Hæc est igitur huius sponsi lectica, cuius partes diligenter & sigillatim sunt nobis considerandæ?

Rex ipse sibi hoc carpentum sub veterum sub nouo fadere designauit, quod extruendū certis delectis suo ipsius arbitrio architectis commisit, cui struenda nihil addere vel detrahere, vel in præcipua ipsius parte, nempe in ipsis doctrinæ plantis cuiquā unquam licuit.

Primum ergo dicitur Solomon ipse ipsum sibi Carpentum istud fabricatum esse, nempe vt intelligamus , siue doctrina ipsa veritatis spectetur, cuius promulgandæ causa compactum est hoc Carpentū, siue vniuersa eius coagmētationis & gubernationis ratio cōsideretur, oportuisse vt ipsemet de tota re suo vnus arbitrio statueret, materiē eius cederet , clauos ipsemet in eo pangeret, totum illud instrueret, aurigas accerferet, eos denique aurigandi modū doceret, qua in re multipliciter est peccatum. Ac primum quidem ab ijs qui Carpentum istud compingere suo volūt arbitrio, alicubi seruata alicubi neglecta descriptione à Sponso tradita. Alter autem error eorū est qui fatētur quod ad generalem quidem attinet istius Carpentis constructionem , intuendū esse exemplar quod nobis Sponsus in sacris suis literis non leuiter delineatū sed vniuersis coloribus expressum & effigiatum reliquit: sed ipsius ita constructi Carpentis administrationem ad Patrū instituta, sublatis, si qui fortē irrepsērunt , abusibus , esse exigendam : vel, vt opinantur alij propter varietatem locorum , temporū, personarum , & aliarum huiuscemodi circum-

cunstantiarum, Ecclesiæ fas esse, vt de istiusmodi rebus statuat prout expedire iudicabit, dummodo ad rectum scopum cuncta referantur. Cuius vtriusque sententiæ hoc est fundamentum, Quòd Deus per se facere videatur quod eorum ministerio facit, quos ad opus aliquod in ipsius nomine peragendum delegit, cuiusmodi sunt in hoc opere, Pastores & Christiani Magistratus. Ego verò fundamētum illud planè admitto: Qualis enim fuisset alioqui tū populiveteris, qui spō si aduentum antegressus est, tum noui ascensionem Domini consequuti, & ad consummationem vsque seculorum perstaturi, conditio? deinde si quis ei aduersaretur tota eum scriptura obrueret: Sed quæ illo fundamento concesso nonnulli vt consentanea colligunt, minimè concedo. Et, vt duas istas quæstiones vnā de ipsa doctrina alteram de administrationis Ecclesiasticæ ratione sigillatim explicem: quod ad priorem attinet satis constat veris theologis omnibus, carnem & sanguinem (vt loquitur ipse dominus Matth. 16. 17.) hoc est animale hominem (vt loquitur Apostolus 1. Cor. 2. 14.) ne cogitare quidem per se posse quæ Dei sunt id est verum illud solūque fundamētū doctrinæ salutaris, siue id quod absolutè & necessariò requiritur, ad eorum omnium salutem qui per ætatem ratione vti possunt: cuius rei testem fero fidei nostræ articulos, qui symbolum Apostolicum appellantur, quod

breue sit & certissimum Apostolicæ totius doctrinæ compêdium. Hinc autem efficitur oportere totam illam doctrinam ex ore Domini depromi, qui certa quadam mensura patres alloquutus Heb. i. i. tãdem vniuersam illam æternæ salutis doctrinam Ioh. 15. 15. primum quidem Iudæos ipsemet docuit, deinde ab illis repudiatus, & in cœlos euectus, Apostolorum ministerio cunctis sub cœlo gentibus patefecit, quas ipsemet fidelissimè perfectissimèq; & quidem extra ordinem docuit: quos itidem eadem optima fide constat impositum sibi munus tum prædicando tum scribendo fuisse executos, vt illi merè insaniant, qui Apostolos quidem omnè doctrinã salutis ore docuissè fatentur, at omnè scriptis comprehensam esse negant: à quibus si petamus quænam igitur doctrinæ capita in Apostolorum scriptis desiderentur, tum velut visco captæ muscæ tenentur. Nam aut nihil eorum quæ in medium adducunt ad ipsa fidei dogmata pertinet: aut demonstrare perquam facile est à quib⁹ & quãdo sunt illa post Apostolorũ ætatē & recentioribus etiam seculis excogitata & in Ecclesiã paulatim introducta: aut deniq; tã bene illis conuenit cū fidei Christianæ articulis, quæ summa essentialis habēda est doctrinæ Apostolicæ, quàm tenebris cum luce, & cum veritate mēdacio. Et hoc quidem ipsi fateri recusant. Sed præterquam quòd res ista tã sæpe est in quæstionem vocata & explicata (vt nobis cum Paulo dicere

dicere liceat, si adhuc est incomperta, iis esse obscuram, vel qui de rebus istis non quaerunt, vel quos princeps mundi huius excacavit, oblata semper illis à nobis fuit & offertur hæc conditio, vt coràm legitimo Christiano-que concilio de tota re disceptetur.

Idem statuo de tota Ecclesiæ administra-
 tione domestica: nempe Christum per eos-
 dem Apostolos plenè suæ domus descripsisse
 formam omnem, partes omnes, functiones
 omnes sacras, quibus essentia omnis illius
 gubernationis continetur: vt nō magis fue-
 rit liberum quicquā in iis functionibus ad-
 dere, minuere, mutare, quàm in doctrina: v-
 nico libero & mutabili in mēte ipsorum dū-
 taxat functionem vsu externo, propter va-
 rias ac etiam inter se repugnantes locorum,
 temporum, ac personarū circumstātiās cuius
 vsus & ordinarię executionis perpetua nor-
 ma esse nequit, quum illa inter se necessa-
 riò differant. Ita se gessit Moses fidelis seruus
 in Domo Dei, qui omnia exegit ad exēplar,
 quod viderat in monte Heb. 32. & 8. 5. in quo
 nihil postea mutatū est aut detractū per ve-
 ros Prophetas, nisi quū eidem Deo visum est
 templū edificare, atq; denuò omnē Ecclesia-
 sticorū munerū rationē exactiūs & ordina-
 tiūs distinguere: quod & ipsum tamen non
 nisi ore Prophetarū edocti, Dauid quidē cō-
 stituit, Solomon autē executus est 2. Chrōn.
 35. 15. eo gubernationis statu vsq; ad Christi
 qui templi Dominus est, aduētum māsuro,

*Nihil etiam
 nouare li-
 cuit neque in
 ipsis functio-
 nibus, neque
 in regendi
 Carpeti mo-
 do.*

Heb. 3. 6. donec ille suo spiritu sancto Apostolos introduceret in omnem veritatem Ioh. 16. 7: quam ipsi postea summa fide ac diligentia tum voce tum scriptis explicarunt, tum etiam re ipsa vsurparunt Act. 20. 20. & 27, Ex his autem efficitur, pronuntiatum illud, Quod per ministros Deus facit ipsum facere videri, locum in hac re in pastoribus vel doctoribus Ecclesiæ habere non posse, nempe neque in ipsius fidei inueniendis ullis dogmatibus, neque in ipsa domus Domini fundamental administratione vlllo modo inno- uanda: ne dum vt ullis Christianis Magistratibus potestas hæc attribuatur. Certa huius interdicti ratio hæc est, quoniam Apostoli nihil in posterum tempus noui in Ecclesia docendum vel constituendum reliquerunt, sed Pastoribus & Doctoribus, senioribus ac Diaconis præceperunt, vt muneribus suis ad normæ à se traditæ & perscriptæ normamungerentur. I. Cor. 3. II. Nec enim, Dei gratia, Sponsi nostri Carpentum, simile est illi Idolæo Romano nunquam absoluendo quod sancti Petri templum appellant. Itaque primi illi patres qui Apostolorum institutis ac legibus, quæ sacris literis continentur, non prorsus acquieuerunt, quicquid prætexant, & quacûque sint occasione commoti, fenestram certè aperuerunt tristissimæ illi confusione, quæ tandem Dei domum labe fecit. Denique, vt vno verbo omnia complectamur, solus & verus hic noster Solomon,

mon, ipse sibi Carpentum istud per suos illos fidos architectos totum construxit, & quomodo ad finem vsque seculorum illud regi velit per eosdem perfectè demonstrauit: in cuius vnus volūtate nobis est acquiescendum.

Sed quānam, inquires, hæc domus adeò firma, vt portas quoque inferorum laceſſat, Matt. 16. 18. confertur cum Carpento ad agitationem & locorum mutationem comparato? De hac re paulò antè quid sentiendum esset diximus, quibus hæc quoque nunc adiicio. Hic nimirum ostenditur quantopere fallantur qui Deum somniant certo cuidam loco Ecclesiam suam alligasse. Quem locum tandem esse Romam creditum est, tanta hominum cæcitate vt eandem esse cum Romana Ecclesia Catholicam Ecclesiam & Apostolicam sibi persuadentes, Apostolicum & Nicænum symbola, inserto Romanæ epithero, falsare à paucis demum annis sint ausi: prætextu certè nō minus ridiculo quàm si quis insanus humanū caput & hominem ynum acidem esse asserat: etiamsi Romanam illam Antichristianam sedem qualis iam pridem est, concederemus non Ecclesiam, modò, veram etiam esse: sed omnium etiam particularium Ecclesiarum caput. Statuamus ergo vbi sponsus iste, quod ad personam eius officiūque spectat, syncerè annūtiatur, ibi demum hunc Sponsū, hanc Sponsam, hoc Carpentum existere: ac proinde ibi non esse vbi vel suprà illum quispiam collocatur, vel

Huius carpenti regendi munus Deus nunquam vniuersaliter cuique commisit, neque certo sine exceptione loco, ne Hierosolymis quidem exceptis, assignauit.

ei collega quispiam adiungitur, vt ij faciunt qui precantur Mariam Virginem vt imperet filio, qui eandem Virginem, suum auxilium, suam spem vocant: Immodò etiam qui in intercessionis munere aliquos ei in cœlis subordinât, vt qui, quos vocant sanctos, absentes, & etiâ hac vita defunctos inuocât. Quid? obiciet aliquis. Nonne statum quendam locum & quidem aspectabilem esse oportet, in quem Christiani perpetuò respiciant, & vnde suæ fidei normam petant? Hac de re Christus differens cum suis discipulis, neque Romanam respondet, neque alium vllum certum locû designat, sed vbi cadauer est (inquit) ibi aggregantur aquile Luc. 17 37. Quodnam verò cadauer istud est? Christus, (inquit Paulus, 1. Cor. 2. 2.) & is quidê crucifixus, extra quem scire nihil expeto: Christi quidem nomine Christum ipsum intelligens: crucifixi verò epitheto, quæcunque nostra causâ subiit, vsque ad vltimum clamorê illum, quo cœlum terrâque contremuerunt, Consummatû est. Et hæc quidem de ipsis dogmatibus Christianæ religionis, dicta sunt. Ad cultum autem externû quod attinet, idê Christus cum Samaritana colloquens, quærente an apud Samaritanos an verò Hierosolymis Deus adorandus esset, respondet ad tempus Hierosolymitanû templû diuinitûs fuisse illi solêni cultui delectû sed tēpus instare quo neque Samariæ neque Hierosolymis colendus esset Deus: sed veri adoratores Deû essent adora-

doraturi spiritu & veritate Io. 4. 21. & 24. hoc est nulla distinctione loci obseruata, ac verè spirituali cultu, altaribus valere iussis, nullòque sacrificio adhibito, præter humiliati cordis atque contriti oblationem, Psal. 51. 19. & Iustitiæ fructus. Psal. 50. 23. Rom. 12. 1. & virtulos labiorum Os. 14. 3. Quid plura? Si recordemur præterita, Inueniemus Carpentum istud in Abrahami domo primùm versatum fuisse: deinde apud Isaacum, inde apud Iacobum, sed cum illis hūc illuc in Ægyptum denique peruagatum. Si ad citeriora deueniamus, quadragies & bis in deserto stationes mutauit Num. 33. Posteaquam verò Chanæam attingit, in qua sibi sedem constituerat Deus, siue hoc Carpentum | aspectabile, id est tabernaculum, quàm sæpe locum mutauit? Immò tandem euerfa Silo, & arca, velut ipsius Spōsi in suo Carpēto sedētis throno, à Philistæis capta, à suo tabernaculo auulsa, quum esset Philistæos vltia, nihilominus suo Tabernaculo redditur, in quo vigeat ordinarius cultus. Erecto demum templo subsistit quidem Hierosolymis, vt in regni atque Sacerdotij metropoli. At quàm illic sæpe interruptus fuit Domini cultus, ita vt primò Templum clauderetur, mox exscinderetur, instauraretur postea, ad extremum horribiliter ab Antiocho pollueretur? Quæro igitur vbi tunc fuerit illa certa sedes Catholica qua etiam Hierosolymis stante, num statuendum fuit quod isti dictitant qui vo-

cantur Catholici Romani? nempe summus Pontifex qui nunc sedet, Aaroni successit, Ergo errare non potest: ergo non est à quoquā iudicandus: ergo credendum est atque faciendum quicquid præceperit Ecclesia Hierosolymitana Catholica? Testes contrariæ sententiæ fero Prophetas omnes, qui certè talem syllogisandi rationem nec docuerunt, nec probarunt: imò potiùs in Sacerdotes, templumque adeò ipsum acerrimè sunt inuecti, quòd eo nimium stolidè homines abuterentur: &, ne longius abeam, vbi & Christus morti adiudicatus est, tanquam aduersum Deum tèplumque blasphemus: vbi doctrina Christi damnata impietatis: vbi & per quos imperatum est Apostolis vt à publicando Euangelio temperarent: vbi denique ac per quos, propter hunc ipsum syllogismum negatum, Stephanus est accusatus & lapidibus obrutus? Mera igitur est insania & phrenesis Sanctum astringere Spiritum alicui loco, qualiscunque tandem ille sit, vt inde norma fidei sine examine petatur: quum veteris etiam fœderis ætate, in qua Hierosolymitanam urbem Dominus elegerat, vbi tãquam sedem figeret, nulli magis decepti fuerint quàm qui sine exceptione Templo illi aspectabili adhæserunt, successionem Aaronis personalem amplexi: quum Ierusalè nimium sæpe, nō veritatis sedes ac domicilium, sed eorum qui veritatem annuntiabant laniena, & nidus Baalitarum extiterit.

Quis verò ex scriptura aliòue idoneo testi-
 monio, probauerit Christum in mundo ali-
 quem statuisse locum, aut sedem quanpiam
 catholicam, vbi suo nomine regnaret Episco-
 pus particularium omnium Ecclesiarum ca-
 put? Quod si hominibus fuisset liberum, vt
 eiusmodi quempiam locum pro suo arbitrio
 eligerent, qua ratione Roma fuisset potius e-
 lecta quàm Ierusalem, Ecclesiarum omnium
 antiquissima, & à Prophetis vocata Dei ciui-
 tas? ex qua exiuit in totum orbem terrarum
 Dei verbum? Ps. 2, 6. & 110, 2. Es. 3, 3 à Petro &
 Apostolis cæteris euidentissimè fundata? aut
 quàm Antiochia vbi Christiani primùm ap-
 pellati? vbi etiam absque vlla controuersia,
 Paulus & Petrus docuerunt? Sed quis meritò
 ignorauerit, quodnam esse oporteat de sede
 Romana iudicium, quum apertissimè Daniel,
 de illo terrestri Deo verba faciens, nomine
 suo illum vocet, *Deum Maozzim*, quod lin-
 gua prophetæ idem est atque Deus Roma-
 norum Dan. 11. 38. Constat enim omnibus, in
 lingua græca, quæ tunc erat in vsu in ea re-
 gione, vbi Roma condita primùm & dicta
 est, Romæ vocabulum illi Hebrææ voci qua
 vtitur propheta penitus respondere. Quid
 quòd Paulus de eo, qui ætate ipsius rerum
 potiebatur mentione facta, Imperatore vi-
 delicet Romano, expressè ait, ex illius occasu
 oriturum esse filium perditum 2. Thess. 2. 7? &
 speciatim Ioânes in septicolli ciuitate sessurâ
 hâc meretricè pronuntiat? Apoc. 17. 9. In sū-

*Tyrannica
 usurpatio,
 Romanæ
 meretricis.*

ma ergo sicuti Dominus Carpentum illud suum ipsemet designauit, nullius ad eam rem consilio vsus: imperauit autem hominibus fidelissimis, quos ipse sibi immediatè delegit, nempe Mosem & Apostolos, vt illud, secundum sibi præscriptum exemplar, in terris architectarentur, ita huius extructi gubernationem declarans, carpenti nomine, nulli se loco illū affigere velle satis superque docet, quod & transtulit, & transfert, & ad finem vsque mundi transferet, prout ipsi libuerit.

Quòd hoc Carpentum dicitur ex Cædri materia constructum, indicat eius inuictū robur aduersus omnes omnium impetus.

Restat vt mēbratim structuram istius Carpentī consideremus quemadmodū hīc nobis proponitur. Primū igitur hic describitur materia, ad Carpētū istud cōpingendū deleta, nempe lignum Libani, id est Cedrus, arbor odora, & ea vi prædita quæ agrè corrumpi possit. Et hoc illud est quod in primi capitis vltimum versiculum explicaui, nempe sic ostendi sacrosanctam administrationem illam nec tempori quidem nedum Satanæ & hominum violentiæ cedere. Nam siue vniuersitatem Ecclesiæ consideremus, istius Sponsi regnum perpetuò mansurum est, vt filio pollicitus est Pater Dan. 7. 14. & Luc. 1. 33. & quidem ad vltimos vsque terrarum fines propagatum, Psalm. 2. 8: atque ad eò thronum habens, supra cælos omnes collocatum Ephes. 4. 10: siue vnumquodque membrum Ecclesiæ attendamus, quæ in hoc carpento singula cōtinentur, ne vnū quidem illorū perire potest

rest Ioh. 6. 39. & 18. 9. Quorsum igitur infelix Satan, quorsum miseri mortales Carpentum istud euertere contenditis? quā viam illi præcludere, immò etiam illud cōfringere studeatis? Atqui ex ligno cælestis Libani compactū est, quod nec ætas exedit, neque vis vlla vincit. Ad mōtem impingitis, tam insani, quā ii quibus successistis, & qui, firmo stabilique monte permanente, infeliciter sunt dissipati. Carpentum istud quum ferro non cedat, vestros gladios, hebetabit. Ignibus non absurmitur, sed purgatur. Immersum aquæ non mergitur, nisi mox emersum. Mors ipsa nullum ei detrimentum asferre potest. Quānam eos absumeret terra, quos sepulchrum, vt aurum purgant aurifices, duntaxat recoquit vt tandem immortalitate vestiantur? 1. Cor. 15. 42. Quōnam igitur nos recipiemus, Fratres, tantis sævientibus procellis? in hoc Carpentum, fratres, in hoc, inquam, vnicum Carpentum, sub vmbra illius Optimi Maximi, Dauide nobis singulis pene Psalmis præeunte.

Cæterum vbi sponsa de Carpentī materia *Propheta & Apostoli* disseruit, accedit *ad columnas quas dicit esse argenteas & ab eo ipso rege Solomone erectas.* *Quas sunt huius carpenti columnæ, quarum iudicium curasidis Pastoris & Dominis est commissa. Et* Quas autem istas esse dixerimus Colūnas nisi quos Deus constituit huius Carpentī præcipuas partes, quibus hoc Carpentū fulciretur, sicut suis colūnis istud in quo nunc stamus nititur? nimirum Prophetas & Apostolos, insignes Architectos quorum etiam veluti manibus

*quo sensu
fundamen-
torum appel-
latio illis
tribuitur.*

ad huiusce carpēti constructionē in terris v-
sus est? quale illud nacti sunt primi illi Pasto-
res & Doctores ab illis sapientissimè & per-
fectissimè exēdificatū, illius diligenter tuendi
& cōseruandi cura ipsis demādata 1. Cor. 12.
28. & Eph. 4. 12. Idcirco docet alibi Apostolus
Ecclesiam esse fundatam super Prophetas &
Apostolos Eph. 2. 20. Et quoniam Apostolis
ea gratia diuinitus obrigit vt à prophetis in-
choata perficerent, ideò in descriptione ciui-
tatis illius, quæ cœlitus descendit, dicitur
murus eius habuisse fundamenta duodecim
singula totidem Apostolorum nominibus
inscripta Apoc. 21. 14. nempe quoniam ad ho-
diernum vīque diem vera Ecclesia nullum a-
liud obiectum habet fieri, quàm doctrinam
illam à fidelibus illis Domini Apostolis pro-
mulgatam Ephes. 3. 12. Ergone, inquires, sunt
plura Ecclesiæ, & ipsius gubernationis fun-
damenta? Minimè profectò. Sed plures quidē
fuerunt extractores, vnicum autem funda-
mentum. Habita igitur exēdificantium ra-
tione tot fundamenta reperientur, id est tot
opera fundatorum in varias partes disperso-
rum, quemadmodum post reditu ex chaldæa,
in instaurāda Hierosolymitana ciuitate ter-
restri, suo quisque loco ædificio struendo o-
peram dedit: opus tamen integrum vnus e-
rat murus, veteri fundamento impositus.
Neh. 2. & 3. Ea est igitur vera Ecclesiæ verè
catholicæ definitio, qua dicitur ea esse quam
Apostoli, suo quisque in loco, ædificarunt
eadem

eadem proposita doctrina vnico fundamen-
to innixa, vt vnica solâque Ecclesia inde cõ-
surgeret, nullo architecto in alterũ potesta-
tem habente? quãuis vt à Rege legatus Nehe-
mias omnibus moderaretur: quemadmodũ
Magistratus fidelis officium est operam dare
vt Dei regnum inter eos vigeat, quibus ip-
sum Deus regendis præfecit. Nusquam igi-
tur extitit commentitius ille principatus Pe-
tro falsissimè adscriptus, qui suo quoque lo-
co, vt & alij, fortissimè in idem opus incu-
buit: neq; aliter interpretari duodecim istos
fundatores & duodecim ista fundamenta o-
portet: Nec etiam existimãdum Paulum, qui
amplius quàm alij omnes laborauit, 1. Cor.
15. 10. vel Barnabam, in illa Iohannis visione
fuisse præteritos. Tota enim Apocalypsis te-
statur, Iohannem & visiones plurimas & lo-
quendi formulas ad Iudaicam politiam ac-
commodasse, in quã quoniam duodecim tri-
bus recensentur, idcirco duodecim tantũ
portæ, nec plures illius cœlestis ciuitatis fun-
datores commemorantur.

Atque vt hoc clarissimè appareat in hac
descriptione allegorica, notandum est colũ-
narũ duo esse extrema, vnũ quidem infrà, su-
prà verò alterũ. Illarum igitur bases quidem
fundo carpēti inhiuntur, epistilia verò ca-
merã carpenti adhærent, ac proinde nequa-
quam illud operimentum propriè fulcitur,
sed tantũ quatenus ipsamet fundi, cui
imposita sunt firmitate sustinentur. Idcirco

*Christus est
fundus hu-
ius Carpēti,
ipsas etiam
eius Colum-
nas fulciens.*

co columnæ quidem argenteæ, aureus verò fundus esse dicitur: nēpe Christus ipse, imus angularis ille Lapis 1. Cor. 3. 11. & Esa. 28. 16. totam structuræ molem sua vi sola sustinens, eaque de caussa cum pretiosissimo & firmissimo metallo collatus. Neque argenteis istis columnis necessitate quapiam vtens, sed quòd ita ipsi libeat, ipsemet propriè & columnas ipsas, & vniuersum Carpentum sufficiens, coagmentationē videlicet sanctorum ea vi quam in suorum corda insinuat, Eph. 4. 11. & 12. legatorum suorum etiam scriptis quæ illis suo spiritu dictauit adhibitis, & insigni cum efficacia promulgatis, quocunque Carpētum istud illi ducere libuit, incòcusso tamen semper illo axiome, Qui plantat & qui rigat (hæ sunt autem illæ columnæ argenteæ) nihil sunt, nisi quod ad plantationem & rigationem exterius adhibitā, omnia verò illi tribuēda qui solus facit vt adolescat planta, nempè aureus ille fundus 1. Cor. 3. 7.

*Operimentū
purpureum
huius Car-
pentis, des-
ignat celestē
illam Dei
potentiam
qua suam
Ecclesiam
protegit, &
calitus con-
seruat.*

Operimentum autem istius Carpentis (inquit Sponsa) *ex purpura fecit Rex ille Solomon,* quibus verbis docemur qua ratione & potentia Deus cælo suo & throno cæruleo suos illos protegat, alioqui iniuriis & tempestatibus omnibus expositos. Hæc autē doctrina nobis penitus necessaria sæpissimè in sacris literis inculcatur, vt quum dicitur is demum in tuto esse qui habitat in latebra Domini, & Pl. 34. 16. Oculi Domini (inquit Propheta) intenti sunt in iustos & aures illius ad ipsorum clamo-

clamorē arrectæ, & Ps. 121. 4. Ecce nō dormitat neq; dormit̄ custos Israelis, interdiu Sol nō feriet te nec Luna noctu: quod visibili modo experti sunt Israelitæ in ardēti deserto interdiu à nube tecti, noctu verò ignis præeunte colūna per auia deducti: & Psal. 125. 1. Qui confidunt Iehouæ, similes sunt monti Sionis immoto, & in seculum permanent. Denique tota scriptura huiusmodi sententiis abundat: docente nos præterea perpetua rerum experientia, nullos sepe tutiores fuisse quàm qui iam periisse videbātur. Sed operimentū illud solis fidei oculis conspicitur, vt dicitur Moses Deum inuisibilē quasi aspectabilē contēplatus: quū ab Ægyptiis ad suos Israelitas trāsiuit Heb. 11. 27. Cœli tamē isti visibiles & quasi visibile huius regis Carpentū, in quo residet, magno ad illum ipsum in iis intuendum adiumēto nobis esse potuerūt, quorū firmitas & cōstantes illi motus inenarrabiles, impressum habent testimonium infinitæ illius potestatis & certissimæ in ipso securitatis, de qua disserit Propheta. Psal. 19. 1. & 119. 89.

Sed (proh dolor!) hæc est nostra iustissima *Reprehensio* condemnatio, quòd ex nobis quàm plurimi, *eorum qui,* qui tamen Ecclesia ex Verbo Dei reformata *aliò quam* censerī volumus, & quasi in hoc Carpentum *ad hoc Car-* recepti vt mox recta in cœlum pergamus, *pentum rec-* *fugiunt.* has columnas, hūc fundum, hoc operimentum vix quidquam esse credimus. Etenim si certissimum est doctrinam, cui nobis annūtiandæ Dominus pro infinita benignitate

sua nos elegit, verum & solum obiectum esse fidei, cur nobis fides nō habetur, siue doceamus, siue consolemur, siue redarguamus? Quod si fides nobis habetur, cur igitur sibi tam multi peculiare Carpentum, priuatas columnas, & noua opera comminiscitur. Quinam verò istud inquietis? Nam istud demum facere idololatræ & superstitioni solent. Quid? annon idololatrarum nomine censemini, Vos auari, quibus nihil nisi lucrum placet? Hic ego vos appello mercatores, qui tam astutè nostis ex aurorum æstimatione modo augeſcente, modo decreſcente, tantū quæſtum maximo cum proximi detrimento facere: qui vberiore cū lucro merces credere quàm præſente pecunia diuendere, miris quibusdam artibus mauultis. Vos etiam hic alloquor fœneratores, Vos immanes lupos canos & inueteratos, (eos quòd ad canitiem excipio qui ab ipsa iuuentute hanc artem facere incipitis) qui officij simulatione diuitias execrabiles ex aliorū inopia captatis. Infelix hominū genus, quamdiu locum in hoc Carpento nobiscū occupantes, & nos & vos ipsos horrendæ subuerſionis periculo obiectis? In ſumma, quot inter nos extant fraudes atque verſutiæ, quantumlibet in cathedra verbum Dei perſonet, & iſta publicæ vetent leges, apertè conuincunt non magis adhuc credi huius Carpēti fundum, vel operimentum, quàm ſi nunquam de illis quicquam auditum eſſet. Quid verò dicā de per-

ditis

ditis illis, qui ultro siue præpostero metu vera ejurata pietate, sensim tandem ita obdurerunt, ut ipsi sibi oculos effoderint & aliis excacâdis operam Satanæ locent. Recordemur hîc, quæso, Fratres, aduersus hæc offendicula, parabolæ de reti tum bona tum mala colligente Matth. 13. 47. & (quod etiam ad Carpētum istud nostrum spectat) illius conuiuæ ad mensam accedere ausi absque veste nuptiis accommodata. Offendicula certè ista magna sunt, sed sic oportet fieri, vā autem illis quorum culpa eueniunt, inquit is qui in huius Carpentis folio residet Matt. 18. Quinetiam necessariò exoriuntur hæreses ut qui probi sunt manifesti fiant 1. Cor. 11. 19. Dei verò (Fratres) immensam bonitatem imploremus, ne in isto mundo censeamur: sed ut Ecclesiam in terris positam considerantes, huius Carpentis aureo fundo, ut nostræ Spei fulcro, cōstanter insistamus, siue sursum mētibus toti feramur, & anchoram illam in illum thronum celestem defigamus, cui Dominus idem, verūm alio respectu cōsideratus, insidet: quatenus nimirum nos in terra custodit, ut ad se in cœlum euchar:conseruās in cœlis, quos iam iam in terris possidet, ut ad exiguum tempus peregrinantes.

Superest interior carpenti ornatus, quod *Testimoniz*
 Spōsa inquit, *stratum esse amore, propter puellas dilectionis*
Hierosolymitanas. hoc est, depictis rebus *Christi erga*
 stis, aut cœlatis potiùs in sacræ scripturæ *suam Eccle-*
 bris, quæ infinitum testantur amorem, quæ *siam in sa-*
cris literis

*descripta,
sunt tabellæ
quibus hoc
Carpentum
intus exorna-
tum conspi-
citur.*

verus ille Solomon suam illam Ierusalem prosequutus est. Hæc autem allegoria inde desumpta est quòd iam olim vlitatum illustribus viris, ut sapientibus, & tum pictis tum cœlatis rerum insignium gestarum imaginibus, non tantum domos, verum etiam porticus, currus, lecticas, atque adeo sepulchra quoque sua exornarent, expressis præsertim eorum quos charissimos habuerant vultibus. Hunc in modum in Euangelio nobis Carpentum istud spirituale nostri Solomonis hierosolymorum amici pingitur, tum quoque amicissimis simul & ingratis incolas illachrymantis quum eò ingrederetur crucifigendus. Luc. 19. 41. Ecquis autem possit hinc quidem tantam huius Sponsi bonitatem ac misericordiam, inde verò tantam istorum hominum ingratitude & contumaciam mente complecti? Deum itaque precemur ut mentes nostras quodammodo dilateret, quibus & hæc, & illa utcumque saltem capere possimus: & nobis concedat, ut illas quidem venerati, istas vero abominati, idonei reddamur illis cognoscendis & considerandis imaginibus, sacris nimirum historiis, quæ totidem sunt testimonia infinitæ ac incomprehensibilis eius misericordiæ qua suam Ierusalem complexus est, Eph. 3. 19. & 5. 25, sanctorum nempe coaggregationem, quæ cum terrestri quidem Ierusalem extitit, sed neque cum ea cœpit, neque cum ea desijt: testimonia, inquam, in
hoc

h^{oc} Carpentio impressa quò nos ipse Sponsus
 euehit & collocat, vt illa vndique, Dauidem
 imitati, collustremus Psal.27.4. quemadmo-
 dum in Ierusalem terrestri istud mysterium
 pretiosissimis parietum incrustationibus &
 ornatu reliquo adūbrabatur:cui Spon-
 so & seruatori nostro omnis ho-
 nor & gloria in secula secu-
 lorum tribuatur. A-
 men. Domine
 Deus,&c.

* *
 *

M.iiij.



IN CANTICVM CAN-
TICORVM HOMILIA
VICESIMA OCTAVA.

Auxilium nostrum sit à Domino, &c.

Quod sequitur extat in Cap. 3. vers. 9. 10.

9 Rhedam sibi fecit Rex Solomon ex lignis Libani.

10 Columnas eius fecit ex argento &c.

*Huius Rheda succussio-
nes non impediunt eorū
requiem qui in ea versan-
tur, nihilq;
est quod cum
felici eorum
conditione
comparan-
dum sit.*

COpiosius antea differuimus de iis quæ tota hac contextus serie continentur, in qua nobis tantum doctrinæ & consolationis argumētum suppeditatur, vt, quò accuratius expenditur, hoc etiam vberior sese nobis eius fructus offerat, vt non abs re hic liber Cantici Canticorum nomine inscribatur. Itaque ad illa quæ superiore concione diximus istud iam adiungo, non temerè à Domino mentionem fieri Rheda seu Carpentis vel lecticæ duabus potissimum rebus utilis: quieti nimirum & itineri faciendo. Quantūvis enim huius seculi homines, nostram omnium maximè incertam esse conditionem putent, vt qui perpetuo motu agitemur, & vt ait Apostolus, velut erronei nusquam subsistere videamur 1. Corint. 4. 11: rheda tamen aurea, argenteis subnixa columnis, ostro & purpura instrata, variisque pulcherrimis imaginibus depicta & calata vehimur, quæ
nec

nec effundi, nec, quantiscunque illi domi forisque obicibus obiectis, vel minimum temporis momentum retardari possit, tametsi non paria semper itinera conficiat: cuius rei documento est Domini illa vox (Beati eritis quum conuirtiati fuerint vobis & vos persecuti fuerint, & dixerint quiduis mali aduersus vos mentientes, mea causa Matt. 5, 11.) Quando enim succutimur & exagitamur, nisi eo demum tempore de quo Christus illic loquitur? Interea tamen in rheda sic collocati sumus, vt istar succussiones, quæ ex eorum opinione qui extra rhedam sunt, exitium nobis videtur minari, nos intrinsecus quibusdam veluti oblectationum festiuis choreis recreent & reficiant: nempe vt grauius vrantur ij qui nostro exitio, extra cuius tamen periculum sumus, delectantur: quique ipsi tandem cum suis sannis in eam ipsam quam nobis pararunt scrobem incidunt, vt videmus iis Prophetam sanctis iocis illudere Ps. 9. 7. Apostolo quoque istos omnes & superos & inferos aggressores prouocare non dubitante, Rom. 8. 37: qui certè non insaniebat quum diceret, idemque nobis suo exemplo suggereret, nusquam sibi lætandi vel sese iactandi præberi maius argumentum quàm in cruce Iesu Christi, qua inquit, mundo sum crucifixus Gal. 6. 14. Hæc igitur est rheda in qua vera quies vltèrius progredientibus reposita est, non tamen vt ab omni agitatione immunes placide in ea

requiescamus, Abripitur enim & circumagitur hæc rheda per infinita montium & totius orbis præcipitia. Illi, inquit Dominus, qui sunt in domibus regum, versantur in palatiis regum Matth. II. 8. Agedum igitur (Fratres) ferantur isti placidè ad tartara, splendidè ornati & molliter iacentes nisi fortassis aliam aliquando viam ingrediantur. Nos autem hac rheda in cælos, cum quibuscunque quasi sationibus Domino visum fuerit, recto cursu rapi sinamus, dummodo duce & auspice nostro duce & imperatore ad metam tandem perueniamus. Rom. 8. 17. Heb. 10. 20.

Copiosa descriptio ingentium laborum quos Clerus Romanus sanctæ Ecclesiæ suæ matris causa sustinuit.

Præcipui tamē (fateor) eorum de quorum otio & securitate mentionem hîc facio, angustæ viæ semitam sequi sese contrà dictitât: ut qui duro vitæ genere sese exerceant, quum nos carnis libertati indulgeamus. Nam à coniugio (inquiunt) abstinemus, à quo vobis non temperatis. Quam autem verè isti suam illâ téperantiâ iactitent, testantur tot meretrices, tot prostibula, Sodoma denique & Gomorrha instauratæ quibus cælum & solum inficitur. At enim (inquiunt) ne nobis quidem illa probantur quæ nobiscû omnino dānāda iudicamus. Doceāt ergo quibus modis ista scelera vindicent quū penes eos sit uterque gladius ut loquuntur: siue Ecclesiasticis censuris ex certo illo. S. Spiritus præscripto per os S. Pauli loquentis I. Cor. 5. 9. aut saltem ex Canonum veterum ratione, ut-

cun-

cunque tum ius diuinum prout ipsis libuit relaxent (quod nullo modo tolerari debuit) siue ciuilibus legibus, quales prophanorum etiam gentium in eiusmodi flagitia constitutæ sunt, siquidem ipsi omnium secularium dominationum ius sibi arrogant. Cúmque eorū caput suā iacet in Cæsarem & reges potestatem, cur non ea ipsa utitur in eos qui tam male greges sibi commissos pascunt? népe quòd satis norit fore ut hoc à suis respòsum ferret, Cura te ipsum, medice. Initium facito à te ipso, à tuo Clero, à tua Sodoma. Ieiunium igitur isti celebrant, &, certo anni tempore, à carnis esu abstinent. Quid verò nos? Quadragesimam planè sustulimus: promiscuè carnibus & piscibus, aut utroque simul vescimur. Testes ieiuniorum & magnorum illorum laborum quos sustinent Ecclesiæ causa, testes, inquam, appellamus eorum vultus, ventres, promos condos, pincernas, coquos & sexcentas lagenarū myriadas. Matutinas preces canūt, missas celebrāt paruas & magnas: primas preces repetunt, tertias, sextas, nonas, vespertinas, cōpletorias quas vocāt. Quid vero nos? in verbi prædicatione tātū versamur. Fatemur id quidē, totāque muneris eorum rationem in cantibus, & circulationibus positam esse concedimus. Quantum autem onus bonum illum Sanctissimum patrem sustinere putamus, quum baiulorum humeris circumfertur, quum toties pedem tollit ut exosculandam crepidā præ-

bet, quum tot aureorum nummorū myriadas numerat, præterquàm quòd paterna vel potius perpetua cura afficitur deprædandorum corporum & animarum, cuiuscunque sortis & conditionis hominum, tam miserè à suis emissarijs fascinatorum. Nempe hæ sunt certæ & præclaræ veræ illius Catholicæ Ecclesiæ notæ, quæ perpetuas mundi inimicitias iuravit Iac. 4. 4. quum cernūtur domini illi Reuerendissimi, longa illa suarum togarū syrmata trahentes caudatorū quos vocāt subleuati: rheda vecti cū suis meretricib⁹, vt vel sua impudentia Solē pudore suffundāt; En tamen sedis illius œcumenicæ seminariū. Quid verò de ijs dicam qui galerifico illi eiúsque galeris perpetuò inhiant? quid de bonis illis titulo tenus Episcopis, Abbatibus, Prioribus, quos vel meritò omnes à Sathana irrideri verisimile est, etiam si illum summo studio colant: exceptis tamen ijs qui palàm & verbis & horrendo illo suo luxu, se nec Deum nec Sathanam morari ostendunt. Eò enim deuentum est. Quod autem attinet ad sanctissimos illos viros qui tum sese tum alios tot meritis onerant: Eheu! quàm incommodè in suis illis & plusquàm regijs palatijs habitant! quanta inedia conficiuntur, omnibus illis certatim dona conferentibus, ipsis vicissim obstructū os ad petendū nunquā habentibus, nec chiragra laborātibus vt quidpiam recusent, Eheu! quantum argent in cameris illis suis Dominicanis, quàm tenui & exiguo

exiguo vestitu ornati, in quo nec hyeme nec æstate quidquam desideres. Præclaram verò pœnitentialē disciplinā quæ in cingulo circumfertur! O insignem illam falsi Iesu societatem! quæ gratuita charitate, triginta annorū spatio, plures opes & diuitias, quàm per totos quingentos annos reliqui omnes monachi, sibi comparauit.

Siquis hîc verò nobis obiiciat veros tamē aliquos esse religiosos qui corpus suū quotidie macerent duram vitam agentes, quinetiam flagris sese confodiant: etiam si hoc illis dederimus & longè plura alia quàm quibus se venditât: vix dum tamen ad Baaliticos Sacerdotes vsque accefferint, suos ipsorum artus nouaculis incidentes, postquam à primo diluculo ad meridiem vsque multis cœli clamoribus oppleuissent, quos aperto ore irridet Elias, 1. Reg. 15. 27: nec dum etiam cum varij generis religiosis Mahumetanis comparandi fuerint. Ac sanè si, (quod vulgus imperitum sibi persuadet) durum vitæ genus, veræ illius religionis & sanctimonie foret essentialis nota, Ioannes Baptista Iesu Christo anteponendus esset Matth. 3. 16 19. Nec tamen istud à nobis dicitur, quasi temperantiam in victu aut aliquod eiusmodi carnis aduersus Spiritum contumacis domandæ exercitium vituperemus. Nam è contrario temperatissimam vitæ rationem ab omnibus Christianis exigimus, & vtrò fatemur à multis nostrorū in altero extremo peccari

*Qualia sine
superstitione
sorum merita.*

quasi superstitioso dierum & ciborum discrimine sublato, prohibita forent omnia ieiunia vt precibus attentius & ardentius incumbamus, aut quasi iuberemur singulis diebus carnibus & piscibus vesci. Dicimus igitur eum qui moderatè equum suum alar, ei-que pabulum vbi opus est subtrahat, ne si obæfior fuerit in Dominum quem gestare debeat, calcitret, longè differre ab illo qui eundem inutilem reddat nimium tenuj subministrato pabulo, ita vt vires eius prostratæ iaceant, nec pedem mouere possit, si quando illum conscendere voluerit dominus. Addimus præterea periniquum esse & non ferendum, vt istorum exercitiorum certæ & communes quædam regulæ statuuntur, quod nec verbo Dei constitutum vnquam fuit, nec in Ecclesia Christiana factitatum, quamdiu pura extitit: quum etiam sub iugo Legis vnicus dies Ieiunij in singulos annos generaliter institutus fuerit. Huc etiam accedit quòd quum optima quæque & præstantissima S. Spiritus in sanctissimis etiam quibusvis opera, minimè censeri possint peccatorum nostrorum apud Deum expiationes: neque soluendis apud Deum peccatis quidquam à nobis proficiscens par esse possit: execrandus sit error necesse est, regni Dei consequendi viam in cibis, vel eorum abstinentia, in matrimonio vel cœlibatu, in carniū vel piscium esu positam esse putare. Sed fateor me frustra de istis rebus disputare aduersus eos, de quorum

quorum luxu & ingluvie cœlum & terra vindictam à Domino reposcūt. Liceat igitur illis per me (nisi meliora suadentes audire volunt) illa sua rheda vectis, cito gradu & contento cursu in eum in quem destinati sunt locum deferri. Obiter tantum illos relego ad id quod ab omnibus Prophetis aduersus hypocritas & suorum temporum traditionum inuentores scriptum est: nec non etiam ad illa quæ tot locis passim apud Euangelistas Dominus de istorum hominum genere disferit: maximè verò ad Paulum Rom. 14. 17. præsertim ibi de iis ipsis agentē quæ ex mādato Dei ad tempus tantum prohibita fuerant, Mosem nolens sepultum fuisse vt traditionibus humanis aditus aperiretur, Coloss. 2. 23. & 1. Tim. 4. 3. & 8.

Redeamus iam ad rhedam illam Sponsæ excipiendæ Sponsæ comparatam. Mirum igitur fortasse cuiquam videri possit, cur hîc nulla rotarum huius rhedæ mentio facta sit, quæ tamen penitus & in primis ad illam regendā requiruntur. Est autem perspicua eius rei ratio, nempe quòd hæc rheda nulla arte humana propriè mouetur, sed sola eius virtute qui rhedam, vt est ab eo constructa, sic peculiari quadam & diuina prorsus ratione regit. Sic minimè tamen excluditur vel Angelorum ministerium, quod cœlesti illo curru quem Ezechiel cum suis rotis vidit, nobis representatur, Ezech. 15. vel hominū opera, quum antea Sponsa comparata fuerit Pharaonis

Rheda agitur Spiritu & arcano providentiæ Dei motu citra ullum rotarum ausfranorū adminiculum, manente nihilominus sancto ministerio in Ecclesia constituto.

quemadmodum etiā Elifeus aiebat quū videret Eliam sublimem rapi in cœlum, Pater Pater, currus Israel & eius exercitus, 2. Reg. 2.

II. Imò ne causarum quidem naturalium ordo sic excluditur, quarum mentio fit Exod. 10. 13. & 14. 21. & Psal 18. 11. sed ita significatur secundarias omnes causas, præsertim quum agitur de iis quæ ad regnum Dei pertinent sic ad hoc opus adhiberi, vt Deus totam & integram illarum operis laudem sibi vendicet, prout de suo quoque ministerio loquens Apostolus, inquit, Eum qui plantat, & qui rigat nihil esse (nempe quod ad intrinsecam vim attinet) sed esse omnia à Deo qui dat incrementum. 1. Cor. 3. 7. Tātum igitur abest vt mortalium quispiam, aut cœlestium Angelorū aliquis, huius rhedæ spiritualis cursum dirigere possit, vt cōtrā oporteat eos ipsos in hac rheda impelli vnus illius prouidentie motu à quo constructa per auos montes & valles omnibus inaccessas fertur. Interea verò S. ministerium in huius rhedæ descriptione minimè omissum fuit, quod argenteis illis columnis expressum & representatum fuit, vt est à nobis superiore hebdomade declaratū.

*Descriptio
illustrati-
onarū, qua-
runque hi-
storiarū iam
inde à prima
mundi ori-
gine vsque*

Nec leuiter prætereundum est quod interiores huius rhedæ partes splendide exornatæ & insculptæ sunt, ad fidem maiorem faciendam dilectionum huius Sponsi erga puellas Hierosolymitanas. Quid verò aliud totū istud est quàm quod in sacris libris, tam multiplicibus historiis, quasi picturis, non alio

liquo artificio humano factis, sed narratio-
 nibus à Sancto Spiritu dictatis contine-
 tur? Ingrediamur ergo, Fratres, (obsecro)
 in hanc rhedam; & videamus an quidpiam
 vel in cœlis vel in terra cum istis picturis &
 sculpturis sit conferendum. Primum igitur
 hic spectamus magnum illum opificem omnia
 ex nihilo facientem, apud quem omnia ad e-
 ius verbi sonum se sistunt: tum verò inter cœ-
 tera, præstantissimum illud omnium opus;
 hominem videlicet ad ipsius quasi diunita-
 tis exemplar effictum: Genes. 1. 26. Deinde in-
 tuemur magnum illum conditorem in eius
 persona, qui sese postea nostrum redempto-
 rem constituit, ad duos illos humani generis
 perditos parentes accurrentem, subitoque
 lethali vulnere admouentem immortalitatis
 remedium, longè præstantioris illa, qua illi
 totam suam sobolem spoliarunt Gen. 3. 1. Huc
 accedit & arcus Domini in cœlis insculpens
 ipsius conditoris patientiam, etiamnum ho-
 die perdurantem, Gen. 8. & 13. aduersus omnem
 omnium contumaciam, ab vniuersali cata-
 clysmo ad quatuor ferè annorum millia pro-
 pagatâ. Penitiùs etiam intuētibus, quâta cum
 voluptate se offerunt variis errorum tempesta-
 tibus. acti Abraham, Isaac, Iacob eorumque
 soboles totos quadringētos annos inter gen-
 tes prophanas summa ingratitude & de-
 plorato furore perditas versans, aucta &
 propagata ad sexcenta hominū millia præter
 fœminas & pueros? Occurrit postea indo-
 N. j.

*ad Solomonis
 tēpora, qui-
 bus hæc rhe-
 da calasa &
 variè exor-
 nata est.*

mitum illud Pharaonis pectus, huius rhedæ
 cursum remorari conantis, oppugnatum ac
 tandem expugnatum à ranis, muscis, pedicu-
 lis ad solam virgæ vnus seruatorū magni illius
 regis quassationē excitatis. En postea rhedā
 hanc nostrā infinita pænè multitudine ho-
 minum ima gurgitis vada trāseuntium, qui-
 bus gutgitibus insequētes illā hostes omnes
 absorbentur, oneratā & ornatā. Ecce manna
 cœlitus demissa: En vnico virgæ icta durissi-
 mas cautes fissas: En inde promanātes aquas
 quæ totos circiter quadranginta annos in-
 gēti illi multitudini & patribus potum sup-
 peditarent: En deinceps rhedam ad Iordani
 fluentia, prostratis & conculcatis duobus po-
 tentissimis regibus, appulsam, & ipsi cedētes
 aquas traicientem: En ad eius conspectum
 colliqueſcentia Iericunthis mœnia: En tri-
 ginta reges Cananæos ab eadem stratos, op-
 pressos, cōtusos: En victorem populum isto
 triumphali curru vectum, in promissam hæ-
 reditatem introductum: En eundem ob sua
 peccata sic castigatum vt sibi tādē tot mi-
 randa trophœa statuerit quot insultus hæc
 rhæda sustinuit: validissimos hostes modò
 vitreis lagenis obruens. Iud. 7. modò bubulci
 virga prosternens Iud. 3. 31. vt cunq; rhedæ gu-
 bernator captiuā ad tempus! sciuerit abduci
 arcā suā, cui veluti infidebat in huius rhedæ
 moderatione. At quorsum id? nēpe vt Dago-
 nis idolum cōtrito comminueret. I. Sam. 5. 6.
 suos hostes à tergo feriret, & iisdem ad eam
 quò

quò libitum esset agendam veluti ad temonem iunctis iugalibus & ictibus flagelli impulsis vteretur. Luctuosissima quidem postea & tristissima quædam sequuntur, sed stante nihilominus rheda, & quibusdam tantum exonerata, qui temerè sese in eam conicientes indignos se præbuerant qui diutiùs in ea cõmorarentur. In iis est miserrimus ille Saul postquam se tandem præcipuarũ huius rhedæ columnarum sanguine cruentasset. 1. Sam. 1. 22. Sequuto mox tempore effusa planè aut omnino retardata videri poterat hæc rheda, quum ecce Deus excitato fido rhedario, Dauide nempe magno illo Propheta & rege qui eius quodammodo vices gereret, mox huic incommodo prospicit. Dauid enim adiectis Imperio suo Hierosolymis, sede tam Deo grata & accepta vt eam suę ciuitatis, domus, & quietis nomine ornarit, omni huius rhedæ velut ab integro instauratæ apparatus composito, sibi successorem architectũ designauit filium suũ Salomonẽ: Hoc verò curante excellentissimum illud opus ad exitum perducitur, tanta cum sapientia, industria, pompa denique, quanta nulla vnquam similis inter huius seculi Reges apparuit: quam etiam ob causam æterni illius Salomonis, Regis pacis & Domini & Filij æterni Dauidis fuit hic Solomon. Et hæc quidem sunt tabulæ & cælaturæ interioris huius rhedæ, quas hic commemorat Sponsa.

Quod si vltra Solomonis tēpora progre-

N.ij.

Pe rheda

*hæc semper
victrix &
triumphans
tempestates
omnes usque
ad veri in
terras Solo-
monis aduen-
tum supera-
rit.*

di velimus, quemadmodum S. Spiritus propheticè nobis huius Sponsi dilectionis testimonia usque ad ipsius in carnem aduentum, immò etiam usque ad mundi consummationem patefecit: quò propius ad nos hîc Spôsus accellit, eò euidentius propensus ipîus erga suam Ierusalem quamlibet ingratham & deprauatam, amor sese exeruit. Aliquis igitur existimare possit, Rhedam istam grauitè labefactatâ fuisse quâ ex duodecim tribubus, decem ex hac rheda sub Roboamo deturbatæ sunt. Sed longè secus se res habet. Quemadmodum enim si ex duodecim vnîus familiæ liberis, decem manifesta proditiōis in matrē cōuicti exhæredetur nullo incōmodo affecta fuerit familia, quin subleuata & à spuria sobole repurgata potiùs censebitur: ita Dominus miseros istos & profligatos homines ex sua rheda expulit. Quod verò ad reliquos in rheda seruatos attinet, siquâdo Rex denuò in familiam suâ inquisiuit, quid aliud cōsecutâ est quàm quod in horreis vsuuenit, nempe vt tanto purius sit triticum quâto accuratiùs ventilatur & excernitur. Videri tamē possit hæc rheda, quum pessime omnium ab ijs quibus ea cura à Rege commissâ fuisset dirigeretur, non modò effusâ, sed & in sexcenta frustula discerptâ, atque ad eò versâ in cineres, postquam multis tempestatibus præsertim sub Iosaphato & Ezechia restitisset. Verùm si rem totam diligentius attendamus, cōtrarium planè comperietur. Tantum enim abest vt qui hac in parte superiores fuissè vi-

deri possunt, victorias illas suas iactare possint, vt contrà Rex ipse suos hostes impulerit, egerit, & ad hoc opus patrandum admo- uerit: nequaquã certè vt rhedam suam euer- teret, sed vt eam primùm infinita illa obscœ- norum & prophanorum hominum multitu- dine exoneraret, deinde vt dissolueret, ac tertio & postremò quoniam longum iter ipsi emetiendum erat, nempe Babylonem vsque, tot flumina traijcienda, tot viarum mole- stia & difficultates superandæ: volens e- tiam populum suum ex nimio otio & desidia torpêtem expergefaceret, tum Chaldeam vs- que peditem illum deduxit, tum Chaldæis v- tens veluti clitellarijs iumentis suam sup- pellectilem auream & argenteam eò deferri curauit, quam apud illos tanquam seque- stros ad tempus deponeret. Rhedam verò suã quam videbat ita conspurcatam & labefacta- tam, non modò dissolui & disiungi voluit vt dixi, sed etiam confringi & comminui: ea ta- men lege & conditione vt non inutilia es- sent eius fragmenta. Itaque suo tempore il- lam postea restituit, idque adhibita suorum alioquin hostium & qui euerforibus illius successerant opera. Quod si quis hîc seruitu- tem obijciat, Accipio id quidem: nam hoc sa- nè promerebatur. Sed addo, in illa quoque captiuitate populum quamlibet captiuum Babyloni in Danielis persona præfuisse. Hinc edicta illa regia de Danielis Deo adorando, Hinc tyrannus inter feras relegatus: Babylon

denique ipsamet captiua, & populus Dei, magnis cum priuilegijs & sacrorum vasorum restitutione instauratus. Quid postea? Annon ille est Rex qui regum Syriae & Aegypti vires confregit, tametsi nonnunquam illis in suam vsque domum aditum patefecit vt eos interciperet?

*Quomodo
Rex iste suo
in terram
aduentu, il-
lustriori lon-
gè quàm an-
tea conditio-
ne Rhedam
istam erexe-
rit, eamque
incredibili
celeritate ab
Oriente in
Occidentem
traduxerit,
euerso tandè
imperio Ro-
mano eius
cursum ob-
stinato quã-
libet animo
impediense.*

Quod si vlteriùs etiam progredimur, verè hìc demù ille Regis erga suam veram Ierusalem propèssimus amor elucet, quù superiora omnia fuerint duntaxat quædam sponsaliorum arræ. Tum enim instructa fuit ista rheda, quæ incredibili celeritate ab Oriente in Occidentem, & à Septentrione in Meridiè transit: illo oris Domini vehementissimo flatu impulsæ: qui die Pêtecostes duabus velocissimæ efficaciarum rebus repræsentatus est, vehementi nempe & rapido vento, necnon etiam igne similitudinem linguarum referente. Nam hoc illud est in quo tum potentia tui integra & sincera Regis huius rhedæ dilectio, verè cardinalium quatuor ventorum ailiis inuectæ, sese potissimum, prostrato illo ingenti Romanæ monarchiæ cadauere, demonstrauit: nunc etiã eundem ventû spirare iubentis ad illius Bestiæ, ad prostrati imperij exemplar effictæ, & in Templo Dei super eosdem septem colles insidentis exitium: ad quæ sigillatim excutienda non vnica conione, sed pluribus hominum ætatibus esset nobis opus.

applicatio

Hoc tantum addam: alteram istam rhedam

dam, non in sese quidem nouam, sed spiri-
 tualem, quatenus illam prior illius rudior
 forma repræsentabat, postquam in pes-
 simos rectores aliquot ante secula incidit,
 nostris rursus temporibus instrui & instau-
 rari cepisse, maxima orbis terrarum par-
 te iam traiecta, quam etiamnum hodie pera-
 grat, non quidem sine multis succussionibus
 & offensionibus, sed in quibus tamen is qui
 in cœlis est & ab eius rotis nunquam rece-
 dit, ita moderatur, vt, quæ est eius immensa
 benignitas, potentissimos etiam quosuis
 cursum eius remorari conatos prostratos
 calcauerit. Quod si qui quassationum illa-
 rum vi & impetu è rheda sunt excussii, certè
 nō in terra iacuerunt sed sursum auolarunt,
 quò videlicet hæc Rheda omnes vectores
 suos deducit, solis tantum ipsorum spoliis
 deorsum relictis, partim vt quosdam perpe-
 tuò coarguât, partim vt aliis sequentibus cer-
 tæ & inuictæ constantiæ exemplum suppedit-
 ent. Itaque, Fratres, quū in nos Dominus hac
 singulari beneficentia sit vsus à multis iā an-
 nis, vt suam hanc rhedā in has regiones con-
 uerterit, in quam nos compelleret quasi ex
 plerisque orbis terrarum partibus coactos,
 agedū ita nos ab illo regi in illa patiamur, ne
 vnquā ab ea extrudamur: sed Dauidis potiùs
 exemplo Ps. 23. 6. & 27. 4. à Deo petamus vt
 toto vitæ curriculo apud eum consistamus,
 ipso videlicet pro sua bonitate, ad extremū
 illum vsque diem, nos gubernāte, quo subli-

*istius dile-
 ctionis ac po-
 tentiæ Dei
 ad id quod
 nostris tem-
 poribus in-
 staurauit,
 solutæ iam
 ferè ab im-
 probis rhe-
 dariis suæ
 rhedæ, equis
 denuò ad-
 iunctis.*

mes in cœlos cum eo in æternum regnaturi
rapiamur, I. Tess. 4. 27. Amen. Deus omnipotens &c.

IN CANTICVM CAN-
TICORVM HOMILIA
VICESIMANONA.

Auxilium nostrum sit à Domino, &c.

Quod sequitur extat in Cap. 3. vers. II.

II Egredimini, & intuemini puellam
Tzionis, in hunc regem Solamonem,
coronatum corona qua coronauit
eum mater eius, die desponsationis
eius, & die lætitiæ cordis ipsius.

*Cognitio ve-
ri Iesu Chri-
sti, & veræ
Ecclesiæ re-
quiritur ad
salutem, &
altera alte-
ram docere
nos debet.*

QUæ de materia, constructione, ornatu-
que didicimus Carpentem Regij, satis
superque nobis spectandam proponunt
eius excellentiam: fatendum est nihilominus
quæ intra illud continentur esse longe pul-
chriora: nempe Regem illum, primum, dein-
de Reginam: quorum magnificentia, regis
quidem, reginæ verbis: reginæ autem, regis
oratione, alterius de altero videlicet locuple-
tissimi testis, nobis hic depingitur. Est autem
nobis hæc doctrina eo magis necessaria, quod
quum æternæ vitæ doctrina in eo potissimum
fita sit ut Patrem cognoscamus in Filio quæ
nobis dedit Io. 17. 3, Satã cōtra totus est in eo

ut

vt nobis Chistos fictitios Math. 24 5. & falsas Ecclesias obtrudat. Deinde quamplurimi semper extitēre quibus neque Christus, neque Ecclesia sunt in pretio, vt oportuit, vtpote quorum dignitatem & præstantiam ignorantes homines, nimirum vana specie ipsorum oculos perstringente, multipliciter decepti fuerūt. 1. Cor. 7. 31. Nā certē tū rex iste tum regina, si carnis oculis spectentur, tam apparēt deformes, vt vel illorum aspectum plerique refugiant, vel si qui forte ad illos accesserint, diutius apud illos versari non sustineant, Esa. 53. 2 & 1. Cor. 4. 9: quorum propterea propheta Psal. 45 14. pulchritudinem interiorē esse merito prædicat: quæ res diligenti & accuratam explicationem requirit.

Consideremus ergo, quæ persona hîc loquens introducat, quos alloquatur, qua de re & quomodo loquatur, vt in singulis istis proficiamus. Sponsa ergo est quæ verba facit, & quæ audienda est, nisi forte in prophano- rum publicanorūq; numero censi volumus Math. 18. 17 & Luc. 10. 6. Sed quoniā eam auctoritatē quæ ad veram Ecclesiam pertinet, iam olim Satan, ad suā falsam transtulit, quænam germana sit Ecclesia diligenter videntum est, vt ab audienda supposititia nobis caveamus. Quænam autem illa vera sit, discernere hinc quoque possumus, ea videlicet quæ auditores nō ad se, vt solet adultera, pellicit, sed ad contemplandum Sponsum inuitat, & quidem coronatum, sicuti, Deo fauente, pau-

*Vna Ecclesia
Sponsum suū
laudat, &
ad eum om-
nes adduce-
re nituntur*

lò infrà explicaturi sumus.

Non quicū- que in Eccle- sia sunt ex Ecclesia cen- sensendi sūt: atque ideo falsa Eccle- sia Catholica in medio ve- ra reper- tur.

Cōpellat autem Sponsa puellas Sionis, hoc est illos, quibus salutis nuntiū Deus gratui- tō mittit: siue illud admittant, & mēbra fiant huius illos inuitantis Sponsæ, quæ cœtus est & mysticam ipsius Sponsi corpus: siue indig- nos se præbent ea quam Deus ipsis offert gratia, sicuti docemur in illius magni epuli parabola, Luc. 14. 16. Est autem in illa nobis id quoque in primis observandum, omnes illos inuitatos ad excusationem sui vnanimi- ter dici confugisse, quamuis non eadem vñ sint excusatione. Hinc enim discimus, quem- admodū vna est vera Ecclesia, quā esse catho- licam dicimus & quæ in audiēda vnus Spōsi voce consentit: non absimili ratione vnā quoque falsā esse Ecclesiam Catholicā, quæ ad mentiendum & repudiandā verita- tem conuenit, quanuis non iidem sint omniū mentientium errores. Quapropter paulò an- tē à me dictum est in hoc Cantico, puellarum Sionis esse duo genera, communis tamen cognomenti, propterea quòd Sion esset po- puli Dei metropolis. Earum autem vnæ ha- bentur huius Sponsæ tanquam pedisequæ, suo quæque tempore & ordine ad nuptia- le conuiuium accessuræ, sicuti scribitur Psal. 45. 15. Alterę vero etsi in Sione id est in Eccle- sia versabantur, in Ecclesia tamen non cen- sebantur, Sionem nimirum incolentes, vel inaniter spectandi causa quid rerum ibi age- retur, vel aliud quiduis negotij curantes, cu-

inimo-

iufmodi hominum vtinam tanta non eſſet frequentia, quantam quotidie cernimus.

Vt autem ad id accedamus quod tertio loco propoſuimus: nempe ad id de quo Spō-
fa loquitur, in primis expendenda eſt hæc vo-
cūla *Egredimini*: quæ videri poſſet abſurdiſ-
ſima. Etenim ſi Sion erat Eccleſiæ domiciliū
in terris, quānam inde nobis egrediendum
fuerit vt regē contemplemur cuius ibi ſit ſe-
des? Pſa. 81. 2. & 132. 15. Reſpondeo primū
nihil nobis conferre, immo grauiori iudicio
nos ſubiicere commorationem in Sione, niſi
vt corpore ſic animo ſimus Sionis ciues. Vt
autem animo quoque Sionis ciues ſimus,
oportet vt ex nobis ipsis egrediamur, vt
cum Apoſtolo dicere poſſimus Gal. 2. 20. Ego
non ampliū viuo, ſed uiuit in me Chriſtus.

Præterea quoties Sion ipſa maximam par-
tem polluta eſt: quo reſpectu Rex inde ſit ex-
pulſus, egredi certè illos neceſſe eſt qui conſ-
pectū eius expetūt: quemadmodum propte-
rea reiſa egreſſus eſt ille Rex extra terre-
ſtrem Ieruſalem crucifixus, vnde nobis etiam
eſſe prodeundum vt ipſi coniungamur, ex-
preſſe monet Apoſtolus Heb. 13. 12. Hæc igitur
altera eſt illius egreſſionis ratio de qua
Sponſa diſſerit, pluribus exemplis compro-
bata. Nam vt infinitas penè pollutiones
prætereamus quibus adactus eſt Dominus
poſt hæc Solomonis tempora exurendam
ſuā domum Chaldæis, & poſtea polluendam
Antiocho in manus tradere: & vocem illam

*Ex nobis ip-
ſis primū
egredi nos o-
portet vt Re-
gem iſtū
contemple-
mur.*

*Deinde &
ipſa Sione
nobis eſt e-
xeundum
quum ex ea
Rex exceſſit,
& in ea Ba-
bylon ſigna
ſua fixit.*

horrendam huius rhedæ Domini mox expellendi, *Ecce relinquetur vobis domus vestra deserta*, quum de hoc rege ad mortem extrudendo ageretur, agebant in Sione Pilatus & Herodes, vterq; ab eo cognoscendo, qui apud eos præsens causam dicebat innocentissimus, tātum abfuit vt ille quidē eū cōtrā consciētiā damnarit, alter ignominiosē dimiserit. Quid ampliùs? illæ ipsæ turbæ quæ ingrediētē voce maxima suū illud, Oīanna acclamant, ea ipsa hebdomade, Tolle, Tolle, Crucifige, multò maiore contentione sunt ad raium vociferati. Non igitur frustra fuit quòd iam tunc Sionis puellis præcepta fuit egressio ad contemplandum hunc regem coronatum. Hæc autem admonitio si vnquam aliàs, est hodie prorsus necessària, illa videlicet ad Sponsam ipsam directa Ps 45. 11, Obliviscere populi tui, & domus patris tui. Quemadmodum etiam docemur Mat. 19. 29. Quid igitur factò opus esse dixerimus Babilonicis vexillis in medio Sionis templo defixis? Sic enim iā olim veteri populo vsuenerat, Bethel in Bethanen, hoc est, Dei domo in domum iniquitatis trasformata: vt ipse David prædixerat Psal. 118. 22, & Esa. 28, & Iere. 14. 14, & Ezech. 13. cap. integro & Christus ipse Dominus Math. 23, 38. exactis semel atque iterū è domo patris iis quos latrones appellat Luc, 19. 46. cum iis qui emebant & vendebant Ioh. 2. 14. Math. 21. 12. qui ad extremum faces templo intulit, vbi etiam non reliquit lapidem

dem super lapidem Math. 24. 2. Quis autem inficiari audeat congregationē istā nō modò Ecclesiam veram non fuisse, sed etiam illi ex diametro repugnasse, à qua idcirco seiungere se oportuerit, sicut praeceperat Dominus? Math. 15. 14. & sese cum aquilis coniungere ubi erat cadauer? Luc. 17. 37. Fore autem ut hoc ipsum & aliquid deterius multò Ecclesiae Christianae eueniret, multò antè monuerunt Apostoli, nempe S. Paulus Act. 20. 30. 1. Timoth. 4. 2. 2. Thess. 2. 4, & quidem Romanae in primis Iohannes, sic in Apocalypsi interpretantibus veteribus Græcis & Latinis plurimis, predixit. Quum igitur ista, nostris temporibus impleta sint in Orientali & Occidentali Ecclesia, ut oculis eorum patet qui non penitus cæcutiunt, cui dubium esse possit, quin ex illa Sione prophana & in Babilonem transformata, egrediendum sit: & sequèdum leuitarum sub Ieroboamo exemplum 2. Chroni. 11. 13. & Domini mandatum 15. 14: quo etiam vsus est Apostolus Act. 19. 7? Ita hoc seculo fecimus, & ita se gerūt ac semper gerēt deinceps omnes verè filij Dei, Occidentali Babilone derelicta ne cū ea perire, sed ut huic coronato Regi cognito, & perspecto sese adiungāt, vitata bestiae crista septem montibus insidentis, donec in stagnum ignis & sulphuris coniiciat illam suo tempore Dominus Apocal. 20. 10. In summa quum fieri non possit ut Christo Iesu & Baali simul seruiamus & tenebris cum luce societas intercedat, 2. Cor. 6. 14. regnum tenebrarum fu-

giendum est si volumus ad salutem hunc lucis regem intueri.

*Exendum
nobis sed
Regem istū
inuenturis
& contem-
platūris.*

Prode ergo (inquit) suis puellis regina. Sed quorsum? Est enim facile ex vno gurgite in alium prodire, imo insilire. Et hodie videmus, (O rem longe miserrimam) superstitionem multos relinquere ut sese impietati mancipent, & sicuti scriptum est Luc. II. 26, pro vno dæmonio septem peiora vltro sibi accersere.

*Longè aliud
est Regem
istum con-
templari,
quàm sim-
pliciter eum
cernere aut
intueri: &
cōtemplatio
hæc tota spi-
ritualis est,
intellectum
nam docere
verbi audi-
tu, & Sacra-
mentorum
intuitum.*

Idcirco addit sponsa, *Et contemplantini regem istum Solomonem.* Sciendum autem est in primis quid sit *contemplari*. Certè istud nō est rem aliquam simpliciter cernere, & quā vrbem ingredientibus regibus, vel ex fenestris vel in plateas prodiens vulgus illos prætereuntes aspicit. Sed contemplatio est animi potiùs quàm corporis: quando nimirum cognoscendæ & penitiùs perspiciendæ alicuius rei causa, illam & intimas eius partes attentè perlustramus: quod de Petro narratur, qui quā ad sepulchrū venisset sese intrò inclinavit, ut verè cognosceret an adhuc ibi corpus Domini iaceret, Luc. 24. 12. At enim, dicit aliquis, Rex ille cuius est figura Solomon, quā hæc à Solomone scriberentur aspectabilis non erat, ut qui naturam humanam nondū induisset, nec etiam hodie quā à nobis longissimè absit, sub oculorū sensum cadit, neque cadet antequàm tempore vltimo adueniat. Hæc omnia fateor, ac etiam illis adiicio, tantisper dū Rex hic noster in terris verè as-
specta-

pectabilis fuit , & carne præditus quæ sensu perciperetur , atque etiam posteaquam resurrexit à mortuis , tantum abfuisse vt natura hæc visibilis homines ad illius notitiam adduceret: vt contra, quum homo esset, vt & cæteri sunt homines, & cerneretur exteriore & quidē vili & cōtemptibili habitu: hoc fuerit tanquā velum oculis eorum impositū qui ipsum intuebantur , quod nō modò carnalibus officeret, puta iis à quibus Nazaræus dicebatur Ioh. 1. 47. & faber fabriq; filius, Mar. 6. 3. & Herodi à quo derisus fuit Luc. 23. 11. verum etiam ipsis eius discipulis , quominus diuinam eius maiestatem atque gloriam mente satis perciperent , & quod in illo ad salutē quærendum erat: quamuis ipsius gloria tum in verbis tū in operibus eius clarissimè splēderet. Idcirco petenti Philippo vt ipsis Patrē ostenderet, Ioh. 14. 9. Christus respondit expedire vt ab illis sese ad patrē reciperet , Ioh. 16. 7. Rex igitur iste mentis demum oculis Dei Spiritu illustratis cernitur & agnoscitur, vt arcana ipsa Dei scrutemur: quatenus quidem nobis illa sunt à Filio patefacta. 1. Cor. 2. 10. Quid ergo? nihilne nos hic inuerint externi sensus nostri? Immò, (relictis penès Deum quæ quoties libuit extra ordinem facit) dico ex corporeis sensuum organis, duo nobis esse ad salutem non tantū vtilia, aures videlicet quibus audiamus, & oculos quibus videamus. Non quòd rex ille & regnum eius sub sensus cadant : sed quòd his mediis

nostram mentem erudiat vt eum mente Intueamur & cognoscamus. Etenim si fidei organo concipitur & agnoscitur, fides autem in nobis formatur ex verbi auditu quo se ipsum nobis patefacit Rom. 10. 17. efficitur quis qualisque rex iste sit in verbo ipsius quarendum esse, atque cognoscendum. Deinde si fides in animo sedem habet, efficacia Sancti Spiritus in nobis creata, educata, & visibilium vsu confirmata, quibus admonita & edocta mens, res Sacramentorum spirituales & inuisibiles per illa, adiuncta exhibitionis promissione, designatas intuetur & amplectitur, spiritualis sit necesse est hæc tum consideratio siue contemplatio, tum etiam applicatio, non autem corporalis, quamuis intellectus auditione verbi & Sacramentorum aspectu, ad rerum cœlestium cognitionem ascēdat. Alioqui, quænam fuisset patrum fides, qui aduentum ipsius in carnem antegressorunt? qui tamen illum adeò verè & efficaciter sunt contemplati, vt, licèt sub aliis signis, eundem tamen cibum ederint, & eundem potum biberint, regem hunc Salomonē videlicet participantes, extra quem nulla vnquā fides, æterna vita nulla extitit, 1. Cor. 10. 3. & 4. Sic eum In Circumcisione vidit & apprehendit pater Abraham, quæ signum & symbolum illi fuit Iustificationis, quam per fidem, Rom. 4. 11. credens Dei verbo, quum adhuc esset in præputio, adeptus est. Rom. 4. 3. & 10. Sic illum cæteri viderunt, & amplexi sunt

sunt Patres, tūm in promissionibus auditis & sibi per fidē aplicatis, Heb. 11. tūm in vmbribus legis ceremonialis, quarum corpus erat iste verus Solomon Colos. 2. 17. Ita & beata virgo prius ipsum auribus, verbo audito credens, ac deinceps altissimi virtute in utero virgineo concepit Luc. 1. 38. quod Elizabeth prophetico Spiritu agnouit, & tanquam insigne Dei donum meritò prædicauit. Luc. 1. 45.

Quid est

quibus profueris Regis istius corporis reus aspectus quādin fuit in terris.

Hoc verò non obstat quò minus ij quibus contigit vt viuerent Christo inter homines agente, mentis eorum oculos Sancto Dei Spiritu illustrante, Eph. 1. 18. & aures cordis illorum aperiente Act. 16. 14. sint tum initio ad credendum adiuti, tum in iis quæ per fidem amplexi fuerant valde confirmati, naturali & sensibili illius conspectu, auditu, & contrectatione: vt in Simeone animaduertimus Luc. 2. 28. & in Anna Prophetissa Luc. 2. 38. & Samaritanis Iohan. 4. 42: ipsisque Apostolis Matth. 13. 16. Ioh. 1. 42, & 2. 22, & 1. Ioh. 1. 1. Sed nihilominus, non visio, non auditio, in mentibus videntium & audientium gignit fidem, sed Spiritus sanctus, Spiritum nostrum illustrans. Idcirco inquebat Paulus Ephesiis (qui tamen oculis auribusque corporeis nunquam Iesum Christum veldidierant vel conspexerant) Christum habitare in cordibus ipsorū per fidem Eph. 3. 17. Atque etiam Eph. 4. mentione facta auditus Verbi quod ipsis annuntiauerat, Nō

O. j.

ita, inquit, didicistis Christum, si quidem eū audiulistis, & ab eo estis edocti.

*Certa testi-
monia qui-
bus docetur
nō fuisse nec
esse quaren-
dam præsenti-
am corpo-
ream Regis
istius in his
terris ex quo
in ysaia as-
cendit.*

Cæterum vt hunc corporeū aspectum li-
queat illi agnoscendo regi non semper ordi-
natum fuisse, sed illud tempus duntaxat quo
inter homines commoratus est in illa carne
aspectabili quā in cælum extrā hunc mun-
dū fastulit, dicimus hoc apertè probari, tum
expressis Scripturæ testimoniis, tum iis quæ
inde necessàrio colliguuntur, tribus antè ia-
ctis concessisque fundamentis. Primū i-
gitur istud statnatur, in hac disceptatione
controuerti de Christi carne, non autem de
ipsius Deitate, quæ in seipsa cōsiderata sem-
per fuit, est, atque erit inuisibilis. Deinde, Ie-
sum Christum accepisse ab initio atque in
æternum verè humanum corpus, cum iis hu-
manæ naturæ proprietatibus omnibus, quæ
si tollātur corpus esse corpus nō potest. Ter-
tio actionem oculorū terminatam esse, qua
fieri nequeat (nisi miraculo & extrā ordinem
id fiat, vt Stephano contigit) vt res corporeas
absentes vel longius quā par sit distitas
cernant. En igitur Christum ipsum Tho-
mæ incredulitatem his verbis obiurgantem,
Beati sunt qui non viderunt & crediderunt,
Ioh. 20. 29. & alibi, idem Christus, Me vobis-
cum (inquit) non semper habebitis, Matt. 26.
11. & Io. 12. 8. & 5. Et Paulus 2. Corin. 5. 6. Pere-
grinantes in corpore isto (inquit) absumus
à Domino, & Philipp. 1. 23. Cupio dissolui &
esse cū Christo. & Coloss. 3. 1. Quærite ea quæ
sunt

furfum sunt, vbi est Criftus fedēs ad dexterā Dei? Et Pet. Act. 4. 21. Quē oportet vt cœlū capiat vſque ad tempora reſtitutionis omnium. In ſumma, quoties ad Patrem ſe dicit proficiſci, quod ad humanitatē eius pertinet, toties abſentia humanitatis ſuæ teſtificatur, vt & quoties ſeſe venturum pollicetur: ſi quidem nemo eò venit vbi iam eſt: Nec fieri magis poteſt abſque transformatione corporis Chriſti in eſſentiam ſpiritualem, vt iſtius regis corpus adſit alicubi verè, ſua eſſentia nec tamen locum occupet, & non ſit aſpectabile, quàm nefas eſſet dicere ipſius deitatem aliquo ſpatio comprehendī, neque interea corporis conditionem ſubire.

Concludamus ergo verum Solomonem iſtum, quod ad diuinitatem attinet, oculis cerni nullo modo poſſe, licet vbique ſit, ac peculiari quadam ratione in humanitate illa quam ſibi perſonaliter vniuit: humanitatis autem reſpectu, tam hodie conſpici in terris nequire, quā ipſam deitatē: non quòd in ſeſe hæc caro inuiſibilis exiſtat, (quum cœleſtis gloria naturam corporis ei non ademerit, ideòque manere illā oporteat materiata, aſpectabilem, & ſuis corporeis diſmenſionibus omnibus circunſcriptam) ſed quòd eam à nobis ſuper omnes cœlos euexit, ibidem donec poſtremò adueniat permanſuram. Quapropter ad contemplationem mentis à Spiritu ſancto illuſtrata: ad fidem per quam, ait Paulus hunc Regem ha-

Concluſio iſtius doctrinae docens vbi & quomodo contemplandus ſit Rex iſte:

habitare in cordibus nostris, Eph. 3. 17. ad interiores denique mētis oculos quibus ait Apostolus hunc Regem nobis esse depictum, Gal. 3. 1. ista Sponiæ inuitatio referenda est, *Prodeite & contemplantini Regem istum*, nempe in ipsius verbo purè annuntiato, de quo differens Paulus, 1. Cor. 4. 15. Vos, inquit, genui Domino: & ad Gal. 4. 19, iterum parturio vsque quò formetur Christus in vobis. Eodem sensu accipiēda sunt quæ de Sacramentis id est de signis aspectabilibus verbo adiunctis dicuntur: de Baptismo quidem, nos veterem hominem exuere, vt induamus Iesum Christum, in quo creamur homines noui Gal. 3. 27. & Colos. 3. 9: de sancta verò Cœna, nos comedere carnem eius, & eius sanguinem bibere.

Oppositio & refutatio doctrinæ huius veritati contrariæ.

Nunquam autem hæc veritas magis elucet, quàm quum falsæ doctrinæ opponitur, cui nunc Ecclesia Romana, hūc vsque Sponsæ, non minus falsò quàm impudenter usurpato nomine, addicta est. Nam hæc quoque suos ad contemplandum Christum inuitat. Sed, Deus bone, quem Christum? eum de quo postea disceremus. Vbinam verò contemplandum? in ligno vel lapide. At quid ibi cernitur? Simulachrum ipsius, (aiunt contemplatores, ibi) ex quo discēs Christum pro peccatoribus crucifixum fuisse? Verum enim verò hæc docendi ratio expressè à Deo vetita est in secundo Legis præcepto, aliisque compluribus locis, quæ

Hie-

Hieronimi quoque ætate habebatur execrabilis, Ephiphaniij Cypriorum Episcopi epistola teste quam vsque adeò probauit Hieronimus, vt etiam sit illam interpretatus. Præterea quid proderit scientia, vel recordatio crucis Christi, nisi cur illum crucifigi oportuerit, quid inde boni ad me redeat, quânam denique ratione fiamus eius participes intelligatur? At ista certè nos non docet mutus crucifixus, vt qui extra inanem figuram nihil aliud sit quàm mortua corruptibilisque materia. Ista verò (inquiunt) viua voce docentur. A quibus? A Curatis, Vicariis, Prioribus, Abbatibus, Episcopis, Archiepiscopis, Primatibus, Cardinalibus, & sigillatim ab illo istius Hierarchie coryphæo. Immò nemo est qui nesciat, pauculis exceptis, vix posse vllum ex istis inueniri, ligneo saxeoue crucifixo doctiorem aut cordatiorẽ. Qui verò habentur aut sunt etiã eruditi, quando concionandi munus obeunt vel, si velint, obire possint? Iam verò cultus ille quem Dei officium appellat quânam populum docuerit, totus ex peregrinæ linguæ cantunculis conflatus, ad idololatriam, & merum Dei ludibrium compositus? Quod si quis ex illis monachorum mendicantium aut alterius istorum votariorum sectæ, circiter Natalem Domini, vel ipsorum quadagesima impurum os aperiat, qualem proponit doctrinam? nempe vt iam sæpius est à me demonstratum, innumerabiles blasphemias

quibus omnis Iesu Christi crucifixi doctrina ex professo deprauetur. Quid verò aliud est quam Deum Christianosque omnes illudere, quòd asserere quidam audent pietatem à se vt oportet doceri, & interea sacrarum literarum lectionem, & interpretationem lingua vulgari conceptam prohibent. Est autem istud magis etiam intolerabile quòd affirmare non verentur satis ad salutem sufficere fidem quam vocant implicitam, id est, si quis in genere assentiatur iis quæ Catholica ipsorum credit Ecclesia, etiam si quid illa doceat & credat non magis teneat quàm id quod nunquam cognouerit, & de quo cognoscendo nunquam cogitarit. At quænam ista fuerit ignoti Christi contemplatio vel meditatio, & cuius cognitio non præcipiatur? In summa, vt illi loquuntur & sentiunt, modò quispiam bona intentione, etiam si de doctrinæ Christianæ capitibus intelligendis nō laboret, crucifixū, sæpe etiam (eo quem propinquum habeas relicto) longe quæsitum, adorans, tacitè, Pater Noster & Ave maria obmurmuret, (non magis plerumque ab iis qui ad hūc precantur modum quàm ab ipsis surdis & mutis idolis intellecta) Deum scilicet habet propitium, & totus illi patet, purgatoria tamen adiecta purgatione, paradisus. Quid hoc cene est orare in Spiritu & veritate: Ioh. 4. 24? Sese corā Deo fide sistere, sine qua nemo illi placere potest? Heb. 11. 6. Credere quidpiā, & quidpiam nescire

cire an vnum & idem sunt ? Illaue quæso
fides est qua stamus, 1. Corin. 16. 13. qua extin-
guimus ignita illius mali iacula, Eph. 6. 16. &
1. Petr. 5. 9. In qua nos esse oportet fundatos,
& stabiles, Coloss. 1. 23. Hæccine doctrina est
quam iuterdiu & noctu meditari debemus
Psal. 1. 2. Quod si hæc non est, quomodo, vt
præcipit Apostolus, preparati erimus ad red-
dendam eius rationem, de qua nihil vnquam
didicerimus? quânam rationem eius rei sub-
duxerimus, in qua nihil extet acceptum aut
expensum? Quis autẽ de hac re omnes Chri-
stianos admonet? S. Petrus 1. Petr. 3. 15. Et quĩ
tandem ille fuerit Apostoli Petri successor,
qui non modo ignorat, verũ etiam vetat
ne illa exequamur quæ disertè Petrus Chri-
stianis singulis imperat 1. Petr. 3. 15. An non
isti sunt potius, qui teste ipso non muto sed
loquente Christo, neque ingrediuntur re-
gnum cœlorum, nec alios eò ingredi patiun-
tur Math. 23. 13. Vt nõ temerè dici possit ter-
renus iste clauiger duas claues baiulare, v-
nam qua cœlum claudat, quantũ in ipso est,
alterã qua inferos cuilibet aperiat. Sed istis
omissis ligneis & saxeis, mutis, & mortuis
doctoribus quos isti libros idiotarũ iure ap-
pellant ad illũ accedamus quem isti Christũ
ipsissimum esse contendunt, tam magnum,
tã crassum, vt ipsi loquũtur, quã quũ in cruce
penderet. Quid verò loquitur iste? An docet?
exhortatur? cõsolatur? corrigit? minus etiam
certè quàm alter ille ligneus seu lapideus, qui

videtur esse quod non est, quum iste neque sit, neque esse videatur. Quinetiam si credimus iis à quibus Christus iste creatur, vt qui adeò perfricta frôte sūt vt sese etiā creatores sui creatoris disertis verbis ibi appellēt nō est iste Christus, vt doceat, verū vt sacrificetur siue offeratur Patri: idq; nō sine manifesto ludibrio, quū ille idē à quo offertur totū eum comedat & cibabit, ne particula quidē ei relicta, cui realiter illum à se offerri mentitur. Et tamen hoc caput est, hoc fundamentum, hæc summa totius apud illos Christianisimi. Eorum enim hæ sunt formulæ, *Attollere Deū* respectu agētis, & *Videre Deum*, respectu spectātis. Saltem verò paulò accommodatiùs loquentes, si *Attoll' Iesum Christum* & *Videri Iesum Christum*, non autē simpliciter Deum dicerent: quamuis verum Deum esse Christum minimè negemus: at non certè quatenus attolli vel videri possit. Sed necesse est, vt isti quales sint tum factis, tum etiam verbis prodant.

*Exhortatio
ad diligens-
sorem quàm
hactenus hu-
ius Regis cō-
templationē
& cultum.*

Agedū verò tandē ex hoc impurissimo cō-
no emergamus, & liberatori nostro gratias
agamus qui nos inde eduxit. Deinde toto ani-
mo ad eius cognitionē & verum cultū, incū-
bamus, qui propterea nōbis oculos aperuit,
ne in multa grauiorē reprehensionē incida-
mus, quàm ij quos ignorantia vel superstitio
decipit: neque vel auaros imitemur, mēte &
oculis ad diuitias conuersos: neq; scortatores
omni spurcitiæ & voluptati mancipatos,
&

& quorum oculi sunt adulteriorū pleni: neque gulæ & ventri addictos, quorum animus & oculi sunt in popinis & patinis: non denique cæteros vanis & prauis studiis deditos. Sed contrā, quidquid oculis nostris à Deo conditum offertur, trahat nos ad id, quò nos ipsa rerum vniuersitas tot modis cohortatur, nempe vt rerum istarum conditoris & gubernatoris sapientiam, potētiam, bonitatem infinitam suspiciētes adoremus, & nos ipsos totos vt vnico nostro per Iesum illum Christum Seruatori, per Spiritum sanctū, vt gratū ipsi sacrificium offeramus, Ro. 12. 1. Non satis autē est nuda & qualiscunque contēplatio huius Regis, sed etiam agnoscēdus est, quò referri debet rota hæc contēplatio. In summa igitur Solomon iste nobis appellandus & adorandus vt Rex, & quidem coronatus. Quānam verò corona? *Quā coronauit eum ipse mater. Quando? die sponsalium eius, & die latitiæ cordis eius.* Hæc igitur enucleatè & sigillatim consideremus.

Notū est quid designet Regis appellatio, *Regē istum* supremam minirum potestatem in subditos, *supremum esse, spiritua-* ratione tēperatā. Ita etiam hoc in loco vsur- *lem & æternum, nulli-* patur sed eo seruato discrimine quo Rex iste à cæteris sine exceptione Regibus omnibus *quere rei creaturæ auctoritatem dare* differt, quotquot sunt, fuerunt, & ad finē vs- *leges con-* que mūdi existēt. Omnes enim alij ita subdi- *scientiis præ-* tis suis imperant, vt & certis regionum & *scribendi, nec* temporum finibus ipsorum imperium cir- *quod ad ea* cūscribatur, vt vltra corpus, externāque cor-

*quæ cultum
eius, nec etiã
quæ salutem
nostram spe-
ctant.*

poris bona potestas eorum euagetur, vt de-
niq, velint nolint administrati imperij ratio-
nẽ reddant apud eius tribunal à quo fuerunt
in regium solium euecti. At rex ille ad quem
intuendum, cognoscendum, contemplandũ
inuitamur, omnem in cœlestia terrenaque
omnia potestatem habet: non modò quate-
nus est Patri coæternus & coessentialis: verũ
etiam quatenus est homo, cui in res creatas
omnes, summas, medias & infimas, impe-
rium est ipsi datum Math. 28. 18. Ioh. 5. 27.
Psal. 8. 7. 1. Cor. 15. 27. Philipp. 2. 9. & quidem
in æternum Luc. 1. 33. Esa. 9. 6. & speciatim in
subditos ipsius, quos in finem vsque conser-
uatos, Math. 28. 20, tandem cohæredes suos
efficiat in regno sempiterno Rom. 8. 17. Heb.
1. 10. Immo & in suos etiam hostes in quo-
rum medio dominatur Psal. 110. ipsis, prout ei
libuit, comprimendis, castigandis, euerten-
dis, tum suæ gloriæ, tum electorum suorum
causa, quemadmodum sacra omnis testatur
historia: quamuis plenæ in illos victoriæ &
illius sui imperij absolutum omnibus nume-
ris effectum, quod illi pollicitus est pater, ad-
huc in vltimum illum diem differatur. 1. Cor.
15. 28. Constat igitur Regem istum quatenus
cum Patre Deus est, omnem habere potesta-
tem & imperium in ipsos etiam mundi re-
ges, quorum in medio sedet Psal. 82, quos in-
duit exuitque balteo, Iob. 12. 28. à quibus etiã
rationem reposcit Psal. 58. 7. Hic vero de alio
regno queritur quod minime ad hunc mun-
dum

dum pertinet, vt rex ipse testatus est Ioh. 18. 36. Nam illud quidem omnes homines complectitur, quorum maxima pars sua ipsorum culpa peritura est Math. 7. 13: istud autem ad eos demum spectat qui peculiariter domus Dei vocantur, licet multo plures sint vocati, quàm electi, Math. 20. 16. Illud prius huius vitæ terminos non egreditur: hoc posterius conscientis imperat, neque breuibus istius sæculi cancellis continetur. Illud temporariū est, hoc æternum: illud animale, hoc spirituale. Et quæ huius administratio est aspectabilis & corporalis, ea de causa instituta est, vt nos vltra mundum deducat. Illud à Deo regitur per magistratus, quibus eam potestatem tribuit, vt leges politiis suis regendis condāt, ex præscripto tamen eius æquitatis quam natura, cuius & ipse author est, approbat: hoc autem huius regis imperium in animas, altius est & augustius quàm vt cum Angelis ipsis, nedum hominibus cōmunicari queat. Hic ergo vnicus Rex fuit, est, eritque perpetuò animarum & conscientiarum legislator, iure isto sibi vni reseruato, ita vt etiam si Angelus quispiam è cœlo adueniens, pro imperio legem vllam conscientis præscriberet, sit nobis execrabilis futurus, vt qui potestatem vni Deo propriam in filio illo suo vnico mediatore regnum istud exercenti, sibi arrogaret Gal. 1. 8.

Et hoc præsertim caput est in quo considerandum est duorum istorum regnorum *Quod sit officium tum*

*Spiritualium
Regis huius
ministorum
zum Chri-
stianorum
Magistra-
rium.*

bernationum discrimen. Quod enim ad temporalem administrationem pertinet, quum ad illam qualitercunque sufficiat illa tum sapientia, tum prudentia naturalis, diuinitus generi humano relicta, prout tamen illam admetiri Deus dignatur: leges de rebus humanis ponere & rerum publicarum formas constitutere possunt ordinati magistratus, & tum iubendo tum vetando publicam pacem sancire: gladio quoque reluctantes multare: huic tamen regum Regi rationem aliquando reddituri. In hoc Spirituali Imperio nulla est ullis huius Regis ministris facta condendarum conscientis legum, sed earum duntaxat in ipsius domo id est Ecclesia syncerè & ut eis præscriptum est promulgandarum & exequendarum potestas: minimè quidem neglectis neque promissionibus neque minis, quas demum idem ille legislator legibus suis adiunxit. Ad executionem autem quod attinet, qualis quidè illa esse potest in terris ordinaria (cœlestis enim illa ut & extraordinaria in terris vnius illius legislatoris propria est) habent quidè potestatem pastores & Seniores illarum quoque legum exequendarum, tum in resipiscentibus absoluendis, tum in eis qui obstinatè repugnāt veritati ex Ecclesiæ cōsensu condēnandis: sed tum ipsius Regis nomine, tum acuratissimè obseruato ipsius mādato, irrita alioquin futura ipsorum sententia Math. 15. 14. id est ordine prorsus spirituali, ita ut Verbum legislatoris sicut est sacris

cris literis perscriptū vnica sit in adhortādo, corrigēdo, ligādo, soluendo norma & amussis. Sed & Christiani Magistratus, quibus etiā imperatū est vt istu regē adorēt Ps. 2. 12. in hoc quoq; spirituali regno ius quoddā obtinent: & quidem maximi momenti, non quidem vt ad ea quæ sacri ministerij propria sunt manum admoucant, quod infelicitè vsq; cessit, alioquin bono & pio principi. 2. Chro. 26. 15. sed vt autoritate sua, spirituales huiusce regis leges, exemplo Dauidis, Solomonis, & si qui reges pietate ac iustitia præstātes illis successere, tueantur, Dei cultum fortiter in legū diuinarum transgressoribus vindicantes, qui sese legibus illis regi à quibus oportet, quicunque tandem ij fuerint, non patiuntur Deut. 13. Itaque nullus vnquam propheta (ne Mose quidem exeepto qui Deum vidit facie ad faciem) inuenietur sibi autoritatē condendæ vllius legis arrogasse, sed hoc potius (& quidem verissimo) exordio semper vsi Sic dicit Dominus. Et quum Iohannem Baptistam in hunc Domini & legislatoris ipsius gradum euehere conarentur Iudei, Non sum dignus, inquit, qui soluā calceorum eius corrigiam. Iohann. 1. 27. Nec fuit Moses aliū in Dei domo quā fidus ipsius seruus Hebr. 3. 6. confectis omnibus ac singulis ad illud exemplar, quod viderat in mōte, Heb. 8. 3. expressè quoq; interdicēs ne quidquā iis adderetur aut detraheretur quæ ab illo dictante exceperat Deut. 4. 2. & 12. 32. Denique inaudi-

tum est aliquid addidisse prophetas diuinis mandatis, aut vllis à se profectis legibus consciētias obstrinxisse. Cōtrā, Deus per os Esaię loquēs dānat expresse quālibet doctrinā ab hominibus excogitatā Esa. I. 12. & 29. 13. quod Christus appellat fermentum Phariseorum à quo cauere oporteat Matth. 7. & 16. 11. Istud verò si in iis valet, quibus & quid fieri velit, & à quibus sit abstinendum, præcipit, quæ doctrina specialiter Legis appellatione intelligitur, ad quam tamen cognoscendam ipsa nos natura instruit, quantumuis deprauata: quantò magis illud statuendum est in Doctrina Euangelij, quæ nobis vna consilium & voluntatem Dei de nobis in filio suo seruandis patefacit, quam nec caro nec sanguis nouit, Matth. 16. 17. & quæ ne subici quidem ei potest Ro. 8. 7. Act 20. 17.

Lese Maiestatis crimen aduersus hunc Regem admissum: & responsio ad obiectiones contrarias.

Qualis igitur blasphemia est mendacij accersere Dei filium, testantem sese Apostolis vt amicis explicasse quidquid à Patre accepit? Quid autem Apostoli? an eos existimauerimus quicquam addidisse, vel detraxisse Regis illius mandato his verbis concepto, Ite, docete omnes gentes ea seruare quæ præcepi vobis? An verò quod ad Ecclesiasticæ disciplinæ substantiam, & sacri ministerij functionem essentialem attinet, ex quo Deus domum suam regēdam ad alterum vsque aduentum suum constituit, sentiemus aut Spiritum sanctum non omnia docuisse Apostolos: aut Apostolos satis diligenter & fideliter

munus

munus sibi demandatum non præstitisse? Saltem hac de re Paulo credamus I. Cor. II. 23, licet ibi peculiariter de sacræ Cœnæ administratione agatur & Coloss. 2. 16, quo loco quæcunque hac de re dici possent continentur. Credamus & Petro sigillatim pastores, quibus sese non tanquam dominum præfert, sed tanquam in eodem ministerio socium adiungit, admonenti ut quisque gregem suum pascat, non ut dominans cleris (inquit) sed ut qui sit exemplar gregis, I. Petr. 5. 1: Paulus suffragatur I. Cor. 7. 35. testatus se nulli laqueum iniicere velle. Hoc itaque sibi vult appellatio regis hoc in loco cui Solomonis nomen, idest pacifici, adiungitur, ab effectu videlicet quem huius regni administratio parit in hac Sponsa, idest in Ecclesia, utpote, quam viuificet, iustificet, seruet, cui vicissim illa ut soli suo, quod ad regnum spirituale attingit Domino, obtemperat. Restat ut consideremus an rex iste talis habeatur ab iis à quibus ipsi nos (per Dei gratiam) se iunximus. Nihil minus, sed eodē planè modo quo Rex est ab iis salutatus à quibus in pretorio Pilati virgis cæsus est: non quod assereā multos sine pastore errantes hac eadem mente esse præditos, sed quod res tota eodē recidat. Excusamus itaque an isti regi vllam dignitatis regię partem iniolatā & non turpiter fœdātam relinquant. In primis aiunt se habere huius Regis legatū Apostolicum simul & Catholicū. Si quis ille sit quæras, eum, inquiunt,

qui Romæ sedet. Si quo iure, quaras, longi temporis præscriptionem proferunt. Si amplius vrgeas, addunt id iuris fuisse Petro Episcopo Romano & eius successori à Christo datum. Arqui si hæc singula excutere libeat, facile patebit hac impudentia nullam unquam auditam aut visam fuisse maiorem. Sed etiam si vera hæc & cōsentanea esse largirer, hoc est, tenebras esse lucem: peto an legatus regius ampliorē habeat potestatem, quàm is à quo missus est, & auctoritatem habet. Peto an qui legationē ementitus, tāta arrogātiave nullū sit falsitatis gen⁹ quo Regiæ huius Maiestatis edicta non corruerit ferri villo modo debeat vt legatus, an vero vt violatæ diuinæ maiestatis damnari. Talem autem illum esse de quo verba facimus hinc apparet: Primum quod nulla probari ratione possit, non dico ordinem, sed gradum Episcopalem diuini esse iuris, sed politici tantum, ita vt certa eius origo nulla extet vsquam perscripta, nedum vt Christus aut Apostoli vniuersalem constituerint Episcopatum: qua de re post Scripturam, fero testem eum ipsum quē primum inter illos quatuor Doctores Ecclesiæ numerant. Deinde si vetustis canonibus aliquibus standum est, qui gradum Episcopalem illum frænare voluerunt, ne, quod accidit, in Tyrannidem euaderet, coram Deo & hominibus pronuntio, nullum à multis iam seculis extitisse, nec iam extare, neque Papam, neque collegium aut in illo gradu

Hierar-

Hierarchiæ Pontificiæ collocatum, qui non sit istis canonibus excommunicatus, & ab omni Ecclesiastico munere longè depulsus. Quod autem est etiam intolerabilius, quis negare audeat istum qui legatus vniuersalis videri vult hoc sibi arrogare, vt etiam si ple-nos animarum currus (illis videlicet præiēs) secū in inferos præcipitet, quod strenuè pro-fecto facit, à nemine sit iudicandus? Si hoc negatur, an confirmari non poterit expressis decretorum ipsius verbis? Tu vero qui te Pe-tro successisse in munere isto legati conten-dis, an ignoras Petrum à Paulo Antiochiæ (vbi etiam ipsum sedisse vt œcumenicū Pa-pam comminisceris) fuisse reprehensum, & quidem publicè, atque adedò in eo quod A-postolici erat officij? Quoniam, vt ait Paulus Gal. 2. it reprehensione dignus erat, neque sa-tis recto pede incedebat. Oblitúsne es aut dissimulas potiùs Petrum ipsum. 1. Petri. 5. 3. pastoribus præcipere, ne dominantur cle-ris, vt qui ad Dominū nō ad seruos spectent quibus suum definitum est munus. An nes-cis eundē Petrū à Corneho reuersum, & eo nomine Hierosolymis, licet immeritò, accu-satum, causam apud presbyterum dicere nō recusasse? an vnquam didicisti hanc legem à paulò, auctore Spiritu sancto latā, vt Prophe-tarū spiritus Prophetis subiiciātur? 1. Cor. 14. 32. Progrediamur vlteriùs. Certe is, cuius iste se vocat legatū, potestate omni præditus est, in cælo, & in terra, Act. 1. 4, idque iure opti-

mo: Siquidem errare in hoc imperio nequit, neque quatenus est Deus, neque quatenus Homo est perfectissimus. Quis vero sibi perfectam illa siue scientiam, siue rectitudinem attribuerit, nisi qui sese Filio Dei parem fecerit? Sed aliquid etiam dicamus amplius: ista duo sunt certissima: nempe legem moralem, quæ tantum est quædam renouatio legis naturalis, quam peccatum in homine omnino destruere non potuit, Rom. 2. 14. atque fœdus nouum, in Christo, & per Christum sanctum, ad finem vsque mundi, æterna & inuolabilia perstare debere. Quomodo igitur iste Rex in mundo legatum aliquem constituerit qui hoc vtrumque obliterarit? Sed quoniam hæc tractatio vberiore explicationem desiderat, quàm ferre tempus possit, quæ supersunt in proximam hebdomadam reiciemus.

*Exhortatio
ad contem-
plationem
& cognitio-
nem magni
huius Regis
& Seruato-
ris.*

Demus autem operam, (Fratres) vt vox ista Ecclesiæ, nostras vndique aures ac mentes circunsonet, *Prodiite Sionis puella, & contemplantini regem istum Solomonem.* Atque etiam ineditemur, nos in hac vita tot beneficiis Dei affluente non esse collocatos, vt in istis caducis & fragilibus acquiescamus: Verùm vt agnito rege iste, animū & corpus ei consecremus, ad illū vt scopū studia omnia nostra referamus, eū vbiq; & semper celebremus, cuius tā insignis in nos ex his tenebris eductos idcirco effusa est gratia, vt eum assiduè in ipsius verbo cōtemplemur, gratias illi agentes, tantisper expectantes dum illum
pro-

propius contemblemur in regno illo caelesti
quod apparuit nobis ante iacta mundi fun-
damenta. Amen.

IN CANTICVM CAN-
TICORVM HOMILIA
TRICESIMA.

Auxilium nostrum sit à Domino, &c.

Quod sequitur extat in Cap. 3. vers. II.

II Egredimini, puellæ Tzionis, &
contemplamini hunc regem Solo-
monem, coronatum corona qua ma-
ter ipsius eum coronauit, die Sponfa-
lium, & die lætitiæ cordis.

HOC in argumento die Iouis proximo
substitimus, nempe vtrum is qui se iam
aliquot ab hinc seculis vocat summum ca-
put Ecclesiæ Catholicæ tanquam eius Regis
de quò hîc agitur Vicarium, non sit potius
criminis læsæ Maiestatis diuinæ, idest huius
ipsius Regis reus, etiamsi Vicarij dignitas,
quam sibi falsò arrogat, illi concederetur, vt
qui mereretur ea dignitate prorsus spoliari,
quòd fieri non possit vt summus ille Rex cui-
quam potestatem dedisse videri possit leges
ab ipso positas, & ad consummationem mun-

*Ab eo qui
se falsò ia-
ctat esse Vi-
carium V-
niuersalem
huius Regis
in terris, om-
nibus modis
Regia om-
nia præcep-
ta depraua-
ri, & primū
quidē quod
in Legis Mo-
ralis primo
præcepto
continetur:*

di perduraturas deprauandi. Hoc autem ipsum est quod nunc est nobis plenius & particulatim explicandum. Dico igitur tribus modis instrumentum aliquod depruari & corrumpi consueuisse, nempe iis additionibus, vel detractionibus, vel mutationibus quibus instrumentum de cuius veritate quaeritur id esse desinat quod initio fuit. Videamus igitur an non is de quo loquimur omnibus huiusce deprauandi instrumenti modis fuerit grassatus, & grassetur etiamnum hodie in diuinæ Legis tabulas, & à Lege morali incipiamus. Primo præcepto prohibemur habere vllum alium Deum præter solum illum, Patrem, Filium & Spiritum Sanctum. Quid verò aliud est aliquid habere pro Deo, quam ei tribuere id quod huius vnus Dei proprium est, siue quis hanc apud se de ea re concipiat opinionem (quæ est interior idololatria) siue eidem rei tribuat cultum aliquem externum ei soli vero Deo debitum, quæ est idololatria exterior, ambæ coram Deo detestandæ? Annon autem ex creatura, imò verò ex semicreatura Deum facit qui sibi persuadet ab ea audiri & percipi voces, aut certè (quod maius est) animi conceptus hominum, tanto etiam intervallo absentium, quanto distant à terris ea quæ sunt supra summos caelos? imò verò hominum infinitis diuersissimis locis eodem momento quidpiam loquentium vel cogitantium? Hæc, inquam, proprietas, Esse nempe vbique, & cogi-

Primi Præcepti deprauatio.

cogitationes nosse , annon solius Essentiæ diuinæ propria est? Exceptio istorum parata est, tunc deum fieri homines Deos ex creaturis , si dicantur ex seipsis audire & intelligere quæ ipsis absentibus tot diuersis locis & eodem momento à diuersis hominibus dicuntur : sed hoc ex reuelatione dari Sanctis defunctis, imò etiam uiuis sæpe fuisse concessum. Sic enim Elisæum per reuelationem Spiritus Prophetici , sciuisse , & quasi uidisse atque audiuisse licet absentem, ea quæ seruus suus Giezi dixerat & gesserat cum Naamane Syro 2. Reg. 5. 26. & idem dici posse de Petro in eo quod de Anania & Sapphira cognouit & patefecit Act 5. 4. Quod si Deus (inquiunt illi) hanc gratiam suis seruis hîc adhuc cum ista infirmitate carnis repentibus largitus est, cur non eandem ipsis hodie cum illo agentibus, & cælesti gloria fruuentibus multò auctiorem concederet? En qua caligine tot miserorum populorum mentes hodie obtenebrentur, non intelligentium, quàm falso, futili & imaginario præsupposito tota hæc exceptio innitatur. Nam quod attinet ad illa media quibus Deo visum est hîc in terris, ad Ecclesiæ suæ conseruationem & ædificationem uti , quænam illa sint ex ipsius verbo, non solum in genere , sed sigillatim etiam docemur , Placere nimirum ipsi, tum hominum tanquam medium ordinæium , tum Angelorum etiam quoties & quandiu ipsi libuit ministerium per visiones & mandata

extraordinaria adhibere. Sic illi visum fuit, vigente pædagogia Legis (vt loquitur Apostolus. Gal. 4.) seruis non solùm ea quæ hîc vel illic dicerentur aut fierent, sed etiam futura, patefacere, quatenus ipsorum opera ad hoc vel illud vti volebat. At hoc ego pernego cuiquam vnquam datum fuisse, vt vel cogitata hominum, vel cuncta præsentia dicta factaue absentium nossent, sed duntaxat quibus & quoties libuit ea demum singularia patefecisse, quæ nosse illos ad certum finem oporteret. Testis eius rei esto ille ipse Prophetâ Elisæus. 2. Reg. 4. 29. & Nathan quoque, coactus postea reuocare quæ, non satis compertam habens voluntatem Domini, ex sese deprompserat. 2. Samuel. 7. 3. & 5. Et quum Elias omnia perdita & deplorata in Israël existimaret, an nō satis ostēdit sibi non omnia fuisse diuinitus reuelari solita? 1. Reg. 19. 10. & 18. Quum autem de cœlesti gubernatione quæritur, siue quid quis in cœlis gerat, quo tandem Scripturæ loco, quōve historiæ sacræ exemplo commercium istud imaginarium viuentium hominum cum Spiritibus Sanctorum, qui, peracto vitæ cursu à nobis vita excesserūt, explicatum, nedum comprobatum inueniemus? Nam quòd ad beatos Angelos attinet, docemur hoc muneris ipsorum fuisse, & etiamnum adhuc esse, vt mittantur & adhibeantur ad ea quæ visum est Deo per eos efficere, sed inde non sequitur, audiri & sciri ab illis omnia quæ Deo placent. Nec etiam inuenietur vllum aut

mandatum ipsos inuocandi, aut exemplum, ex quo constet eos vnquam ab vllō Dei seruo inuocatos, etiam quū ipsis apparuerunt. Sed hoc quidem inuenitur, iam pridem ab Apostolo reprehensam fuisse Angelorum inuocationem à superstitionis inuectam, vt & ipsorum syderum quam Theurgiam veteres magi vocabant Coloss. 2. 18. Præterea videamus quænam sit huius Sanctorum inuocationis origo tam putri fundamento subnixæ. In summa fundamentum eius duplex est: nempe ipsorum Sanctorum Merita, & credita eorundem Intercessio. De Intercessione postea viderimus. Ad merita verò quòd attinet, vnde tandem petita sunt? Minimè profectò ex Sanctis Scripturis, in quibus merita directè opponuntur gratiæ. Rom. 4. 1. Sed etiam si concederem aliqua fuisse Sanctorum merita, & illos Sanctos viros eam præstitisse Legis obseruationem in qua nihil desiderari posset, an non abundè pro iis quæ promeriti fuerint satisfactum illis à Deo fuerit ea quam retulerint mercede? vitæ nimirum æternæ præmio, ex illa fœderis Legalis formula, Hæc fac & viues? Vnde igitur hoc totū est quod de meritis illorum superesse dicitur, quod thesaurum Ecclesiæ inexhaustum isti vocant? & cuius tâta & tam quæstiosa quotidie instituitur nundinatio? Quòd si Sancti illi Dei homines tantum habuerunt meritum, vt exauriri non possit quod ex illis superest & redundat, quid illis opus fuit meri-

tis Christi? Scilicet hoc illis meritis fuerit
 Christus, vt ipsi tum sibi tum aliis omnia
 bona possent promereri. Insuper, cui, vbi &
 quando hæc ipsa sua merita distribuendi
 prouinciam mādant? Quis id ipsorum no-
 mine pepigit & pactis solēnibus cōgnauit?
 Præterea, si verum est, sicuti in scholis do-
 cetur (& certè verum est) meritum Domini
 nostri Iesu Christi (quod vnicum nos qui-
 dem agnoscimus) vim illam suam infinitam
 à diuina natura in qua eius Humanitas vnio-
 ne personali subsistit, obtinere: quinam hæc
 ipsa vis tribui poterit Sanctorum meritis, e-
 tiam si de ea detrahant quantum velint, quin
 aliquam etiam diuinitatis speciem ipsis at-
 tribuant. Et quid est aliud, Adorare creatu-
 ras, quàm ipsis vim supernaturalem, diuinam
 denique tribuere? Putà vim conseruandi ani-
 mam & corpus, dæmones abigendi, Sancti-
 ficandi Spiritum, imò verò etiam delēdi pec-
 cata, quod ne cæci quidem Iudæi ignorarunt
 vnius Dei proprium esse? Luc 5 21. Quid igi-
 tur de illorum aqua tam stulte exorcisata, de
 sputo, de cereo benedicto, de pane consecra-
 to, & ipsorum Agnis Dei quæ vocant, & in-
 numeris eiusmodi nugis censebimus? quis
 denique Chrismatis horribilem adoratio-
 nem, id est illud, Ave sanctum Chrisma, toties
 & tam expressè in ipsorum ceremoniis repe-
 titam, excusare poterit? Quis nō miretur ho-
 mines sese in genua prouoluentes, crucem
 ligneā aliāue ex materia etiam, ipsam, ipsam,
 inquam, illam materiātam, Spem vnicā suam

appellando salutare? Nec enim hîc locus est ipsorum tergiuersationi, quòd videlicet ea non dicantur ipsi Cruci, sed Iesu Christo cuius crucifixi imago in ipsa expressa est. Nam planè contrarium apparet ex his ipsorū verbis, O crux aue, Spes vnica, Hoc passionis tēpore, Quo carne carnis conditor, Suspendus est patibulo. Et quid amplius? Potest ne beata virgo Maria Regina cœli vocari, quin hoc regnum diuidatur? Domina item nostra, quin socia & consors Regni vni Domino adiungatur? Vita quoque Spes & Dulcedo nostra, quin apertè in ipso Deitatis throno, sicut etiam ab istis coronata & sedens pingitur, collocetur? Sed (ô blasphemiam omnium quas vnquam os humanum euomit maximè horrendam) potest-ne ab ipsa peti, quin Iesus Christus de sede sua deturbetur, vt quod ad personam patris attinet illum oret & interpellet pro nobis, ad Filium verò Iesum Christum quod attinet, vt iure & auctoritate matris ipsi imperet? Et tamen ista non solùm dicantur, scribuntur, sed etiam magnis cum clamoribus & vlularibus in ipsorum templis quotidie personant: & qui hæc ausit reprehendere, statim pro intolerabili hæretico censetur. Concludo igitur in ea Ecclesia tot falsos Deos coli quot in ipsa creaturæ inuocantur & coluntur adoratione religiosa, hoc est quæ directè conscientiam & cultū diuinum spectat, vni soli Deo, Patri, Filio & Spiritui Sancto debitum: & quot sunt templa & altaria creaturis dicata

& consecrata Quinam igitur ea fuerit vera & vnica Ecclesia Catholica?

Falsatio secundæ præcepti.

Hoc primo mandato quod aliis omnibus vice fundamenti substratum est euerso, quid de aliis statuendum est? Quod ad secundum præceptum attinet, quo duo capita continentur & expressè prohibentur, vnum, ne religionis causa, creaturæ vllius, quæcunque tandem illa sit, imago aut effigies fiat: alterum ne cultus aliquis ipsis tribuatur, non dicam de hoc præcepto idem quod de superiore. Nam quod ad primum attinet, vltius ipsi progressi non sunt quàm vt ipsum re ipsa violarent, quanquam vt Dei manu scriptum reliquerunt. Sed quod ad hoc secundum attinet, quum satis intelligerent illo manente omnino futurum vt imagines, picturæ & staturæ corruerent, ita ipsum cum primo miscuerunt & confuderunt, vt tandem totum è medio sustulerint, Audacia sanè intolerabili & sine vlla excusatione execranda, quum ipse Dominus qui veluti propria manu, absque vlla videlicet opera humana istud præceptum sicut & cætera tabulis illis insculpsit, declararet ne minimum quidem Legis Iota vel apicem expungendum esse, Matth. 5.18. Itaque flagitium istud quo præceptum hoc secundum è numero cæterorum penitus sublatum est, omni excusatione caret. At enim (inquiunt) ex Sacrorum Bibliorum contextu præceptum illud non expunximus. Fateor. Sed quum in communi præceptorum diuinorum recitatione,

ne, quam vnā plebs audit, sit deletum, quid prodesse potest, quòd in contextu Bibliorum extet, nisi quòd Dei prouidentia voluit istorū audaciam & impudentiam hinc conuinci? Ipsius autem præcepti apertam & omnium oculis expositam violationem quānam excusauerint, quum omnia ipsorum templa, sacella, plateæ, angiportus, tum in vrbibus, tū in agris, nihil aliud sint quàm nidi & theatra quædam omnis generis imaginum? Nouimus tamen egregias ipsorum exceptiones, sed quæ vel minima huius præcepti vocola eliduntur. Huius enim præcepti verus sensus, præterquàm quòd ex seipso satis clarus & perspicuus est, vnde tandem potest melius colligi quàm ex eo quod passim in Ecclesia Christiana plus quàm ter centum annis fuit obseruatum? Imagines, inquiunt, libri sunt idiotarum. Ecquid verò docere possint Ecclesiam isti doctores surdi, muti, inanimati, in Ecclesiā aduersus Domini expressum interdictū introducti, qui nō solūm imagines coli vel adorari, sed etiā fieri, nēpe conscientia siue vllius religionis causa vetuit? Experientia verò ipsa tandem ostendit cur Dominus hoc præceptum in duo capita distinxerit: primū quidem fieri imagines, deinde illas coli prohibens. Quum primū enim introduci in Ecclesiam cœperunt imagines, diu iudicatū est nullum ipsis honorē deberi. Aperta verò idololatriæ ianua, sophistæ fautores eius sceleris cœperunt pro ipsius defensione docere,

honorem istum exhibitum imagini siue statuae, non ei, sed archetypo idest ei exhiberi qui imagine repræsentaretur. Falsò id quidem. Nam si ita esset cur propensiore veneratione in eiusdem Sancti Vnam imaginem potius quàm alteram ferretur idololatrarum animus? Etsi verò eiusmodi esset qualem illi esse dicunt istorum scopus, quid aliud respondent quàm imaginem non coli, sed eum cuius ea est imago? Loquor de verè Sanctarū & Sanctorum quos vocant imaginibus. Quis autem dicere auserit, quin statim mēdacij à tota scriptura coarguatur, virginem Mariā vel Apostolos, ac proinde alios qui sanctè in terris vixerunt homines, si hodie in terris agerent, passuros vt quispiam coram ipsis Religionis causa in genua procideret? candelas ipsis offerret? thura incenderet? merita ipsorum prædicaret? quum ab istis omnibus eos alienissimos fuisse, omnis ipsorum tum doctrina, tum vita testetur? Taceo illos egregiarum illarum statuarum, quas Dominarū nostrarum appellatione dignantur, ornatus, quos modò hybernis, modò æstiuis vestibibus induunt, fertis, puppis exornāt. Omitto item sacras illorum virgines in meretricum modū compositas & ornatas, equos, alinos, canes, porcos quibus promiscuè inter illos Sanctos onusta sunt ipsorum altaria, cereos itidem & lampadas coram cæcis statuis ardentes, & cæteras eiusmodi veras & inexcusabiles idolomanias: quæ tamen omnia præclaro nomine

ne deuotionis ab illis regi solent, Eheu! Domine vsque quò?

Quòd ad tertium præceptum attinet, quū *Falsatio*
 Iusiurandum sit illa clientelæ & religiosæ re- *Tertii præ-*
 uerentiæ præstatio, qua hominum conscient- *cepti.*
 tiæ vni Deo Domino suo non solum vt præ-
 senti, & res etiam occultissimas probè co-
 gnoscenti: sed & tanquam iudici, & omnis
 mendacij vindici obstrictæ sunt: quum, in-
 quam, in iureiurando magnus ille & solus
 Deus viuens, quasi in solio suo collocetur, &
 vt solus veritatis hominibus incognitæ iu-
 dex constituatur: quis negare ausit toties ido-
 lolatriæ reos esse homines, & toties ab ipsis
 quantum quidem in ipsis hoc situm est, Di-
 uinæ Maiestatis imminui dignitatem, quo-
 ties iusiurandum per creaturas, vel summas,
 vel medias, vel infimas, aliæue mentis huma-
 næ figmenta, concipitur. Iurare siquidem nō
 solum est Deum testem in genere & simplici-
 ter appellare, sicuti licet, vel creaturas sensus
 expertes Deut. 32. 1. & Esa. 1. 2. Sed eū per quē
 iusiurandum concipitur, tum testem tum e-
 tiam iudicem eius conscientiaē qui iurat reli-
 giosè inuocare, qui quidem honos vni Deo
 debetur.

Vt ad quartum præceptum accedamus, *Falsatio*
 constare arbitror inter Christianos theolo- *Quarsi præ-*
 gos, illud, quatenus erat ceremoniale, abro- *cepti.*
 gatum esse: At non ita vt in locum diei septi-
 mi, dies Dominicus, sic vt illud Iudaicū sab-
 bathū, obseruetur (sic enim corporis aduen-

tu & exhibitione reali non esset vmbris legalibus finis impositus Coloss. 2. 16. sed dies duntaxat mutatus) sed vt quemadmodum creationis mundi sex diebus absolutæ memoria septimi diei Sanctificatione primùm celebrabatur: & tamē postea Deo iubente in memoriam liberationis Ægyptiacæ mēsum ordo & anni inchoatio murata fuit, ita, nouæ quasi creationis secundi mundi, quæ Prophetæ appellant cælum nouum & terram nouam Isa. 61. 17. & 66. 22. & qui verè illius lucis resurgētis Domini exortu initium cepit, recordatio renouetur, & eo die recurrente quem Dominicum appellant celebretur, hac peculiari de causa quod ad vsum eius præcipuum attinet, à cæteris veluti iam inde ab Apostolorū temporibus solennioribus & frequentioribus Christianorum cætibus distincto. Vt autem Christiani eo die à suis quotidianis laboribus abstinerent præter id temporis quod in cætu ponebatur, id neque illis Apostolicis temporibus mandatum, neque prius fuit obseruatū, quàm id ab Imperatoribus Christianis, ne quis à rerum sanctarum meditatione abstraheretur, & quidem non ita præcisè sancitum fuit. Sed quid si totum illud in veterem Indaismum iamdiu degenerauit, ad eò quidem vt si quis die Dominico officinam aperuerit aut semel incudem malleo ferierit, tantum nefas & piaculum istud habeatur, vt inde commoueri vniuersam ciuitatem oporteat, non item si lulum, si

in ganeo potatum aut scortatum fuerit. Hæc enim iam pridem in morem abierunt. Et quasi exercitium Christianorum in eo positum sit, vt sub specie diuini cultus otientur, non sufficebāt 52. dies dominici, sed tot dies festi scilicet addēdi fuerunt, vt ampliùs quàm tertia pars anni in otio & eiusmodi feriis transigatur. Sed demus illa esse correctæ, ac penitus etiam desisse, an nomen Domini vel die Dominico vel aliis diebus festis sanctificare, vel memoria magnorum & sanctorum virorū (mitto quales fuerint magna ex parte qui in eorum Kalendariis inter Sāctos relati sunt) celebrare, idem est atque idololatria & blasphemiiis, qualibus totus ipsorum cultus diuin⁹ cōsutus est, dies illos cōtaminare?

Quod ad præceptum attinet colendi parentes, quorum nomine continetur omnis superior legitima potestas, an negare audent isti quin illa ipsa Pharisaica traditio, qua olim Dominus declarauit hoc præceptū ad id impudenter fuisse violatum, istis fuerit ludus per quem Ducatus, Comitatus atque adeò Regna callidè inuaserūt? Turres istas ingentes extruxerunt? innumeras denique familias locupletissimas sunt deprædati? Si piget super eare antiquitatem cōsulere, saltem gratuitum illud st. dium, quod ad *Gratis* iuuādos omnes offerunt isti qui postremi exorti nomen Iesu cunctis verè Christianis commune sibi tam falsò & impudenter vendicant, aperiat cæciorum oculos, vtpote qui gratuitis il-

Falsario

quini præ-
cepti.

lis suis operis quas venditant, dum nihil petunt, & omnia accipiunt, quadraginta plus minus annis ampliores redditus, & omnis generis opes sibi ampliores quàm bona pars Hospitalium Gallia, quæ vocant, possideat, corraferunt. Quid verò sentiendum est de ipsorū immunitatibus & priuilegiis quibus sese ordinariæ magistratuum cognitioni & potestati exemerunt? quid de potestate & auctoritate ab Episcopis, Abbatibus, Prioribus, Curatis in Regum magistratus, maxime verò ab egregio isto Episcopo vniuersali in Imperatores, Reges & principes vsurpata? tantum abest vt soluat tributum ei cui debetur tributum exēplo Iesu Christi, & eius cuius sese successorem iactat, quum ipsum non pudeat bonam Italia partē atque adeò ipsam urbem caput Imperij Romani, patrimonium eius vocare qui se neque aurū neque argentum habere testatus est. Act. 3. 6.

*Falsatio Sex
ti præcepti.*

Quòd si de sexto præcepto quærat in quo de homicidiis statuitur, quā apertius violari potest quàm asylis ipsorum & priuilegiis quibus sibi arrogant etiam sceleratissimis reis & fontibus gratiam pœnæ, numerata pecunia, facere, illo inexcusabili Clericaturæ quam appellāt abusu? Præterea qui inspiciet editum in lucem libellum nundinationum Cancellariæ Romanæ, inueniet quatuor ducatis Camera parricidiū & matrimonium æstimatum. Causam istius impunitatis si roges, nò pudet eos proferre quod sui veri patres

tres Pilato respōderunt, Nobis non licet interficere quēquam, quum interim coegerint illi Pilatum hunc ipsum Regem de quo nunc ago, cruci affigere, sicuti idem hodie persuadent ij Regibus & Principibus, vt eundem in miseris suis membris crucifigant: & quidem certē fateor nullam ad illos pertinere neque iuris in foro dicūdi, neque in cuiusquam caput animaduertendi potestatem? quodd ista disertē distinguatur à verbi ministerio Luc. 12.14. & 22.25. & Ioan. 8.10. & 2. Timoth. 2.4.

Quod ad septimum præceptum attinet in quo de sancti cōiugij castitate cauetur, nolo hic immorari in commemorandis illis horrendis libidinibus, quas neque Sol intueri neque tenebræ noctis regere, neque terra sustinere amplius possunt, omnes, Deo conditore suo tempore illas exaudituro, pœnas repossunt. Sed excipiet ista sibi quoque displicere. Scilicet. Quis enim nescit? quis nō videt? quis non intelligit? ipso non sensu manifestē apprehendit, omnem hanc nefariatū voluptatum spurcitiam, tantam quanta nusquā gentium extitit, nec extare possit, adeò effusè in Ecclesiam irrupisse per ianuam egregij illius voti cœlibatus, quod interdīctum Apostolus meritō doctrinam dæmoniorum appellat? 1. Timoth. 4. 2. Scio quid ad ista soleant excipere, Sed ô cœlum, ô terra, ô infinita millia stuporum, scortationum, adulteriorum, nefandissimorum concubituum, ô itra diuina & humana funditus euerfa, adeste, & nobiscum

Falsatio Septimi præcepti.

apud Deum & homines tam immanium & horrendorum patratorum flagitiorum, & quorum patrādorū nullus adhuc finis est, vindictam exposcite. Sed fingamus ista clam fieri & ignorari, quæ est ista tam impudēter, nostro tempore vsurpata licentia, auunculos & neptes consanguinitate iunctos legibus coniugalibus soluendi? Hoc enim flagitium nō solum lege diuina prohibetur etiā quum intercedit duntaxat affinitas, sed ab ipsis quoque prophanis gentibus tam expressè damnata est, vt quū tale quidpiam ausus esset Imperator quidam Romanus, vix vnus sit repertus quem exemplū illud imitari non puderet. Et tamen quum istis religiosis patribus placet matrimonia ad septimum vsque gradum collateralium inhihent. Heus! Domine vsque quod?

Falsatio Octauī præcepti.

Quod attinet ad præceptum quo furta prohibentur, mirum fuerit videri posse ab ipsis non fuisse violatum qui vitam solis sacrilegiis, nempe pauperum bonis sustentant: vtpote quæ soli sicut ipsis lubet administrāt, nulli ad reddendam administrationis suę rationem obstricti.

Falsatio Noni præcepti.

Idem dico de penultimo præcepto, in quo de falso testimonio cauetur, quum nulla re grauius & sceleratius violetur, quàm sacram vtriusque testamenti tabularum corruptione.

Falsatio Decimi præcepti.

Denique vltimum præceptum quod asurgit vsq; ad radicem vitij intra nos insiri, & à quo

& à quo vno testatur Apostolus sese quæ vis sit peccati cognouisse. Rom. 7. 7. an potest à pertius violari & expungi, quàm quum docent nec intellectum, nec voluntatem hominis esse planè venundata sub peccato per originis peccatum? sed aliquam in nobis ad verum & bonum dispositionem remansisse, vnde postea merita illa sua ex congruo & præparationis eliciunt? Deinde quum docet opere ipso Baptismi, atque adeò aspersæ aquæ virtute, si non penitus, saltem ex parte peccatum originis ita deleri vt Turcæ vel Iudæi puer baptisatus, moriens antequam attingeret ætatem qua discrimen boni & mali noscitur, seruetur? & quòd ad omnes baptisatos attinet qui ad ætatem adultam perueniunt, id quod in ipsis ex veteri corruptione remanet, non habere rationem peccati, sed duntaxat fomitis sub cinere ad nos exercendos latentis?

Quod autem attinet ad alteram speciem *Species alia*
Legis in qua de externo diuino cultu statui-
tur, planè contraria via, ad eundem tamen fi-
nem tendente processit erroris Spiritus. *horrèda fal-
sationis Le-
gis ceremo-
nialis.*
Abrogata siquidem Lege morali, quam tamen perpetuam esse oportuit, è contrario rationem iniit qua ceremonias quibus à Christo finem impositum esse nouerat, restitueret: idque planè mirabili astu, & quo prudentissimos etiam fefellit. Nam si persuadere apertè voluisset, aut restituendum Iudaismum, aut Paganismum retinendum, statim fuisset re-

610 INCANT. CANTICORVM

clamaturn. Quid igitur? nempe suggestit minime malis nonnullis, nimiam cultus diuinitum in ministerio verbi, tum in administratione Sacramentorum, simplicitatem parere contemptum, & propterea optimum fore si ritus nonnulli, qui quidem non essent ex essentia doctrinae aut Sacramentorum, sed quibus religio magis commendaretur, & homines attentiores, & religiosiores fierent, abhiberentur. Id verò quum quadam erroris efficacia persuasisset, tum illud addidit, si quæ ceremoniæ Legis, non Iudaizandi, sed boni duntaxat vltus causa, obseruarentur: item si sobriè & absque vlla idololatriæ vel superstitionis specie, aliqui ritus vsurparentur, commodam fore eam rationem Iudæos & idololattras ad veram religionem pelliciendi. Hinc manarunt aqua lustralis, pilei quadrati, Ephod lineum, & pleræque vestes Sacerdotales, tonsuræ ad coronæ instar aptatæ, cantiones, altaria, distinctiones dierum & ciborum, cū omni operosissimo apparatu totius illius præclari officij diuini quod appellant. Quasi verò Deus ceremoniis Legalibus, quarum ipsemet auctor erat, finem imposuerit, vt ius tribueret non Apostolis (qui nihil horum neque constituerunt nec vsurparunt, sed potius veram & synceram simplicitatem tum in doctrina tum in Ecclesiæ gubernatione stabilierunt & tantopere commendarunt) sed post aliquot tempora ipsorum successoribus, ad retinenda vel constituenda quæcun-

quæcunque ipsis in mentem venissent. Si hæc inficientur, res ipsis oculis patet, si ab ipsis usurpati ritus cum Mose & historiis prophanis conferantur. Ned desunt illis fateor, adistarum ceremoniarum quasi Apostolicarum defensionem libri conficti, quos proferant : sed tam crassè & tam ridiculè scripti, vt non aliunde quàm ab iis ipsis petenda sint nobis argumenta, quibus falsitas illorum coarguatur. En igitur quemadmodum iusto Dei iudicio Spiritus erroris sancta etiam Dei Lege ad perniciem hominum est abusus, idque specie & prætextu ipsius tuendæ & ad verum vsum applicandæ. Res sanè miranda quomodo hominum mentes eò vsque stuporis sint redactæ, vt ne tangi quidem hoc vlcus sustineant, nedum vt remedium aut quærant, aut oblatum recipiant.

Et est quidè mirum, quòd ex singulis Legis mandatis nullum sit quòd non audaciùs inter Christianos, quàm in Synagoga Iudeorum, detortum & deprauatum fuerit, teste reprehensione quam sigillatim & per partes Legislator ipse persequitur Matth. cap. 5. & 7. Sed lógè grauiùs in eo peccatum est, quòd ipsius Legis vsum & scopum funditus est euer-

Alius horrendus abusus, Legis & Evangelii sublato discrimine, unde fit ut homines in ipsa morte vitam quæ-

nia, Lex nobisvel inuitis quid Deo, quid proximo debeamus ostendit, quod debitū nemo ynquā potest persolvere. Causa huius rei est quòd semel vniuersum genus humanum nō soluendo factum fuit originali corruptione, quæ tamē ipsum neque à debito neque pœna, ipso legali fœdere sancita, nempe morte æterna liberat. Si quis enim existimat Deum non soluta penitus & perfectè pœna, culpæ debitum remittere (quamuis non à nobis, sed à fideiussore nostro illam satisfactionem exigat) is Deum perfectæ suæ iustitiæ orbatū, in hominē transformat. Meræ igitur & quidem inexcusabilis stultitiæ est quærere salutem animæ in mortis obligatione, hoc est in Lege morali, quæ condemnationem nostrā arguit, neque aliter nobiscum agere potest quàm ipsius formula patiatur. Et tamen hoc est fundamentum eius spei quā isti sitam esse volunt, partim in cuiusque vel in alterius cuiuspiam meritis, quæ postea numerata præsentē pecunia, isti miseris conscientiiis dispēfant : nempe vt homines in sese frustra quærant quod in vno Christo inuenitur, qui solus pro nobis abundè satisfecit, peccatis nostris super lignum sublati. 1. Petr. 2. 24. & pro nobis omnem iustitiā impleuit. Matth. 3. 15. Gal. 3. 13. & 4. 4. Et tamen hæc est medulla, hic scopus, hæc summa, quod ad nostram salutem attinet, Theologiæ Ecclesiæ Romanæ, non illius veteris quā Paulus tātō opere commendat

mēdat sed nouæ & Antichristianæ nunc regnantis.

Superest vt agamus de deprauata altera *Exhortatio ad vsum huius doctrina.* parte Verbi diuini præcipua, de fœdere nimirum salutis in vno Iesu Christo patribus quidem promisso, tandem autem exhibito, primùm quidem Iudæis quibus sese præsentem & visibilem præbuit: deinceps verò cæteris quoque nationibus Apostolorum & aliorum ministerio ab ipsis huc & illuc dimissis. Et hoc quidem est fœdus, Euāgelium Tit. 1.2. & 3. idest bonum & salutare nuncium appellatum. Sed hanc tractationem vtpote cuius explicatio multum tēporis requirit proximę concioni seruabimus. Interea verò, Fratres, gratias agētes Deo & patri nostro quòd singulari gratia visum ipsi fuerit oculos nobis ad eiusmodi abusos discernendos & fugiendos aperire: simulque ab eo postulemus, vt nobis detur toto vitę nostrę curriculo testari Spiritum eius non solùm in mentibus nostris illustrandis, sed etiam voluntatibus & affectibus nostris ad eius obsequium inflectendis vim suam exeruisse: ne quò maioribus ab eo beneficiis affecti fuimus, eò seueriore pœna digniores, quod absit, sed potius ipsi magis ac magis in eius filio & vnico seruatore nostro grati & accepti inueniamur. Amen, Deus omnipotens &c.

Q. iij.

IN CANTICVM CAN-
TICORVM HOMILIA
TRICESIMAPRIMA.

Auxilium nostrum sit à Domino, &c.

Quod sequitur extat in Cap. 3. vers. II.

II Filia Sion exite & contempla-
mini Regem istum Solomonem, cum
corona qua ipsum coronauit mater
eius, die Sponsalium ipsius, & die læ-
titia cordis ipsius.

*Quomodo
Rex iste in
hodierna illa
Apostolica
Ecclesia om-
nibus suis ho-
noribus sit
spoliatus.*

Agendum nobis adhuc superest de eo
quod nouissimo die Iouis explicare cœ-
pinus, nempe ut nostris temporibus Rex iste
gloria propria eo quod vel præcipuum est
eius diadematis regij, plane fuerit spolia-
tus, id est eo quod ad eius Mediatoris mu-
nus pertinet, quod ab Apostolo Dei poten-
tia ad salutem appellatur, Rom. 1. 16. Et ab
Esaia brachium Iehouæ. Es. 53. 1. Est autem istud
tanti momenti, ut nulla grauior inter homi-
nes controuersia moueri possit & ad cuius
definitionem accuratiore consideratione sit
opus. Illam igitur dignitatem, vel potius
huius Regis maiestatem Mediatoris inter
Deum & suam Ecclesiam, tribus potissimum
in rebus versari dico: nempe in regio simul
& spiritali dominatu, summoque adeò in
suo regno, in ipsum etiam peccatum & mor-
tem imperio: deinde in eo veri, & ut maxi-
me

mè propriè loquamur, solius prophete, & ar-
 cani Dei de salute hominum enarratoris,
 munere: ac tertio demum in æterni illius Sa-
 cerdotij functione. Nihil autem istorum salu-
 num illi & integrum in hodierna Ecclesia
 Romana relictum esse affirmo: & inde con-
 sequi minimùm omnium veræ & vnica hu-
 ius Regis Sponsæ id est Ecclesiæ Christianæ
 nomē ei competere: quod explicare conabi-
 mur, sed paulò breuius, propterea quòd ea
 res copiosius in primo huius Cantici capite
 fuit à me disceptata.

Ad istam enim disputationem quum de-
 nuò nos ista verba Regis coronati reuocent,
 & quum ea res nunquam nimis frequenter
 & perspicuè declarari possit, in eam rursus
 libentissimè ingrediar. Enimvero quod ad
 illud de quo dixi Regium imperium, nullo
 modo potuit violari, quàm totius domesticæ
 familiæ descriptione noua præter & contra
 expressam eius voluntatē composita & con-
 stituta, quibusdā penitus sublati, & in earum
 locū aliis constitutis ministeriis, & quantum
 ad quasdam ordinarias functiones attinet,
 sic illis in speciem retentis vt quiduis in illis
 functionibus prout ipsis libuit mutando, ad-
 dendo, & detrahendo, omnia pertubarint,
 vsurpato sibi iure dispēfandi, ligādi, soluēdi,
 & quidē absq; vlla ad quēquā prouocatione.
 Quod verò attinet ad summam eius prophe-
 ticam auctoritatē, cuius spiritu veteres om-
 nes propheta loquuti sunt. I. Pet. 1.21. & qui

*Primum de
 regia eius
 dignitate.*

ipse postea coram omnem Dei patris sui voluntatem citra ullam exceptionem annūtiavit, Ioan. 15. 15. quam post receptum suum in cælos donec inde non quidem docendi, sed iudicandi causa reuertatur, non destitit mūdo per fidos suos Apostolos, peculiari Sācti Spiritus virtute illustratos, annūtiare. Ioan. 16. 13. Act. 20. 27. Gal. 1. 8. Eph. 4. 21. 1. Petr. 1. 12. quānam apertius illa sua dignitate spoliari potuit Iesus Christus, quā corruptis iis omnibus quæ ab eo nobis annuntiata sunt, tum addendis tum mutilandis quæcunque libuit, & albi in nigrum cōmutatione, atque adeo versa in tenebras luce? ut scriptū est Esa. 5. 20. Quid amplius? huius etiā volūtatis declaratione inter gētes & populos nota ipsis lingua inhibita? nēpe ne (sicut aiunt ipsi) legēdis sacris bibliis homines hæretici euadant, hoc est ne lux pariat tenebras & veritas mendacium. Quid verò est neque in regnum cælorum ingredi, neque pati ut alij cō ingrediātur? Matth. 23. 13. & lucem sub modio occultare Matth. 5. 11. si hoc non est? Superest tertiū illud caput, nempe eius sacerdotium æternū, quod in duobus potissimum versatur, in nostra videlicet redemptione & intercessionē pro nobis. Hæc autem redēptio duabus partibus continetur, nostrorum videlicet peccatorum expiatione & nostra sanctificatione, quas agendum sigillatim & per partes excutiamus. Primum igitur occurrit quod peccatū originale vocamus, quod dupliciter conside-

rari debet: primùm in totius hominis corruptione, in qua huius peccati essentia quodāmodò posita est, qua de re postea à nobis disceptabitur, quū de sanctificatione agemus: Deinde in eo quod cū illa corruptione coheret, idest reatu cuius respectu nascimur filij iræ ab ipso matris vtero Ps. 51. 7. Rom. 5. 14. & 18. Eph. 2. 3. Ad hæc accedunt fructus ab execranda illa radice pullulantes, qui nos peculiariter morti æternæ obstringunt, quæ radix sic est in regeneratis, de quibus postea agemus, virtute S. Sancti emortua, vt nihilominus repullulascere non desinat, quamquā non eodem quo antea ad extremum effectu, perpetuo sic vigente certamine inter istam carnem, (id est reliquias originalis vitij) & Spiritus Sacti diuinam in nobis & efficacem virtutem Gal. 5. 17. quod certamen graphicè nobis depingitur ab Apostolo, Rom. 7. vbi eius in seipso exemplum statuit.

Si quis igitur ab istis Doctoribus de quibus hic agimus quæsierit, quomodo originalis illius vitij fructus nobis cōdonentur: nobiscum respondebūt morte & passione Domini nostri Iesu Christi istud nobis præstari. Sed si vlteriùs progressus fueris, & huius responsi declarationem postularis: tum sese manifestè prodit antea simulatus iste Spiritus mendacij Is enim vnus & verus author est quarundam distinctionum, quibus præclara ista prior responsio tota euanescit: nempe illius primùm distinctionis in-

falsa distinctio inter peccata venialia & mortalia.

ter peccata mortalia idest quæ mortem eternam merentur, & venialia, id est quæ temporariam tantum, vt aiunt, pœnam merentur, à qua facile absolui possit aliquis, vel contritione quadam seu compunctione cordis, à quæ lustralis asperzione, Episcopali benedictione, & id genus aliis fictitiis & commètiis rebus. Ex qua verè & necessario sequeretur eiusmodi peccata, minimè mortis & passionis Domini remedio eguisse, siquidè hoc malum ea pœna minimè vindicandum fuit ne in eo quidè à quo fuit admissum. Sic igitur boni isti medici, loco purgantis medicamèti, quo vno vitiū illud tollitur & sine quo mortale est omne peccatum, miseras cōscientias obstupefaciunt vt solent Empyrici medicamètis vti *ναρκωτικαῖς* quæ stuporem & torporem egrotis inducant, ita vt omnem illis doloris sensum adimant. Eph. 4. 19. & ita intumescant quoad rumpantur falsa illa meritum suorum & satisfactionū opinione. Contra verò eiusmodi errores docemur in Sacris scripturis omnia quidem peccata non esse equalia in sese. Matt. 10. 11. Ioan. 19. 11. sed quod ad pœnā peccato debitā generaliter cōsideratā attinet, quælibet in Deū offensio, quinetiam & ipsa naturæ nostræ corruptio & vel minimus animi motus, vel tantillum deflektens à lege, quæ spiritualis est, id est, quæ interiora potissimum spectat, etiam si ne consentus quidem cum motum consequatur. Rom. 5. 14. 12. 7. 14. mortis & quidem æternæ

pœnam

pœnā meretur. Rom. 6. 23. Sacerdos autē hic noster vnus ille est, qui maledictionē cui obnoxij eramus luendo totā eluit, idēque vnus ille qui tollit peccata mundi sine vlla exceptione. Ioā. 1. 29. qui est propitiatio pro nostris peccatis. Rom. 3. 23. quæ ipse in sese super lignum tulit. I. Pet. 2. 24. pro iis videlicet quibus resipiscentiæ donum, 2. Timot. 2. 26. & fidei, Ioan. 6. 44. & 45. concessum est: non quod resipiscentia vel ipsa fides salutem vllomodò commereantur, aut satisfactionis alicuius locum apud Deum obtineant, (siquidem vita æterna merè gratuitum est Dei donum. Rom. 6. 23.) sed quoniam Deus constituit & cōcessit veram resipiscentiā & fidem: nempe resipiscētiā quidem rectā viā, qua vna ad veniam obtinēdam compararemur. Psal. 51. 12. & 29. fidem autem vt organū quæ veniam in Christo repertam percipiat, & ad vitam æternam conscientis applicet, Ioan. 3. 16. In summa quodlibet peccatum natura sua mortale est, & contrā peccatum omne (excepto eo quod est in Sanctum Spiritum irremissibile) sola æterni nostri Sacerdotis oblatione semel facta, credentibus omnibus condonatur. Heb. 10. 10. & Rom. 5. 1.

Duplex est illorū posterior distinctio, vna, *Falsa alim*
inter culpā & pœnā satisfactoriam, separatim *doctrina de*
cōsideratas: altera, inter peccata baptismum *culpa & pœ*
præcedentia, & peccata illum consequen- *na, & de pec*
tia vtraque ad hoc excogitata vt Christi sa- *catis ante*
tisfactioni tantum detrahatur quantum me- *baptisma*
cōmissis, &

*de iis quæ
post baptis-
ma commis-
suntur.*

ritis suis volūt attribui quo errore nihil ma-
gis repugnans Iesu Christi Prophetiæ & Sa-
cerdotio fingi potuit, Pl. 32.1. Boni igitur isti
doctores, peccata quidem baptismum præ-
cedentia gratis omnino condonari fatentur,
rum quoad culpam & quoad pœnam, adhi-
bita tamen sacræ aquæ virtute ex opere quod
vocant operato, & præterea infantibus, qui
ante rationis vsum vita funguntur, certo de-
signato loco, quem lymbum vocitāt, in quo
exigua aliqua paradisi voluptate perfruuntur,
Sed quod ad peccata post baptismum cōmissa,
contendunt, culpa remissa, pœnam satisfac-
toriam soluendam superesse. At quo pretio?
ieiuniis, eleemosinis, dominicæ precationis &
salutationis angelicæ demurmuratione, pe-
grinationibus, sudationibus, & aliis istius-
modi auriculari cōfessione impositis pœnis.
His addunt etiam venias, indulgentias & san-
ctorum merita. Ergo saltē hac ratione, con-
sequimur etiam pœnæ in morte absolutio-
nem. Minimè gentium: supersunt enim quæ
sunt in altero mundo flammis purgatorij
luenda: in quibus anima constituta quum
pro se mereri nihil possit, vnicum relinquit
liberationis ab hoc flagrantissimo igne re-
medium, in suffragiis & bonis viuientium o-
peribus, magna præcipuè Missarum vi, & an-
niuersariorum, adiuctis aquæ lustralis asper-
sionibus & aliis id genus infinitis. At quādo
tandem miser ille liberabitur? incertum id
quidem, vtcumque certum dierum & anno-
rum

rum numerum singulis peccatis mortalibus ipsi præscribant. Quid verò futurum est, si quis fortè sit iam liberatus, in cuius tamen gratiã temerè multæ & tam carò emptæ preces fundantur? nempe quæ eius causa institutæ erant preces, aliorum lucro deputabuntur. Quid igitur Iesu Christi satisfactio profuerit? nempe ut hæc omnia valeant, homines autem ad tempus in igne purgatorij ardeant, alioquin igne illo æterno inferorum perpetuò vstulandi. Ipse verò, summus ille indulgentiarum nundinator, quoties ipsi libuit, plura quam Iesus Christus mortuus præstat: ut qui & à culpa & à pœna absolvit, simulque Angelis mādāt ut defunctorū è purgatorio quas ipsi visum fuerit, animas educat. An verò superest adhuc aliquid detestabili & oblationi Iesu Christi magis repugnans? Omnino. Mendax enim ille spiritus iusto Dei iudicio in eos qui tenebras luci & prætulērunt antea, & etiamnum hodie præferunt Ioann. 3. 19. vltērīus etiam progressus est iuxta Iesaiæ prophetiam. Ies. 29. 10. & Apostoli 2. Thessal. 2. 21. & 2. Timoth. 3. 13. Ita enim sanctam illam Iesu Christi oblationem factam oppugnauit, ut illam semel factā non sufficere miseris hominibus persuaserit, ac proinde re ipsa & actualiter illam esse quotidie iterandā. Et quum sacrosancta Domini cœna propriè instituta sit, tum in primis ut magis magisque mysticæ Iesu Christi cōiunctionis & omnium eius bonorum ad salutem

æternam, participes fiamus, 1. Cor. 10. 16. tum etiam vt solemnem eius sacrosancti & vniçi sacrificij semel peracti memoriã cum solenni gratiarum actione celebremus: eam cõtra Spiritus ille blasphemix in quotidianam, actualem, & realem eius ipsius veri corporis Iesu Christi apud Deum Patrem suum oblationem, primi cuiusque inuncti & rasi in eum finem sacrificuli ministerio peragendam conuertit: & eam quidem prima illa ab ipso Iesu Christo perfectissimo & vñico Sacerdote sui ipsius in cruce facta oblatione efficaciorẽ: quum hæc quidem vt ipsi docent pœnam satisfactoriam non tollat, ista verò cuius ministri sunt ipsorum sacrificuli, quorum & doctrinam & mores omnibus sunt perspectissimi, satisfactionem tum pro viuorum tum pro mortuorum peccatis adimpleat. Et hoc illud est quod Missæ nomine nuncupant, vsque adedò profundè insita & impostorum & eorum qui decipiuntur animis, vt nulla vnquam post hominum memoriam, magis execranda blasphemia & sacerdotio & sacrificio Domini apertius repugnans: nulla pertinacius & crudeliùs propugnata extiterit.

Sequitur secundum nostræ redemptionis caput nimirum id quod Sanctificationis nomine appellatur, quoniam per eam naturali pollutione sensim euanescente, mundi esse incipimus & iustitiæ studere. Eadem etiam Regeneratio appellatur, Ioan. 3. 3. quod eius beneficio

neficio noui homines quod ad qualitates
 quidē animæ attinet euadamus, mēte nostra
 ad Dei notitiam & veritatis diuinæ studium
 diuinitus illustrata Eph. 1. 18. & 4. 24. & Col.
 7. 11. Quemadmodū igitur homo nō à seipso,
 sed à sola Dei potentia & bonitate mundus
 initio creatus est, Ps. 100. 3. ita eadem illa &
 sola gratia nos renouari fatendum est, in eo
 nēpe qui nobis factus est sanctificatio. 1. Cor.
 1. 30. Huius igitur rei gratia, primū tota illa
 naturæ humanæ deprauatio quam prior ille
 Adamus sibi & toti soboli sui attraxit, abo-
 lita est in carne huius nostri Sacerdotis &
 posterioris Adami, in vtero virginis per Spi-
 ritum sanctum concepti, vt cum eo fide con-
 iuncti, in eo reperiāmur ea tota naturæ inte-
 gritate præditi, quam lex ab homine postu-
 lat. Rom. 8. 4. idq; ex gratuita illius nobis do-
 nata imputatione. Deinde idē ille Iesus Chri-
 stus nos sancto suo Spiritu ad se trahens, in-
 tra nos creat rectē volendi & rectē agendi fa-
 cultatem. Philip. 2. 13. ad bona opera renoua-
 tos, quæ præparauit, vt in iis ambulemus.
 Eph. 12. 10. Ille igitur vnus est & solas Sacer-
 dos fide apprehensus, in quo & penitus illius
 originalis vitij labes eluitur per ipsius inte-
 gritatem nobis imputatā, & hac ipsa corrup-
 tione in nobis paulatim depereunte virtus
 illa spiritualis in nobis gignitur, reliquias hu-
 ius pollutionis oppugnare nō desinēs, donec
 integrā & perfectā incorruptionem & gloriā
 toti, corpore & animo, extremo illo aduentu

Domini consequamur. Rom. 1.24. Gal. 5.17.1. Cor. 15. 28. quū sua gratia in nobis sua opera coronaturus est, & omnia in suis omnibus futurus. 1. Cor. 15.58. Phil. 3.2. Tim. 4.8. Hæc igitur est summa articuli nostrę sanctificationis, cuius arrhabonem in sancto baptisinate habemus, aqua in nobis sanguinē illū in remissionem peccatorum solum efficaciter repræsentat, virtute S. Spiritus, veterem illum hominem in nobis abolente & eius loco nouum illū creante, vt in dies incrementum accipiamus, Rom. 3. 4. Gal. 3.27. Col. 2.12. 1. Cor. 3.21. At contra hæc omnia nostri aduersarij primū præparationis mērita proponunt quasi gratia præueniēte quiddā nostrę naturæ nō planē peccato mācipatæ, sed duntaxat enervatæ & debilitatæ, & aliquatenus etiā nunc liberæ ita vt concursus quidā sit istius debilis natę naturæ cū gratia. Inde verò ingētem illam præclarorū meritorū copiam eliciunt, quibus referta habent horrea, quibuslibet præsentē pecunia, distribuēda. Peccatum autem originale realiter ipsa exterioris baptismini aqua, verborum pronuntiatorū virtute, cū suo illo carismate & reliquis ceremoniis penitus deleri affirmant, quod ipsum quoque de omnibus peccatis baptisma (in iis qui adulti baptisuntur) antecedētibz affirmant: siue qui baptizatur intelligat aut credat quid agatur & quid dicatur, dummodò nō sint in peccato mortali, quod

vocant,

vocat. En quàm egregij sint animarū medici boni isti Doctores, siue morbum ipsum, siue morbi remedium spectemus. Quantus enim & quàm lethalis sit iste noster originalis morbus satis ostendunt, quum illum tam leuibus, immo tam nullis remediis ab ipsis in morte conceptis & natis miseris hominibus sanari posse putant, ipsi aqua, ipsi verborum sonitui, suis denique omnibus commentis virtutem ascribentes, quæ ne ipsis quidem Angelis attribui possit, quin ista tam putida omnia in locum vnici, maximi, & æterni Sacerdotis subrogentur.

Supereſt illud de Interceſſione seu inter-
 uentione caput, qua ſeſe Chriſtus inter Deū
 patrem noſtrum & eos à quibus in Spiritu &
 & veritate colitur interponit, quod iſti boni
 doctores perinde exponunt ac ſi Ieſus Chri-
 ſtus in genua ſe apud patrem prouolueret,
 excipiendo preces noſtras ad ſimilitudinem
 principum huius ſeculi, qui ſuis quos vocant
 referendariis vtuntur, licet in hoc ipſo à ſe ip-
 ſis diſſentientes. Etenim in ſuis Letaniis non
 orant Chriſtum vt pro ipsis patrem deprecetur,
 ſicut quum reliquos ſanctos interpellat, dicere ſolent, Ora pro nobis, ſed apud illum
 hac formula vtuntur, Miſerere noſtri. Neque id abs re: ſi ſatis noſſent quid agat. Quum
 enim Ieſus Chriſtus dū in terris Sacerdotale ſuum munus obiret, tam ardentibus preci-
 bus nos Deo commendarit, ſimulque to-
 tam Eccleſiam ad conſummationem uſque

*Quomodo u-
 nius Media-
 toris inter-
 ceſſio illic
 quoque ab-
 rogata ſit.*

seculorum: cuius rei luculentissimum exemplū imprimis apud Ioh. 17. habemus: & omnino exauditus fuerit in omne tēpus præstita illa postea ab eo semel facta oblatione, ad plenam abolitionē eorum, quæ inter nos & Deum diuisionem interponebant: nihil opus est ut nouas preces nostra causa fundat: præsertim quum summam à Patre habeat potestatem, ut nos regat, nobisque omnia necessaria suppeditet. Idcirco verò pro nobis intercedere dicitur quia virtus oblationis illius semper coram Deo apparet: tum etiam quòd preces omnes Ecclesiæ in hoc inferiore orbe adhuc versantis, in eius nomen concipiuntur: in quo etiam vno reuera gratæ sunt & sanctificatæ per ipsius inter Patrem & nos interuentum. Ad hæc autem isti, repudiata sana quàm exposuimus doctrina, totius Scripturæ testimonio confirmata, & qua explosa dixi Christum ab iis quasi adhuc in genibus Mariæ puerulum, in relatorem transformari, subitò in contrariam sententiam versi considerata eius maiestate & gloria, docent præsumptioni vertendum, si quis rectè sese ad Dominum illum Dominorum & Regem regum conferat. Itaque primum omnium inquirunt, appellandi sunt nonnulli qui nobis aditum ad eum patefaciant: non secus ac in aulis principum, Ostiarij primum aut Cubicularij conueniendi sunt, vel familiares regis, antè quàm nobis ad eum accessus pateat.

reat. At quales isti sunt ianitores? Tum hîc quisque suum studium sequitur in peculiari sibi aliquo deligendo patrono, præter illos vniuersales in quibus summum locum attribuant beatæ Virgini, etiam materna filio ipsius imperandi authoritate illam ornantes. Hinc proferuntur varia merita & potestas his vel illis morbis curandis ipsis attributa. At quo tandem fundamento omnes istæ intercessionum species nituntur? Nullo certe verbo diuino, nullo Prophetarum, aut Apostolorum, aut alicuius id temporis exemplo: nulla rursus ratione: si quidem id fieri non potest quin quod soli Christi diuinitati proprium est, & quo sublato ipsemet Christus frustrâ à nobis inuocaretur vt antea demonstrauiamus, istis intercessoribus attribuat. Nihilominus tamen hic horrendus abusus paulatim sese in Ecclesiam insinuauit, illius Spiritus erroris efficacia, quo dementes illi quondam Ieremiam oppugnarunt, illi suæ Reginae cœli, vt isti suæ adhærentes. Ierem. 44. 17. Ecquid verò, amabò, tantam veræ Dei inuocationis in Christianû orbem deprauationem inuexit, quàm de nostri mediatoris erga nos beneuolentia dubitatio? At verò ecquid in cœlis est, vel in terris occurret, quod tam luculenta suæ erga nos dilectionis testimonia præbuerit? Nam ne preces quidem ipsas animo rectè concipere nouimus, nisi eodem nobis per Sanctum suum Spiritum præeunte Christo

Rom. 8. 25. nedum vt paratior aliquis esse possit, & ad opitulandum nobis propensior. Nullæ verò preces ab incredulitate aut à sola nostra imaginatione profectæ, siue recens excogitatæ sint, aut praua consuetudine receptæ, Deo gratæ vnquam esse possunt, Iac. 1. 6. & Ioan. 4. 22. Itaque nobis imprimis, sancta illa confidentia opus est, quæ sola Mediatoris veritate, gratuita dilectione, & potentia nititur, Hebr. 10. 19. I. Ioan. 2. 1. ac proinde omnem illam turgidam nostri presumptionē exuere iubemur, Atqui, inquit, inuicem alij aliorum causa precamur, quæ etiam mutuas preces flagitamus, citra auctoritatis & dignitatis Iesu Christi solius mediatoris contumeliam & iniuriã, vel mutuis etiã precibus, vt pote iisdem circumsepti incommodis, ad quorum mutuam participationē charitate astringimur, & quæ possumus & debemus alij aliis ex verbi Dei præscripto & sanctorum Prophetarum & Apostolorum exēplis significare. Fateor. Sed quàm procul absūt ista ab eorū inuocatione, quorū animæ in cœlis residentes sua requie nobis incomprehensibili perfruuntur, corpora verò in puluere, nobiscum extremū illum diē expectant? Quum igitur superstites homines mutuas preces fratrum flagitant, non idcirco illos intercessores constituunt, vel eos Iesu Christo veluti socios adiungunt, aut tanquam subalternos, quosdã Mediatore inter Iesum Christum & nos eos collocant; quod facere isti in
suis

suis letaniis consueuerunt : sed coniunctis quasi animis ad eundem Deum & patrem in illius solius & vnici & intercessionis & redemptionis Mediatoris nomine, preces suas dirigunt. Hæc enim duo capita indiuiduo vinculo sunt inter se deuincta, teste Ioanne, Iesum Christum æquè patronum nostrum, eo quo diximus sensu vocante, ac nostram propitiationem, cum tacita omnium aliorum patronorum & propitiatorum apud Deum exclusionem, I. Ioan. 2. 1. & 2. in quo nimirum vno & nos & omnes preces nostræ, qualiacunque denique sanctorum opera Deo grata sint & accepta. Immo (inquiunt isti) adijcere precibus nostris consueuimus, Per Christum Dominum nostrum. Fateor. Sed quando tandem? postquam suos illi subalternos socios adhibuerunt, tam in horum vel illorum meritis quàm in indulgentiis & cæteris omnibus quæ ipsis libuit, (tantumdem de redemptionis Mediatoris dignitate detrahentes) immò etiam postquam non tantum materno etiam iure extorquere ab illo quiduis studuerunt, beatæ virginis imperium in Christum attribuentes de quo absit vt vnquam cogitarit. vt plenè sint isti non dissimiles iis carnificibus qui in ædibus Pilati, Iesum Christum ornantes Prophetæ & Regis titulo colaphos & graues illi plagas impegerunt. Ioan. 19. 1.

En idolum illud, Fratres, quod falsæ illius Ecclesiæ Christi appellatione dignatur: à qua

Totius huius argumenti conclusio.

sumus per diuinam misericordiam eruti: vt verum & vnicum illum Iesum Christum agnoscamus & colamus: verum Deum & verū hominem, supra res omnes conditas, sublimēs, medias, intīmas, in regno illo cœlesti & æterno supereminentē: à quo nobis tota patris de salute nostra voluntas, fidelium suorum prophetarū & Apostolorum scriptis est perfectissimè patefacta: solum & vnicum Sacerdotem æternum, illiusque sacrificij virtute, solum nostrum & vnicum inter nos & Patrem tum redemptorem tum intercessorem ad salutem æternam, in qua fide faxit Deus vt constanter viuamus & moriamur, vt aliquando vnā cum eo in cœlis beata illa immortalitate pretio sanguinis ipsius nobis acquisita perfruamur.

*Quæ mater
Regem istū
coronauerit.*

Superest vt videamus de qua hīc demum corona mentionem faciat hæc sponsa, & à qua dicatur hic rex noster coronatus. Et cōstat quidem per *Coronam* illam intelligi Maiestatem illam & potentiam, Regia quāuis potestate ampliorem, qua coronatus dicitur Ps. 8. 6. & exponitur Hebr. 2. 9. & Matth. 28. 18. Sed quænam tādē ista mater est quæ hoc diadema dicitur ei imposuisse, quod ille à solo Patre petiit Iohan. 17. 5. tum quòd eius diuina maiestas in forma serui quodammodo fuerit ad tempus exinanita. Philipp. 2. 8. tum quòd summum in vniuersum orbem imperium illi, humanitatis suæ ratione concessum sit Psal. 2. 8. & Psal. 110. 1.

qui

qui exponuntur ab Apostolo. 1. Cor. 15. 24. Eph. 4. 11. & Philip. 2. 9. Huius igitur loci diuersæ sunt interpretationes. Ommito illos nō tam speculantes quàm apertè delirantes, qui non modò hunc locum, sed etiam quicquid ferè in hoc toto Cantico de Ecclesia dicitur, ad virginis Mariæ personam & scribendo & pingendo accommodarunt, reuera quidem beatam illam supra cūctas pias & fideles scæminas, at non in eo demum in quo isti superstitiosi homines eius beatitatem reponūt; quasi videlicet Iesus Christus sui imperij coronam matri suæ acceptā ferret, quū is ipse sit qui ex merè gratuita bonitate illam seligere dignatus sit, ex qua carnem nostram assumeret in vtero virginali ipsius cōceptus, & quatenus eā tanto gloriæ cumulo, quanto ipsimet visum est, ornauit. Alij Matris huius nomine accipiūt ipsam Iesu Christi humanitatem quæ tanquam ipsius sit mater quædam quatenus per eā homo est. Verū si hoc interpretationis genus admittatur, consequetur inaugurationem istam Regis ab humanitate profectam fuisse, quæ contrā in eo & ab eo coronata reperietur, qui personali suā & hypostatica vnione est ipsam dignatus. Itaque mihi quidem videtur hoc in loco Ierusalem huius Matris nomine intelligendam: vtpote quæ eius regni Metropolis, ac proinde veluti communis omnium in ea nascentium, immò etiam Iudæorum mater esset, habita maximè Solomonis ipsius ra-

rione, qui in ea natus est, & Rex in ea constitutus, tum etiā pacis eius respectu cuius typus & ipse fuit. Quanquam enim Christus in Ierusalem secundum carnem natus non fuit, sed in Bethlechem: in ea tamē regni possessionē inuit, Ps. 2. 6. ipsius etiā Pilati aliud agentis testimonio, Ioan. 19. 19. & 22. quemadmodum ab Esaia prædictum fuerat Es. 2. 3. & Mich. 4. 2. eum videlicet ex Ierusalem proditurum: nempe fore ut in ea nasceretur quod ad sui regni cœlestis qualitatem attinet, quæ in instauratione & suæ Ecclesiæ administratione sita est, quemadmodum expresso postea mandato contigit. Act. 14. & 12. Ceterum præterquam quod valde verisimili fundamento nititur hæc expositio, magnæ insuper est ædificationis, si diuersè, sicut factum est opus, hæc corona & coronatio consideretur: Ierusalē enim typus Ecclesiæ in hoc orbe terrarum versantis, modo ad solos electos refertur, modò omnes eos qui in hac societate censeri volunt complectitur: illorū autē nonnulli ad tempus ignoti sunt, cuiusmodi fuit. Paulus ante conuersionem inter Phariseos velut absconditus etiā sibi ipsi: ex altero hominum genere nonnulli quoque sunt ad tēpus ignotæ sordes bono tritico immixtæ, quoad Dominus eos excernat. Hæc igitur vera Sōpsa, quæ ut fert huius matrimonij spiritalis veluti natura, omnes homines, si fieri posset, sibi adiungi cupiens, ut omnes in vnū corpus cum ea sub isto capite & Sponso coalescant,

lescāt, quosuis Hierosolymitanos inuitat, vt
feriō, non autem leuiter & extrinsecus dan-
taxat, verum istum pacis Regem, illa sua Re-
giæ Maiestatis à communi omnium parente
Ierusalem corona exornarum cōtempletur:
quatenus quidem terrenus hic Solomon ty-
pus fuit veri huius regis & Spōsi, non autem
quasi Maiestas illius Solomonis à sua Sponsa
oriatur, est enim à Patre ipseus æterno: sicuti
quadam etiam huius typi & veritatis analo-
gia, terreni Solomonis ad regnū euectio ab
incolis Ierusalē celebrata, ab illis tamen pro-
fecta nō est, sed ab instituto & mandato Da-
uidis, quod illi postea ratum habuerunt. Sed
fortasse S. Sanctus per os Sponsæ loquens, tū
veros Hierosolymitanos ad excipiendū tā-
diu expectatū hunc Regem inuitat: tam spe-
ciatim perfidos Hierosolymitanos cōpellans,
idē illis quod Petrus Act. 2. 23. & 24. & 3. 13. &
14. & S. Stephanus Act. 7. 52. exprobrat, iuxta
illud quod à Zacha. 12. 10. & Mat. 26. 64. præ-
dictū fuit, ac si diceret Spōsa: Hic ille est reue-
ra verus Rex pacis, gratus & acceptus & om-
ni Maiestate à sua Ierusalem coronatus.
Contemplamini eum quicumque vestri com-
modi & salutis studiosi estis Ceteri verò con-
temptores & in vestram ipsorum perniciem
coniurati intuemini eum ad vestrū exitium.
Vos eum à proditore emptū subornatis tes-
tibus dānastis. Vestris clamoribus seditiosis
adactus Pilatus eū flagellauit, corona spinea
per ludibrium præcinxit, in cruce denique su

stulit, Vos illum regem abiurastis: regiae dignitatis titulum ipsius capiti impositum expungere tentastis: sannis illum etiam è cruce pendentem appetistis: eius sepulchrum oblitum oblituxistis ut eius victoriam impediretis. Et ecce illum, vobis quamlibet crepantibus, Regem, omnibus in cruce aduersariis, Satana, peccato, & morte superatis, triumphantem. En illum supra res omnes conditas ad dextram patris euectum, inde suos omnes hostes ad pœnas æternas damnaturum, & suos in perpetuum absoluturum, ibi vos illum vestro exitio conspecturi estis. Nam illæ ipsæ quas à vobis pertulit iniurias viam illi ad illam summam gloriâ straverunt, Luc. 24. 46. Hæc, inquam, spiritu prophetico impulsâ Spôta Hierosolymitanis incredulis meritò potuit obicere. Sed præter hæc omnia, ut hanc etiam Matris appellationem clariùs explanemus: quæ de Solomone per matrè coronato hic dicuntur, possunt etiam ad ea quæ in eius historia narrantur cōmodè referri. Est enim eius in regnum solium prouectio quali à matre profecta, quū à Nathani monitu peropportunè Dauidi promissionis illius memoriam refricauit, quæ se penès Solomonem, non autē penès Adoniam hoc diadema relicturū receperat. Quod si hæc figura ad verum Solomonem adapte-tur, tum planè fuerit eius regia dignitas tota Deo patri ascribenda, quæ quod ad typum attinet, ad matrem quodammodo refertur.

Nec

Nec enim in similitudinibus singulas partes
vsquequaque inter se conuenire necesse est.

Superest illud etiam, de die *Sponsalium* & *Qua sponsa-*
de magna huius Regis *letitia* exponendum. *lium eiusse-*
pota fuerims.

Hac autem in re velim nos eius meminisse
quod semel atque iterum in hoc Câtico in-
culcaui: nempe in spiritali matrimonio,
de quo hic agitur, tot in eo gradus esse confi-
derandos, quot fuerūt huius Messiae, per suæ
volūtatis patefactionem, ad suam Ecclesiam
accessus. Ad legem igitur vsque perlatam, fue-
runt veluti ea quæ parua sponsalia, id est, ius-
storū & obligantiū stipulantiū initia dicuntur,
tempus autē legis promulgationē sequutū
quæ fuit huius Sponsi veluti delineatio Spon-
sæ affulgentis. Heb. 10. 1. & Col. 2. 17. solennia
sponsalia refert, præcipuè in Templi extru-
ctione, & illa tam splēdida Sacerdotij Leui-
tici dispositione: deniq; ipsius Sponsi in mun-
dum aduētū, re ipsa & verbis (vt loquuntur)
de præsentī contractum fuerit hoc matri-
monium, hoc disertè explicante Apostolo
Eph. 5. 25. & 29. noui fœderis cōtractu, sacro-
sanctæ Cœnæ symboli appositione obsigna-
to, vt ex eius institutionis formula, & ex eo
sine constat ad quem spectat, nempe ex cor-
poris & honorum huius Sponsi cōmunionē.
Eph. 5. 30. 1. Cor. 1. 30. & 10. 16. quamuis plenif-
sima huius matrimoniij cōsummatio quæ ad
vitæ æternæ integram fruitionem spectat. 1.
Cor. 15. 28. & 54. ad diem gloriosæ illius appa-
ritionis. 1. Thessal. 4. 16. & 17. & alibi pluribus

locis differatur. Et hic sanè finis est, & hæc expectatio huius Sponsæ, non minore auiditate posteriorem & vltimum illū aduentum, cuius nunc arrhabonem habet expectans, quàm olim sub aliis arris priorem illum expectauit. Ad quod igitur tempus potissimum hæc sponsalia & inam lætitiā referemus? Certè quum hic Salomon filius Dauidis tanquam typus æterni illius Salomonis nobis hic proponatur, & illius initium in terrena Ierusalem regnum hîc nobis representet, verum illū Salomonē possessionē cœlestis Ierusalē incuntē, dubitandū nō puto, quin vt consueuerūt de his mysteriis agētes Prophete, solemniū illorū Sponsaliū tēpus, quo ipso conscriptum est hoc Canticum, hîc propriè cōmemoretur: sed ita vt cum suo typo nempe cum ipsa coniugij per Sponsi in carnē aduentum celebratione, de qua dixi coniungatur, perinde ac si vnum idēq; foret vtrūque hoc tēpus. Ac sanè ea sēper fuit recta loquēdi ratio de figuris & vmbreis legis ceremonialis, qua videlicet populus, ad eorū substātiā & corpus quod in Domino nostro Iesu Christo cernitur reuocatum fuit, Col. 2. 17. & rota epistola ad Hebræos: adeò vt qui neglexerunt hanc rationem & methodum, in eos inciderint errores qui tam grauitè Psal. 50. & tam frequenter ab omnibus Prophetis arguūtur, atque adeò in Pharisaismum tantopere à Domino nostro Iesu Christo & ab Apostolis postea damnatum. Et certè hodie idem

errorum in Sacramentis à Iesu Christo institutis tum in fictis humanis ritibus admittitur. Denique Salomon diuina ista sui in suis Sponsalibus in sua terrena Ierusalem coronati, tractatione, sic coniuncta cum veri Salomonis Sponsalibus Spiritualibus in sua cœlesti Ierusalem ex omnibus orbis terrarum populis aggreganda, ut vnum & idem videri possint typus & veritas, satis declarat sibi probè fuisse perspectum non temerè promissionem de se factam Patri suo Dauidi, sic fuisse conceptam ac si Dominus de vna eademq; persona & de vno eodemq; regno æterno ageret 2.Sam.7.14. & 1.Chron.17.13.

A Sponsa verò diem illum *latitia diem* *Cur dies ille,*
cordis illius Sponsi meritò appellari, constat *latitiæ dies*
 ex effectis plusquàm admirandis. Nisi enim *regis illius*
 Sponsus iste cum incredibili voluptate, ex *appellatur.*
 ipso suorum hostiũ numero hanc Sponsam sibi delegisset, cur suã ipsius vitam pro illa acquirenda profudisset? Ioan. 15. 13. & Rom. 5. 8. cur horrèdum patris iudicium nostra causã subiisset? Gal. 3. 13? cur ad mortem proficiscens tanto studio pro illa precatus fuisset? Ioan. 17. 20? Cur testatus fuisset se nihil magis in votis habere, quàm hanc ipsam sui ipsius oblationẽ, qua nostra peccata super lignum attolleret? Luc. 12. 50. Cur summum illum suum celebrandæ vltimæ cum suis discipulis Cœnæ desiderium tam ardentè esset testatus? Luc. 22. 15. quĩnam in illo agone, & inenarrabilibus animi angoribus

longè omnes corporis cruciatus superantibus, teste illo horrifico eiulatu, quo Sol percussus lucere destitit terra cōcussa fuit, disrup-
pta fuère saxa, pro iis à quibus cruci affixus fuerat precatus fuisset? Luc. 23. 30? & eorū po-
stea milertus Act. 3. 17? qua quidem immensa benignitate etiamnum hodie nos licet indi-
gnissimos prosequitur.

*Exhortatio
ad ample-
ctendum ma-
gnū illum
Regis bene-
ficiū.*

Eia igitur, Fratres, quibus rursū his-
ce temporibus Rex ille apparuit, vt nos diade-
matis sui claritate, altissimis ignorantie &
superstitionis, speciem veræ pietatis præfe-
rentibus, tenebris immeros illustraret, toto
pectore ab eo contendamus, vt charitate illa
infinita sua impulsus supernè illius diade-
matis sui gemmas nobis ostēdat, vt eius Re-
gni potiundi desiderium in nos accendat,
quod nobis ante mundi iacta fundamenta
præparauit Matth. 25. 34: petamus, inquam,
vt hæc in animum nostrum penetrent, vt ex-
tra nos abrepti defixis mentis oculis Regem
illum nostrum ibi contemplemur, vbi se no-
bis conspicuum præbet, quem agnoscamus,
amemus, & quacunque nos via quantumuis
aspera & difficili deducere voluerit, indefes-
so cursu insequamur, donec tandem aliquā-
do ad perfectissimam sanctissimæ illius con-
iunctionis cōsummationem perueniamus, in
qua totus erit in omnibus suis. Amen.

*Finis homiliarum in tertium caput Canti-
ci Canticorum.*

INDEX EORVM QVÆ IN CANTICVM CANTICORVM PLVRIBVS EXPO- nuntur.

A

- A**brahami vocatio & aliorum patrum p.28
an Adamus habuerit ante peccatum notitiam Boni & Mali vt illud amaret istud odisset p.58
quid sit Adorare creaturas p.598
fideles à meditatione ad Actionem progredi oportet p.355
quomodo Paulus expleat reliquias Afflictionū Christi p.198
qui dicantur Amici Sponsi p.13
Amandi modus à Deo solo docetur p.60. p.64
quomodo Amandi & contrà odio abendi quos Deus odit vel amat p.67
Amor proximi ab amore Dei deducitur p.64
Sponsi vexillum Amor aut Benevolentia p.334
Amor Dei & amor rerum terrenarū stare simul non possunt p.110
Amores Sponsi erga Sponsam p.48
Amor Dei in nos Amorem eius in nobis excitat p.337
discrimen inter Sponū in Sponsam & Sponsæ in Sponsum Amorem p.295
quomodo peccetur in rerum creatarum Amore p.82
Amor hominum præposterus & inordinatus p.59
Amoris & odij abusus, eiusdemque rectus vsus p.53 & 54
Amicæ nomen Sponsæ à Sponso attributum p.244
Amica vocatur Spōsa p.314
Anabaptistarū error p.134
Angeli & homines soli Dei Cognitione donati p.56
Angelorum opus in nostra salutē p.348
Aquæ signum in Baptismo quid designet, item panis ac vinum in Cœna p.74 p.277. & 196. & 347
Appetitus vescendi Pomō salutifero vnde p.323
fideles Arboribus conferuntur p.315
Ardorem meridiei de quo fit mentio à Sponsa esse calamitates Ecclesiæ p.168
Christi corporeus Aspectus

S.j.

INDEX.

- quid profuerit & profut
p.575. & dein.
Anarorum & aliorum repre
hentio p.546 & dein.
- B**
- Babilon & Ecclesia conci
liari nunquā possunt p.222
exeundum Babylone &
quomodo p.217. eiusque
rei exempla p.218. & 219
Exire ex Babylone quomo
do intelligendum p.220
Baptismi⁹ quomodo dicatur
peccatorum ablutio p.71
Baptismo superaddita cor
ruptela p.125
Sponsa cur ab arbore in Ba
siliam deducta p.329
Benedictionum abusus facit
ut illæ sint instrumenta
nostræ perditionis p.456
Sponsa Bigis Aegyptus cõ
paratur p.243. & 247. &
250
omne Bonum à Deo mana
re p.9
- C**
- Cantus Sponsi inuitanti
Sponsam p.397
Cantica quibus Christiano
rum templa personant
p.396
solus Deus suum Carpen
tā construit p.533. & dein.
cur Carpentum istud ex ce
dro compositum dicatur
p.540
Opusmentū Carpentī
- le p.544
Columnæ domus Domini
incompactæ. p.301
Prophetæ & Apostoli sunt
huius Carpentī Columnæ
p.541
cur non fiat rotarum huius
Carpentī mentio p.557
quibus picturis insculptum
sit istud Carpentum p.559
quo loco Carpentum istud
constat p.536. & deinceps
Carpentī huius fundus Chri
stus. p.543
Carpentī istius instauratio
p.564
ut Carpentum istud semper
est triumphans. p.562
Castitatis quales patroni
papistici doctores p.607
Catharorum error p.134
Catharorum & aliorum de
liria p.214
cur in Cant. Cant. Dei Spi
ritus Coniugij metapho
ram sit secutus p.7. & 9
Christus verus Deus & Ho
mo p.10
in Christo duo consideran
da persona & officium
p.171
Christus, Homo cœlestis
p.76
Christus Deus & Homo
fons est omnium bono
rum p.72
Christi fragrantia in v
numquodque Sponsæ mē
brū effundi oportet p.78
quo-

INDEX.

quomodo fiamus Caro ex Christi carne	p.10	& Crucis	p.599
Christi corpus quomodo fit at cibus noster	p.11	verus Christianismus quis sit	p.163
Christus fit nobis Sapientia, Iustitia	p.79	Christophori pictura	p.306
Christus quomodo Mediator inter Deum & homines	p.73	cur Sponsa conferatur Columne	p.513
Christus fuit patribus præsens, etsi adhuc in carne venturus	p.442	Cœtus à Deo sunt instituti	p.330
quibus gradibus ad perfectam cū Christo copulationem perueniamus	p.38	quomodo vocentur Apostoli Cooperarij Christi	p.193
Christi corpoream præsentiam qui quærunt quantopere fallantur	p.378	Cognitio Iesu Christi & veræ Ecclesiæ necessaria est ad salutem	p.566
Christus vbi quærendus & quomodo	p.422	Conclauia Regis nostri quæ	p.105
Conuenientia inter Christum & homines	p.171	Confidentia fidelis animæ	p.13 & 41
differre inter se, Regē Christum Contemplari & eū videre	p.572	Coniugiū humanum multis vitiis inquinatum & tamē honoratum	p.4
quibus oculis Contemplandus sit iste Rex	p.573	Coniunctio Dei cum homine quibus modis fiat	p.10
Christus vbi Contemplandus	p.577	quis Cibus in Sponsi conuiuio apponatur	p.271
qualem Christum nos contemplari doceant papistæ	p.578	Cibo & potu refici fideles à Christo	p.331
quæ via sit in Christianismi dissensionibus insistenda	p.460	tres errores admissi in vita Contemplatiua	p.357
Christus panaceus	p.582	Cœlibatus nimia commendatio perdidit Ecclesiam	p.85
Christianorum rudimentū	p.463	laborum Cleri Romani descriptio à	p.552. ad p.557
Chriſmatis adoratio	p.598	Cœtuū Christianorum contemptores	p.504
		Cōuiuij similitudo in sacris quid repræsentet	p.260

INDEX.

- & quale Conuiuium p.275
 nulla res Creata est à nobis
 odio habenda p.68
 Corona Sponsi quæ p.630
 Corruptelæ in Ecclesiam in-
 troductæ p.125 & 126
 Creationis opus testimo-
 nium dilectionis Dei p.49
 Cupiditatibus nostris nos a-
 doritur Satan p.325
 Currendum est fidelibus in
 Ecclesia p.97 & quomodo
 p.100
 Crucis nomine quid signifi-
 cetur p.128
 Crux ornamentum Ecclesiæ
 p.393
 Crux est Sponsæ currus tri-
 umphalis p.248
 Crux non deformat Eccle-
 siam p.138 sed est vna ex
 eius notis p.139.p.228
 Crucifixi simulachrū quid
 proicit p.579
 Cultum Papisticum nō pos-
 se docere populum p.579
 qui sint Custodes lecti So-
 lionis p.524 & quomo-
 modo nos turentur p.525
 distinctio papistarum inter
 Culpam & penam p.619
 D
 ex quo Deserto sponsa dica-
 tur egredi p.514 & dein.
 Deus prior nos in filio vo-
 cat p.28 & 29
 Deus solus amandus p.55.&
 quomodo reliqua aman-
 da p.65
 Deus non tantū Sapiens
 sed ipsa Sapientia p.75
 Diaconi papistici Doctores
 p.201
 Dei Dilectio qua nos diligit
 excitat in nobis eius a-
 morem & proximorum
 p.30
 Dilectio Dei erga Ecclesiā
 inscrutabilis p.49
 mutua Dilectio Sponsæ er-
 ga Sponsū p.53
 cur Dilectiones Domini vo-
 centur plurali numero
 p.53
 testimonia Dilectionis Chri-
 sti erga Ecclesiam p.547
 quæ Doctrina ex Cantico
 Canticorum haurienda
 p.25
 Doctrinam Apostolicam
 totam scriptis esse fide-
 liter mandatam p.532
 Doctrina Apostolorum &
 Prophetarum est Ecclesiæ
 nota perpetua p.469
 Diei Dominici observatio
 p.604
 Dona Dei non sunt vnus
 generis p.260
 Donorum Dei semper pe-
 tendam autionem p.265
 Dona Dei sæpe fieri incau-
 tis hominibus exitij in-
 strumenta p.44
 Doctrina per Apostolos tra-
 dita est viua Imago Filij
 Dei p.51
 Doctores Teologici qui ap-
 pud

pud papistas	p.202	Spiritualis mundus id est Ec-
E		clesia suas habet temp-
Ecclesiæ auctoritas	p.509	states p.383 & deinceps.
Ecclesia Catholica quæ di-		nihil nouandum in Ecclesiæ
cenda sit	p.470 & dein.	œconomia p.533
Ecclesia Dei bimebris		Ecclesiæ hostes intestini p.352
p.156		quid faciendum Christianis
quænam sit vera Ecclesia		quum in Ecclesia sursum
p.567		deorsum feruntur omnia
Ecclesia nunquam fuit sine		p.483
exercitiis	p.425	Ecclesiæ subuersionem esse
quomodo in Ecclesia sese		à malis cultoribus p.145 &
gerere quemque oport-		149 & 150
teat	p.332	Ecclesiastico munere fun-
falsò gloriatur adulterina		gentibus non est statio
Ecclesia quòd Sponsus sit		metu periculorum defe-
eam allocutus	p.374	renda p.219
Ecclesiæ pulchritudo	p.291	Ecclesiæ instauratione quid
& unde p.297		impediat p.239
Ecclesia non semper Splen-		Vnde sumenda sit Ecclesiæ
dorem suum externum		emendatio p.148 & dein.
retinet	p.411	Egrediendum ex nobis, &
Vera Ecclesia semper fuit		Sione exeundū esse quo-
prior falsa	p.400	modo dicatur p.569 & se-
falsæ Ecclesiæ lustra	p.333	quentibus
qui sint præcipui Ecclesiæ		omnium Elementorum in-
perturbatores	p.142	temperies post Adami
Ecclesia non desinit esse Ec-		lapsum p.382
clesia etiam si nãuis ali-		præstantia Epuli Euange-
quibus laboret	p.134	lici supra Leuiticū p.272
non quousvis nãuos vel in		quomodo Sponsus Extra
doctrina vel in moribus		domum reperiatur p.501
Ecclesiam tollere	p.135 &	Elia historia siccitatis Israe-
deinceps		liticæ tempore p.487
an Ecclesia possit in hoc se-		grauis reprehensio eorum
culo carere omni ruga		qui Ecclesiam dum emē-
p.25		dant, sacrilegiis ditantur
Ecclesiæ visitatio non euer-		p.154
sio	p.247	Errores in Ecclesia instau-

- randa p.242
 Esse ubique Dei solius proprium p.594
 Euangelij prædicatio p.96
 Euangelij cōtemptus p.249
 Sponsam solet Sponsus Excitare sopitam p.453
 Sponsus Excitat Sponsam suā solus p.360
 Exempla calamitosissimorum Ecclesiæ temporū p.387. p.419, & seque. paginis
 quid sit Expiatio, p.175, & quomodo pro nobis facta sit à Christo, p.175, vsque ad 178
 quomodo intelligenda Leuitico cultui addita promissa Expiationum, p.195
 Eua fructu interdicto vesci appetit p.325

F

 quomodo Fides gignatur in nobis p.575
 vna fuit semper Fides. p.442
 Fides sola Spontum apprehendimus p.499
 Fides implicata p.580
 qui dicantur matris Filij de quibus Sponsa quæritur. p.144
 Filiarum Sionis duo genera p.568
 cur Sponsus similitudinem à Floribus desumptā delegerit p.309
 quibus Floribus Ecclesia decoretur p.391
 Ecclesia nō solum flores sed etiam Fructus profert. p.399
 Florum odoratorum raritas in omnibus Ecclesiæ ordinibus p.394
 cur Sponsa vocetur Formosa p.376
 Functiones Ecclesiasticæ ad exemplar Romani imperij deformatæ p.126
 quanto astu Satan inuexerit in Ecclesiam nouas Functiones p.100
 Fuscus Sponsæ color quis intelligi debeat p.141

G

 cur Genas & collum Sponsæ commendet Spōsus p.264
 Dei Gloria vltimus debet esse fidelium scopus. p.26
 cauendum vnicuique in sua vocatione ne Gratia gratiam tollat p.46
 Deus primam Gratiā & sequētia dona largitur. p.440
 Gregis nomine Ecclesiam designari p.155
 quo sensu Sponsa Gregem Sponsi sui quærat. p.157
 falsi Gregis notæ. p.160. & 161
 Discrimen Gubernationis Regnorum terrenorum & regni Spiritualis p.586

H

 Hierosolymitanæ virgines quæ dicantur p.352
 Homo à Deo inferioribus regendis præfectus p.50
 Homo eximia Dei creatura p.335

p.335
quàm sit Hominis natura de
prauata p.89
Immēla Dei bonitas in ho-
minem indignum p.336.&
deinceps
Hominū opus in nostra sa-
lute p.346
Hominis Imbecillitas in re-
bus diuinis p.339

I

Idola p.374
Iesuitæ dū gratis omnia fa-
ciunt, opes maximas cor-
radunt p.605
Iesuitæ locustæ sunt recens
ex abyssō prodeūtes p.230
Imagines & eorum cultus
prohibitus p.601
Imago Dei ad quam homo
est conditus p.56
Impatiētia Abrahami & Sarę
culpa non vacat p.44
sola Imputatione meriti Chri-
sti nos seruari p.168
Inimicitia perpetuæ exer-
cendæ cum Satana p.65
quomodo Sponsus introdu-
catur à Sponsa p.502
Intercessio Christi pro no-
bis, qua in re sita p. 178, &
deinceps, & p.198, quomo-
do violata p.205
tres modi quibus Instrumen-
tum aliquod corrūpitur.
p.504
Inuocationis Sanctorū ori-
go duplex. p.597
Intercessionis Christi vsur-

patio p.205. & 625
Iurare quid sit & Iuramen-
tum p.503

L

Legis deprauatio in omni-
bus præceptis copiosè ex-
ponitur p.594. & dein.
Leges conscientiaē ponere
cui liceat p.173. & 184
Legis ceremonialis falsatio
p.609
cur Lecticæ Solomonis fiat
mentio p.528. & 535. & 550
Leonis egregia sententia de
corona gloriæ quam re-
cipiunt sancti p.94
Lectus Sponsæ quis dicatur
p.299, & deinceps
quis sit Lectus Solomonis
p.520. & quàm tutus. p.521
Legem non esse latam vt
per eā iusti fiamus. p.194.
Leges dare conscientiaē so-
lus Dei est. p.436
Sponsa cum Lilio compara-
tur. p.314
Lilij allegoria p.310
quomodo inter Lilia Spon-
sus pascatur. p.441
Lucta Spiritus & carnis etiā
in renatis. p.63

M

ius Magistratuum in regno
Spirituali p.587
Magistratus etiam vulpium
quæ Sponsi vineam infe-
stant venatores esse con-
uenit. p.435
Malum quid sit p.65. & dis-

- cernendum à re mala. p. 65
- quæ sint Ecclesiæ vera Mappalia p. 226
- Mappalia Ecclesiæ non sunt ulli loco affixa. p. 231
- quo sensu Sponsa Matrem habere dicatur p. 499
- Matrimoniorum cōtrahendorum tres gradus quibus Christi ad suam Ecclesiam appellus describitur p. 13.
- Matrimonij spiritualis stipulatio, instrumentum, sigilla & consummatio p. 36
- Matrimonium, Ecclesiæ seminarium p. 8
- Dei Maledictionem pro Ecclesia Sponsus pertulit p. 369
- cur Sponsa se Manibus ambabus sustentari petit p. 351
- Mariæ Virgini illata à Papis iniuria p. 206
- Matrimonij spiritualis gradus tres obseruandi. p. 253
- Mater Sponsi quæ dicatur p. 630, & deinceps
- Marthæ & Mariæ p. 317
- Marthæ & Mariæ sororum exemplum dissimilimū p. 45
- Christus quomodo Mediatoris officio perfunctus p. 172
- Mercēs nulla debetur Operibus nostris p. 286
- Merita Sanctorum, an vlla sint, & an aliquid possint p. 597
- Meritorū persuasio p. 284. & p. 358
- comparatio veterum Monachorum cum huius seculi pseudoreligiosorum p. 516
- Monachismus falsus p. 355
- Monachismum amplecti nō est mundū deserere p. 221
- Monasteria quæ fuerint p. 464
- Sponsæ Monilia & torques quid sint p. 259
- quos Montes petit Sponsa ut Sponsus transiliat p. 446
- qui Mōtes inter Sponsum & Sponsam interieci p. 364, & 367
- quo prætēxtu fulciātur Mortuorū intercessionēs p. 102
- Mortuorū inuocatio est idololatria p. 206
- Ecclesia non est discernenda ex multitudine p. 115. cum eius rei exemplis p. 116
- Multitudo non est Ecclesiæ nota p. 467
- Morum huius seculi grauis obiurgatio p. 43
- Muri & Cancellorum similitudo qua nobis veteris & noui fœderis discriminē representatur. p. 370
- cur Sponsus cōparetur Myrrhæ massæ, aut racemo Copheri p. 288
- Sponsi Myrrha cōciliat hominum odorem fidelium Operibus p. 287
- alle-

INDEX.

N

- allegoriæ Nardi p,274,& odorum, p.275,285,& 278
- Nigror Sponsæ duplex alter ex corruptione doctrinæ p,124,& deinceps,alter ex afflictionibus p,127
- quo sensu Sponsa Nigram se esse dicat p,119,& 120
- quis sit Sponsæ natiuus nitor,nigrori aduentitio oppositus p,141
- color Niger p,119
- cur Sponsa Nubi conferatur p,514
- non quilibet Numerus magnus aut exiguus est Dei Ecclesia O p,117
- Christi Obedientia & Sacrificium p,312,& deinceps
- Oculorum vis, p,293
- cur Sponsæ tribuantur Oculi columbini 293
- quid sit Odisse parentes & vxorē pro Christi amore p,68
- quid sit Odisse patrem matrem p,109
- distinctio operum in præparatoria & subsequētia Satanica est p,93
- Operum merita & gratis imputata iustitia repugnātia sunt p,101
- Sponsa nunquam sine Operibus p,285
- Opera Sanctorum sunt Sanctitatis Christi effecta, & hoc solo grata quod Christi suffitu perfunduntur p,80
- Opus ministerij quibus vobus in scriptura designatur p,433
- Opinionē vulgò receptam nō esse Ecclesiæ notam p,468
- Ordo In Ecclesia seruandus p,481
- Ordo mutatus in gradum à pseudosuccessoribus Petri p,251
- quid Osculandi sese mutuò vetus mos designarit. p,31
- cur Osculum Sponsi expetat Sponsa p,31
- cur Osculum Sponsi expetat Sponsa p,33,& cur Oscula p,37
- Christus quomodo à nobis deOsculandus p,39
- Spōsē Oscula quomodo differant à Spōsi Osculis,p,39
- quomodo sint excipienda Sponsi Oscula p,40
- Christus solam suam Sponsam deOsculatur p,35
- Orbiculata mensa quid notet p,270
- Ornamētum quodlibet non prohibitum p,255
- Ornatus mulierum p,254
- P
- Peccatorum diuissio.p. 616.& deinceps.
- cur Ecclesia cum Palma conferatur p,517
- Christus panis vitæ p,345
- Panis & vinum quomodo

INDEX.

- dicatur corpus Christi p.72
 Panis & vinum in Cœna p. 197. & 277
 Vis Pani à Deo indita p.345
 quo iure se Papa dicat Christi Regis nostri legatum p.590
 Papam qui se Christi Vicariū vocat esse reum læsæ Maiestatis diuinæ p.593
 Peccatum quid sit p.163
 quàm bellè Petri Successorem se esse probet Papa p.581
 quoniam Paradisum paruo vendant p.461
 officium Pastorum & Christianorū Magistratum, aduersus desolationis Ecclesiæ fautores p.241
 Potestas Pastorum & Seniorum in Ecclesia p.586
 Pastores papistici p.200
 falsorum Pastorum notæ p.160. & deinceps
 Pastoris voce Christum in sacris designari p.155
 Christus solus est is quo Pascimur p.159.
 Patrum duo genera p.224
 Pax deosculanda in missis papisticis p.32
 Peccatum aliud originale p.164, aliud actuale 165.
 quomodo Peccatum originis deleant Papistæ p.624
 discrimen inter stimulum Peccati, & excitandi modum quo ponam Spon-
- sus excitat p.453
 remedium aduersus Peccatum Christus p.166
 Pelagianorum & Semipelagianorum error p.89. & 90
 Ecclesiæ persecutoribus nunquam benè celsisse p.510. & 511
 Petri grauis lapsus p.104
 Philosophi frustra in sua Philosophia quietem quærūt p.161
 Piorum officium inter impios p.318
 Pelagianorum error p.163. & 282
 Petra, seu rupes ad quam Ecclesia in aduersis cōfugit quæ sit p.418
 Pōpa Romani Episcopi 230
 Sponsus Pomo comparatur p.320
 Prophetica Christi auctoritas violata p.615
 Preces mutuæ fidelium habent vim intercessionis p.128
 Preces cōtra inimicos factæ Prophetis non sunt temerè imitandæ p.438
 cur Deus sæpe non exaudiat Preces p.68
 quomodo Precandū p.439. & qua fiducia p.440
 quales Presbyteri Diaconi & ceteræ functiones apud Papistas p.20
 Prophetici Christi munus p.174. p.191. & deinceps eius-

I N D E X.

- eiusdem vsurpatio p. 204
 Dei Prouidentia in suorum
 custodia p. 351
 PseudoEcclesiæ fucus p. 393
 Pseudonicodeimitarum re-
 prehensio p. 330
 Pseudoprophetarum duo
 genera p. 490
 quibus causis Spōsa interdū
 priuetur Pulchritudine sua
 exteriore: & eius rei exem-
 pla p. 122
 tria Puellarum genera pō-
 sam comitantur p. 118
 Pulchritudo ad sui amorem
 pellicit p. 55
 Sponsa etiam in cruce Pul-
 chra est p. 128. & 130. & 139
 Pulchritudo Sponsæ duplex,
 exterior & interior p. 125
 Sponsæ pulchritudo à quo
 procedat p. 131
 Purgatorium p. 102. & 284
- Q
- cur Dominus Quæsitus non
 statim occurrat p. 466. &
 493
 quomodo Quærendum
 p. 454
 in quam multis peccetur in
 Sponso Quærendo p. 454
 maxima Sponsæ Quies cau-
 sa est desolationis eius
 p. 447
- R
- Redemptio Christi duabus
 partibus continetur p. 616
 Rebeckæ impatientia p. 45
 Restitudo & Dei dilectio
 sunt res inseparabiles p. 117
 Redemptio singulare testi-
 moniū dilectionis diuinæ
 p. 50
 opera Regeneratorum quæ
 sint præcipua p. 81
 Regenerationis voce cur
 utatur Dominus p. 92
 Regis nostri suprema est po-
 testas, quam nulli rei crea-
 tæ communicat præfer-
 tim in conscientias p. 583
 quomodo violetur à Papi-
 stis. Regis nostri Iesu Chri-
 sti Regia Maiestas p. 589
 fideles quomodo dicantur
 Regale Sacerdotium p. 182
 Regia Maiestas Christi quo-
 modo imminuta p. 202
 Regiæ Maiestatis Christi im-
 minutio p. 200
 vitiolarum Religionum ge-
 neratria p. 102
 Resipiscencia opus est ut ad
 Dominū accedamus p. 40
 Res creatæ Deo seruiunt ad
 sua iudicia p. 353
 quæ Regina cæli dicta sit lu-
 dæis & quam eandem ho-
 die dicant papistæ p. 401
 quo sensu dicatur Sponsus
 ad Sponsam Reuerſi p. 445
 Romanæ Ecclesiæ auctoritas
 unde cœperit p. 449
 Roma dicta est Babylon à
 multis p. 215
 Romanæ meretricis tyrāni-
 ca vsurpatio p. 539
 allegoria Rosæ p. 310

INDEX.

- Regiam Christi Maieſtatem
in tribus potiſſimum verſa-
ri in quibus à Papiſtis viola-
ri ſolet p.614
- Regia Chriſti dignitas quo-
modo violata ſit p.615
- S
- Sabbati obſervatio p.604
- Sacerdotij Chriſti uſurpatio
p.204
- Sacerdotium Chriſti in expia-
tione & interceſſione poſi-
tum p.175. & p.193 uſque ad
199 eius uſurpatio p.204
- bina ſunt duntaxat Sacramen-
ta p.124
- Sacramenta quibus rebus
conſtent p.71
- an Sancti mortui audiant aut
noſcant ex revelatione pre-
ces hominum illos inuo-
cantium p.595
- Sacramentorum vis p.347
- Satan perpetuus Chriſti hoſtis
p.66
- quomodo Paſtores dicantur
ſe & alios ſervare p.197
- Pontificij prohibent Scriptu-
ras in vernaculam linguam
transferri p.6
- Apoſtoli fideliter docuerunt
& Scriptis mādant quod à
Domino uſſi ſunt p.588
- Sāctificatio, ſive Regeneratio
p.622
- ex Scripturis de Veritate iudi-
candum p.480
- quomodo ſit iudicandum de
teſtimonijs que ex Scriptu-
ra pro ferridicuntur p.495
- Scripturæ Sacræ nolunt oc-
cultari p.6
- Scriptura ſacra loquuta eſt
aliquando clariùs aliquādo
obſcuriùs p.6
- unde petenda Scripturarum
interpretatio p.233
- quo ſenſu Chriſtus dicatur
habere ſociales p.170, & 181,
& deinceps p.199
- quis ſit Eccleſiæ Sol, cuius
vel accēſſu reſiciatur vel re-
ceſſu langueat p.386
- Solomonis librorū ſeries p.16
- Solomon auctor Cantici p.15
- Eccleſia ſemper eſt Spinis
cincta p.316
- Soporis exempla p.459
- Spiritus veritatis non eſt
affixus perſonis p.474, uſque
ad 480
- Spiritus probādi in Eccleſia à
quolibet Chriſtiano p.482
- quid ſit Sponſa in hoc Cant.
p.12
- Sponſus quis p.13
- Sponſo qui fruantur p.42
- Sponſæ Somnum ſive quie-
tē homines impedire non
poſſunt p.351
- cur Sponſus de ſe loquens
plurali numero utatur p.
266
- Sponſus alloquitur Sponſam,
& non eſt vnquam Mutus
p.373
- Sponſaliū tempus quod fue-
rit p.635
- Spon-

INDEX.

Sponsus prior Sponsam in-
 terius alloquitur p.27
 Sponsus nullum patitur ri-
 ualem p.376
 unde ira fratrum in istam
 Sponsam p.195
 cur Sponsa prior Sponsum
 compellet p.27
 Sponsus est Apprehendendus
 p.497
 Spōi sollicitudo in excitanda
 Sponsa p.362
 Sponsa coram Deo semper
 formosa p.212
 Successio personalis non est
 per se nota doctrinæ p.481
 Successioni personali vel loca-
 li Ecclesiā alligare maxi-
 mus error est p.234
 Successio Episcopalis Baby-
 lonica p.225
 Suffimentum Leviticum Sa-
 cramentale, Iesum Christū
 designauit p.71
 Sacerdotium Christi redem-
 ptione & intercessione cō-
 tinetur p.616
 Suffimenti Sacramentalis
 conformatio cum Christo
 p.73, & dein.
 Ex lecto Surgendum ut in
 ueniatur Sponsus, p. 463,
 Superstitione nihil arrogant
 ius p.109
 Pseudo Synodorum larua, p,
 239, & deinceps
 Sanctificatio, siue Regenera-
 tio p.622

T

Tardare an possit dici Do-
 minus p.369
 Templi veteris structuræ di-
 structio allegorica, p.17
 quod spectarit Solomonici
 Templi magnificentia p,
 227
 quid nostro seculo Tempo-
 ri seruientibus responden-
 dum sit. p.493
 quid iis faciendum qui in Te-
 nebris versantur, ipsi illu-
 minati, p.218
 Tērationes Satanæ & ad dex-
 tram & ad sinistram, p, 281,
 & deinceps,
 Terra maledicta propter ho-
 minem, p.82
 duplex Testimonium Dei de
 se apud homines p.306. &
 308
 quatenus liceat de seipso Te-
 stificari p.304
 quis & quātus Ecclesiæ The-
 saurus p.437
 quibus Titulis insigniantur
 Dei serui p.433
 Traditiones hominū nullas
 agnoscit Ecclesia. p.186
 Trahendi voce quid signifi-
 cetur p.88. & 93
 quibus quasi funibus Deus
 ad se Spōsam Trahat. p.96
 rāquillitas & rerum abun-
 dantia est rebus aduersis
 tentatio longè. Periculo-
 sior. p.451

INDEX.

V

in voce Veni salutis inueniendæ ratio continetur. p.380
 quis sit Ventus ille oriente Evangelij luce exortus p.444.
 Vetus à nouo diligenter distinguendum p.400
 Verbi diuini prædicatione Deus se cum Ecclesia sua copulat p.33
 Vis omnis Verbi & Sacramentorum pendet à sola Spiritus S. efficacia p.343 & dein.
 Veræ tranquillitatis Ecclesiæ descriptio p.390
 aliud nouā Viā aperire, aliud vetus iter sequi p.223
 cur Vineæ similitudine notetur Ecclesia p.143
 Vigiles non omnes boni vigiles p.489
 Vinum aliud mixtum, aliud venenatum, aliud ex puris doliis hauritum p.341
 quomodo cunctos fideles Virgines esse oporteat p.84. & 85
 Virginis Mariæ inuocatio idolatrica p.536 & 599
 discrimen inter virtutes Morales & fructus quos ferunt regenerati p.399
 Quæstione, esse distinctas, Quibus detur Vita, & Quam ob causam detur

p.194
 Vita dei donum p.456
 an sit aliqua repugnantia inter Dei patris & Christi Voluntatem p.62
 Voluntatem creari & dirigi oportet p.330 & 331
 neque mens neque Voluntas perit per lapsum hominis p.91.
 Suo arboris Vmbra confidendum p.326 & fructu vescendum p.328
 Hominum inconstantia ab Vmbra recedētium p.327
 Vmbra veteris fœderis quatione intelligendæ p.443
 ab Vagentis ducta similitudo quo spectet p.70
 Sponsæ Vnguenta quam speciosa & vnde proficiant r p.518
 vt Vnguentum sparsum suauitate sua delinit, sic Christus suavis fragrantia victima factus est p.77
 Voluntas in Christo duplex p.62
 legitur Vfus rerū creatarū quis p.109
 Vulpiū vastationi obnoxia Sponsi vinea p.425 & eius rei exempla p.426 & dein.
 Vulpiū prehensio Pastoribus commissa p.432
 Vultur Romanus columbā expulit ex planitie p.416

F I N I S.

Errata sic corrigito.

Pagina 1. linea 3. lege Homilia, p. 4. l. 1. l. quidem, ut nauis, l. 5. l. casti in,
 p. 5. l. 29. l. persuadentium, p. 7. lin. 11. ibidem in paragrapho l. 3. l. hanc,
 p. 9. l. 26. l. Act. 17, p. 11. l. 10. l. qua nobis, l. 24. l. Ioan. 14, p. 12. l. 4. l. con-
 feramus, p. 13. l. 2. l. psal. 45: per, p. 14. l. 13. l. desiderio, p. 17. l. 19. l. ady-
 tum, l. 28. l. veniremus, p. 28. l. 24. l. Genes. 17. v. 17. Rom. 4. 19, p. 29. l.
 30. l. suspiraret, p. 30. l. 7. l. 1. 10. 3, p. 33. l. 1. l. dele sunt, p. 34. l. 25. l. Matt.
 21. 37, p. 35. l. 15. l. sit in, l. 31. dele, unicus, p. 37 l. 3. l. oportere: verum. l. 4.
 l. desiderare, lin. 18. l. instrueret, p. 39. l. 24. l. Col. 2. 23. lin. 26. Rom. 4. v. 2.
 lin. 31. l. aestimantur. & quod Sponsa grata sunt, non, p. 40. l. 23, repone
 post 19, p. 4. l. 27. l. Gal. 6. l. 28. l. psal. 16. 5, p. 42 l. 10. l. scyphos, lin. 17. l.
 unica, l. 20. l. 1. Cor. 12. 12, p. 46 l. 28. l. 1. Tim. 4. 13. p. 54 l. 23. l. thesaurus
 tuus, p. 55. l. 2. l. æquum, p. 63. l. 10. l. nulla, p. 64 l. 12. l. 2. Petr. p. 67.
 l. 22. l. Luc. 14. 21. li. 31. l. Act. 7, p. 68. l. 7. l. Luc. 9. 55. lin. 18. l. tum, lin. 21. l.
 nonnulli, p. 7. l. 8. l. Psal. 45. p. 76. l. 24. dele, ut, l. 25. l. recreat, & l. 26. l.
 prodeunt sic, p. 81. l. 26. l. quibus cōmotus Deus, p. 83. l. 7. l. pudeat. p. 84.
 l. 14. l. cuiquam, p. 86. l. 4. l. mortificando, lin. 29. l. ex qua, p. 88. l. 21. l.
 adderes? p. 92. l. 3. l. sed per malitiam, p. 93. l. 32. l. minimè tamen se, p.
 94. l. 1. l. ornatum, p. 101. l. 17. dele, sese, lin. 29. l. congruere, l. 32. l. Christi
 corporis, p. 105. l. 10. l. iam tunc. l. 12. l. Corinth. 13. 12. expectabat, lin. 14.
 l. 2. Cor. 5. 5, p. 106. l. 22. l. Rom. 1, p. 109. l. 16. dele, te ipsum. l. 17. l. religiosi,
 l. 18. l. tui ipsius, l. 28. l. rebus, p. 113 l. 10. l. Spōsa, l. 21. l. Mat. 13. 17, p. 116. l.
 16. l. Act. 1. 15, p. 120 l. 4. l. quasi in, p. 121. l. 31. l. Reliquus, p. 122. l. 2. l. quod
 mundus, lin. 10. l. confirmentur, lin. 2. l. extremum usque p. 123 l. 12. l. ad-
 ueniret. p. 126. l. 17. l. imagine. l. 13. Mahumetes, pag. 128. l. 12. l. ille ab
 p. 129. l. 23 dele, & lin. 29. repone, 19. 10, p. 131. l. 9. l. 2. Cor. 11. l. 2. 13. Ara-
 bum, p. 133. l. 22. pro Mar. 6. l. 1. Ioh. 6. v. 66. p. 144. l. 8 dele, reticere. l. ult. in
 parag. l. spuriorum, p. 161. l. 9. l. delitescens, p. 171. l. 6. Unquam gloriam
 suam, l. 8. cessuram lin. 25 l. quod isti eundem, pag. 188. l. 8. l. quas intro.
 p. 208. l. 29. dele, illam, p. 209. l. 15. l. videatur, p. 219 l. 9. l. loco cedunt,
 p. 224. lin. 1. l. à redeuntibus, lin. 6. l. ad casum, l. 26. l. ad dextram, p. 228.
 l. 23 l. emaciantes, p. 229. l. 5. l. erant Pastores, p. 232. l. 17. l. 1. Corin. p.
 236. l. 2. l. de hac, lin. 8. l. disceptationis, p. 240. lin. 8, l. praesenti, p. 242.
 repone sic ad marginem. Magni nonnullorum in Ecclesia instauranda
 errores, & l. 9. l. insimulamur, p. 243. l. 17. l. consequentur, p. 244. l. 7. l.
 & rectis, p. 251. in parag. Falsarum bigarum. p. 255. l. 11. l. nurus, p. 257.
 l. 19. l. sed id pro, p. 260. l. 20. l. omnium, p. 261 l. 29. l. lapillis ex. p. 263.
 l. ult. l. Misereatur, p. 272. l. 13. l. propositus, p. 274. l. 3. l. sumamus, pag.
 287. l. 18. l. duobus, p. 291 l. 13. l. sed etiam, p. 293. l. 8. l. nosmetipsos, pag.
 301. l. 26. l. euertendis, p. 307. l. 3. l. & hinc euenit. l. 4. ut vlla. p. 308. l.
 4. l. quas, p. 311. l. 3. l. refert, p. 314 l. 19. l. Amica. p. 315. l. 10. l. duas, l. 19.
 l. fido. p. 326. l. 14. circumferimus, p. 327. l. 3. volatiles, p. 332. l. 29. l. a-
 uidos. p. 339. l. 10. l. Ierusalem. p. 345. l. 12 l. ex quibus, l. 13, l. à Deo indi-

zam, p.365.l.17, l.pacis securi.l.24, l.cum vlla. p.367.l.7, l.impedi-
 mentis. p.368.l.12.dele, l.unc.l.13, l.quadringenti. p.370. in parag l.5,
 l.muri.l.18, l.mensura, lin.20, l.eo sine lin.24, l.impletur p.377.l.11,
 l.in hac, p.378.l.15.dele, secretum, p.379.l.24, l.illa sua vi & p.380.l.
 15, l.inuenienda, l.22, l.ut eo non, p.383.l.1 lille, p.384.l.10, l.ex pecu-
 liari, p.388.l.5, l.Dauid, p.396.l.1, l.Fenus cum p.397.l.1, l.prosas
 surdis, p.402.l. penult.dele, i. p.403.l.9, l.perfidorum, l.11 l.per ipsum
 p.406 l.15 l.num hoie. p.414.l.5, l.Hierosolymam. p.425 l.11, l.aspiret
 p.426.l.26, l.inquam, illorum, p.428.l.16, l.copia, p.401.2. l.hodie
 non, p.431 l.5, l.euadere, p.437.l.31, l.quidem ea qua, p.439 l.24, sed
 eum, p.442.l.1, l.tunc venisse. p.445.l.23, l.genuinam, p.446.l.4, l.
 explorare, l.7. profuco, l.sua, p.447.l.16, l.pro decem. demum, p.448.
 l.6 pro, Ab, l. At, p.453.l.22, l.illo pungente peccati. p.454. l.30, l.occlu-
 dantur, p.455 l.5, dele, non. p.456.l.18.dele, illis, p.457.l.30, l. En igi-
 tur quam desiderabilem. & l.31.dele desiderabilem. p.458.l.6, l.concio-
 natorum, p.461.l.28 log Esa.5.l.31, l. eos posse, p.462 l. vlt. terra te-
 stantur, p.463 l.28, l. iam multos. p.465 l.6, l.nouare, li.18 l. mearum, li.
 23. pr. eripiat, p.471.l.2, l. quastiones, p.472.l.9, l. sui, p.473.l.30, l.
 possent ubi, p.474.l.2. aut ab illis, l.6. dicuntur, li.10. inciderat. li.21, l.
 non est, p.475, l.5. vindemiant, li.31. vide illi, p.476.l.4, l. quam quum
 p.479 l.17, l. sequitur, & dele, hic videmus. l.19, reliquos, p.480.l.10,
 l. huic tamen exa. l.20. dele, sint, p.481.l.9. additum aut, p.483.l.17, l.
 sursum deorsum euerfa, lin.19, dele, sibi, p.484.l.19. nundinatione, pag.
 486. l.4, l. arguite. l.21. luto iacent, p.487 l.2, l. sequitur? li.8. bona fi-
 de per se. p.489. lin.14. l. deperditum, p.494.l.3, l. cecis eos, p.502.l.5,
 monasteriorum, p.505 l.12 l. isti. l.14. Domini, p.512.l.6, l. prosperi. l.8,
 l. fauerunt, p.513. in parag l.2. dele, isti li.16. enim quidam filias l.27 si-
 bi incompta, p.515 l.3. verbis, p.520. l.1, l. exornabatur, p.521.l.26, l.
 terrorum. l.30. pro, eos, l. & sint, p.525.l.10, l. insignia & monumenta,
 p.529 l.3. adiungitur, p.533 l.16, l. functionum, p.535 l.26, dele, etiam,
 p.542.l.16. l. fidei, l.25. reditum ex Chal. p.543.l.26, l. camera, l.30, ful-
 ciunt, l.32 imposta, p.546.l.5, l. Carpetum, proprium fundum, l.7, com-
 miniscuntur, p.547. l.26. dele iam, & pro, ut, l. ubi, l.27 peregrinantur,
 p.552. in parag l.2, l. iustine. l.26, quae vobiscum. p.554.l.11, l. a caudato-
 ribus, l.12. subleuata, p.557.l.15. l. volentes, l. vlt. l. Pharaonis bigis, pag.
 560, l.28, siuerit. l.31. dele, conuicto. l.32. & suos, p.561, l.27, causam typus,
 p.564, l.23, alis inuictis, p.565, l.5, l. excusi, p.567. in parag. l. vera, pag.
 371, l.25, l. pereant, p.574. l.20, l. antegressi sunt? p.577, l.6, l. absentiam,
 p.580, l.2, l. verò hoc, p.581, l.7, l. exinguimus, p.583, l.24, l. nimirum,
 p.593, l.2, l. pro apparuit, praparaui, p.606. l.30, l. matricidium, l.32,
 l. non pudet, p.613, l.16, agamus, p.615, l.7, minimè, p.624, l.7, in quo
 aqua nobis l.25, l. Chrismate, p.628, l.17, precibus nos iauamus, p.635,
 l.3, l. iustarum, ibi l. stipulationum, l.21, sui, p.637, l.3, parag, l. cordis illius.



42 p.

Bak. 110
11 g. av. 18.6.02.

$\frac{1}{2}n$

M

A



H